

15675

891.99

F-75



1-1 01 JAN 2009

08 DEC 2011

«Ժամանակակից Մատենաօւր» ՎԱՂԻՆԱԿ Ս. ԲԻՒՐԱՏ

Հա. 14

891.99


F-75

# ՍԱՍՈՒՆԵՆ ԵՏՔԸ



ՍՄԲԱՏ ԲԻՒՐԱՏ

(Տէր Դազարենց)



Ա. Ա. Բ - Տ -

## ԴԻԱԿԱՊՈՒՏՆԵՐԸ

(ՊԱ.ՏՄԱ.ԿԱ.Ն Վ.ԷՊ.)

Տպագրիչ Հայտարարիչ ՎԱՂԻՆԱԿ Ս. ԲԻՒՐԱՏ

Ա. Պոլիս. Սուլիքան Համբաւ Մօլա Թաւըր

1911

15675

05.03.2013

ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ

24292

"ԺԱՄԱՆԱԿԱԿԻՑ ՄԱՏԵՆԱՏԱՐ", և Հայտակութիւններ

## ՍՄԲԱՏ ԲԻՒՐԱՏ

	ԴՐԱՄՆԵՐ
Թուրքերէն (Հայրենի Քերպուածքներ)	3
Աւանդայիր Արձիւր (Թատերգութիւն 5 Արար)	3
Վեղարաւոր Հերոսը (Կենսագրական)	1
Զերունյի Վարդապետ ( " )	1
ԹԱՆԱՏ ԹԱՆԱՏ (Պատմական Վէպ)	30
ԵՐԱՏԾՈՅԻ ՍԱՍՈՒՆ ( " )	30

## ՏԻԳՐԱՆ ԶԷՈԿԻՒՐԵԱՆ

Հայրենի Չայներ	3
----------------	---

## Մ. ՍԷՄԷՐՃԵԱՆ (Զէյրունցին)

Հայցանակիր Քահանան և Լեռնի Քարոզիչը	4
Զերունի պատմութիւնը	15

## Բ. ԱՅՎԱՋԵԱՆ

Ա. Ելին Շախուեցաւ (Պատմական Վէպ)	6
----------------------------------	---

## ՄԻՍԱՔ Ա. Ա. ԳՈԶՈՒՆԵԱՆ (Քասիլ)

Խորապետ (Վէպ Ընկերական Կեանիկ) 4 Հասուր	16
---	----

## ԱՐՄԵՆ ՇԻՏԱՆԵԱՆ

Թիապարտը (Վէպ Ազգային Յեղափոխական Կեանիկ)	10
---	----



1051-2002

Եթ նորդի Խ սաժնառի Հ ըստոց  
Օրբելի Հ անուշտիւնը  
Խոշու Օրբելի  
ԴԻԱԿԱՊՈՒՏՆԵՐԸ Օրբելի  
— 1919 օգոստու 12

Ա.



ասունի Զարդերը վերջացած էին, սաւ  
կայն տակաւին կը մխային հրդենուած  
գիւղերն ու քաղաքները, որոնց բնակիչները մեծ մա-  
սով յօշոտուած ու խսդիսողուած էին Համիտի արբան-  
եակներէն, իսկ մնացեալ փոքրաթիւ վերապրողները—  
խեղանդամ ծերեր ու պառաւներ, որդեկորոյս մայրերու,  
այրիներու և ծոս ազուրկ որբերու թափոր մը—, լեռ-  
ներուն անձաւները կամ ձորերու ծոցը թագչած, վայրի  
խոտերու մնունեգովը կը քաշքչին ատեն մըն ալ իրենց  
քայքայուած գոյութիւնը, բարերար մահուան սպասե-  
լով, որպէս զի յաւիտենապէս միանային իրենց սիրելի-  
ներուն, որոնք այնքան արխաբար ինկան Արքւնի ու  
Փառքի ճամբան :

Զարդերուն շուտով յաջորդած էր Սովը, Հայաս-  
տանի գլխուն վերեւ սաւառնող այս անհրաժեշտ Պա-  
տուհասը, որ պիտի ամբողջացնէր Համիտեան Ապանդնե-  
րուն թողած պակասը, մէկիկ մէկիկ հնձելով ինչ որ-  
դեռ զերծ կը մնար Զէքի փաշաներու ոռւմբերէն ու  
Համիտիյէներու եաթաղաններէն :

Սասունը կը ներկայանար ինքնին անհուն մեռելաստան մը , որուն ամայութեանը մէջ կը թափառէին մառցուած կամ խնայուած ողջերու գալկադէմ ուրուականներ , զուր փրկութիւն հայցելով մեռելներու բերանաբաց հորերէն , ուրկէ արիւնի գոլօրշիները կը բարձրանային ու մժնոլորտը կը թունաւորէին :

Կը հասնէին հեռաստաններէն հոգեվարքի նոպաներու մէջ գալարուովներուն հեծիլանքի վերջին վանկերը , դիակներու հոտէն գինովցած ագուաներու վայրենի տօներգին խառնուած , մինչդեռ աշնանավերջի մժին հովերուն ոռնումէն կը սարսուային անտառները , դիակներ թաւալող արիւնոտ գետակներուն ալիքները լալագին իրենց ափերը կը ծեծէին ու թօշնած դեղին տերեւակոյտը կ'աճապարէր խշխշալով աչքէ ծածկել դեռաշներ արիւնով ուսոգուած գետինը : Ու այս բոլորը կը կազմէր գամբանային համերգ մը , թալման երգը նահատակներուն , որոնք այնովէս թողուած էին անթաղ , անտարբեր երկնքի մը տակ :

Զարդերէն ետքը , չարաթներով , ամիսներով , կը լսուէին ողբուկոծի ձայներ , հեռուներէն , գետանի տակէն , հորերու յատակէն , անտարակոյս , սպաննուածներու հետ միասին ողջ ողջ նետուածներուն յուսահատական աղաղակները , որոնք , աւազ , կը խեղդուէին , կը կարսուէին եղեռներով թաթալուն մժնոլորտին տարածութեանը մէջ . . . :

Սասունեան սպանդներու վաղորդայնէն ի վեր քանի՛ քանի կարմիր ցերեկներ անցան արդեօք ու քանի՛ սև գիշերներ , քանի՛ քանի վառարաններ մարեցան արդեօք ու ջաներ , և սակայն , ո՛չ մէկ նշոյլ , խաւարի մէջ նստաղները լուսաւորող , ո՛չ մէկ ձայն , յուսահատութեանն ճիրաններուն մատնուած ամբողջ ցեղի մը հու

գին սփոփող . . . : Մարդ մը կար միայն, Զարաշուք Մարդը, այսքան քստմնելի ոճիրներուն բացարձակ հեղինակը, Մեծ Մարդասպանը, որ կը խնդար այս ամենուն վրայ, Հրէշ մը, որ կը ծաղրէր Մարդկութիւնը, դարավերջիկ ներոնը, որ ցնծումէն կը խնդենար, քանի՛ կը դիտէր իր կայսրութեան ազնուագոյն ցեղին, հայ ցեղին հոգեվարքը . . . :

Այս ցաւագին մտածումներու հոսանքին մէջ ընկըլ-  
մած, պահ մը մոռցած էի ինքզինքս, կասկածելով  
նոյնիսկ իմ էութեանս վրայ, երբ խուցիս երկաթէ դու-  
ռը ճռնչելով բացուեցաւ կռնակին վրայ :

Մինակ չէի խուցիս մէջ, ինծի բնակակից ունենաւ-  
լով ուրիշներ ալ, որոնք ինծի պէս խցարգելներ էին,  
քաղաքական բանտարկեալներ, մահուան դատապար-  
տուածներ, և ոտնք ստիտյն, անուշ քուն մը կը քա-  
շէին, գռեհիկ հոգերէ զերծ քունը, որ յատուկ է միայն  
դատապարտուածներուն (?) :

Իմ բանտապանս էր, յաւիտենական Ապու Համաս,  
ներս մտաւ, և, առանց կարեւորութիւն տալու յուզման,  
որուն բնական էր որ հնիթարկուած ըլլայի խուցիս գու-  
ռին յանկարծալի բացուելէն, գոհունակութեան յայտնի  
ցոլք մը կանանչ աչքերուն մէջ և սաղայելեան ժպիտ  
մը՝ շրթունքին ծայրը,

— Լսեցի՞ք, եֆէնստի՛, ըսաւ, այս գիշեր պիտի  
վերցնին :

— Ա՞ւր, ս՞կ, ս՞ւր պիտի տանին, հարցուցի առանց  
սակայն իրեն զգացնելու ներքին յուզումս :

— Զե՞մ գիտեր, կմ'մաց աւետարեր (?) բարեկամս,  
այս գիշեր, արշալոյսէն առաջ կարծեմ, նախ Նիկողայոս  
եպիսկոպոսը պիտի վերցընեն ուրիշ բանտարկեալի մը  
հետ, յետոյ, կարգով պիտի քշեն միւս բանտարկեալ-

ները , որոնց դատապարտութեան վճրոները Վճռաբեկէն վաւերացուած են ու դատական թուղթերը հոս զըրկուած :

Ա՛լ չէի մէջո ոյժ զգար կրկնելու նոյն հարցումը , այնքան ծանր ու ճնշող էր բանտապանիս յայտնութիւնը :

Ապօւ Համաօ , դուռին առջեւ ցցուած , նոյն խրոխտ գիրքով ու նոյն զուարթ գէմքով , շարունակեց .

— Գիտէ՞ք , ուրիշ աւելի կարեւոր լուր մըն ալ պիտի հաղորդեմ ձեզի .

Սրտադողով մը կը սպասէի որ աւարտէր :

— Վաղումնէ սկսեալ , շարունակեց միեւնոյն անտարբերութեամբ , արգիլուած է ձեզի համար ո՛ և է հազորդակցութիւն գրսի հետ , և , կը ցաւիմ որ մեզի մասնաւորապէս պատուիրուեցաւ , այսուհետեւ բացարձակապէս արգիլուած է բանտին մէջ ալ հայերէն խօսակցութիւնը . . . .

— Բայց ինչո՞ւ , ընդմիջեցի յանկարծ , ինչո՞ւ պիտի արգիլուի մեր մայրենի լեզուն ,

— Զէ՞ք գիտեր , յարեց համոզուած շեշտով մը , վալի բաշա՞ն պատուիրած է , Սասունի Դէպքին վրայ , Երլարզէն այսպէս հրահանգ զրկուած է . ո՛չ գրսէն եկող այցելուներուն և ո՛չ ալ ներսի բանտարկեալներուն հետ , չպիտի՝ կրնաք խօսակցութիւն ընել ձեր լեզուով , հասկցա՞ք . . . .

Ու դարձեալ ճռնչեցնելով , վրաս կղպեց երկաթէ դուռը , մեկնեցաւ :

Իսկ ես , անբացատրելի վարկածներու մէջ թաղուած , ինկայ խօսէ խշտեակի մը վրայ , որ անկողինս պիտի ըլլար , և ժամնըով կ'որոճայի ալեղարդ Նիկողայոս Սրբազնի ո՛վ գիտէ ո՛ր բերգին մէջ փոխադրուելու

իրականութեան ու Սասունի Դէպքին վրայ : Խուցիս պաղ  
պատերը դիտելով դիտելով և յաճախ թափլտկելով ան-  
կողնիս, մէջ կը սպասէի որ կամաց կամաց քունս տանէր :

Բայց ի՞նչ քուն :

Կարելի՞ էր երբէք քնանալ, երբ կրծող ցաւս կը  
հսկէր մնարիս վրայ, երբ կախաղանի մղձաւանջը կը  
փամթթուէր հոգիիս, օծի գալարումներով, ու երբ, զըն-  
տանիս արիւն հոտող, ցուրտ ու դամբանային պատե-  
րուն մէջ փակուած, դատապարտուած էի հատնումի գի-  
շերներ լուսցնել, քայլ առ քայլ մերձեցումը դիտելով  
եղերական վախճանիս . . . :

Քո՞ւն . . . ուր էր այդ բարերար հրեշտակը, որ գար  
գոնէ վայրկեան մը փակէր փոսացած աչքերս . . . :

Յանկարծ յիշեցի քնաբեր գեղահատը, բանտարկ-  
եալներու սիրական խաշխաշը, որուն գործածութեան  
ե՛ս ալ բնտելացած էի, բանտի մէջ ինծի մտերմացած  
Անտիոքացի յոյն երիտասարդի մը չնորհիւ, որ ինծի ալ  
տուած էր այդ դեղահատէն :

Նստայ անկողնիս մէջ, հատ մը հանեցի այդ սև  
գնտիկներէն ու բերանս նետեցի :

Վայրկենական եղաւ ազդեցութիւնը : Յօրանջում-  
ներս ցանկորդեցին, ջիզերս կծկուեցան, ամբողջ մար-  
մինս թուլցաւ երջանիկ թմրութեան մը հեշտանքին  
մէջ :

Մէկ, երկու, երեք վայրկեաններ, և կոպքս ծան-  
րացաւ :

Քունս տարած էր վերջապէս :

## Բ.

Տաժանքոտ էր ճամբորդութիւնս Անդունդներու վրայ կախուած սեպ ու լերկ ապառաժներու գագաթները մազլցի վերելքներէ վերջ, գահավէժ էր գլորուէի ամպերու դրացի աշաւոր բարձունքներէ դէպի մութ ու կապոյտ խորութիւնները ձորերու, որոնց կողերէն քերելով կը վաղէին արիւնոտ վատակներ։ Քրտինքի մէջ թաթիսուած, թասուն ու պարտասուն, հասած էր զերջապէս ստորոտը հսկայ լեռան մը, որուն մէջքը պատած էր թանձր ստափերու գօտի մը, և որուն ձիւնեղէն գագաթը կը շողչողար մեռելային ճառագայթներուն տակ աշնան վերջի գիշերներու լուսնի մը, որ կոյր ուղեւորի մը պէս խարխափելով կը թափառէր ամպերու կարաւանի մը մէջ։

Խոնջած գլուխս վեր առի, դիտելու համար սրբազն բարձրութիւնները։

Գիշերուան ցուրտ քամին կը փշէր կտտալի, հեաը քաշել տանելով հալածական տերեւները, որոնք փրթած էին իրենց ձիւղերէն։ Մօտէն, շատ մօտէն կը լսէի շշուկներ, նման անոնց, ուսնք յաճախ թ զարնեն ճամբորդին ականջին, երբ կ'անցնի ան՝ նոճեստաններու մէջէ։ Բոլորտիքս ամայութիւն մըն էր առաւոր, անձանօթին սոսկումովը կենդանացած։

Ո՛չ մէկ էակի ներկայութիւնը չպիտի զօրէր վրուցիւնու անսահման սուզը խորհրդաւոր այդ վայրերուն, ուր մահաւան տիրապետութիւնը միայն կը զգայի։ Ինքզինքս կը գտնէի մեռելներու ժողովի մը մէջ, տարփելի մեռելներու, որոնք իրենց կմախք բազուկները կարկառած մութին մէջ, զի՞ս ալ կը հրաւիրէին երթալմիանալու իրենց երամին։ Փոս աչքերնին ինձի յառած,

կշտամբանքի նայուածքներ կը սլաքէին , ու դէպի վեր ,  
դէպի կապար երկինքը բարձրացուցած իրենց բռունցքով՝  
վրէժի , անէծքի շարժուձեւեր կը դէպին պարապին մէջ :  
Ու ես կը դիտէի տեսարանը :

Հսկայ լիուը խրոխտ գլուխը ցնցեց ու թաւընքուին  
ները պռատեց յանկարծ :

Քարանձաւները գոռացին ու մերկ անտառները հե-  
ծեցին դողալով :

Խաւարին մէջ բան մը կը դառնար :

Խոկ ես , սառուաը կեցոծ , անշարժ , լուռ ու մօւնջ ,  
կը սպասէի վախճանին :

Ակնթաշթ մը , անկնթարթ մըն ալ , և ահա՝ փոխ-  
ուեցաւ տեսարանը :

Կոյր խաւարը փարատեցաւ , անհետացաւ ամպե-  
րուն կարաւանը , ընդարձակ հարթավայրը վարագուրող  
մառախուղը ցնդեցաւ ու վճիտ , կապուտակ երկինքէ-  
մը կը ժգտէր անուշ լուսնկան :

Հորիզոնին վրայ նշմարեցի մութ կէտ մը , որ կ'ե-  
րերար . որ կը մօտենար ու կը խոչորնար երթալով :

Քանի՛ կէտը կը մօտենար , այս քան մութը կը հա-  
լէր ու միջոցը կ'անուրանար :

Հողիս կը վկայէր թէ՛ ա՛լ չէի վերաբերեր մեր մո-  
ւրակին . սատղերուն հպումը կը զգայի և կը կարծէի-  
ւել իրենց թաւալման յարուցած ներգաշնակութիւնը :

Մէկիկ մէկիկ կ'ոչնչանային երկրակոր պատկերները ,  
չիւլէներու պէս , երթալ խառնուելու ափեղերքի Մեծ  
Բոլորին , ու այն պահուն կը ներկայանար երեւակայու-  
թեանս մէջ , վիթխարի գունդի մը պէս :

Ու մութ կէտը կը մօտենար , կը խոչորնար , ձեւ ու  
մարմին կը հագնէր , տեսանելի կը դառնար :

Գետինը սկսաւ փախչիլ ուաքերուս տակէն ,  
Վսեմ , ահաւո՞ր վայրկեան :

Ամէն կողմէ, աջէս ու ձախէս, առջեւէս ու ետեւէս, միահաղոյն երեւցան անթիւ գլուխներ, գիսախոփիւ, սկսան ինծի մօտենալ :

Իրենց նայուածքները շանթեր կը ժայթքէին ու բռունցքները՝ վրէժ :

Ամէնքը միասին կը յառէին մէ՛կ կէտի :

Անկապ, կցկուր վանկեր զարկին ականջիս :

Մեռեներու ոսկորներու ջլսկջլսկոցին նմանող անդէնական ձայն մը թռաւ գլխուս վրայէն ու պաղ չունչ մը քսուեցաւ քունքերուս :

Ու դարձեալ տիրեց լռութիւնը :

Լեռը կ'այրէր բռնկած հրաբուխի մը պէս ու շրջակայքը կը բոցավառէր :

Գիսախոփիւ գլուխները, որոնք պահ մը շուրջս շարուած էին, խորհրդաւոր տատանումներով, վայրկենապէս անյայտացան :

Հորիզոնին վրայ երեւցող կէտը, որ ա՛լ ձեւ ու մարմին հագած էր, դիմացս արձանացաւ :

Ինքինքս ամփոփեցի, և, սարսուռը սրտիս մէջ, նայեցայ :

Ծերունի մըն է սպիտակ մազերով, ալեծածան մօրուքով, կորաքամակ, դողդոջ քայլերով ծերունի մը, տարիներու ժանդէն սեւցած քնար մը կուրծքին, բեկրեկ լարերուն վրայ կը թրթռացնէր վաղեմի մելամաղձու եղանակ մը :

Եւ արցունքի կայլակներ կը գլտորուէին տառապանքէ ու տարիներէ ակօսուած խորշոմ երեսներն ի վար :

Ծերունին իր քնարի աղէխարչ թրթռումներուն կ'ընկերանար իր գերեզմանային ձայնով ու կ'երգէր,

Նահատակուող ժողովուրդիս Վիշտը մեծ՝  
Լրուուրիւնը գերեզմանիս վրդութեց.  
Աղջամղջուտ կայիշս ալբեն լսեցի  
Հոգեվարքը Բընաւչսարհիս, վագեցի :

Հազարաւոր զռիներուն սուր աղաղակ  
Հասաւ մինչեւ մեռելներու սեւ բաղամ.  
Եւ արքնան նախահայրերը բոլոր,  
Եւ ինձի պէս կը բափառին լուռ, մոլոր :

Ահա՛, ահա՛ հորիզոնի մօսւեփն  
Մէջ բաւայուն, կը սողոսկին, իը խուսին  
Ըսուերներու մէջեն, կուզան ու կարգով  
Դաւաշին երկայնքը կը շարուին բովե բով :

Այսպէս կ'երգէր ծերունին :

Քնարին արտագին ձայնը կը հոսէր անհունին մէջ  
ու կը խառնուէր լուսնի ցուրտ ու դալկահար ճառա-  
գայթներուն, որո՞նք կը զմայլէին այս ահեղօրէն վսեմ  
տեսարանին վրայ :

— Ա՞վ ես դուն, բարի՛ ծեր, հարցուցի վերջապէս,  
վանելով սրտէս ամէն ահ ու կասկած, ըսէ՛ ինձի, ս՞վ  
ես դուն և ո՞ւրկէ կուգասս.

— Ե՞ս, յարեց քնարերգակ ծերունին, դառն հեգ-  
նանքով մը, մի՛ հարցներ, ս'վ սիրելի, դարերէ ի վեր  
մոռցուած մըն եմ ես, իր ցեղին տառապանքը ի՛ր իսկ  
անձին մէջ մարմնացնող դժբաղդ մը, դատապարտուած  
մը...:

— Սակայն, կրկնեցի հետզհետէ աւելի շահագրգ-  
ռուելով, չպիտի՞ կրնամ լսել անունդ, վեհափա՛ռ ծե-  
րունի.

— Անո՞ւնս . . . , յարեց, ի՞նչ պիտի ընես անունս .

— Կ'աղաշեմ; կը պաղատիմ, բարձրացուցի ձայնս, մի՛ տանջեր զիս, շուտով ըսէ՛, ո՞վ ես դուն, և ո՞ւր կը գտնուիմ:

Ծերունին լռեց, չէր ուզեր պատասխանել :

Խոժու ակնարկով մը զգացուց ինծի որ շերկրորդեմ հարցումս :

Յետոյ, քնարը վար դրաւ, քարի մը վրայ, ու, մօտենալով ինծի, ձեռքէս մեղմով մը բռնեց, ու դիմացի լեռը ցոյց տալով .

— Կը տեսն՞ս, բսաւ, ի՞նչպէս կ'անցնին իրարուետեէ, չե՞ս դիտեր թափորը :

Մորթիո վրայէն սարսուռ մը սահեցաւ, երակներուսմէջ կարծես թէ սառեցաւ արիւնս: Զիւնապսակ լեռան կողերը ծածկուեցան անթիւ անհամար թագակիր գլուխներով :

Կը դիտէի, կը դիտէի ու չէի կրնար ճանչնալ ո՛չ մէկը,

— Գիտե՞ս, շարունակեց ծերունին, որո՞նք են,

— Չե՞մ գիտեր, ըսի մեքենայօրէն.

— Լաւ նայէ՛, լաւ նայէ՛, յարեց ծերունին, չե՞ս ճանչնար .

Թագակիր գլուխները լեռան կատարն ի վեր կը բարձրանային :

Ծերունին միայն չէր հեռանար, հոն էր միշտ, իմ քովս :

— Քեզի՛ եմ, ըսաւ դարձեալ, չե՞ս ճանչնար .

— Ո՛չ, կրկնեցի, ի՞նչպէս կրնամ ճանչնալ, բարի՛ ծեր, ըսէ՛ ինծի, ո՞ւր կը գտնուիմ և որո՞նք են անոնք որ կը բարձրանան լեռան գագաթը, ի՞նչ կը կոչուի այս լեռը . . . :

— Հիմա՛, հիմա՛ պիտի հասկնաս, ըստ ծերունին :  
Եւ քնարը դարձեալ ձեռք տուաւ ու կը պատրաս-  
տուէր երգելու, երբ յեռան կատարէն լսուեցաւ միա-  
ձայն երաժշտութիւն մը :

Թագակիրները կ'երգէին միասին, մինչ վարէն, և եւ-  
սան ստորոտէն իր քնարով կը ձայնակցէր ծերունին :

Ու երբ լոեց երաժշտութիւնը, յիշեցի ծերունին  
խօստումը, և, կրկնեցի .

— Ըսէ՛ ինծի ո՞ւր կը գտնուիմ և որո՞նք են այդ  
թագակիր գլուխները, որոնց ամբարձումը տեսայ հսկայ  
լեռան կատարին վրայ և որոնց երաժշտութիւնը թովեց  
հոգիս, ըսէ՛, կ'աղաչեմ, բարի՛ ծեր, փարատէ՛ տագ-  
նապս :

Ծերունին, տրատոմ ժայիտով մը ,

— Զաւա՛կս, ըստ, այս լեռը՝ Սամայ Անդոք  
լեռն է, և այդ թագակիր գլուխները՝ մեր ցեղին փառ-  
քերը կազմով թագաւորները չե՞ն, անոնք որ ա՛յսքան  
գեղեցիկ, ա՛յսքան արգաւանդ հայրենիք մը ժառան-  
գութիւն ձգեցին ու հիմա, իրենց գերեզմանները թո-  
ղած, եկած են տեսնելու աւերակներուն որչափու-  
թիւնը . . . :

Երկիւղածօրէն ծունկի եկայ և երկրպագեցի ծերու-  
նին, որ կը պարզէր այս ամէնուն գաղտնիքը : Յետոյ,  
քաջալերուած, շարունակեցի .

— Խօսէ՛, մե՛ծ ծերունի, խօսէ՛, ըսէ՛ ինծի, ո՛վ  
ես գուն .

— Զաւա՛կս, եթէ լեռան կատարը բնակողները  
թագաւորներ են, ո՞վ կրնայ ըլլալ ուրեմն ստորոտը թա-  
փառողը . . . :

— Քուն հասարակ մահկանացու մը չես, ո՛վ վե-  
հափառ ծերունի, բացագանչեցի :

— Ես, ըստ ծերունին, ամենաղժբազգ պատմագիրը եղայ Հայ Ցեղին . . . :

Վերջին վանկերուն հետ անհետացաւ ծերունին և իրեն հետ բովանդակ տեսարանը :

— Անդ՞ք, Անդ՞ք, Կ'ըսէի ինքնիրեն, Սասնոյ սուրբ սարը, ուր մզուեցան հերոսային մարտերը . . . :

Խաւարը վերադարձաւ իր բոլոր արհաւիրքով ու լուսինը ծածկուեցաւ ամպերու տակ :

Միս մինակ, շլմօրած, սարսափած, կը յիշէի Անդոքի ստորոտը, քնարերգակ ծերունին ու կատարի թագակիր գլուխները : Ու կ'ըսէի :

— Խորենացին էր, Խորենացին, մեր պատմագիր Քերթողանայիր, որ, Սասնոյ Զարդէն յաւիտենական քունը խանգործուած, եկած էր նոր նահատակիներու ողբը հիւսելու, հրդեհուած գիւղերու մոխրակոյտին վրայ :

Յաւարամած օդին մէջէն անցնիլը նշմարեցի թեւուոր էակներու, որոնք կ'ելլէին կ'իջնէին, կը թափառէին ընդարձակ դաշտավայրին մէջ ու գետնէն արիւնի կաթիւներ հաւաքելով՝ կը զետեղէին զանոնք որուակներու մէջ :

— Աստուած իմ, կը խորհէի, այս ինչ խորհրդաւոր գործողութիւն է . . . :

Զեռք մը դպաւ ուսիս, ետիս դարձայ, նայեցայ սոսկումով :

Ծերունին էր, ծերունին, նոյն քնարը ձեռքին մէջ, այս անգամ ժագառուն ու զուարթ :

— Զաւա՛կս, ըստ, ուրախացի՛ր, անմեղ զոհերուն արիւնի կաթիւները կը հաւաքուին, վաղը ծով մը

պիտի կազմուի այդ կաթիլներէն ու այդ կարմիր ծուվուն մէջ պիտի խեղդուի Բանապետութիւնը . . . :

Այս յայտնութեան վրայ, ուղեցի փաթթուիլ պաշտելի ծերունիի ոտքերուն, իրեն կառչիլ, իր քով մնալ միշտ, յաւիտենապէս, իրեն հետ ապրիլ, իր շունչը ծըծել ու իր քնարին թելերէն կախուած՝ օրօրուիլ, օրօրւիլ, օրօրուիլ . . . :

Սակայն, աւա՛զ, զո՛ւր կ'երկնցնէի թեւերս, զո՛ւր կը փնտուէի իր աստուածագիծ դէմքը :

Լքուած, թափառական, անգութ երկինքին տակ, շրջապատուած՝ մեռելոտիներէ, զո՛ւր կը ջանայի վերապրիլ մէկ երկու բովէ առաջուան կեանքը, վեհափառութուականներու եղբայրակցութեանը մէջ :

Արթնցայ :

Քրտինքի հեղեղի մը մէջ կը լողայի : Պինդ մը գըրկած էի վերմակս, ողջերու գերեզմանին այս ձերմակ պատանքը :

Անգամ մըն ալ յիշեցի հրաշալի տեսիլները, որոնք ամբողջ գիշերը ցանգորդած էին երեւակայութիւնն : Յիշեցի Յաւի Մարդը, իր բիկրեկ քնարով, այն հոյակապ ծերունին, երբ, բանահին մէկ անկիւնը, վերմակին եղերքէն դուրս ինկած փառահեղ մօրուքը տեսայ մեր ալեղարդ Նիկողայոս Սրբազնին, որ, հակառակ Ապուշ Համտոյի բերած Լուրին, տակաւին կը մնար միեւնոյն խուցին մէջ :

Իսկ Սասունի Դէպքը, գերեզմանի սեւ կափարիչ մը, աւելի քան երբէք կը ճնշէր կուրծքիս վրայ, քանի՛ կը խորհէի թէ՝ այդ Դէպքին սուգը դեռ չաւարտած, մեր մայրենի լեզուին գործածութեան ապուսը արդելքը պիտի գար ա՛լ սւելի շեշտել մեր տառապանքը :

## Քա

Հեռագրական գործակալութիւնները գործի վրայ էն : Ելեքտրական արագութեամբ երկրագնափառ յետին , հեռաւոր անկիւնները կը հասցնէին Սասունի Տռամփին քստմնելի մանրամանութիւնները :

Ողջ աշխարհը իմացած էր դարավերջիկ մեծագոյն Ոճիրը , որ գործուեցաւ երլազզի Արիւնի Մարդուն բրամանութը :

Տիեզերական խղճմանքը զայրացաւ : Ժողովուրդ՝ ները , հին ու նոր ցամաքնեւուն գրեթէ բոլոր կետերէն , սկսան բողոքի ու նողկանքի աղաղակներ բարձրացնել (Օսմաններու գահը պղծող Ապտիւլ Համիտի դէմ , որ , անպատիժ , կը շարունակէր ծաղրել Եւրոպան , և միւնոյն ժամանակ գահալիք անկումը կը պատրաստէր գեղեցիկ , ընդարձակ ու հզօր կայսրութեան մը , ուխտած ըլլալով հուրով ու սուրով վերջացնել արեելքի մէջ քաղաքակրթութեան ռահվիրան ու քրիստոնէութեան ջահակիրը հանդիսացած նահատակ Հայ Ցեղը , առանց պատկառելու անոր դաւաւոր հնութենէն ու Օսմաննեան գահին մատուցած այնքան մեծ ծառայութիւններէն :

Սոկայն գոնէ երեսյթները փրկելու համար , բան մը պէտք էր ընել , գէթ ժամանակի մը համար , հանդարտեցնել պէտք էր ժողովուրդներուն զայրոյթը :

Ուստի Մեծ Տէ՛ռութիւնները որո՞ք կը շարժին ամէն անգամ , որ կողոպուտ մը բաժնելու առիթը կը ներկայանայ , պահ մը մառնալով իրենց ընդդիմամարտ չահերը , փորձեցին իրը թէ համաձայնութիւն մը կազմել , Սասունի մէջ գործուած պաշտօնական բարբարոսութիւնները քննելու , ջարդերուն հեղինակները պատժել տալու և այդ կողմերու

մէջ ստեղծուած դժոխային կացութեանը վերջ մը դնելու բարեացակա մութեամբ (.) . . . :

Եւրոպական վեց Մեծ Տէրութեանց Արտաքին Գործերու Նախարարները սկսան ծածկադիր հեռագիրներու փոխանակութիւն մը կաարել իրենց միջև , միահմուռ գործողութեան մը վասին համաձայնութեան եղանակ մը գտնելու և անմիջապէս գործի ձեռնարկելու համար :

Միւս կողմէ, եւրոպական հօծ կեդրոններուն մէջ,  
հակայ մի թիւնկներ կը կազմակերպուէին, դիւանագիւ-  
տութեաւ խաղքութիւնները ձագլու բուռն բանասօ-  
սութիւններով անուն երկիրներու բանւորական խմբակ-  
ցութիւններէն բաղկացած պատգամաւորութիւններ կը  
խուժէին խորհրդարաններուն մուտքերը՝ բարձրավագակ-  
գուռալով :

— Անկցի՛ Բռնակալը, մա՞ Ապտիւլ Համիտի :

Հանրային կարծիքը, մանաւանդ Անդլիոյ ու Թրամսայի մէջ, համիտական բռնտպետութեան անիծապարտ արարքները կը դատապարտէր և անմիջական կարգադրութիւն մը կը պահանջէր Հայկական Խնդիր կոչուած միջազգային աղետաբեր կնճիռը լուծելու համար:

Ապահով Համիտ կը սկսէր կամաց կամաց զգալ բռ-  
պէին փափիղութիւնը.

ԱՌ սկսան Երլտըզ թափիլ մեծ դեսպանները, առանձին կամ հաւաքորաբար, մանաւանդ բրիտանականը, որ երբեմն գիշերային այցելութիւններ ալ կուտար Սուլթանին՝ իր կառավարութեան կողմէն ստացած վերջին հեռագրական հրահանգները հաղորդելու :

Բանակալը կը վախնար, ինչպէս առհասարակ կը վախնան աշխարհիս բոլոր բռնաւորները, մեծ թէ փոքր ։ Կը վախնար որ չըլլաց թէ Սասունը պատրսակ մրգա-

ՍԱՍՈՒՆԵՆ ԵՅՔԸ



նար երոպական տէրութեանց ձեռքին մէջ, զինք դաւ հընկեց ընելու իրենց գաղտնի դիտումը դործադրելու համար :

Պալատին մէջ շշուկ մը կը պտըտէր բերնէ բերան, իրը թէ անգլիական նաւաբաժին մը ճամբայ ելած էր դէպի Միջերկրականի ջուրերը, բունի Տարտանելէն անց-նելու ևն : Այս շշուկը հետզհետէ կը տարածուէր, մինչեւ որ վերջապէս կը հասնէր Հիւնքեարին ալ ականջը :

Շուտով հրամայուեցաւ փնտուել ու դանել այդ շրշուկին հեղինակը :

Սև սարսափ մը տիրեց Երլարդի կամարներուն տակ : Պալատականները, Ա. քարտուղարէն սկսեալ մինչեւ յետին բարագանը կամ պարտիզանը, նոյն իսկ Հարէմը, անխտիր ենթարկուեցան հարցաքննութեան :

Այս' էր Սուլթանին բացարձակ իրատեն:

Օրեր, շաբաթներ անցան, և սակայն կարելի չեղաւ հասկնալ այդ շշուկին բուն հեղինակը :

Ապահով Համիտ, այնքան խիստ ու մանրակրկիտ քննութիւններ կատարել տալէ, և այնքան շաբաթներ սպասելէ ետքը, տեսնելով թէ ո' և է լոյս մը չպիտի ծագէր, մտածեց դիմել իր Սրտաքին գործերու նախարարին, Թուրիստ բաշային : Ուստի կանչեց Երլարդի քարտուղարներէն մէկը, և զրկեց զայն գիշերով Թուրիստ բան բաշային ապարանքը :

Թուրիստ ներս առաջնորդուեցաւ, Հիւնքեարին առանձնասենեակը :

— Թուրիստ, կը Համիտ գորովագին շեշտով մը, ի՞նչ կը լսես Բերայէն . ի՞նչ կ'ըսեն դեսպանները :

— Վեհափառ Տէր, առ այժմ ո' և է բան մը չկայ, որ բնութիւն ունենայ վրդովելու Զեր Վեհափառութեան երջանկաւէտ էութիւնը, միայն թէ ...

— Ի՞նչ, ընդմիջեց Համիտ, ի՞նչ ըսիր, միայն թէ կ'ըսէիր :

— Այո՛, միայն թէ, կրկնեց Թուրիսան բաշան, Ալման-իոյ դերսպանատան մէջ, երբ գրեթէ երկու շաբաթ առաջ հանդիպած էի հոն, Զեր Վեհափառութեան կողմէն մեծ դեսպանը տեսնելու և իրեն կայսերական բարեւներ հազորդելու մասնաւոր պաշտօնով, անգլիական ձեռնարկներուն վրայ կը խօսուէր, և

— Ի՞նչպէս, ընդհատեց Համիտ, ի՞նչ ձեռնարկներ են.

— Այո՛, Վեհափա՛ռ, թոյլ տայիք որ աւարտէի հոն, քանի մը կարեւոր անձնաւորութեանց ներկայութեան կը խօսուէր անգլիական ձեռնարկներու վրայ հոն էր նաև ոռւսական մեծ դեսպանըՊ. Նիլիտօֆ :

— Է՛, յարեց Հիւնքեարը, շուտով պատմէ նայիմ, ի՞նչ կը խօսուէր.

— Կը խօսուէր թէ՝ Կլսատթօնի գրգռիչ ճառերէն յուղուած ժողովուրդը հանդարտեցնելու համար, բրիտանական կառավարութիւնը՝ նաւաբաժին մը պիտի դրկէ մեր ջուրե՛րը...

— Յետո՞յ, յարեց Համիտ.

— Իբր թէ, կը ծամծմէր Թուրիսան, Հիւնքեարին կատաղութեան պոռթկումին առարկայ ըլլալու դողը միշտ սրտին մէջ, իբր թէ, այդ նաւաբաժինը պիտի Տարտանելի ա՞նցքը բռնադատէ եղե՛ր....:

Հիւնքեարին դողը բռնեց :

Շաբաթներ առաջ Երլարդի մէջ պաըտած շշուկը կը ստուգուէր մայրաքաղաքի Է՛ն իրազեկ շրջանակի մը կողմէն, ի՞նչպէս էր գերմանական դեսպանատունը :

— Ուրիշ ի՞նչ կը խօսուէր, հարցուց Համիտ.

— Անկարեւո՞ր խօսքեր, Վեհափա՛ռ Տէր, յարեց

Արտաքին Գործերու նախարարը, կարեւորը՝ նաւաբաւ ժինը չէ . բայց ո՛վ գիտէ, թերեւս ատիկա՛ ալ դիտու մով արձակուած սուտ մըն է, մեզ ահաբեկելու համար,

— Կը կարծե՞ս, Թուրիմ' ան, հարցուց Հոմիտ, անձ կոտ սպասումով մը, կը կարծե՞ս թէ յերիւրուած սուտ մըն է այդ լուրը.

— Ինչո՞ւ չէ, Վեհափա՛ռ, չէ՞ որ բոլոր դիւանագիտական կեղծիքները լոնտոնէն կուգան.

— Հա՛, հա՛, հա՛, քրքջալիք խնդաց Հիւնքեարը, պահ մը մոռնալով նաւաբաժինները, իրա՛ւ է, մե՛նք ալ Անգլիայէն դաս առինք կեղծիքը . . . :

— Վեհափա՛ռ տէր, ըսաւ Թուրիսան, շտագելով օգտուիլ Հիւնքեարի զուարթ տրամադրութեան առիթէն, եթէ նոյնիսկ ստոյգ ըլլայ նաւաբաժիններու խընդիրը, հարկ չը կայ վախնալու, քանի որ, ինչպէս քանի՛ քանի պարագաներու մէջ տեսած ենք, վերջին պահուն, եւրոպական համբաւաւոր համաձայնութիւնը պիտի խանգարուի և բրիտանական ծովակալը, պիտի հարկադրուի մարտանաւերուն քիթը դարձընել դէպի ծիպրալթարի նեղուցը, այնպէս չէ .

— Այդ ալ ճիշդ է, ըսաւ Հիւնքեարը, բայց կը նայ պատահիլ հակառակը :

— Թերեւս, Վեհափա՛ռ տէր, կրնայ ըլլալ որ Անգլիան կանխաւ հաւանութիւնը սատացած կ'ըլլայ միւս մեծ տէրութիւններուն և յետոյ ճամբայ հանած կ'ըլլայ նաւաբաժինը. այն ատեն խնդիրը կը փոխուի, և կը ստամայ ամենալուրջ հանգամանք մը : Ուստի, կարծեմթէ, խոհեմութիւն է հիմակուց շօշափել մեր բարեկամ տէրութեանց գաղափարները, Վեհափա՛ռ տէր, որովհետեւ, յետոյ, երբ նաւաբաժինը հասնի Զանագ-Գալէի առջեւ, շատ ուշ մնացած պիտի ըլլանք . — Սօն փիւժմանը ագչէ երմէ զ . . . :

— Շատ աղուոր կը խօսիս, Թուրիսա՞ն, յարեց Համիտ, բաէ՛ նայիմ ի՞նչ ես խորհէր այդ մասին։

— Գիտէք թէ՝ անհոգ անտարբեր նստած եմ, Վեհափառ, ըստ Թուրիսան, այդ գէշ լուրը լսելէս ի վեր աչքերուս մէջ քուն չէ՛ մտեր, հազարումէկ միջոցներ յղացեր ու ծրագրեր եմ, սակայն, կը սպասէի որ Զեր Վեհափառութեան հաւանութիւնը շնորհուէր, որպէս զի համարձակօրէն կարենայի ձեռնամուխ ըլլալ գործին։ Հիմա որ ամէն բան պարզուած է, ի՞նչ կը հրամայէ Զեր Վեհափառութիւնը. աւելորդ է կրկնել թէ՝ ես իր ամենանուաստ, հաւատարիմ ու անձնուէր ծառան եղած եմ, եմ և պիտի մնամ մինչեւ վերջին շունչս։

— Ապրիս, Թուրիսա՞ն, ապրիս, յարեց Հիւնքեարը խնդամիտ, ես արդէն գիտէի թէ իմ Թուրիսանս մէ՛կ հատիկ և, եղակա՞ն է, բոլոր նախարարներուս մէջ, աչքս աղէկ նայէ՛, սա գործին մէջէն դուրս ալ ելլե՛նք, յետոյ ե՛ս գիտեմ ի՞նչպէս պիտի վարձատրեմ հաւատարմութիւնը, անձնուիրութիւնը, և մանաւանդ, ճարպիկութիւնը։

— Պատրաստ եմ, Վեհափառ տէր, յարեց Թուրիսան, արիւնիս վեջին կաթիլն ալ զոհելու Զեր Վեհափառութեան ամենաթանկագին կեանքին ու սրբազան Անձին պաշտպանութեան համար։ Հրամայեցէ՛ք և ես կատարեմ անմիջապէս, ի՞նչպէս կ'ուզէք. կ'ուզէ՞ք հիմա, այս բոպէին, երթամ գտնեմ Ալմանիոյ Մեծ դեսպանը, կ'ուզէ՞ք որ մէկիկ մէկիկ այցելեմ բոլոր դեսպանատւնները, հասկնամ թէ ի՞նչ կ'անցնի կը դառնայ, ի՞նչ կը հրամայէք……

Հիւնքեարը մօրուքը ձեռքին մէջ, սկսաւ մտմտալ, արդեօք լաւագոյն չէ՛ր, Թուրիսան բաշան Մեծ դեսպաններու զրկելէ առաջ, անգամ մը տեսնել ուրիշ կա-

բերոր անձնաւորութիւններ ալ, ինչպէս էին Քեամիլ ու Սայիտ բաշաները, որսնց երկուքին ալ վրայ դեռ կր պահէր իւր վստահութիւնը, թէեւ երկուքն ալ քիչ մը շատ հակամէտ ըլլային բրիտանական քաղաքականութեան :

Իսկ Թուրիսան պատկառու գիրքի մը մէջ, կ'ըսակասէր Հիւնքեարին իրատեն լսելու : Սակայն իրաաէն կ'ուշանար, որովհետեւ դեռ կը վարանէր Համիտ :

— Ի՞նչ կ'ըսես, Թուրիսան, խօսեցաւ վերջապէս Հիւնքեարը, այս գիշեր գերմանական մեծ դեսպանը միայն գնա՛ տես, ի՞նչ կ'ըսէ. մասնաւոր բարեւներս հաղորդէ՛ իրեն, և Տիկին մեծ դեսպանուհին. ա՛յս գիշեր հասկցի՛ր, վերադարձի՛ր :

Թուրիսան դուրս թռաւ, և Երլարզի դուրսի բակին մէջի կառքը նետուելով ուղղուեցաւ գերմանական դեսպանատունը :

### ¶.

Թուրիսան բաշան գերմանական դեսպանատունը մեկնելէ վերջ, Ապտիւլ Համիտ կանչել տուաւ Ա. Քարտուղարը՝ Թահանին և հարցուց թէ ի՞նչ նորութիւն կար :

— Վեհափառ տէ՛ր, ըսաւ, Թիւթէրի գործակալու թեան Աթէնքի թղթակիցը գայթակղալից հեռագիր մը զրկած է Սասունի ծանօթ դէպքին նկատմամբ :

— Ի՞նչ աեսակ հեռագիր է, յարեց Հիւնքեարը արհամարհու շեշտով մը, բե՛ր կարդա՛ նայինք :

Թահանին հեռացաւ, քիչ յետոյ վերադարձաւ, հեռագիրը ձեռքը, ու Հիւնքեարին ազդանշանին վրայ, սկսաւ, կարդալ բառ առ բառ :

«Սասունի փախստականներուն պատմուածքները»:

«Սասունի գաւառէն քսան գաղթականներ եկան Աթէնք : Հայերէն միայն կը խօսին, այնպէս որ դժուար է իրենց հետ տեւական խօսակցութեան մը բռնուիլ . սակայն, թարգմանի մը չնորհիւ, յաջողեցայ իրենց քերնէն քաղել հետեւեալ մանրամասնութիւնները բարբարոսութեանց վրայ, որոնք հարկադրած են զիրենք փախչիլ իրենց բնիկ երկրէն :

Տալորիկէն եկող գաղթականները տեղեկութիւն տուին ինծի թէ՛ շատ մը կիներ, որոնք իրենց հետ փախած էին, երզրումի մօտերը մեռան, չկրնալով դիմանալ փախուստէն առաջ իրենց ստացած եաթաղանի վէրքերուն : Անոնք կը հաւաստեն թէ՝ մեծ թիւով Հայեր կը փախչէին իրենց բնավայրէն, հոն տիրող սարսափի ոէժիմն պատճառով, բայց թէ՛ այդ փախստականներէն շատեր ձերբակալուեցան թուրք զօրագունդերէն ու բանտ նետուեցան :

Գաղթականները կը յայտարարեն թէ՝ Սասունի նահանգը պաշարուած է թուրք զօրագունդերէ, շուրջ տասնեւութ ամիսներէ ի վեր, առանց մէկու մը թոյլ տրուելու որ մտնէ գուառին մէջ կամ անկէ դուրս ելլէ : Չորս ամիս առաջ, Թուրքերը իմացած էին որ Սասունի սահմաններէն դուրս գանուող Վարդենիս գիւղին բնակիչները պարէններ կը զրկէին պաշարուած գաւառին մէջ գտնուող Տալորիկի : Այս տեղեկութեան վրայ, զօրքերը յարձակեցան Վարդենիս գիւղին վրայ, և անգթօրէն ջարդեցին բնակիչներուն մեծագոյն մասը :

Պաշարման վիճակին ենթարկուելէն ի վեր, առաջին ջարդը չէ՛ որ աեղի կ'ունենայ այդ գաւառակին մէջ : Տարի մը կայ որ կը գործուին այդ կարգի խժգժութիւններ :

Գաղթականներէն մէկը, Խաչիկ անունով, կը հաւաստէ թէ՝ սպաննեցին իր հօրեղբայրն ու հօրաքոյրը, այս վերջինը բռնաբարելէ ետքը։ Կը յայտարարէ թէ՝ Ղեւոնդ անուն հայ քահանայ մը սպաննեցին, որովհետեւ մերժած էր Վարդենիսի իր եկեղեցիին մէջ թրքական ծէսեր կատարելու։ Գիւղը հայաբնակ էր և կը պարունակէր երեք հարիւր քսանը՝ինգ տուներ։ Սասունի ընդարձագոյն գիւղերէն Տալւողիկի ընակիչները լսելով այս բարբարոսութեանց պատմուածքները, զօրագունդերուն վրայ կը յարձակին սահմանագլուխը։ Ասոր վրայ, Թուրքերը տասներկու զօրք կը զրկեն Տալւորիկ, հասկնալու համար թէ ի՞նչ անցած դարձած էր։ Հայերը կը սպաննեն այս զօրքերը։ Այն ատեն թուրք զօրագունդեր կը զրկուին գիւղը թնդանօթներով, և կ'սկսի ընդհանուր ջարդ մը։ Բոլոր տուները հիմնայակ կը քանդուին։

— Էօֆ, արտնջայ Համիտ, ատոնք յայտնի են, ուրիշ բաներ գիտե՞ս, շարունակէ՛, շարունակէ՛, շուտով լմիցո՞ւր։

Ու Թահօփն շարունակեց.

«Ինիձումի աւատապետ Սէլօ պէկ և Համիտիյէ հեծելագունդէն Քուրատ մը, կանոնաւոր զօրքերով կ'երթան Սէմալ գիւղը և հայ քահանան կը քաշկոտեն, եկեղեցին գուրս կը հանեն։ Սրբազն անօթները կը պղծեն, և զանոնք քահանային ձեռքին մէջ տեղաւորելէ ետքը, իշու մը կը կապեն զինք և քանի մը մէդր հեռուէն հրացանի կը բռնեն թէ՛ քահանան և թէ՛ էշը։ Նոյն գիւղին մէջ, զօրքերը հայու տունէ մը ներս կը մտնեն և կը սպաննեն կին մը և իր աղջիկը, տասնըչորս տարու պարմանուհի մը, երկուքն ալ բուաբարելէ ետքը, Սէլօ պէկ իր Ինիձումի կանանոցը զրկած է ութ հայ աղջիկներ։

Քուրտ ու թուրք զօրագումդերը կը մտնեն արշալոյսէն առաջ Կէլիէ կուզանի գիւղը, և կրակ կը ձգեն հոն, երբ բնակիչները դեռ կը քնանային։ Մարդմը, Առաքել անունով, և իր կինը, քունի մէջ բռնըւած ըմբոստացնող եղանակով մը կը խոշտանգուին հըրաշէկ երկաթով ու կը սպաննուին։ Մարկոս անուն քահանայ մը, և իր տան մէջ բնակող քսան հոգիներողջ ողջ կ'այրուին։

Եէսիկի գիւղապետը կը կապեն ու իր երկու աղջիկներուն հետ եռացած ջուրի մէջ կը նետեն մինչեւոր հոն կը մեռնին։

Սպղանքի գիւղին մէջ, կանոնաւոր բանակէն քըսանոհինգ զօրքեր անանուն ոճիրներ կը գործեն։ Գիւղին վարժարանին մէջ աղջիկները կը բռնաբարեն ու յետոյ շէսքը կը քանդեն։

Քուրտ հոչակաւոր աւազակ մը, Իպօ անունով, Ճիպրանի աշխրէթէն, և կանոնաւոր բանակէն գնդապետմը, զօրքերով կ'երթան Բահլու, Հացկերտ ու Գոմքհայ գիւղերը, և հոն կը գործեն ամենաքստմնելի վայրագութիւններ։ Մարդիկը կը հալածեն և Բահլուի մէջ կը համախմբեն գրեթէ երկու հարիւր կիներ ու տղաքներ։ Կիները լլկելէ ետքը, ամէնքն ալ կը սպաննեն, հրացանի բռնելով կամ եաթաղաններով։ Կերուխում ու խնջոյք կ'ընեն յետոյ և իրենց աւարը կը տօնեն։

Խիզանի և Բահլուի քուրտ զօրքեր Ալիանցիկ և Աղքեկի հայ գիւղերը կոխելով, բոլոր բնակիչները խողխողեր ու տունները քար ու քանդ ըրեր են։

Քանդուած գիւղերուն համագումարը՝ երեսուն երկուք է։ »

Ընթերցումը վերջացած էր, երբ Համիտ, գոհունակութեան դայն շունչ մը քաշելով։

— Աֆէրին Զէքիս, բացագանչեց, լիակատար գո՛րծ  
է տեսեր . . . :

Թետոյ, դառնալով Թահսինի, հարցուց

— Նայէ՛, ի՞նչ է թուականը,

— 1894 նոյեմբեր 20 է, Վեհափա՛ռ տէր, պատաս-  
խանեց Ա. Քարտուղարը, իր տիրոջմէն ո՛չ նուազ գի-  
նովցած, այս հայկական մարտիրոսագրութեան ընթեր-  
ցումէն :

Ապտիւլ Համիտ, անհանդարտ շարժուձեւով մը  
տեղէն ելաւ ու սկսաւ կարճ շրջաններ բոլորել առանձ-  
նասինեակին մէջ, մինչդեռ Թահսին, ոտքի վրայ,  
ստրուկի մը յատուկ զիրքը սիշտ պահելով, կը սպասէր  
Հիւնքեարին բերնէն լսել նոր հրաման մը :

— Թահսին, ըստ Համիտ, Թուրիսան փաշան ու-  
շացաւ, գնա՛ նայէ՛ անգամ մը :

Թահսին գուրս ելաւ ու Ապտիւլ Համիտ իր առանձ-  
նասինեակին մէջ շարունակեց ման գալ :

Քիչ յետոյ Թահսին վերադարձաւ և իմաց տուաւ  
Արտաքին Գործերու նախարարին վերադարձը :

Մէկ երկու րոպէէն վրայ, հասաւ Թուրիսան փաշա :

Համիտ ինկաւ դարձեալ կայսերական թիկնաթոռին  
վրայ, աչքերը սեւեռած Թուրիսանի վրայ : Ա. Քար-  
տուղարը, Հիւնքեարին նշանացի աղդարարութեան  
վրայ հեռացաւ :

Երբ Համիտ ու Թուրիսան առանձին մնացին.

— Թուրիսա՛ն, ըստ Համիտ, պատմէ՛ նայինք ի՞նչ  
նորութիւն ունիս :

— Վեհափա՛ռ տէր, յարեց Թուրիսան լուրջ գէմ-  
քով մը, աղէ՛կ որ ժամանակին հասայ գերմանական  
դեսպանատունը, հո՛ն էր նաև բրիտանական մեծ դես-  
պանը, նոյնպէս ռուսականը : Քիչ յետոյ հասան Փրան-

սական , իտալական ու աւստրօ-հունգարական մեծ դեսպաններն ալ :

— Կ'երեւայ թէ գաղտնի խորհուրդ մը գումարած են , ընդհատեց Համիտ ,

— Ի՞նչ գաղտնի , Վեհափառ տէր , շարունակեց Թուրքան , նոյնիսկ ստիպեցին զիս որ ներկայ գանուիմ իրենց խորհրդակցութեան , բայց որովհետեւ Զեր Վեհափառութեան կողմէն արտօնուած չէի , չը համարձակեցայ մնալ հոն :

— Չը հասկցա՞ր իրենց հաւաքոյթին շարժառիթը , հարցուց Համիտ :

— Անշուշտ , յարեց Թուրքան , արդէն գերմանական դեսպանը հաղորդեց ինձի թէ՝ այդ գումարումը տեղի կունենար Սասունի Դէսլքին համար , թէ՝ իւրաքանչիւր մեծ դեսպան , իր կառավարութենէն հրահանգ ստացած էր մամնակցիլ այդ խորհրդակցութեան , յետոյ հաւաքական դիմում մը կատարելու համար Բ . Դրան , են , են :

Ապտիւլ Համիտ սկսաւ մտմտալ :

Թուրքան շարունակեց .

— Վեհափառ տէր , կը խնդրեմ որ պահէք Զեր կայսերական մեծութիւնը , մտքի հանդարառութիւնը , երբէք չը յուզուիք , ուրիշ կարեւոր , խիստ կարեւոր յայտնութիւն մըն ալ պիտի ընեմ :

Համիտ ցնցուեցաւ :

— Գերմանական մեծ դեսպանը , յարեց Թուրքան , աւելի լուրջ դէմք մը փոխ առնելով . յայտարարեց ինձի թէ՝ այսուհետեւ իրեն համար շատ դժուար պիտի ըլլայ . միւս մեծ դեսպաններուն քով պաշտպանել Զեր կայսերական նուիրական շահերը .

— Ի՞նչո՞ւ , ի՞նչ է պատճառը , ի՞նչ է գարձեր , ընդ-

միջեց Հիւնքեարը, հետզիետէ աւելի յուղուելով.

— Թողութիւն, Վեհափա՛ռ տէր, պիտի պատմեմ հիմա.

— Շա՛տ լաւ, շա՛տ լաւ, շարունակէ՛, հրամայեց Հիւնքեարը:

— Որովհետեւ, շարունակեց Թուրիսան, Սասունի Դէպքը պատրուակելով, միւս մեծ տէրութիւնները վրձուականապէս որոշած են միջամտել, և, Զեր Վեհափառութեան կողմէն մերժումի հանդիպելու պարագային, ճնշողական միջոցներ ի գործ դնել, ՀՈՅԿԱԿԱՆ ՎԵՑՆԱՀԱՆԳԻՆԵՐՈւն մէջ բարենորոգումներ մտցնելու համար, ևն.:

— Բայց, ընդհատեց Համիտ զայրագին չեշտով մը, Սասուն զրկուած երեք մեծ տէրութեանց քննիչները չըվերագարծան, տակաւին իրենց տեղեկագիրը չհրատարակուեցաւ:

— Սպասեցէ՛ք որ աւարտեմ, Վեհափա՛ռ տէր, յաւեց Թուրիսան,

Եւ կուրծքի գրագանէն թերթ մը հանելով, երկընցուց զայն Սուլթանին.

— Ահա՛ւասիկ, ըսաւ, Վեհափա՛ռ տէր, ասօր մէջ գրուած է ամէն բան:

Սպատիւլ Համիտ, թերթը ձեռքին մէջ.

— Ի՞նչ թերթ է եղեր, ըսաւ, ի՞նչ է գրեր:

— Անգլիոյ Ազատականներուն կարեւոր օոկաններէն Տէյլի Նիուզը, Տէյլի Նիուզը... ըսաւ Թուրիսան, Սասունի դէպքը նկարագրեր է ամենասեւ գոյներով և ամբողջ Եւրոպայի հանրային սրտմտութիւնը գրգռեր է Զեր Վեհափառութեան կայսերական բարձր կառավարութեան դէմ:

— Կարդա՛, կարդա՛, թարգմանէ նայինք, հրամայեց Հիւնքեարը:

Եւ Թուրիսան բաշան սկսաւ թերթին վրայէն թարգմանաբար կարդալ Տէլի Նիուզի հետեւեալ ցնցող յօդուածը, որ 9 հոկտեմբեր 1894 թուրականը կը կրէր, և գրուած էր նւյն թերթի Բաղէշ ղրկուած մասնաւոր թղթակցէն, որ քննիչ հիւպատոսներուն քովէն երբէք չէր զատուած և ներկայ եղած էր կատարուած բոլոր քննութիւններուն :

Համիտ ուշի ուշով մտիկ կ'ընէր, առանց բառ մը փախցնելու .

«Սասունի ապստամբութիւնը զսպելու պատրուակով Մուշ ղրկուած Դ. զօրաբանակի զօրքերը, Հիրատիյէ հեծելագունդերուն հետ միացած, մեծապէս կը նպաստեն համաճարակի ծաւալման, որ այս վերջին օքերը մեծ համեմատութիւններ սկսած է առնել : Սակայն խոհեմութիւնը կը պահանջէ որ այս կէտին վրայէն լըռութեամբ անցնիմ և որչափ որ կարելի է, համառօտ զրեմ : Այս նահանգի կուսակալը նոր ներոնի մը կը նմանի : Անցած տարիէն արդէն, Մուշի հարաւային լեռներուն մէջ մեծ դէպքեր տեղի ունեցած են : Հաւ յեղափոխականները, թէեւ շատ փոքրաթիւ հոն համախըմբուած զօրքերուն հետ բաղդատուելով, անհաւասար կոիւներուն մէջ, կրցած են մղել հիանալի ճակատամարտ մը, որ պատմութեան մէջ պիտի մնայ իրեւինքնապաշտպանութեան աննախընթաց օրինակ մը : Եւ կուսակալը կ. Պոլսէն ընդունած է պատուանշան մը, մեծ ապստամբութիւն մը զսպած ըլլալուն համար : Այս տարի, կ'ըսուի յեղափոխականներուն թիւը կրկնապատկուած է : Քուրատ Աշիրէթներու աւատապետներէն շեխ մը, փորձած է հայկական նոր ապստամբութիւնը կան, իսել, ինք իր աշիրէթներով նետուելով կուտի ասպարէզը : Ուստի, իրեններուն կը հրամայէ յարձակում մը

գործել : Քուրտերը կը յարձակին ու կ'առնեն կը տաշնին Հայերուն և զները , այս վերջինները կ'երթան իրենց յափշտակուած և զները կը դանեն , որոնցմէ մէկը մորթոտուած էր արդէն , և քուրդերուն կ'աղաչեն որ եւ դարձնեն միւսները : Քուրդերը կը մերժեն և ահա՛ կը սկսի ընդհարումը , որուն մէջ երկու Քուրդեր կը սպանանուին և երեք ալ կը վիրաւորուին : Քուրդերը կ'աճապարեն , իրենց մեռելները կը վերցնեն , Մուշ կը տաշնին ու կառավարական պաշտօնատունը կը նկտեն զանոնք , կրկնելով թէ՛ հայ զօրքեր արշաւեցին երկիրը , զիրենք սպաննելու և կողոպտելու համար , ևն . . Այսիրողութիւնը՝ փափագուած պատրուակը հայթայթեր է . մօտէն ու հեռուէն , զօրագունդեր կը համախմբաւին , առանց հոգ ընելու թէ՛ այդ կերպով աւելի կը ծաւալի համաճարակը : Դ . զօրաբանակի հրամանատար մը կը հասնի իսկոյն Երզնկայէն . ասոր ետեւէն քիչ յետոյ կը հասնի միւշիրը : Կ'ըսուի թէ այդ բաշան իր կուրծքէն թուղթ մը կախեր է , զո՞ւ նախապէս կարգացեր է իր զօրքերուն և յորդսրեր է զիրենք որ հնազանդին պարունակութեանը , եթէ կը սիրեն իրենց թագաւորն ու իրենց կառավարութիւնը : Այդ թուղթը Կ . Պոլսէն զրկուած կայսերական հրամանագիր մըն է Հայերը բընաջինջ ընելու : Այս ահաւոր կոտորածին մասնակցող զօրքերը հոս ու հոն պատմեն գրեթէ միեւնոյն բաները , ոմանք ալ ցաւ կը զգային թէ՛ իրենք չէին կըրցած գործել Քուրդերուն չափ սպաննութիւններ ու աւարառութիւններ և թէ՛ այս խժդժանքները գործած էին պարզապէս հնազանդելու համար իրենց սիրելի Փատիշահի հրամաններուն : Կանոնաւոր զօրքերը ծայրայեցօրէն անգութ ընթացք մը բռնած են , չի խնայելով ո՛չ սեռի , ո՛չ տարիքի , հակառակ պաղատախառն ա-

զաղակներուն հէք զոհերուն, որոնք իրենց ոտքերը կը պլուէին : ԵՕԹԸ ՀՈԶԱՐ ՀՅՅԵՐ խողխողուած են զարհութելի խոշտանգումներու տակ, որոնք հազիւ ծառնօթ էին բարբարոս Ափրիկէի ամենասեւ դարերուն, ուրով հետեւ Ափրիկէի մէջ, կիներն ու մատաղ տղաքները կրնային գէթ գերութեան կեանքի մը բաղդաւորութիւնը յուսալ, մինչդեռ հոս անգթօրէն հեգնուած է թէ՛ կնոջ հանգամանքը, թէ՛ իր անմեղութիւնը, մինչեւ որ սուինի հարուածներով ամէնքն ալ իրենց մահը գրտած են ա'յնքան խնէշ կիրքերու առարկայ ըլլալէ ետքը : Մատղաշ տղեկներ ցից հանուած են սուինով, իրենց մեռած մայրերուն կուրծքին վրայ : Ուրիշ տեղ մը, երկու հարիւր կիներ, լալով ողբալով, գութ աղերսած են, հրամանատարին առջեւ ծնկագուծ, բայց այս արիւնարբու սրիկան, հրամայած է իր զօրքերուն յօշոտել ու վերջացնել, զանոնք բռնաբարելէ ետքը : Այլուր, վաթսուն մատղատի հարոեր ու մանկամարդ կոյսեր ապաստանած էին եկեղեցի մը, և հոն լկուեցան ու խողխողուեցան, այնպէս որ մարդկային արհւնը սկսաւ հեղեղօրէն հոսիլ եկեղեցիին դուռնէն : Ուրիշ տեղ մը, ահագին բազմութիւն մը, քահանային առաջնորդութեամբ, զօրքերու ոտքերը ինկած են, չնորհք խնդրելով բարձր ձայնով, պնդելով թէ՛ իրենք երբէք յարաբերութիւն չ'են ունեցած յանցապարաներուն հետ . և սակայն զուր եղած է այս ամէնը . ամէնքն ալ սպաննուած են :

«Ուրիշ տեղ մը, շատ մը գեղեցիկ կիներու առաջարկուած է կրօնափոխ ըլլալ, մահուրնէ ճողոպրելու համար : Սակայն անոնք պատասխանած են . «Ի՞նչո՞ւ ուրանանք Քրիստոսը : Մենք լաւագոյն չե՞նք քան ասոնք (մատով ցոյց տալով, իրենց ամուսիններուն ու եղբայրներուն յօշոտուած մարմինները), մեզ ա'լ սպաննեցէք . . . :

«Եւ զանոնք սպաննեցին . . . : Մեծ ջանքեր ըրին աղատելու ամէնէն գեղեցիկը, բայց ասիկա երեք չորս չարագործ հրէշներու միջեւ, իրարու ձեռքէ յափշտակւելով, կը նուազի կը մեռնի իր միւս քոյրերուն պէս :

«Բայց ինչո՞ւ շարունակենք այս ահոելի պատմութիւնը : Երկինքը պէտք է ըլլայ Աստուած մը, որ բոլոր այս բաներուն արդար գատաստանը պիտի ընէ . եթէ ո՛չ, մեր մէջէն ալ պիտի գտնուին իրենց հաւատքը կորսնցնողներ : Այդ վայրերը զրկուեցան մէկ երկու հիւպատոսներ, քննութիւն մը բանալու համար : Թէ՛ Բաղէշ և թէ՛ շրջակայ կեղրոնները, ո՛ւր որ պտրտեցայ, բոլոր այս տեղեկութիւնները քաղեցի Թուրքերէ, որոնց տեղը եթէ քրիստոնեաններ ըլլային, ո՛վ գիտէ ի՞նչ սոսկալի տանջանքներու պիտի երթարկուէին . ա՛յնքան խստիւ արգիլուած է դուրս հանել կոտորածներուն գաղտնիքը :

«Հիմա կուսակալը հանրագրութիւններ կը շրջաբերէ և կը ջանայ ստիպել քրիստոնեանները, որ այդ հանրագրութիւնները ստորագրեն, իրենց գոհունակութիւնը արտայատելու ա՛յն բանին համար որ արդարութիւն ի գործ դրուած է ապստամբներուն վրայ, միեւնոյն ժամանակ շնորհակալութիւն յայտնելով թէ՛ Սուլթանին և թէ՛ կուսակալին : Հոս, Պիթլիսի մէջ, քրիստոնեանները չեն ստորագրեր, թէեւ մէկ քանինները, ինչպէս որ կը հաւաստուի, ստորագրած են այդ հանրագրութիւնները, սահմանակից գաւառակներուն մէջ : Բողոքականներուն դեռ չե՛ն ներկայացուցած այդ հանրագրութիւններէն և բողոքականները տակաւին շղթայի զարնուած չե՛ն, ո՛չ ալ մեծ մեծ փրկանքներու ենթարկուած : Գործերը հիմակուհիմակ այս վիճակի մէջ են :

Ապտիւլ Համիտ, ընթերցումը ծայրէ ծայր մտիկ ընելէ ետքը .

— Թուրիսա՞ն, հարցուց մտահոգ դէմքով մը, հիմա կ'ըսես այս յօդուածին վրա՞յ է որ եւրոպական մեծ դես պանները ժողով են գումարեր այս գիշեր :

— Այս՝, Վեհափա՛ռ տէր, պատասխանեց Թուրիսան, գիտէ՞ք, անգլիական թերթին այդ անիծեալ յօդուածը բոլոր եւրոպական մամուլին մէջ արձագանգտած է, և մեծ դզրդում առաջ բերած է, ա՛յն աստիճան սր դա՞վիճները, գոնէ հանրային կարծիքը քիչ մը հանդարտեցնելու համար, հարկադրուած են այս միջոցը ձեռք առնելու : Այս գիշեր, ապահով եմ թէ՝ Սըր Ֆիլիփ Քըրրի պիտի ճնշում ի գործ դնէ իր միւս պաշտօնակիցներուն վրայ, հաւաքական գործողութեան մը ծրագիրը պիտի նետէ մէջտեղ, և պիտի թերեւս յաջողի համոզել զանոնք :

— Բայց, յարեց Հիւնքեարը, կը մոռնա՞ս իմ բարեկամ Վիլէլմիս ներկայացուցիչը, կը մոռնա՞ս իմ անձնական մտերիմս՝ Նելիտօֆը, այս երկուքը ժողովին մէջ չպիտի՝ կրնան պաշտպանել իմ իրաւունքներս. ու երբ գերմանական մեծ դեսպանը խօսի, չե՞ս յուսար որ աւստրօ-հունգարական ու իտալական մեծ դեսպաններն ալ իրեն ձայնակցին. Երրեակ Զինակցութեան անդամները չե՞ն իրենք. կը մնայ Փրանսականը. չէ որ ան ալ ստիպուած է իր Զինակցին՝ Թուսիոյ կողմը բռնելու, ինչ կ'ըսես, Թուրիսա՞ն.

— Երանի թէ, կմկմաց Թուրիսան, բայց, Վեհափա՛ռ տէր, պիտի ներէ՞ք որ անգամն ով յիշեցնեմ Զեր Վեհափառութեան գերմանական մեծ դեսպանին յայտարարութիւնը, զոր այս գիշեր, իր բերնով հաղորդեց ինձի :

— Ո՞ր յայտարարութիւնը, յարեց Համիտ :

— Վեհափառ տէր, երբ որ մեկնելու վրայ էի դեսպանատունէն, մեծ գեսպանը, անկիւն մը քաշեց զիսու ցաւ յայտնեց թէ՝ չ'պիտի կրնայ, իրերսւ ներկայ կացութեան մէջ, պաշտպանել Զեր Վեհափառութեան նըւփրական շահերը, որովհետեւ, կը կրկնէր, դիւանագիտական աշխարհին մէջ մեծ յուզում առաջ բերած է Սասունի Դէպքը . . . :

— Թիտեմ, գիտեմ, յարեց Համիտ, երերցն ելով գլուխը, անիծեալ Կլատսթոնի խօսած բուռն ճառերէն ազդուած են ամէնքն ալ . . . :

— Եթէ մըայն Կլատսթոնի ճառերուն մնար, Վեհափառ Տէր, յարեց Թուրիսան, գործը շաա դիւրին էր, սակայն, միայն Անգլիան չէ որ յուզուած է. Ֆըրանսայի մէջ բովանդակ ժողովուրդը կատղած է և յուզումի երթալով սուր համեմատութիւններ կը ստանայ, բոլոր հեղինակաւոր գրողները, շատերը՝ պետական բարձր անձնաւորութիւններ, ինչպէս են Փլէմանսօ, Փօրէս, Բրէսանսօէ, Տընի Քօշէն և ուրիշներ, որոնց մէջ ծայրայեղ յեղափոխականներ, և մինչեւ իսկ անիշխանականներ ալ չեն պակսիր, Իւռպէն Կօհիէի պէս, ասոնք ամէնքն ալ ձեռք առած են Հայկական Անգլիրը . . . :

— Հասկցայ, մոլտաց Հիւնքեարը, կ'երեւայ թէ այս անգամ դիւրին դիւրին չպիտի կրնանք օձիքնիս աղատել, քանի որ գործին մէջ Ֆրանսան ինկէր է ոտքով ձեռքով. մանաւանդ այս օրերս ուստական փոխառութեան ինդիբ մըն ալ կայ, Փրանսական կառավարութիւնը պիտի կրնայ ճնշում ի գործ դնել Ցարին կառավարութեան վրայ, և, երբ Ռուսիան ալ հաճութիւնը տայ, այն ատեն, Անգլիան, Ֆրանսան ու Ռուսիան միասին պիտի գործեն, այնպէս չէ՞ Թուրիսան . . .

— Իրաւունք ունիք, Վեհափառ տէր, շեշտեց

Արտաքին Գործերու նախարարը, և ես պիտի աւելցը-նեմ թէ այդ երեք տէրութեանց համաձայնութիւնը պիտի իր ետեւէն քաշէ իտալիան ալ, հոգ չէ թէ այս վերջինը մաս կազմած ըլլայ Երրեակ Զինակցութեան :

— Ուրեմն, յարեց Համբատ, լուրջ վտանգի մը հան-դէպ կը գտնուի կայսրութիւնս, ի՞նչ կ'ըսես, թուր-խան, արդեօք ի՞նչ կը խորհին այս մասին Քեամիլ ու Սայիտ բաշաները . . . :

Թուրխանի դիմագիծերը ծամածութիւններ առին. ինք չպիտի ուզեր նսեմանալ այն երկու հսկաներուն քով. քիչ մը լռութիւն պահեց, որոճալու ձեւով մը, յետայ.

— Վեհափա'ռո տէր, ըստու, Քեամիլ ու Սայիտ բա-շաները կարծեմ թէ նոր չէ՝ որ պիտի ճանշնք եր-կուքն ալ անգլիական քաղաքականութեան պոչէն բռ-նած կը քալեն, սակայն, Զեր Վեհափառութեան բա-ցարձակ կամքէն կախում ունի, եթէ պէտքը կը զգաք իրենց խորհուրդին, կանչել տուեք զիրենք :

— Թուրխան, յարեց Համբատ քմծիծաղով մը, ես գիտե՛մ թէ երկո՛ւքն ալ ի՞նչ տեսակ արարածներ են, գիտեմ թէ երկո՛ւքն ալ Անգլիոյ Տիւտիւկը կը չալեն, բայց, գառնո՛ւկս Թուրխան, ի՞նչ ընենք, գարշելիները հին գայլեր են, քանի՛ քանի գեսպաններ անցուցեր են մատերնուն ծայրը, մանաւանդ Քեամիլ բաշան. չէ, չէ՛, գէշ չըլլար, կը կանչենք երկո՛ւքն ալ :

— Բայց, Վեհափա'ռ տէր, ըստու Թուրխան, կ'ա-զակեմ, խընայեցէ՛ք ինծի, անոնց խորհուրդով զիս մի՛ ճամբայ հանէք, յետոյ, ես երես չե՛մ ունենար ներկա-յանալու միծ դեսպաններուն :

— Շա'տ լաւ, շա'տ լաւ, Թուրխան, յարեց Հիւն-քեարը, դուն երբէք տեղեկութիւն ունեցած մի՛ ըլ-լար, ես զանոնք երկո՛ւքն ալ կանչել կուտամ, ան-

գամ մը լա՛ւ մը կը շօշափեմ իրենց գաղափարները . ի՞նչ վնաս ունի , հոգ չէ , դուն գործդ նայէ , գիտցած ըլլաս , եթէ այս դժուարութիւնները հարթուին , եթէ Արտաքին Գործերու նախարարի պաշտօնիդ մէջէն յաղթական դուրս ելլես , և եթէ յաջողիս այս անգամ ալ ջուրը ձգել մեծ տէրութեանց դաւադրութիւնները , ապահով եղի՛ք , ահա՝ կայսերական խոստումս կ'ընեմ , քիչ ատենէն Մեծ Եպարքոսի աթոռը պիտի բազմեցընեմ քեզ , հասկցա՞ր . . . :

Թուրիսան , ինքզինք պահ մը Մեծ Վեղիրի գահին վրայ երազելով , թեթեւցած կը զգար ինքզինք Քեամիլ ու Սայիտ բաշաներուն ընծայուած կարեւորութեան ձնչիչ բեռէն :

— Զեր Վեհափառութեան անվիճելի տաղանդին , իմաստութեան ու պաշտպանութեան կը յանձնուիմ , ըստ Թուրիսան , և այս գիշերուընէ կը խոստանամ բազմապատկել բոլոր կարողաւթիւններս , կարենալ յաղթելու համար Օսմանեան ամենազօր և փառապանծ գահին թշնամի կարգ մը շահամոլ տէրութեանց դաւադրական ձեռնարկներուն ու յարուցած իոչընդոտներուն :

— Թուրիսան , ըստ Համբատ , հիմա կրնաս մեկնիլ , զնա՛ , հանգիստ ըրէ՛ , բայց այս գիշեր պէտք է որոճաս , նոր նոր միջոցներ խորհիս , որպէս զի վաղը հաղորդես ինծի , հիմա կրնաս մեկնիլ :

Ու Թուրիսան ստրուկի վայել թեքթեքումներով ետքաշուեցաւ ու դուրս ելաւ :

Յ.

Մինչդդու Երևաղի կամարներուն տակ դիւանագիշտական խաղեր ու սաղրանքներ կը նիւթուելին, զանազան սուտ ու փուտ խոստումներով խաբելու համար արդէն ինքնին ու գիտակցօրէն խաբուելու հակամէտ Եւրոպան, անդին, Կովկասի խորը, Երեւանի նտհանգին Վաղարշապատ գիւղին մէջ, Ս. Էջմիածնի դաշտոր կամարներուն ներքեւ, ուրիշ գործողութիւն մը կը կատարուէր :

Խրիմեան Հայրիկը, Սասունի տիեզերասարսուռ ջարդերուն թարժ տպաւորութեան ներքեւ, առանձնացած էր ու կուլա, իր չարշարուած ու մարտիրոս Ժողովուրդին դժխեմ ճակատագիրը :

Էջմիածնի Մրաբան ւթիւնը-թուլամորթ ու պորտաբոյծ անդամներու խառնուրդ մը գրեթէ մեծ մասով, արքեպիսկոպոսներէն սկսեալ մինչեւ յետին դպիրը, նոյնիսկ տաճարի աւելածուն-ամօթալի ու խենէշ երանութեան մը բազուկներուն մէջ կը քաշէր անասնական քունը : Այդ տիպար(?) միաբաններուն ամէն մէկը քաշուած էր իր սեփական խուցը, հանրատան աղջկան մը ննջախորշէն ո՛չ շատ տարբեր, ուր պակաս չէր ըլլար սովորաբար Եւայի աղջիկ մը, որ Վաղարշապատէն կամ մօտակայ գիւղէ մը բերուած կ'ըլլար երիտասարդ թէ ծեր կուսակրօնին ամուրի կեանքին տառապանքները թեթեւցնելու և անոր գիշերները երջանկացնելու պաշտօնով . . . :

Ամբողջ միաբանուկթիւնը կը խորդար նոյն գիշերը :

Մէկը կար միայն որ կը հսկէր այդ խորհրդաւոր ու սրբագան կամարներուն տակ :

Այդ մէկը՝ Ամենայն Հայոց Հայրապետն էր. նոյն ինքն Խրիմեան Հայրիկը :

Վեհարանին մէջ ման կռւգար յիշափառ ծերուանին, մերթ ընդ մերթ օծեալ աջը տանելով տարիներէ ակօսուած խորչով ճակտին, ուր Յեղին բովանդակ Յաւը կը թառէր : Մէն մի քայլին, քիչ մը կանգ կ'առնէր, այս մը քաշելու համար, իր վերքու սրտի բոլոր տագնապները ծրարող այս մը : Իր արծիւի ոռուգի ծակտիքներէն դուրս կը խուժէր մուխ մը, որ վրէժի բոցերու փոխուած, կ'այրէր Վեհարանին մթնոյորաք :

Այսպէս, ժամեր ու ժամեր թափառութերէ ու հառաջանքներէ ետքը, յանկարծ, փայլակի թեւով իր ըղենը կտրած անցած մտածումի մը թափին տակ, ցընցուեցաւ : Մտաւ իր ննջասենեակը, ձիւնապատկ գլխուն վրայ խեղաւորեց իր խաչադրօշ վեղարը, հագաւ առաքեալի պարզ հողաթափը, վրան քաշեց Վանայ ու շալէ վերարկուն և ուղղեց իր քայլերը դէպի Վեհարանին մուտքի սրահը, որուն ձեղունէն վար կախուած լապտեր մը կը պլալար :

Զգուշաւոր քայլերով, ոտքի մատներուն վրայ միայն կոխելով, սանդուխներէն վար իջաւ, առանց շշուկի, հինաւուրց կամարներու տակէ, առաջացաւ դէպի մայր տաճարի գաւիթը, որ կը նիրհէր գիշերային լոռութեան ու խաղաղութեան մէջ :

Հօն, գաւիթը, մայր տաճարի դուռին սեմը, բաշուկները տարածած, վեղարը շեղակի ձախ ուսին վրայ ձգուած, պարթեւ հասակովը գետին ծռած, ծունկի եկաւ :

Հայրիկը կ'աղօթէր :

Մայր տաճարի շրջակայ խուցերէն ցայտող ձայներ միայն կը խռովէին համատարած լոռութիւնը, հոս Հայ-

բիկը կ'աղօթէր Հայաստանին համար, հոն՝ ժողովուրդին հաւատքը շահագործող շալզակեր ագռաւներ, հնդկահաւելի կամ գառնուկի լիցքի մը վրայ թառած, իրենց կլափը կ'օծէին իւղով ու գինիով . . . :

Հոս ու հոն, Մայրավանքին մութ անկիւնները կէտկիտող կանթեղի տմոյն լոյսերը տակաւ կը մարմը-րէին: Ժամերը կը սուրային և Հայրիկը դեռ կ'աղօ-թէր:

Վաղարշա դատի աքլորներուն առաջին աղաղակները կը լսուէին, երբ Հայրապետը, մայր տաճարի գաւիթէն կը վերադառնար ու նոյն զգուշաւոր քայլերով կը վերելակեր Վեհարանի սահմուխները:

Հանդարտ էր հիմա, անսովոր պայծառութիւն մը կը ծաւալէր իր բովանդակ էութեան մէջ, թեմթեցած էր վիշտը, եր ինային խօսակցութեան մէջ կրցած էր գտնել միսիթարանքի փշուրներ և յոյսի բեկորներ իր ջեղին համար, որ հոգեվարք մը կ'անցունէր և իր վերջալուսային կեանքին համար որ, այսքան դժոխա-յին պայմաններու և իրարու յաջորդող այսքան սպան-նիչ տագնապներու դէմ դեռ կը յամառէր մաքառիլ:

Գրասեղանին առջեւ անցաւ ու սկսաւ քրքրել հին թուղթերու ծրարներ, ամէնքն ալ ժամանակին իննամով պահուած, որոնք կը պարունակէին Հայաստանի մէջ կէս դարէ ասդին գործուող հարստահարութեանց ման-րամասնութիւնները, Կ. Պոլսոյ Աղգ. Պատրիարքարան Ղրկուած գաւառային թղթակցութիւններ և ուրիշ վա-ւերաթուղթեր:

Այս ծրարները մէկիկ մէկիկ կը բանար, կը կար-գաւորէր, կարեւորները կը զատէր, կը քաղէր ու կը խորհէր այդ արիւնի, թալանի, բռնաբարումի, հրդեհի, կեղեքումներու կարմիր հաւաքածոյէն կազմել ամփո-փոյք մը, և յետոյ, առանձին աղերսագրով մը, ներ-

կայացնել Ամենայն Ռուսաց Ամենողորմած ու Հզօր Յառին, յաւսալով թէ՝ Քիստոնեայ և Արեւելքի քրիստոնեաներուն բնական ու պաշտօնական Պաշտպանը ճանչցուած Ռուսիան պիտի ուզէր միջամտել և կասեցնել վերջապէս Խոլամներու անարժան Խալիֆային արիւնուազեռը, թէ՝ չնորհիւ խաղաղասէր Յարին ազդու միջամտութեան, պիտի գաղրէ Հալածանքը, պիտի վերջապէս գործադրուէր Այս Սթէֆանոյի համբաւաւոր 46 րդ յօդուածը, ուսւսական յաղթական բանակի հրամանաւար Մեծ Դուքս Նիքոլայէն չնորհուած՝ Վարժապետեան Ներսէս Պատրիարքին...:

Ուստի կը քաղէր ու կը թերթատէր վաւերաթուղթերը :

Եջմիածնայ տաճարին առաւօտեան ազօթքի առաջին զանգակին զօղանչը լսուեցաւ, երբ Հայրապետը, թուղթի գէզերուն վրայ ինկած, տակաւին կը թաղուէր անցեալի պրագտումներուն մէջ :

Ոտքի ելաւ, երեսը խաչակնքեց, լուացուեցաւ, սրբուեցաւ ու զիլը հնչեցուց :

Սեւազգեստ միաբան մը ներս սժաւ :

Վեհափառին անձնական ծառանէր, թուլս ու կարմիր դէմքով, թաւ ու լայն ուսերով, կարճ հասակով կայտառ երիտասարդ մը, Վանայ Այգեստանէն :

— Գարեգին, ըստ Հայրիկը, գնա՛, տե՛ս, Խորէն էֆէնտին արթնցե՞ր է, իրեն ըսէ՛, Հայրիկ կ'ուզէ՛. Գարեգին դուրս ելաւ :

Հայրապետը Վեհարանին սրահը կը չափէ բանդարտ քայլերով, երբ քանի մը վայրկեան ետքը, Գարեգին վերադարձաւ ու հաղորդեց թէ՝ Խորէն էֆէնտին կուգայ :

Խորէն էֆէնտի քիչ յետոյ ներս մտաւ :

-- Խորէ՛ն, ըստ Հայրապետը, այս գիշեր քուն չը

մտաւ աչքս, եկո՛ւր տե՛ս գրասեղանիս վրայ դիզուած թուղթերը, նայէ՛ և կարգին ուշադիր եղի՛ր, ժողովէ՛ ամէնքն ալ և անցի՛ր գրասեղանիդ առջեւ, լոէ՛, ի՞նչ կ'ըսեմ :

Խորէն էֆէնախ անցաւ Վեհափառի գրասենեակին մէկ անկիւնը դրուած քարտուղարի սեղանին առջեւ ունստաւ :

— Խորէ՛ն, շարունակեց Հայրիկը, հիմա թուականի կարգով, իրարու վրայ շարէ՛ սա ծրարին թուղթերը :

Խորէն էֆէնտի կատարեց Հայրապետին հրամանը :

Այդ թուղթերը, գրեթէ ամէնքն ալ 1878 թուականը կը կրէին և կը պարունակէին Մուշ, Բաղէշ, Կիլիկիա, Տիգրանակերտ, Տիվրիկ, Զեթուն, Մարաշ, Վան, Ակն, և լն. գործուած համբաւական հարստահարութեանց գէպքերը, որոնք ժամանակին հաղորդուած էին Պոլսոյ Ազգ-Պատրիարքարանին :

Խրիմեան Հայրիկ որոշած էր այդ վաւերաթուղթերը թարգմանել տալ ուսւերէնի, և ինչպէս ըսուցաւ, առանձին աղերսագորի մը հետ կցելով, մատուցանել զայն յուս Նորին կայսերական Վեհափառութեան Ամենալուսաց Ցարին :

Ահա՛ւասիկ այս թղթածրարին պարունակութիւնը նոյնութեամբ :

« Տեղեկագիր ՀԱՅԱՍՏԱՆԻ ԴԵՊԵՐՈՒԻՆ 1878 ՆՈՅԵՄԲԵՐԻՆ ՍԿԱՆԱԼ ՄԻՆՉԵՒ 1879 ՅՈՒՆՎԱՐ,

ՄՈՒԾ.—Մշոյ Իսնակնեան վանքին Միաբանութիւնը կ. Պոլսոյ Պատրիարքարանին զրկած է վերջերս տեղեկագիր մը, Հայաստանի Մուշ գաւառին ու բոլոր շրջականերուն մէջ գործուած հարստահարութեանց աշարքներուն վրայ :

Ահաւասիկ այս վաւերական տեղեկագրէն քաղուած գլխաւոր հատուածները :

«Մշոյ բովանդակ Հայ ժողովուրդը, Թրքօռուսական պատերազմէն առաջ տիրող կացութեան երեսէն արդէն մեծապէս վնասուած ու իրերու վիճակէն խիստ դժգոն, այս անդամ կուգայ իր տրտունջները ու բողոքները ներկայացնել սրտի ծմարիտ դառնութեամբ, պարզելով այս անըմբ երելի վիճակը, որուն հնիթարկուած է այս վերջին պատերազմէն ի վեր...։ Անկարելի է մէկիկ մէկիկ թուել ջարդուած քրիստոնեաները, բըռնաբարուած կիներն ու աղջիկները, կողապտուած, քանդուած ու հրգեհուած վանքերն ու եկեղեցիները, հիմնայտատակ աւլուած գիւղերը, մէկ խօսքով, ամէն տեսակ հարստահարութիւններն ու կեղեքումները, ուրոնք գործուեցան և տակաւին կը գործուին ո՛չոկ Քուրդերուն կողմէն, այլ զապքիներուն, անկանոն զօրքերուն, հարկահաւաքներուն, պէկերուն, աղդեցիկ թուրք աւատապետներուն, գայմագամներուն, միւտիրներուն, աեղական կառավարութեան Վարչական ժողովի անդամներուն և անոնց ազգականներուն, բարեկամներուն ու պաշտպամնեալ տաղակներուն ու մարդասպաններուն ձեռքով։

Այս ոճիրները կը մնան անպատիժ և տարաբազդ հայ ժողովուրդը չը՝ կրնար ամենափոքրիկ բոլոքի ճիկ մը հանել այս բարբարոսական արարքներուն դէմ, ուրովհետեւ վստան և խորապէս համոզուած է թէ՛ իր կեղեքիչները, իր հարստահարիչները, ամէն տեսակէ ոճարագործներ, ինչպէս ամէն ժամանակ, պիտի արդարանան կամ կայսերական ընդհանուր ներման արժանանան, և յետոյ, իրենք, հայ ժողովուրդը, իրենց վրայ պիտի հրաւիրեն անոնց վրէժիսնդրութիւնը։

Մօտկանի, Սասունի, Բռնաշէնի և ուրիշ լեռնոտ գաւառներու հայ բնակչութիւնը կը հեծէ իսլամ հարստահարիչներու լուծին տակ, որոնք Հայերուն հետ կը

վարուին իրրեւ գնրիներու հետ : Իւրաքանչիւր պէկ իւրացուցած է մեծ թիւով գիւղեր ու վանքեր , որոնք կը սահմանին իրեն վճարել ծանրածանր տուրքեր , տասնամատիկ աւելի քան զոր կը վճարեն կառավարութեան , և երբ , այդ պէկը ծայրայեղ թշուառութեան կը մատնէ . իր շրջանակին ու կամայականութեան յանձնուած ամբողջ բնակչութիւնը , և երբ կեղեքումը ու կողոպուտի բոլոր ալրիւները ցամքած կը գտնէ , այն ատեն , իր եղբայրակիցնեւէն ուրիշ պէկի մը կը ծախէ ինչ որ իր մեփական ստացուածքը կը նկատէ : Ամէն անգամ որ պէկ մը կ'ուրուի ուրիշ պէկի մը հետ , և խնդիրը տեւա ան թշնամութեան մը կը փոխուի . իր վրէժը կը լուծէ իր հակառակորդ պէկի հպատակ Հայերէն , որոնք , այդ պարտգային , դատապարտուած կ'ըլլան կրելու ամենասոսկալի խոշտագումներ ու զրկանքներ : Այս պէկիերու իշխանութեան ու ազդեցութեան՝ շրջանակներուն մէջ բնակող Հայերուն արգիլուած է , մահուան պատիժի սպառնալիքին տակ , յարաբերութիւններ մշակել Մշոյ , Բաղէշի ու Տիգրանակերտի կուսակալներուն , Կառավարիչներուն և Առաջնորդներուն հետ : Այս կերպով կը յաջողին սաղմին մէջ խեղդել ամէն գանգատ կամ բոլոք՝ իշխանութեան զեղծումներուն ու ճնշումներուն դէմ և քրիստոնեաներուն կ'արգիլեն կրօնային դատիարակութիւնը , որոնք կը զրկուին քահանաներէ ու եկեղեցիներէ : Իսկ դաշտաբնակ Հայերը կը տառապին ու կը չարչարուին գայրագամներէն ու միւտիրներէն , որոնք արդարութիւնը կը ծախեն ամէնէն աւելի կաշառք առաջարկողին : Ամէն անսակ տաժանքներով ու ձրի աշխատանքներով , անկարիաներով կը ծանրաբնառուին , և , միեւնոյն ժամանակ , կը հարկադրուին վըճարելու ծանր տուրքեր , որոնք իրենց փանաքի հասոյթներէն շատ աւելի վեր են : Հարկահաւաքին պա-

հանջումներն ու քմահաճոյքները գոհացնելու համար, դժբաղդ գիւղացին կը պարտաւորուի զիմել վաշխառուին, որ առանց խղճահարութեան 50 0/0 և նոյն իսկ 100 0/0 կը պահանջէ : Շատ շատ իրեն կը մնար իր կալին ցորենի հասկերը . բայց յանկարծ , օրին մէկը կրակի կը արուի կալը : Եթէ մէկ երկու արջառ ունի , կուգան կը յափշտակեն ու կը տանին :

Ահաւասիկ չոյրորդ անգամն է որ Իննակնեան վանքը աւարի արուեցաւ ու քանդուեցաւ Քուրդերէն : Միաւ բանութիւնը բողոքեց այդ աւազակներուն դէմ , բայց տեղական իշխանութիւնները , չե՞ն կրցած ո՞չ ալ ուղած են արդարութիւնը գործադրել ու իրաւազուրկ գիւրա-ցիինիրաւունքը վերադարձնել : 10 նոյեմբեր 1878 : »

ԲԱՂԵԾ . — Պիթլիսի հայ եկեղեցական մարմինն ու երեւելի ազգայինները Պատրիարքարան ղրկած են այդ կողմերը գործուած հարստահարութեանց տեղեկագիր մը :

Ահաւասիկ քանի մը հատուածներ այդ համիտական նախճիրներէն :

«Մեզրա գիւղին մէջ , ութսուն սպառազէն Քուրդեր , Մօտկանի աշիրէթի մը պատկանող , Հայերու արջառներէն կարեւոր մաս մը յափշտակեցին : Մնացեալ արջառները քիչ յետոյ յափշտակուեցան դարձեալ Մօտկանի աշիրէթի մը պատկանող Քուրդերէ : Երրորդ աշիրէթ մը , Սլօքցիներունը , Հայ մը վիրաւորեց և տարի տուաւ հունձքը դժբաղդ գիւղացիներուն , որոնք , այսօր , ամենայետին թշուառութեան մատնուած , ստիպուած են հաց մուրալու Պիթլիսի փողոցներուն մէջ , ցնցոտիներու մէջ ծածկած իրենց մերկութիւնը , և ցուրտէն ոտքերնին ճաթը ըստած իրենց մատաղ մանկիկներուն ձեռ քէն բռնած : Եւ այս մուրացկաններու թա-

Փորը կ'անցնի կը դառնայ ամէն օր կառալարական պաշտօնատան շնչքին առջեւէն , անխիղճ պաշտօնեաներու -ամէնքն ալ Համիտի գործակալներ-լիտի նայուածքներուն տակ , որոնք այդ թշուառներու երամին մէջ կը քնառեն իրենց գաղանային կիրքը յագեցնելու յարմար մանկամարդուհիներ . . . :

Գոմք գիւղին մէջ , Մօտկանի Քուրդերը յափշտակեցին տարին Հայերուն բոլոր արջառները : Եւ հիմա կը սպառնան կրակ դնել իրենց բնակարաններուն մէջ , եթէ համարձակին խրտիլ կամ ո՛ և է գանգատի փորձ մը խորհիլ :

Սարչէն գիւղին մէջ , այս միեւնոյն Քուրդերը յափշտակեցին Հայերուն բոլոր տուարն ու արջառները , և Հայերը , համոզուած ըլլալով թէ չպիտի գտնեն ո՛չ մէկ պաշտպանութիւն տեղական իշխանութեան քով , ի վերջոյ ստիպուեցան հարկատու ըլլալ այդ հրոսակներու վոհմակին :

Կամախ , Բօր , Խախրիվ ու Ծուար գիւղերուն մէջ , Սլօքցիներուն աշխրէթը , ամբոլջ բնակչութիւնը խոշտանգելէ , ինչք ու ստացուածք աւարի տալէ ետքը , Հայերուն բոլոր արջառներն ու հօտերը քաշեց տարաւ :

Պարխանա գիւղին մէջ , ուր անգամ մը Քուրդերը մտած ու երկու Հայեր սպաննած էին արդէն , Թէմէլ-կէցի հօտարած աշխրէթին պետք՝ Միդհաթ անունով , թոպաման սպաննեց խեղճ Հայ մը , որ չորս օրուան մէջ , իր վէրքերուն հետեւանքովը մեռաւ : Իշխանութիւնները չդպան այդ մարդասպոնին , որ արձակ համարձակ կը պարտի այսօր իր զոհերուն աչքին առջեւ : Խմելջուր , Մարքօք , Ամբա ու Հօրմս գիւղերուն մէջ , Մօտկանի Քուրդերը՝ այնքան անգթօրէն կեղեքցին Հայերը , որ անոնք ի վերջոյ ստիպուեցան Պիթիս գաղթել :

Կիւղէլ տէրէի ու Դատիկի քառասուն գիւղերուն մէջ, Սլօքցիներուն աշիրէթը Հայերէն յափշտակեց իրենց բոլոր արջառներն ու հուսձքերը, ծանրապէս վիրաւուրեց մարդեր ու կիներ որոնք ինքնապաշտպանութեան փաքրիկ փորձեր ըրած էին: Ու այս գժբաղդները գտապարտուած են այսօր խոտերով սնանելու:

Հերձօնքի գիւղին մէջ, Հասնանցիներու աշիրէթին պատկանող Քուրդեր, Հայու մը առնը կոխեցին, ուր բռնաբարեցին կիները, էրիկմարդիկը չուաններու կապելէ ետքը:

Խուլթիկ գիւղին մէջ, Շէքնաներու, Խումատներու և Քօրհաններու աշիրէթին պատկանող քուրտեր, ըրունաբարեցին շատ մը կիներ ու սպաննեցին չորս Հայեր:

Մօտկանի քսանըչորս գիւղերո՞ն մէջ քուտերը գործեցին միեւնոյն սճիրները, և ամենքն ալ մըեւնոյն անպատիժ կեանքը կը շարունակեն վարելու սարսափ սփոնել շրջականներու մէջ:

Ա՛լ ապահովութիւն չը կայ Պիթլիսի գտւառին մէջ\*  
23 նոյեմբեր Կ. Պոլիս: —»

ՀԱԼԷՊ. Կուսակալը հոս հրաւիրեց Զեթունի բոլոր երեւելիները, պատրուակելով թէ՝ իրենց հետ համախորհուրդ, յատակազիծը պիտի շինէ բարենորոգումներուն, որոնք պիտի մացութին Զեթունի մէջ, մինչդեռ, իրականին մէջ, ինչպէս յայտնի եղած է Մարաշի Ազգային գաւառական ժողովէն ու վեց քահանաներէն ստորագրուած հեռագրէ մը, Զեթունի տեղական կառավարութիւնը, ամենակոպիտ վարժունք մըն է բռներ հանդէս լեռնականներուն և ամէն միջոցներ ի գործ կը դնէ հոն ապստամբութիւն մը պայթեցնելու համար: Կը բանտարկւին ու կ'աքսորուին կիներ ու տղաքներ խառնի խուռն, ամէն տեսակ զրկումներու և ճնշումներու կ'ենթարկւին, նոյնիս կ անօթութեան ու անջրդութեան: Յետնեալ

տուրքերու վթիսարի՝ գումար մը միանսւագ գանձելու պատրուակին տակ, ընդվզեցուցիչ եղանակներով կը հաւաքեն տուրքերը, և, այդ առիթով, արգելքի տակ կ'առնեն բոլո՛ գոյքերը, մինչեւ իոկ հնոտիները, անկողին, վերմակ, խոհանոցի կոտրած անօթներ, և լն և լն :

Վերջներս ձերբակալուեցաւ Թրնուզի վանահայր ծերունի Նիկողայոս եպիսկոպոսը, իրրեւ աղստամբապետ, և շղթայակապ, Մարաշ տարուեցաւ բանտը նետուելու համար։ Մերկութեան մօտեցող վիճակի մը մէջ կը գըտնուի հիմա, ճամբան կրած տաժանքներէն վաստակաբեկ ու սովալըլուկ։ Հալէպ, 25 նոյեմբեր 1878։»

ՏԻԴՐԱՆԱԿԵՐԾ. — Հօտարած վոհմակները չը լսուած անզթութիւններ կը գործեն քրիստոնեայ բնակչութեանց վրայ։ Կը թալլեն, կը բռնաբարեն, կ'առեւանգեն կիներ ու աղջիկներ, ամէն կերպ սպաննութիւններ ի գործ կը դնեն նահանգին ամբողջ տարածութեանը մէջ։ Քուրդ շեխերը գրգոփիչ քարոզնե։ Կ'ընեն իրենց մոլեւանդ խուժանին և կը յորդորեն զանոնք որ քրիստոնեայ որսան, ինչ որ իրենց լեզուով կը նշանակէ քրիստոնեաներու խմբովին կոտորած։ Քրիստոնեան թալլել, իր բոլոր ստացուածքներէն զայն զրկել՝ առաջինի և վարձատրութեան արժանի արարք մըն է, միեւնոյն ժամանակ Աստուծոյ ալ հաճելին սպաննել՝ երկինքի արքայութիւնը ժառանգել է։ Ահա՛ բնաբանը յիշեալ շեխերու քարոզներուն, որոնցմէ գրգուած, մոլեւանդ աւարառուները կ'ասպատակեն երկիրը, և իրենց շեխին պատուէրին համաձայն, կ'արհամարհն ու կը ծաղրեն կառավարութիւնը։ Կառավարութիւնը ներկայացնող մարմինը, գայմագամներ, միւտիրներ, զապթիյէներ, ասոնք ամէնքն ալ, կառավարելէ տարբեր բանով մը զբաղած են, աւաղակներուն ու մար-

դաստաններուն գաղտնի թէ յայտնի ընկերակիցները կը դաւանին իրենք զիրենք, հետեւաբար, փոխանակ զըստ կելու կամ պատժելու վայրագութիւնները, կը քաջաշերեն և շատ անգամ ալ կը թելադրեն։ Աւելին կայ, ևթէ արէն իրենց բաժին չը հանուի, այս ատեն միայն դատախազ կը հանդիսանան։ Կ. Պոլսէն հասած հրամաններուն բնաւ նշանակութիւն չարուիր և թէ քրիստոնեաները կեզեքելու չը ծառայեն։ Հազարաւոր ու հազարաւոր անզէն ու անսլաշատան քրիստոնեաներու կեանքը վտանգի տակ է ամէն օր։ Տեսակ մը կանոնաւոր և մէթուաւոր բնաջնջում է ասիկա, և թէ ժամանակին կանխարգել միջոցներ ձեռք չառնուին։

Քաղաքիս արքեպիսկոպոսը տեղեկագիր մը զրկեց Կ. Պոլսոյ Ազգային Պատրիարքարանին, իր եպիսկոպոսական վիճակին մէջ գործուած կեղեքումներուն վրայ։ Առկէ կը քաղենք հետեւեալ հատուածները։

«Տիգրանակերափ Հայերը քուրա Տէրէպէյիներէ կը հարստահարուին։ Ֆէթան Պէկ ու իր մարդիկները՝ կը գործեն իրենց անլուր աւերումներն ու խժդժանքները Ղարզանի ու Պէշիրիկի մէջ, Մէ՛մէտ Բաշիտ ու Ապառուլան։ Աղա՝ Ալիվանի մէջ, Սէվլախն Պէկ՝ Հազրօյի մէջ, Սահիտ Պէկ ու իր մարդիկը, Խոմայիլ Պէկ ու Շեխերը՝ Հայնիի մէջ, Միրզա ու Թէլլօ Աղաներն ու իրենց ազգականները՝ Խուլփի ու Խիյանի մէջ, Սաատուլլան՝ Պէկի տղաքն ու Շեխերը՝ Լըճէի մէջ, Սիւլէյման Պէկի որդիներն և ուրիշ շատեր ձապաղջուրի և Ակլի մէջ, Ռէշկոտանցի աշիրէթը Տիգրանակերափ ու Պէշարի մէջ։

Դեռ վերջերս, Թէլլօ Աղաբիրի հարուածներու տակ գետին փռեց Հայ մը, որ սաացած վերքերէն մեռաւ։ Թըքուհիներ պղծեր են հայ Ակեղեցիին խորանը։ Իշխանութիւնները լոկ անտարբեր հանդիսատեսներ են և բան

մը չեն ըներ պահպանելու համար Հայերուն կեանքը պատիւն ու ինչքերը :

Պէչարի Սայստ Պէկը, իր Եղբայրները, Ահմէտ պէկ ու Մէծօ, Հասան Պէկի ծառան, Թումօ անուն Հայու մը կինը վերջերս առեւանգեցին և բռնադատեցին զինքը որ իսլամութիւնն ընդունի :

Այս յիշուած տիսուր դէպքերը՝ հարիւրին մէկը հազիւ կը կազմեն այն բարբարոսային արարքներուն, որոնք օր ցերեկով տեղի կ'ունենան տեղական կառավարութեան քիթին տակ : Տիվրանակերտ, 26 նոյեմ. 1878 :

Տիվրիկ.—Այս քաղաքի հայ առաջնորդը վերջերս Պոլսոյ Ազգային Պատրիարքարանը տեղեկագիր մը զրկած էր Քուրդերէն ու Թուրքերէն գործուած հարըստահարութեանց ու զանազան ոճիրներու վրայ :

Ահաւասիկ այդ տեղեկագրէն քաղուած քանի մը գլխաւոր հատուածներ .

«Տիվրիկի տեղական կառավարութիւնը, հրապարակներն ու փողոցները մունեաթիկներ հանելով, ասոնց բերնով տեղւոյն խլամ ժողովուրդը հրաւիրած էր ա՛լ չը չարչարել ու չանարգել Հայերը, միեւնոյն ժամանակ, կառավարական գօնագին մէջ համախորմած էր Հայոց առաջնորդին հետ ազգային ժողովի բոլոր անդամները, տեղեկանալու իրենց գանգատներուն : Ասոր վրայ, Տիվրիկի Սօֆրաներուն ու մէկ քանի ազգեցիկ ու մոլեւանդ պետերու կողմէն գրգռուած Թուրքերը, զինուած կը խուժեն կառավարական պաշտօնաասունը, ուխտած ըլլալով հոն, հրապարակով սպաննել թէ՛ հայ ժողովականները, թէ՛ առաջնորդը, որոնք գրեթէ հըրաշքով ճողովրեցան խուժանին մոլեւանդութիւնէն : Խուժանը, ձեռնունայն վերադարձած ըլլալու և գոնէ մասամբ մը գործադրած ըլլալու համար իր ուխտը, կը

խորտակէ կառավարական բանտին դուռը, և բանի ներսէն դուրս քաշելով՝ արձակէ Սարկոնցի թուրք մը, ո Հայերուն վրայ ի գործ զրած ոճիրներովը մեծ համբաւ շինած էր: Այդ օրը բոլոր քաղաքը տեսակ մը պաշարման վիճակի կ'ենթարկուի, և խուճապ տագնապ մը կը տիրէ բոլոր քրիստոնեաներուն մէջ, որոնք մոլեռանդ խուժ ողմէն թալանի ու ջարդի սպառնալիքի տակ կը գտնեն իրենք զիրենք և ճգնաժամային բոպէներ կ'անցունեն: Տեղական կառավարութիւնը մեծ դժուարութիւններով հազիւ կը յաջողի հանդարտեցնեյ գերազրգուած ամբոխը, որ փողոցներուն ուշուկաններուն մէջ կը պոռար.

Ման կեալուրեներուն...:

Հայ խանութպանները գրեթէ ամէն օր կ'անարգուին, ծեծ կուտեն ու կը վիրաւորուին Տիվրիկի շուկային մէջ: Թուրք մը, Սարած Անմէտ անունով՝ վերջերս տիսուր ժողովրդականութիւն մը շինեց իր իսլամ եղբայրներուն քով, ամենատկշտ և խայտառակ կերպով մը նախատելով պարկեշտ ու իր բարեգործութիւններովը ծանօթ Հայ մը:

Աւազակութիւնները կը շատնան երթալով: Տեղական կառավարութեան կողմէն ո՛չ միայն չը հետապնդուիր աւազակ մը, այլ յաճախ կը վարձատրուի: Անցեալները Արապաճի Օղլու Մէնմէշ, Զէյվէլի Օղլու Մէմօ և իր եղբայրը, Արաբկիրյի վաճառականներ կողապտած էին ճամբան: Վաճառականներուն բողոքներուն վրայ ձերբակալուեցան անոնք ու Սվազի կուսակալութեան կեղրոնախան բանտը դրուեցան: Եւ սակայն, իրենց ձերբակալման վրայ հազիւ թէ անցած էր մէկ երկու շաբաթ, երբ լսուեցաւ թէ ամէնքն ալ ազատ արձակուած են: Ու այս աւազակները գեռ վերջերս փոր-

ձած էին ուրիշ նոր յարձակում մը գործել կարաւանն ներու վրայ, Սուսուզ Պէլի կոչուած կիրճին մէջ:

Իր տխուր ու արիւնոս նախճիրներով հանրածանօթ թուրք աւազակապետ Դանդալ Ազասիի մարդերը, ոկրսած են կողոպտել բոլոր ճամբորդները, որոնք կը հանդիպին իրենց ճամբուն վրայ: Գլուխը ջախջախած են Յուսիկ Զօփուրիան անուն Հայու մը, որ փորձած էր դէմ դնել ինքնապաշտպանութեան բնազդով:

Տիվրիկի շրջականները, ամէն օր նոր նոր աւազակներ երեւան կ'ելեն: Ալիշան պէյ ու Ալի Աղա աւազակները, լեռան թագաւորներու պէս ի գործ կը դնեն իրենց արևմատը: Խւրաքանչիւր հայ ճամբորդ կը բռնագատուի զճարել իրենց 600 զրուշի ֆրկանք մը, կարենալ անվանուգ երթեւեկելու շամար:

Հասան ու Մահմատլոչուած երկու քուրտեր Ս. Յակոբի գլուզին Հայերէն կորզեցին երեք հազար զրուշի գումար մը. զանոնք առելիօրէն խոշտանգելէ եաքը:

Վարժարաններու վերաբացման օրերը, երբ աշակերտները պայտար համար մօտակայ դաշտը կ'երթան, յանկարծ յարձակում կը կրեն խումբ մը թուրք երիտասարդներէ, որոնք քարերու տարափ մը կը տեղացնեն, և որոնց կ'առաջնորդէր հօնա մը, իր թոքերուն բոլոր ուժովը պոռալով. «Զարկէ՛ք, զարկէ՛ք, սատկեցուցէ՛ք կեավուրի ձագերը...»:

Եթէ այս վիճակը տեսէ տակաւին, մեզի ուրիշ բան մը չը՝ մնար ընել, բայց միայն ուրանալ մեւ հաւատքը, պատառ մը հաց հանդարտ սրտով կարենալ ուտելու համար, բայց, մեզի համար լաւագոյն է մեռնիլ քան թէ զրկուիլ մեր նախահայրերուն պաշտած սուրբ կրօնքի միսիթարութենէն: 22 նոյեմբեր 1878, Տիվրիկ:

Զեթուին .— Կիլիկիոյ Ս . Կաթողիկոսը Սիս վերաշուանալու միջոցին , Մարաշ հանդիպած ըլլալով , առիթունեցաւ տեսակցութիւն մը ունենալու Մարաշի կառավարչին հետ : Ա . Կաթողիկոսը դիտել կուտայ թէ՝ մէկ կողմէն տուրքերուն ծանրութիւնը , միւս կողմէն կաշաշառակեր ու գող պաշտօնեաներուն բռնութիւնը , այս երկուքը միացած , Զեթունի լեռնական հայ ժողովուրդը մզեր են ապստամբութեան , ինչպէս որ անցեալին մէջ ալ տեղի ունեցած է նոյն բանը , և վերջացնելով , կառավարչին կը ներկայացնէ հետեւեալ խիստ կարեւոր առաջարկները .

1.—Տուրքերը զեղչել և իջեցնել տարեկան 23 կամ 30 հազար զրուշի , քանի որ այդ գումարը դարեր աշուած որոշուած է Սուլթան Մուրատ Դ . ի հրովարտակով , և մանաւանդ որ Զեթունի դիրքը , ինչպէս յիշուած է Փէրմանին մէջ , լեռնուա ու անպտղաբեր ըլլալով , բնակիչները մեծ դժուարութիւններով ու չարաչար տաժանքներով հազիւ կրնան հայթայթել չոր հաց մը :

2.—Տարիներէ ի վեր դիզուելով , պաշտօնեաներու անհոգութեան և նոյնիսկ անոնց կաշառակերութեան հետեւանքով ցարդ անվճար մնացած բոլոր տուրքերուն կայսերական ներում մը չնորհել :

3.—Նկատելով որ Զեթուն , թէ՛ քաղաքը , թէ՛ շրջակայ գիւղերը , զուտ հայ բնակչութիւններէ կը բաղկանայ , պէտք է կառավարուի քրիստոնեայ գայմագամով մը , որպէս զի այդ ի բնէ անկախ ու խրոխտ լեռնակամններուն դիւրատար գայ նորամուտ կառավարութեան լուծը (հազիւ տասներկու տարիէ ի վեր մուտ գտած է հոն արդի կառավարութիւնը , այսինքն 1866ին , այս թուականէն առաջ Զեթուն իր բոլոր գիւղերով ու շրջականներով կը կառավարուէր մէկ արքե-

պիսկոպոսով ու չորս իշխաններով, որոնք կը կտրէին ամէն դատ ու կը հովուէին ժողովուրդը նահապետական պարզուկ ու գործնական կանոններով) :

Մարտչի կառավարիչը, Կիլիկիոյ Ս. Կաթողիկոսին այսքան բանաւոր և այսքան օգտակար առաջարկները բացարձակապէս կը մերժէ և, Երլարզէ. ստացած վերջին հրահանգներու համաձայն, կանոնաւոր զօրքի բանակը Զեթունի վրայ կը քալեցնէ : Զեթունի սահմանները սօսենալուն, բաշան բանակատեղին կը հրաւիրէ Զեթունի մեծամեծները, իբր թէ, երկուստեք համաձայնութեամբ որոշելու ժողովուրդին վիճակին յարմար ամեննէս կարեւոր բարենորոգումները, և երբ կը յաջողի այդ արի լեռնականներէն երեսուն հոգի համախըմբել իր քով, ամէնքն ալ կը բանտարկէ :

Այսպէս, մեծամեծները բանտարկելով, կը յաջողի մանել Զեթուն և դիմացը լարել բանակին վրանները : Անմիջապէս կը կազմուի Պատերազմական Ատեան մը, դատելու և պատժելու համար առանց պետերու անպաշտ պան մնացած ժողովուրդը : Ուրիշ Յանձնաժողովմըն ալ կը կազմուի ամբջողովին գանձելու համար յետնեալ տուրքերը : Պատերազմական Ատեանը, քանի մը զինւորականներէ և Մարտչի մոլեռանգներէն կազմուած, կը սկսի նախ և առաջ բանտը նետել երեսուն Հայեր և աճուրդի հանել Պատիկ իշխանին գլուխը, որ մեծ հաչա'լ հանած է իբրև ապստամբապետ : Հարկահաւաք Յանձնաժողովը ո՛չ գութ ունի ո՛չ ալ խիզճ : Զեթունի մէջ թշուառութիւնը կարելի չէ նկարագրել գրչով ո՛չ ալ պատմել լեզուով : Կ. Պոլիս 8 դեկտեմբեր 1878:»

ՏԻԳՐԱՆԱԿԵՐՏ. — Ահաւասիկ ծանրակշիռ լուր մը ո՞ր արդէն սարսափի մասնած է կուսակալութեան բոլոր պաշտօնեանները : Պէտրիսան Յաչային սրգինները, Հա-

միտ Աղա աւատագետին առաջնորդութեամբ , ապրու-  
տամբութեան դրօշակը պարզեցին կառավարութեան դէմ  
և իրենց առաջին քաջագործութեան ասպարէզ ըրին Տը-  
հէ անուն հայաբնակ գիւղը , որուն վրայ կատաղի յար-  
ձակում մը գործելով ամէն բան թալլեցին , անսուր  
խժդժութիւններ գործեցին , աննախընթաց ոճիրներու  
շարք մը . ութը տարու փոքրիկ աղջիկներէն սկսեալ ա-  
մենէն տարէց . մինչեւ իսկ ութսուննոց կիները բռնաբա-  
րեցին . . . .

Ասդին , Ալիվանի գայմագամը , Նէճիպ Աղա կոչուած  
հրէշ մը , կը կողոպտէ , կը կեղեքէ , կը հալածէ ուր որ  
գտնէ քրիստոնեայ մը :

Խայնիի մէջ , Ապտուլահ պէկ ու Բաշիտ , այդ տեղի  
երկու երեւելիները , կարծես թէ իրարու հետ մրցումի  
ելեր են , և իրենց բոլոր ճիգն ու եռանզը կը թափին  
քրիստոնեաներուն չարչարանքը բազմապատկելու շա-  
մար :

Տիգրանակերտի կուսակալութեան հեռաւոր սահ-  
մաններուն մէջ , Անմէտ Պէկի ու Շեխ Անմէտի առաջ-  
նորդութեան տակ նոր հրասախումբ մը գործի վրայ է ,  
արձակ համարձակ աւազակութիւն կ'ընէ . չը մնաց տուն  
մը , որ այցելած չըլլան ասոնք . չը կայ եկեղեցի մը ,  
որ կողոպտած չըլլայ ասոնցմէ : Հարկ չը կայ մէկիկ մէ-  
կիկ յիշելու տռեւասգումներն ու յափշտակումները , ու-  
րոնք յաճախաղէպ են , օրակարգի վրայ են թալանն ու  
սպաննութիւնը : Քուրաբերու պետ Եկիլ , Տէրիքան տշի-  
բէթին գլուխը անցած , կ'ասպատակէ բովանդակ նա-  
հանգին մէջ , աւարի , աւերի ենթարկելով բոլոր շնն  
գեղերը , ուր քրիստոնեայ բնակչութիւն մը կ'ապրի , իր  
աշխատանքի ու քրտինքի նալալ ու խեղճ արդիւն-  
քովը : Կատարեալ անիշխանութիւն մը կը տիրէ ամե-  
նուրեք :

Տիգրանակերտ , 21 դեկտեմբեր 1878 : »

**ՄԱՐՄԾ.** — Տեղւոյն հայ կղերական ու աշխարհական կարեւոր անձնաւորութեանց կողմէն ընդարձակ տեղեկագիր մը հասած է Պոլսոյ Ազգ։ Պատրիարքարանը, որուն մէջէն կը քաղենք հետեւեալ աչքառու հատւածները։

«Քաղաքիս մէջ կրթասէր երիտասարդներու ընտըրեալ խումբ մը, Հայրենասիրաց անունով ընկերութիւն կազմած էր, միակ նպատակ ունենալով կեդրոնական վարժարան մը հիմնելու, հոն երկրորդական կրթութիւն մը արուելու համար քաղաքիս վեց թաղերու նախակրթարաններու ընթացաւարտներուն։ Այս ընկերութիւնը յաջողած էր դրամագլուխ մը կազմել քաղաքին յարժարագոյն կեդրոններէն մէկուն մէջ վարժարանի չէնքի մը կառուցման գոռծածուելու համար։ Նորեկ կառավարիչը, արգիլեց ընկերութիւնը, և ցրուեց բոլոր անդամները, բանտարկելու սպառնալիքի տակ։

Մեր քահանաները չեն համարձակիր փողոցներէ անցնիլ. թուրք երիտասարդներ, նաև սօֆթաներ, քարի կը բռնեն զանոնք և կերպ կերպ նախատինքներով ու հայուղներով կը հալածեն։

Զեթունէն նոր բերուած բանտարկեալները, երբ փողոցներէն կ'անցնէին, կապուած, քաղաքիս մոլեռանդ թուրք բնակչութեան կողմէն աննկարագրելի լուտանքներու ննթարկուեցան և կը լսենք թէ՝ բանտին մէջ ալ կը խոշտանգուին ամէն օր։ Կառավարիչը խստիւ արգիւած է յարաբերութեան մանել իրենց հետ, արգիլուած է նոյնիիկ կերակուր տանիլ այդ խեղճ բանտարկեալներուն, որոնցմէ մէկ քանինները մեռան արդէն անօթութենէ ու տանջանքէ։ Թուրքերը գերագրգուած են և Հայերուն դէմ թշնամական ցոյցեր կ'ընեն շուկաներու մէջ, փողոցները, եկեղեցիներու, առջե, այնպէս որ ո՛չ

ոք Հայերէն չպիտի համարձակի տունէն դուրս ելլել, ո՛չ ոք չպիտի կրնայ խանութը բանալ : Սարսափը կ'աւելնայ երթալով :

Քաղաքիս թուրք ու հայ բնակչութեանց միջև արմատական ատելութիւն մը կայ . այս ատելութիւնը չը մարիր երբէք, քանի որ տեղական իշխանութեան կողմէն աւելի՝ կ'արծածուի ան : Յաճախաղէպէպէ յուղարկաւորութեան թափորի մը յարձակութ կրելը, դագաղին քարկոծուիլը, եկեղեցիներու զոներուն ազըերով ծեփւիլը, կիներու առեւանգումը, ազջիկներու բռնաբարումը : Եւ այս ամէնուն աչք կը գոցէ մեր բարեխնամ (։) կառավարութիւնը : Ե՞րբ պիտի վերջանայ այս դժոխացին վիճակը Մարաշ : 18 գեկտեմբեր 1878 :»

Կիիրին .— Սոյն հայաբնակ քաղաքի հայոց կաթողիկոսական Փոխանորդին կողմէն Պոլսոյ ազգային պատրիարքարանին զրկուած ընդարձակ տեղեկագրէ մը քաղուած կարեւոր հատուածները կը նշանակենք սառըեւ .

«Պաշարման վիճակ մը հրատարակուած է հոս : Ճամբաները խափանուած են արդէն ձիւներէն, սակայն, աւազակներուն համար միշտ բաց են, որոնք շատ անգամ զիշերները կ'այցելեն քաղաքը, մէկ քանի հարուստ հայերու առներ ու մթերանոցներ կողոպտելէ ետքը կը հեռանան, ուրիշ հայաբնակ գիւղերու մէջ փոխարելով իրենց արշաւանքը : Վերջերս Մանճըլըգի վանքը Քուրտ աւազակներ մտած էին և ծերունի վանահայր Զաքարիա եպիսկոպոսին մահ սպառնալով՝ յաջողած էին քանի մը թանկագին անօթներ ու եկեղեցական սպառներ առնել տանիլ, ինչպէս նաև եպիսկոպոսին՝ տարիներէ ի վեր ըրած խնայողութիւնները, մէկ երկու տասնեակ ոսկիներ :

Աշոտի վանքէն ալ տխուր լուրեր կը հասնին, միեւնոյն աւազակները, միեւնոյն կողոպուաները, միեւնոյն արսափը, և տեղական միեւնոյն անհոգ ու անտարբեր կառավարութիւնը։ Ահաւասիկ կիւրինի և չրջականերուն մեր ազգային կացութիւնը։ 14 Դեկտեմբեր. 1878, Կիւրին։»

ՎԱՆ. —Վանայ Առաջնորդը վերջերս մանրամասն տեղեկագիր մը զրկած էր Պոլսոյ Ազգային Պատրիարքարանը, իր եղիսկոպոսական վիճակին մէջ գործուած զանազան հարստահարութեանց վրայ։

Ահա՛ւասիկ քանի մը հատուածներ, որոնք քաղաքացին տեղեկագրի պարունակութենին։

«Բանի՛ քանի անգամներ գրեցինք Պատրիարքարանը, և իմացուցինք թէ՛ Թուրքերը հրդեհած էին Վանայ շուկան։ Զարմանալին հօն է որ ժամանականը, որոնք իբր թէ՛ հրդեհը մարելու պաշտօն ունէին, իբրև քգուցած են որքան դրամ որ գտած են Հայերու խանութներուն մէջ։ Ու ասիկա բաւականէն աւելի հաստատուեցաւ աւաջին հարցաքննութեան մը մէջ, որուն ենթարկուած էին այդ իշլճամիտ ու պարկեշտ(?) ոստիկանութեան պաշտօնեաները, որոնց յանձնուած է քաղաքին պահպանութիւնը...։ Սակայն, թէ՛ զարմանալի և թէ՛ ցաւալի կէտ մը կայ այս կատակախաղին մէջ։ Ճերբակալուած կասկածելի ժանտարմաները, որոնք ինչպէս ըսինք, առաջին հարցաքննութեան մէջ, չկրնալով ուրանալ, ստիպուեցան ճշմարտութիւնը խոստովանիլ, գիտէ՞ք, ի՞նչ վախճան ունեցան։ Ո՛չ մէկուն ո՛չ մէկ պատիժ, ամէնքն ալ արծակուեցան ու գողցուած դժամներէն և ո՛չ իսկ սէկ բարա ետ չտրուեցաւ տէրերուն։ Արդէն հրդեհին նախընթօրը, կանոնաւոր զօրքերը սպառնալիքներ աեղացած էին Հայերուն շուկան այ-

գելու և խանութիները թալլելու : ԱՄԵՆՔ այս պտրագան  
ալ յայտնեցինք անձամբ Վալի բաշային , որ չը կրցաւ  
հերքում մը տալ , և սակայն , ամէնուն վրայ վարադոյր  
մը քաշեց : Վան , 18 դեկտեմբեր 1878 : »

ԱԿՆ .— Ակնայ գաւառին եշրջականերուն մէջ վեր-  
ջերը գործուած կեղեքումներու և հարստահարութեանց  
տեղեկագիր մը զրկուած էր Պոլսոյ Պատրիարքարանը ,  
Առաջնորդին և Քաղաքական ժողովին կողմէն :

Ահաւասիկ քանի մը հատուածներ .

« Այս տարի , Յունվար ամսուաննամէջ , Օվաճուգ  
գիւղէն Քուրտ Խոմայիլ ու իր ազգականները , զարհու-  
րելի խոշտանգումներով ու չարչարանքներով սպաննե-  
ցին Ակնցի Հայ մը , Պօղոս Ճէնագեան :

Դարձեալ Օվաճուգի Քուրտերը , արիւնարբու հուղ-  
կահարներ , ճամբան կը յարձակին երուսաղէմ գացող  
երեսուն հայ ուխտաւորներու վրայ ու ամէնքն ալ կը  
կողոպահն այս տարի Օգոստոս ամսուան մէջ :

Դարձեալ այս տարի Սեպտեմբերին , մեծ ճամբուն  
վրայ , տասներկու Քուրդեր կը կողոպահն Գասպար Խա-  
նաբեանն ու իր բարեկամները , ասոնց վրայէն առնելով  
գրեթէ 350000 դրուշի գումար մը : Եւ այս աւազակու-  
թեան դէմ երբ բողոք արուեցաւ կառավարութեան ,  
բողոքողները , որոնք մէկ բոպէի մէջ իրենց հարստու-  
թենէն զրկուած , օրական հացի կարօտ եղած էին , ա-  
ռանց հարցուփորձի բանտը դրուեցան :

Ակն , 25 դեկտեմբեր 1878 : »

Խորէն էֆէնաի բոլոր այս վաւերաթուղթերը մէկիկ  
մէկիկ աչքէ անցունելէ ետքը , ծրաբեց դարձեալ ու  
մէկդի դրաւ :

— Խորէն , ըստ Հայրապետը միւս ծրաբները պատ-

բաստած եմ ես, անոնք ալ ա՛ռ, ասոր հետ միացո՛ւր ։  
Ասոնք բոլորն ալ Վեհափառ Յարին մատուցուելիք աշ-  
ղերսագրին հետ պիտի զրկուին Ս. Բէթրսպուրկ :

Խորէն Էֆէնտի անմըջապէս կատարեց Հայրապետին  
յանձրաբարութիւնը, իր գրասեղանին մէկ անկիւնը տե-  
ղաւորեց միւս ծրաբներն ալ :

Այդ ծրաբները, 1878-1879էն յետոյ, Հայաստանի  
զանազան հայաշատ կեդրօններուն մէջ և յետին ան-  
կիւնները, համիտական կառավարութեան ու քրդական  
համրախիչ ուրիշ աւազակային խումբերու կողմէն պար-  
բերաբար ու անընդհատօրէն ի գործ զրուած վայրա-  
գութեանց մանրամասնութիւնները կը պարունակէին :  
Համառօտելով այդ ամէնը, կարելի էր ամփոփել հետեւ-  
եալ կէտերուն մէջ .

1. — Զեթունի Պապիկ իշխանի ծանօթ ապստամ-  
բութեան հետեանքով այդ կէս-անկախ հայկական լե-  
ռան մէջ, բռնապետական կառավարութիւնը վերջապէս  
կը հաստատուի, բերդաքաղաքին վրայ իշխող բարձր  
բլուրի մը գագաթը հրմնելով Զօրանոց մը և հոն տե-  
ղաւորելով թութանօթներ, ուղղմամթերք ու վաշտ մը կտ-  
նոնաւոր զինւորներ :

2. — Կարսոյ 1882ի անդրանիկ շարժումը, մոլե-  
ռանդ խուժանին յարձակումը քրիստոնեաններուն վրայ  
և այդ վայրագութեանց հետեանքով, յիսունէ աւելի  
անմեղ Հայերու ձերբակալուիլը, ևն :

3. — Կիիրին ի մէջ, դպրոցական պարգեւաբաշ-  
խութեան մը հանդէսին առիթովը արտասանուած Զե-  
թունցի Զգօննեան Մանուկ վարժապետին «Տեսէ՛ք Ալաւ-  
նին նոյեան սապանին» հայրենաշունչ բանաստեղծու-  
թիւնը Կ. Պոլսոյ Մամուլ լրագրին մէջ հրատարակուած  
ըլլալով, այդ թերթի Խմբագիր-Արտօնատէր Այլազգեան

Գէորգ էֆէնտին Միտիլի կղզին կ'աքսորուի, անպայման ժամանակով բերդարդելութեան դատապարտըւած :

4. — Ծանօթ ազգային մշակներէն Եղիա Տնտեսեան, Հայկական Երգարան մը հրատարակած ըլլալու ոճիրով(՞) բանտը կը դ ուի և հոն, չկրնալով դիմանալ դոկանքներու և խոշտանգումներու, կը մեռնի:

5. — Մկրտիչ Փօրթուգալեան, Վանայ մէջ իր ունեցած ազգային ա՛յնքան աշխոյժ գործունէութեան ու կրթական ծառայութեան մէջ ցոյց տուած ա՛յնքան օգտակար ջանքերուն հետեւանքովը կասկածելի կը դառնայ համիտական բռնագետութեան աչքին, և կը ստիպուի փախստական ապաստանիլ Թրանսայի մէջ :

6. — Պերլինի Վեհաժողովին ներկայացած հայկական պատգամաւորութեան քարտուղար անդամներէն Մինաս Էֆ. Զէրազ, որ վերջերս Դալաթիոյ Հայոց Կեդրոնական վարժարանին մէջ տեսչութեան պաշտօնը կը վարէր, կը ստիպուի փախչիլ մայրաքաղաքէն և ապաստանիլ Անգլիա :

7. — Վանայ մէջ ժողովուրդին ծայրայեղ կեղեգումներն ու զրկումները տեսնելով, մէկ քանի երիտասարդներ, ինքնապաշտպանութեան ուխտով մը կը միանան, այս ուխտեալներէն Արմենական Ագրիպանեաները Համիտի զօղքերէն կը սպաննուին, և կ'ըլլան առաջին զոհերը մոլեռանդ ու բարբարոս բռնապետութեան :

8. — Գումար Գաբուի Հայոց Պարիարքարանին մէջ տեղի ունեցած ժողովրդային բողոքի ցոյցի մը հետևանքովը կ. Պոլսոյ փողոցներուն մէջ հայկական արիւնը կը հոսի, Ապտիւլ Համիտի պաշտօնատարներուն թեւագրութեամբ ու զրդուած զօրքերուն ձեռքով :

9.— Զեթունցի թուրք լրտես Օսման Չավուշ աշուն ժամանակա մը, Կիլիկիոյ զանազան հայաբնակ քաղաքներն ու գիւղերը կը պտըաի ծպտուն վիճակի մէջ, հայ ձեւանալով, ապստամբութեան կը յորդորէ խաղաղ Հայերը, իբր թէ թօթուելու համար բռնապետական կառավարութեան մը գարշելի լուծը: Այս չավուշին սակրանքներէն խարուած տասնեակներով անմեղ Հաճընցի Հայեր կը ձերբակալուին և Ատանայի կեղրունական բանաը կը գրուին, Օսման Չավուշ երբ Զեթուն կը վերադառնայ իր չարագործական առաքելութենէն, կը սպաննուի Հայերէն: Այս հասարակ մարդասպանութեան ոճիրը, Մարաշի համիտաբարոյ կառավարիչ Սալիհ բաշային ջանքներովը, և քաղաքին ազդեցիկ մոլեռանդներու գրգռումներովը, քաղաքական գոյն կը ստանայ և քանի մը վաշտ կանոնաւոր զօրք կը զրկուի, զսպելու համար Զեթունի ապստամբութիւնը (՞): Ժամերով զօրանոցէն քաղաքը կը ումբակոծուի, ի վերջոյ, Երլարզէն Քննիչ Յանձնաժողով մը կը զրկուի Զեթուն, և կը սկսին անիրաւ ձերբակալումները. եկեղեցական ու աշխարհական մեծ դէմքեր, եպիսկոպոսներ, վարդապետներ, քահանաներ, ուսուցիչներ ու գրադէտներ, հասարակ ոճրագործներու բանտը կը նետուին: Եւ այս ամէն վայրագութիւնները կը գործուին, խեղդելու համոր բողոքի աղաղակները Զեթունի արի լեռնականներուն, որոնց հինգ հարիւր յիսունըորս մատղաշ տղեկները, կառավարութեան կողմէն զրկուած հայ բժշկի մը ներարկած թունաւոր պատշաճին զոհ եղան, ևն:

Եօզկաթի կախաղամներուն արիւնոտ մանրամասնութիւնները ստուար ծրար մը կը կազմէին:

Ու այս բոլոր ծրաբներաւն ամփոփայքը . Հայրապետին գողգոջուն ձեռքովը սատորագրուած աղերսադրի մը հետ ողիտի մատուցուէր Վեհափառ Յարին . . . :

Զ.

Խրիմեան Հայրիկ ու Խորէն Էֆէնտի այս պրալը տումներուն մէջ ընկղմած էին , երբ ներս մտաւ Գարեգին ու խոնարհելով մինչեւ գետին ,

— Վեհափա՛ռ , ըստւ , գուրսը ցնցոտիներ հագած գիւղացի մը կը սպասէ :

— Ո՞վ է , ըստւ Հայրիկը , չը հարցուցի՞ր , ուրիշ կուգայ :

— Սասունէն , Սասունէն , ըստւ Գարեգին , կը ունակին վրան կուզ մըն ալ ունի , կարճ հասակով , քառասուն քառասունը՝ ինքնոց մարդուկ մըն է :

— Լա՛ւ , լա՛ւ , գնա՛ կտնէ՛ թող ներս մտնէ :

Գարեգին մեկնեցաւ ու Խորէն Էֆէնտին ալ ետեւէն գնաց , լաւ մը հասկնալու համար թէ ո՛վ է այդ նորեկը :

<sup>1</sup> Հայրապետը ման կուգար սենեակին մէջ :

Քիչ յետոյ Գարեգին վերադարձաւ , իր հետ բերելով նորեկը , որ Վեհարանին դուռնէն սկսաւ ծունկի վրայ սողալ , արախջինը ձեռքին մէջ , մինչեւ որ մօտեցաւ Ա . Հայրապետին և ուխտաւորի մը ջերմեռանդ հաւատքովը պագաւ Վեհափառ ծերունիին Աջը :

— Ոտքի ելի՛ր , հա՛յ աղայ , գոռաց Հայրապետը , ոտքի ելի՛ր , պատմէ՛ նայիմ ուրիշ կուգաս :

— Հայրի՛կճան , թոթովեց անձանօթ ուխտաւորը , ա-

րիւնի , հուրի , սուրի մէջէն կռւգամ . մնր աշխարհը չը մնաց հիմա կենդանի շունչ մը : Քանդուած օճախներուն վրայ վայրերան բուերու կոծումը կը լսուի . չը մնա՛ց տուն տեղ , չը մնա՛ց կալ , չը մնա՛ց ո՛չ գուար ո՛չ արշառ . սուրէն , հուրէն ապրածները կը թափառին հիմա լիռաները , ձիւներուն գէմ , վայրենի անտառներու կողոպուտը կը յափշտակեն իրարու ձեռքէ , խոտ ու տերեւ կը փնտռեն սնունդի համար , Հայրի՛կ ջան .

Հայրապեաը , ոտքի վրայ , մնչարժ արձանի մը պէտ արծիւի նայուածքը սեւեռած ուխտաւորին , պատմուածքը մտիկ կ'ընէր երկիւղածօրէն , ջանալով զապել իր ներսիդին պտուտքող յորձանքը :

— Հայրի՛կջան , շարունակեց անծանօթը , բոլորաիւքը պարտցնելով իր կասկածուտ աշքերը , յուսահատուեան , վրէժի ու անէծքի կայծեր բոցարձակող այս երկու խարոյկները , կ'աղաչեմ , Հայրի՛կջան , կը պաղատիմ , թողութիւն չնորհեցէ՛ք , առանձնութիւն կը փափիմ . գաղանիքներ ունիմ հաղորդելու . . .

Հայրապեախին ազգանշանին վրայ Ասորէն էֆէնտին ու Գարեգին հեռացան :

Նորեկ ուխտաւորը միս մինակ մնաց Արիմեան Հայրիկին հետ :

— Ե՛ , խօսէ՛ նայիմ , ըսաւ Հայրապեաը , ի՞նչ գաղտնիքներ բերեր ես ինծի :

— Վեհափա՛ռ Հայրիկջան , բոլոր գաղտնիքները հո՛ս ծրարուած են :

Աւ իր կռնակի կուզը ցոյց տուաւ . հանեց վրալէն վրյուոցը , որուն ներսի երեսը կարուած էր պարութայմը , քակեց կապը , իրարու վրայ գրուած լաթի ու քուրջի կտորուանքներու մէջէն հանեց կարմիր պարութայմը : Ահազին բեռէ մը թեթեցած մարդու մը գոհունակու-

թեամբ, լայն շունչ մը քաշեց ուխտաւորը, և պարուժան յանձնելով Հայրապետին.

— Հայրիկջան, ըստ ցած ձայնով մը, միշտ պարութան ցոյց տալով, ասոք մէջ է ամէն բան։ Ամիսներէ ի վեր, լեռ ու ձոր, գիւղէ գիւղ, անկոխ ճամբառներ կտրելով, լրաեսներուն, մատնիչներուն ու սստիւկաններուն աչքերէն հեռու, ո՛չ մէկ մարդաշտ քաղաք չը հանդիպելով, մուրացկանի կերպերով, յաջողեցայ ճամբորդել առանց վտանգի և վիրջապէս հոս հասայ, Ս. Էջմիածնի ոտքը կատարելու իմ ուխտը.

— Ի՞նչ ուխտ ունիս, հայ մարդ, հարցուց Հայրիկի խորդաւոր շեշտով մը.

— Հայրիկջան, երեք կտրիճ գաւակներս Սասունի պատերազմին մէջ ինկան, երեքն ալ՝ ամուսնացած ու լաճերու հայրեր, հարսերս Զէքի բաշային զօրքերը բռնի տարան, թոռնիկներս, մեծ ջարդին կոփկուտեցան ձիերու ոտքերուն տակ։ Ե՛ս մնացի մինակ իմ ընտանիքին, աշխարհիս մէջ մէ՛կը չունիմ. օջ ա՛խս քանդեցին, կալս այրեցին, արջառներս քշեցին, աւերակներու վրայ գեռ ի՞նչ պիտի ապրիմ, ու քաշքշեմ աւերակ կեանք մը, երբ ամէնքը կորան, Հայրիկ ջան։ Ուխտեցի Ս. Էջմիածնի սուրբ պարիսպին տակ մեռնիլ ու Ս. Լուսաւորչի շուքին տակ թաղուիլ . . . :

Հայրապետին աչքերէն արցունքի տաք տաք կաթիւներ հոսեցան։

Առանց զգացնելու իր ոտքերուն տակ ծնկագուճ ուխտաւորին, կռնակը դարձուց ու ձեռքի սեւ թաշկինակովը սրբեց իր թրջուած սպիտակ մօրուքը։

Յետոյ, դառնալով ուխտաւորին.

— Տղամայ ըստ գորովոտ հօր մը խանդաղատանքով, դուն հիմա քիչ մը հանգչէ՛, ծառան կանչեմ,

Քեզի կերակուր մը թող տայ , կե՛ր , կշտացի՛ր , յետոյ , խուց մըն ալ թող ցոյց տայ քեզի , գնա՛ , յոգնութիւնդ ա՛ռ , քնացի՛ր : Իրիկուան դէմ դարձեալ քեզ կանչել կուտամ քովս , գնա՛ , օրհնա՛ծ , գնա՛ հանգչէ՛ քիչ մը :

Ուխտաւորը շտկուեցաւ , ոտքի ելաւ ու կեցաւ Վեհափառին առջեւ :

— Դարեգի՛ն , կանչեց Հայրապետը , ա՛ռ այս Հայաստանցին , ճաշարա՛նը տար , յետոյ , խուց մըն ալ պատրաստել առ՛ւր , թո՛ղ քիչ մը հանգչի , հասկցա՞ր :

Դարեգին առաւ տարաւ ուխտաւորը , իսկ Հայրապետը դարձեալ առանձնացաւ իր գրասենեակը :

Պարութան սեղանին վրայ դրաւ , ինք նստաւ քաղկաթոռը , և սկսաւ խնամով քակել պարութային փաթոյթը : Կարմիր , արիւնոտ լաթի մը մէջ փաթթուած թղթածրար մը մէջտեղ ելաւ :

Հայրապետը արիւնոտ լաթը տեսնելուն , սոսկաց : Բացաւ թղթածրարը , առաջին տետրակին առաջին էջը «ԱՍՍԻՒՆԻ ԶԱՐԴԵՐՈՒՆ ՏԵՂԵԿԱԴԻՐԸ» նշանակուած էր խոչոր տառերով :

Արիւնոտ լաթը , որ իբր փաթոյթ ծառայած էր թրդթածրարին , վեղար մըն էր , Մշոյ Ս . Կարապետի վանքին մէջ փողոտուած վարդապետի մը վեղար ըլլ...:

Առաջին տետրակը սկսաւ թերթատել , յետոյ երկրորդը , երրորդը , չորրորդը , և վերջապէս հենգերորդ տետրակը , որ կը վերջանար Մուրատի (Համբարձում Պօյաճեան) բանտարկութեան պարագաներով :

Ա՛լ չէր կրնար շարունակել , ուստի գոցեց տետրակները , և զանոնք դարձեալ պինտ մը փաթթեց արիւնոտ վեղարին մէջ :

Ու հակամարտ խորհուրդներ սկսաւ յուզել յեղափոխականի իր մաքուր հոգին։ Պահ մը մոռցաւ իր հայրապետի հանդամանքները, թէ՝ Ինք էր Ամենայն Հայոց Կաթողիկոսը, Էջմիածնի վանդակին մէջ արգիլուած վիրաւոր Արծիւը Վասպուրականին։ մոռցաւ թէ հոտ, այդ երկաթէ վանդակին մէջ արգելափակ մեռնելու դատապարտուած ուխտեալ մըն էր. այս ամենը մոռցաւ։ Յիշեց միայն իր անցեալը, այսքան բեղուն ու հարուստ յեղափոխութեան դրուագներով. յիշեց Վարագայ վանքը, իր հիմնած Տպարանը, իր հրատարակած Արծիւ Վասպուրականին։ յիշեց Պոլսոյ իր պատրիարքութեան շըրջանը, ջոջերու ամիրայական բեկորներու և կարգ մը պաշտօնամոլ անձերու դէմ ինք առանձին մնացած։ յիշեց իր պատգամաւորութիւնը, Պերլին, Բարիզ, Լուսոն, Հռոմ, Հայաստանի համար մուրալու կեանքի, պատիւի և ինչքի ապահովութիւն, . . .։ Յիշեց իր վերադարձը Վարագ, յիշեց իր Պոլսոս բերուիլը Համբատի հրամանով, Յարութիւն Վեհապետեանի Պոլսոյ Պատրիարքութեան օրով. յիշեց իր աքսորի տարիները՝ Երուսաղէմի Վանքին մէջ, և յիշեց, վերջապէս, Երուսաղէմէն Էջմիածին փոխադրութիլը, Գողգոթայէն Արարատ, Ս. Լուսաւորիչներու, Պարինեւներու և Աշտարակեցիներու գահը բազմելու համար . . .։

Եւ այս յեշատակներու բեռին տակ ընկճուած, եւ բախայի մը պէս սկսաւ լալ, ողբալ իր անկարողութիւնը . . .։

Եւ ստկայն իր հոյակապ հոգիին մէջ կը զգար տակաւին բորբոքումը սրբազն հուրին, որ Վահէմի լեզուներով պիտի լավիիզէր ու սրբէր Հայու ճակտէն դարաւոր գերութեան, ամօթի ու չարչարանքի աղտը։ Ուստի, հաւաքելով մօխրի տակ անթեղուած իր կորովի

կեանքի մնացորդ ուժերը, լարելով իր կամքի հղօր ջիւզերը, ստքը՝ գերեզմանին եզերքը դրած, իսկ վրէժխընչիր աչքերը բեւեռած՝ երկինքի յաւերժական բոցերուն, վճռեց ասպարէզ նետուիլ, վճռական քայլով մը: Խորհեցաւ Հայրապետական կոնդակով մը՝ զէնքի կանչել երկրագնտիս բոլոր կէտերուն վրայ ցանցնուած իր տարաբազդ ժողովուրդին զաւակները, արդար վրէժը լուծելու համար Սասունի արիւնին...: Սակայն, յանկարծ, հիասթափած, վար իջաւ ամպերէն, չօշափելու համար իրականութիւնը, իր կաշկանդուած դիրքը, իր ապիկարութիւնը, և, Թշնամիին Ոյժը...: Եւ անդամ մընալ ստիպուեցաւ յստակօրէն տեսնել թէ՝ Հարաւէն ու Հիւսիսէն փշող Բռնութեան հովերուն խաղալիկ եղէդ մըն է Հայ Ցեղը, որ այս մոլորակին վրայ իր երեւման առաջին օրէն ի վեր, ճակատագրականօրէն դատապարտուած է...: Մէկիկ մէկիկ, երեւակայութեան թեւերով կ'այցելէր՝ հայկական հին փառքերու աւերակները. Սիս, ուր, Մկրտիչ Խրիմեան Վանեցի վարժապետի անունով աշխատած էր Կիլիկիոյ Ս. Աթոռին մէջ, 1852 թուականին. Անին, որ էջմիածնէն մէկ քանի մղոններ անդին. կը պարզէր, իր երբեմնի շքեղութեան ունայնութիւնը, իր հաղարումէկ պերճակառոյց եկեղեցիներով. Պուրին, Արտաշատ, դարերէ ի վեր աւեր մնացած, հիմա սին բառեր, յատուկ անուններ:

Ու Խրիմեանի հրեզէն երեւակայութիւնը յոդնած, թեւաթափ կ'իյնաւ ու կ'ապաստանէր Վաղարշապատի մէկ անկիւնը նետուած իր սենեակի ցուրտ ամայութեան ծոցը:

Խեղճ Խրիմեան, խեղճ Հայաստան, երկու հոմանիշ բառեր, երկուքն ալ վաղեմի, պատկառելի հնութիւններ, պաշտուած կուռքեր, երկուքն ալ Անցեալին ու Պատմութեան կը վերաբերէին...:

Առջի գիշերուան հսկումներէն ու տագնապներէն, մանաւանդ, նորեկ ուխտաւորին բերած թարմ ու սըրտակեղեք լուրերէն գերագրգուուած, առաւ գրիչը գողդոջուն ձեռքին մէջ և սկսաւ խմբագրել աղերսագիրը,

## Է.

Հայրապետական աղերսագրին խմբագրութիւնը ժօտ էր աւարտելու, երբ Գարեգին ներս մտաւ ու Վեհափառին սեղանին վրայ դրաւ նոր ծրարներ :

Թիֆլիզի սուրհանդակը հասած էր :

Խրիմեան Հայրիկ, պահ մը մոռցաւ աղերսագիրը, գրիչը մէկդի նետեց ու աչքերը դարձուց այդ ծրարներուն վրայ : Քակեց զանոնք, նամակները թերթերէն գատեց և ուզեց նախ հարեւանցի ակնարկ մը նետել այս վերջիններուն վրայ :

Թիֆլիզի Արձագանիք, Մշակ ու նոր Դար թերթերէն զատ, այդ ծրարներուն մէջ կը գտնուէին արտասահմանի թերթերէն Մ. Զէրազի լ'Armenieն և Մ. Փօրթուգալեանի Արմենիան :

Ու սկսու կարդալ նախ Արմենիաի հետեւեալ լուրերը .

«—Տէրիկի վանքին վանահայրը, աղատ արձուկել տուաւ քուրտ աւազակ մը, որ ձերբակալուած էր նոյն վանքը կողոպտել փորձած միջոցին :

— Համիտիյէ քուրտ հեծելագունդերը Մշոյ ու Սամնոյ միջեւ տասներկու հայ գիւղեր թալլեցին ու հրդեհեցին, միեւնոյն ժամանակ ջարդելով բնակիչներուն մեծ մասը :

— Զէնտի անուն քուրտ աւազակ մը, Պօղազ Քէմէն գիւղին մէջ սպաննել տուաւ Արգար Հայը, որ իր չարագործութիւններուն դէմ բողոքած էր :

— Քուրտերը Տաղվէրանի մէջ երկու երիտասարդ Հայեր սպաննեցին, Արմիզոնի քահանայի մը տղան և Քօջարի գիւղէն ուրիշ Հայ մը : Մարդասպանութենէն մէկ քանի օր ետքը, այս վերջինին միւս երկու եղբայրները մեռան իրենց վախէն :

— Զէքի բաշան, Դ. Զօրաբաննակին միւշիրը, որ Օսմանիյէի ականնակուռ պատուանշանը ստացած էր Սասունի Հայերը նուռաճած ու ջախջախած ըլլալուն համար, այս անգամ ընդունեց Սուլթանէն երկրագործութեան ու արհեստի չքանչաններ :

— Մշոյ անկանոն զօրքերուն կողմէն յարձակում կրած հայ գիւղերուն մէջէն հարիւրաւոր մանկամարդ աղջիկներ առեւանգեցին, տղաքներ ու յղի կիներ թրէ անցուցին ու ձիերու սմբակներուն տակ ջախջախեցին :

Խրիմեան Հայրիկ, միշտ աչքերը սրբելով ձեռքի ու թաշկինակովը, կը շարունակէր ընթերցումը :

Արմենիաները մէկդի նետեց ու սկսաւ կարդալ Արձագանզի լուրերու բաժնը :

— Սամնոյ Շատախ գաւառի տասնըմէկ գիւղերու մէջ սուրի ու սուխնի հարուածներով ջարդուած ծերերուն, մանուկներուն ու կիներուն թիւը կը հասնի 750ի :

— Անտոքի սարը քաշուած Սասունցիները, որոնք տասնըինը օր շարունակ կռուեցան այնքան դիւցազնօրէն, վերջապէս անձնատուր եղան, խաբուելով Զէքի բաշայէն, որ ընդհանուր ներում խօսացած էր, սակայն, բարբարոսները բռնաբարեցին կիները, երեք օր շարունակ անօթի պահելով խոշտանգեցին անձնատուր եղած վաթսուն երիտասարդ հայ կտրիձներ, յետոյ թրէ անցուցին ամէնքն ալ ու իրենց դիակները նետեցին հորի մը մէջ :

— Ծէնիք, Աէմալ ու Կէլիէկուզան մոխրակոյտի մը վերածուեցան : Այս համայնքներուն մէջ չորս եկեղեւ

ցիներ ու երեսուն երկու գիւղեր թալլուեցան ու քանչդուեցան :

— Զէքի բաշային զօրքերը Սէմալի Տէր Յովհաննաէս քահանան կուրցուցին և ստիպեցին որ պարէ . աչքերը փորուած քահանան կը պարէ երգելով «Օրինեա անձն իմ զՏէր» սաղմոսը , յետոյ , դահիճները դայն յօշուեցին իրենց սուրերով :

— Շէնիքի Տէր Տօնապետ քահանան սպաննեցին իր հինգ ընկերներուն ու գիւղապետ Մովսէսեան Գըրգոյին հետ :

— Կէլիէկուղանի Տէր Պետրոս քահանան , որ անցած տարի , Տալւորիկի պատերազմին մէջ եօթը քուրտեր սպաննած էր , բանտարկուեցաւ : Կուրծքին մորթը գերծեցին , յետոյ իր մարմինի այդ մասէն միսի կտոր մը փրցնելով շամփուրի վրայ խորովեցին ու զոհին աչքերուն առջեւ վայրագ ախորժակով մը կերան : Տէր Պետրոս քանի մը վայրկեանէն մեռաւ ճշմարիտ ստոյիկեանի մը համբերատարութեամբ :

— Աղպիի գիւղապետը Խօ , իր եղբայրը Հէպօ և իրենց զաւակները , սոսկալի տանջանքներու տակ նաշնատակուեցան :

— Փուրխի Տէր Գաբրիէլ ու Իշխանձորի Տէր Վարդան Տէր Մկրտիչեան քահանաները սպաննուեցան Հինգ ՀԱԶԱՐ Վեց ՀԱՐԻՒԻՐ ԵՕԹԱՆԱՍՈՒԻՆ հայ լեռնցիներու հետ : Այս թիւը կը հաստատեն մինչեւ հիմակ երեւան հանուած դիակները :

— Սասունի Զարդին մէջ , զանազան տեղեր տեղի ունեցած կոփեներուն հետեւանքով վիրաւորուածներուն թիւը ՀԱԶԱՐԸ կանցնի :

— Բանտարկեալները , թիւով երկու հարիւր բառասուն են , ասոնց մէջ է անուանին Մուրատ իր զէնքի ինը ընկերներով , որոնց մէջ իր արիութեան գործե-

բով հռչակ հանսած էր Տէր Մկրտիչ քահանան :

Խրիմեան Հայրիկ, Արձագանզը մէկդի դրաւ ու ձեռք առաւ Նոր Դարը :

Մարտիլիոյ Արմենիախն և Թիֆլիզի Արձագանզին մէջ հրատարակուած լուրերը զրեթէ նոյնութեամբ արտադրուած էին Նոր Դարի մէջ ալ : Սակայն, Թիֆլիզեան այս պահպանողական թերթին մէկ անկիւնը զետեղուած թղթակցութիւնը մը յանկարծ գրաւեց Հայրապետին ուշադրութիւնը : Հայրապետը կանգ առաւ այդ թղթակցութեան վրայ որ «Սասունեան Արհաւիրեն Դրուագ մը» ու խորագիրը կը կրէր :

Խրիմեան Հայրիկ, արցունքներէն կարմրած աչքերը թերթին այդ անկիւնը սեւեռած, շարունակ ձեռքի ու թաշկինակովը կը սրբէր իր ձիւնոտ ճակատը, որ քըրտինքով կ'ողողուէր, ու իր սպիտակ մօրուքը, որ արցունքէն կը թրջուէր :

Թղթակցութիւնը Վանէն էր, ականատեսի մը կողմէն գրուած :

Սասունեան Արհաւիրքը համառօտակի նկարագրելէ յետոյ, կ'անցնէր մասնաւոր դէպքերուն, որոնք տեղի ունեցած էին զանազան կոփեներու միջոցին և զանազան վայրերու մէջ : Այդ կարգի քսամինելի դէպքերէն, հազարէն իբրևու մէկ օրինակ, վեր առած էր հետեւելլը .

«Համիտիյէ քուրտ հեծելագունդերը Սասույ ամէն կողմերը կ'ասագատակէին ու կը հետապնդէին ջարդէն վերապրած մնացեալ Հայերը, որոնք քաշուած էին լեռները :

Այս հետապնդումներու միջոցին, Համիտիյէ հեծելագունդէն սպայ մը, Մշոյ սահմաններէն քիչ մը հեռու, լեռան մը քարաժայռերու ծերպերուն մէջ պահ-

ւըտած կը գտնէ մանկամարդ Հայուհի մը, իր երեք տարու տղեկին հետ, գրեթէ կիսամերկ երկուքն ալ ։ Օրերէ ի վեր հոն, այդ անկոխ ապառաժներու կողերուն մէջ ապաստանած, այդ տարաբաղդ մայրը, իր աչքերուն առջեւ իր կտրիծին եղերական ու դիւցազնական մահը տեսնելէ յետոյ, իր մէկ հատիկ երեք տարու երախան գրկած, փախած էր բարբարոս վոհակներու առջեւէն և յաջողած էր ինքզինք նետել այդ քարայրին մէջ։ Ու հիմա, քուրա սպայի մը ձեռքը գերի կ'իյնար։ Սպան, աւազակութեան դպրոցը սնած վկայեալ ոճրագործ մը, նախ կը մօտենայ կնոջ, որուն կուրծքին վրայ, քուրջերու մէջ փաթթուած ու պահուած գոհարնելներուն վրայ ձեռք դնելէ յետոյ, կ'ուզէ բռնաբարել անոր պատիւը։

**Հայուհին կը մերժէ։**

Քուրտը կը սպառնայ դաշոյնի մէ՛կ հարուածով սպաննել անմեղ մանկիկը։

Հայուհին կը յամառի մերժումին մէջ ու կը պատրաստուի թէ՛ ինքզինք պաշտպաննելու այդ հրէշին դէմ և թէ՛ իր երախան։

Սպան այս անգամ թուրը կը հանէ պատեանէն ու կնոջ գլխին վերեւ շողացնելով, կը սպառնայ սպաննել։

Եւ սակայն Հայուհին անդրդուելի ու աննկուն կը մնայ։

Քուրտ սպան, կատաղութենէն կրակ կտրած, տկարէակի մը մէջ ա՛յսքան յանդզնութիւն ու ա՛յսքան տրիութիւն գտնելուն, վերջին փորձ մըն ալ կ'ընէ, ջախջախելու համար անոր յամառութիւնը։ Իր դաշոյնը կը յանձնէ հայ կնոջ, և կը հրամայէ որ իր սեփական

ձեռքերով սպաննէ իր տղեկը, մինչդեռ ինքը, սպան, վեցհարուածեանը ձեռքը, կը սպասէր:

Հայուհին կ'առնէ դաշոյնը, կը սկսի խոկալ, ի՞նչ կրնար ընել.... Համակերպութիւն կը կեղծէ, դաշոյնը լու մը ձեռքին մէջ տեղաւորելէ յետոյ, կը մօտենայ իր տղեկին, որ հոն, վայրի խոտերուն վրայ պառկած, կը ժամանակի մը պէս ու մանրիկ թաթիկները կ'երկնցնէր իր մօր, որուն աչքերը կը վառէին եղերական բոցով մը:

Սպան կը գիտէր տեսարանը, գազանային կիրքի մը բոլոր հեշտանքովը, և կ'երազէր գերագոյն բոպէն, որ պիտի յագեցուցած ըլլար իր տոփանքը՝ գեղեցիկ հայ կնոջ մը միսին վրայ...:

Սպան, իր մօտալուտ երջանկութեան ոլորտները կը թափառէր, մինչ Հայուհին, մերկ դաշոյնը ձեռքին մէջ, իր ժամանակին վրայ կը հակէր:

անկարծ, դաշոյնը շողաց Հայուհին ձեռքին մէջ, ու սպան գետին փռուեցաւ:

Երախային մայրը, վրէժի և յուսահատութեան թափով մը, դաշոյնը դարձուցած էր ճիւազին վրայ, և վայ կենապէս միսած էր զայն անոր սրտին:

Սպան կը թապլակէր արիւնի ճապազիքին մէջ, երբ Հայուհին գետնէն կը վերցնէ վեցհարուածեանը, որ սպային ձեռքէն ինկած էր, իրարու վրայ կը պարպէ ու կը պայթեցնէ անոր ըղեղը:

Հոս չը վերջանար պատմութիւնը:

Պայթումը կը լսուի դուրսէն, սպային ընկերացող քուրտ զօրքերը կը վազեն ու քարայրը կը խուժեն:

Տեսարանը սոսկալի էր:

Խելակորոյս մայրը, արիւնաներկ դաշոյնը մէկ ձեռքին, վեցհարուածեանը միւս ձեռքին մէջ, շրջան կ'ընէր:

Քուրդերը սարսափահար ետ ետ կը քաշուին, երբ գետինը փռուած կը տեսնեն իրենց հրամանատարին աշխանաներկ դիակը :

Կինը, զգալով իր սաոյգ ու անխուսափելի մահը, և փրկելու համար իր կնոջական անարատ պատիւը, որ պիտի բռնաբարուէր անտարակոյս այդ հրէշներէն, միւս կողմէ, իր անմեղ մանկիկը բարբարոսներու ձեռքը գերի չը ձգելու մայրենի գորովոտ զգացումէն մզուած, վեցհարուածեանի մէ՛կ հարուածով կը սպաննէ անմեղ երախան, երբ սա իր մօրը կը ժպտէր . . . :

Յետոյ, հերարձակ ու մոլեգին, դառնալով Քուրդերուն ու ցոյց տալով մատղաշ տղեկին դիակը, որ ջլաճգային ցնցումներով կը գալարուէր ու կը թփրտար արիւնին մէջ, դեռ նոր մորթուած վառեակի մը պէս, կը մռնչէ որդեսպան մայրը . . .

— Բարբարո՛ս դահճճներ, հայու արիւնին ծարաւովը տանջուուլ հրէշնե՛ր, հանդարտեցէ՛ք, հանդարտեցէ՛ք, հի՛մա ձեռք կը դնէք ձեր որսին վրայ . . . :

Ու վեցհարուածեանին փողը նոտեցնելով իր աջ ականջին տակ, մէկ հարուածով պայթեցուց ինք իր ըգեզը, և վայրկենապէս թաւալգլոր ինկաւ գետին . . . :

Ա՛լ կարելի չէր շարունակել ընթերցումը :

Հայրապետը թուլցաւ և բազկաթոռին վրայ ինկաւ : « Նուազած էր :

Անցան այսպէս քանի մը բոպէներ ու նուազումը դեռ կը տեւէր, երբ Խորէն էֆէնտէն ներս մտաւ : Տես սաւ Հայրապետին վիճակը, անմիջապէս դուրս վազեց, Փարեգինը շուտով զրկեց բժիշկին :

Նուազումը վերջացած ու Հայրապետը քիչ մը սթափած էր, երբ բժիշկը ներս մտաւ : Մօտեցաւ, բազկերակը զննեց ու պատկառու շեշտով մը . . .

— Ի՞նչ պատահեցաւ, Վեհափառ, հարցուց.

— Ոչի՞նչ, ոչի՞նչ, պատասխանեց Հայրիկը, դողովուն ձայնով մը :

Հետզետէ կը հասնէին ու Վեհարանը կը մտնէին Մայր Աթոռի սինողականները, ալեզարդ եպիսկոպոսներ, ուկը շարուէին ոտքի վրայ, Վեհափառի թիկնաթուուին բոլորտիքը :

Վանքին մէջ շուտով տարածուած էր Հայրապետին նուազման շշուկը, միաբաններուն միջեւ իրարանցում մը կար : Շշուկը հասած էր Գէորգեան Ճեմարանը : Տեսուչը, ուսուցիչները, և լսարանի ուսանողները խմբովին կը հասնէին ու Վեհարանը կը մտնէին :

Քիչ յետոյ կը հասնէին ուրիշ բժիշկներ ալ :

Բժշկական խորհրդակցութիւնն մը տեղի ունեցաւ և որոշուեցաւ Հայրապետը հեռու պահել ամէն զբաղումէ, որ կրնար յուզում յառաջ բերել ու խանդարել անոր ջղային դրութիւնը : Ուստի, անմիջապէս, բժիշկներու պատուէրին համաձայն, փոխադրուեցաւ իր ննջասեննեակը : Դեղագիրները պատրաստուեցան հօն ու յանձնաքարուեցան մեծ ուշադրութեամբ մը հետեւիլ Հայրապետին առողջական վիճակին կրելիք փոփոխութեան :

Վեհարանը խոնուած ամբոխը կամուց կամաց դուրս ելաւ : Հայրապետին մահճակալին եղերքը մնացին միայն իր անձնական բժիշկը, վանքի վաղեմի միաբաններէն Գառնակերեան Տ . Գրիգորս արքքեպիսկոպոսը, Խորէն էֆէնատին ու քարտուղար Կորիւն վարդապետը :

Սակայն Հայրիկը չէր կրնար հանդարտ պառկիլ : Անկողնին մէջ, կռնակին վրայ տարածուած, արծիւի աչքերը սեւեռած ձեղունին, այդ դիրքին մէջ հազիւքանի մը վայրկեան մնալէ յետոյ, յանկարծ կը նստէր : Շուրջինները կը դիտէին անոր հոգեկան տաղնապները :

— Տօգթօ՛ր, ըսաւ Հայրիկը, դառնալով իր անձնական բժիշկին, որ մահակալին գլխուն կողմը, աթոռի մը վրայ նստած, կը հսկէր, ես հիանդ չե՛մ, ինքը զինքս լաւ կը զգամ. քիչ մը յուղուած էի, հիմա ամէն բան անցած է.

— Այս՝ յարեց բժիշկիկը պատկառոտ դէմքով մը, Վեհափա՛ռ, գիտեմ որ բան մը չունի՛ք վրդովեցուցիչ, գիտեմ որ հիւանդ չէք, բայց հանդարտութեան պէտք ունիք, չէ».

— Հանդա՞րտ..., Տօգթօ՛ր, միթէ հանդարտութիւն կա՞յ Հայոց Հայրիկին համար, երբ անդին, հայրենիքի սուրբ հողին վրայ, ժողովուրդիս անմեղ արիւնը կը հոսի....:

Ու երկու ձեռքերով ծածկելով իր սպիտակուիառ երեսները, տղու մը պէս սկսաւ լալ:

Ցուրտ լռութիւն մը տիրեց քանի մը րոպէ: Նընջասենեակին մարդիկը չին համարձակեր բանալ բերաննին. Վեհափառին արցունքներու կաթիւները սահմըուկեցուցած էին ամէնքն ալ:

Տեսարանը յուղիչ էր:

Բժիշկը պազատագին, գրեթէ գետնամած, Վեհափառին սնարին քով, հանդարտութիւն կը յանձնարարէր, մտքի հանդարտութիւն, որ անհրաժեշտ էր անորիսանդարտուած առողջութիւնը վերահաստատուելու համար, սակայն, նոյն րոպէին, Հայրապետը, գերագոյն անձնուրացումի թափով մը, մոռցած էր ինքզինք, մոռցած էր իր կեանքը, զգալով ու կրելով իր անձին մէջ, իր հոգիի բոլոր էութեանը մէջ, իր ցեղին անկարելի, զարհուրելի տառապանքը:

Անկողնին մէջ նստած, երերցնելով իր սպիտակահեր գլուխը, դարձաւ ըսաւ բժիշկին.

— Տօգթո՛ր, սիրելի՝ դաւակս, կ'աղաչեմ, մի՛ չարչարէք զիս, մինալ թողէ՛ք զիս իմ ցաւիս հետ, առանձին մնալ կ'ուզեմ և առանձին, բոլորովին առանցին մտածել, խոկալ, կշռել ու չափել անդունդը, որուն եզրքը հասած է և մօտ է գահավիժելու իմ մատնուած, չարչարուած, մարտիրոսացած ցեղիս ճակատագիրը . . . :

Ու կուլար դաւնօրէն :

— Հայրի՛ կջան, Վեհափա՛ռ տէր, յարեց բժիշկը : մի՛ յուզուիք, մի՛ յուզուիք, կը պաղատիմ, մի՛ վըտանգէք ձեր կեանքը, որ ա՛յնքան թանկագին է մեզի համար, բովանդակ հայ ազգին համար. Դուք պէտք է ապրիք, ու շատ ապրիք, որպէս զի ձեր աչքերս'վ տեսնէք մեր ազգին ազատագրութիւնը, դո՛ւք պիտի մխիթարէք ժողովուրդը, ձեր կազդուրիչ խօսքը պիտի կըրնայ նոր յօյսերու արշալոյս մը բանալ Հայաստանի մըռռայլուտ հորիզոնին վրայ. չէ՞ որ դո՛ւք էք մեր Հայրիկը, Հայոց Հայրի՛ կը, Վեհափա՛ռ, հանդարտութիւնն կը պահանջէ ձեր հիմակուան վիճակը. ձեր առողջութիւնը լո՛կ ձեզի չի՛ վերաբերիր, ձեր կեանքը՝ ձերը չէ չոկ, Ազգի՛ն կը պատկանի, այս կեղեքւած, ջարդուած Ազգին, որ իր աչքը ձեզի՛ յառած է, ինչպէս ծովերու անհունութեան մէջ մոլորած նաւու մը մարդիկը՝ երկինքի բեւեռական աստղին . . . :

Բժիշկին անկեղծութեան շեշտ մը կրող այս յուզիչ խօսքերը՝ վայրկենապէս քնացուցին Հայրապետին գըրգուուած ջիղերը : Դարձաւ ներկաներուն ու տիրական ձայնով մը .

— Դուք դուրս ելէ՛ք, ըստ անոնց, բժի՛շկը միայն թո՛ղ քովս մնայ :

Հայրապետական հրամանը կատարուեցաւ, ներկա-

ները, բաց ի բժիշկէն, խմբովին մեկնեցան ննջասենւ եակէն :

Հայրապետ ու բժիշկ մնացին առանձին :

Խրիմեան Հայրի ը վար իջաւ մահմակալէն, և, իբր թէ բա՛ն մը պատահած չըլլար, կորովի քայլերով մէկ երկու շրջան ըրաւ ննջասենեակին երկայնքը, յետոյ, մօտենալով բժիշկին ու ձեռքէն բռնելով.

— Տօգթօ՛ր, ըստ, ես ա՛լ հանդարտած կը զգամ ինքզինքս, և կը խորհիմ դարձեալ ձեռք առնել սկըսւած ու կէս թողուած աշխատութիւնս, որ շատ կատեւոր է և կենսական, ուստի, կը խնդրեմ, դուք կրնաք մեկնիլ. բոլորովին ապահով եղէ՛ք որ բա՛ն մը չունիմ վրդովեցուցիչ :

— Ո՛չ, ո՛չ, Վեհափա՛ռ, պնդեց Տօգթօրը, չե՛մ ներէր որ այդպէս տրամաբանէք, ես պատասխանտառ եմ Ձեր կեանքին, որ Ազգին կը պատկանի, ո՛չ թէ ձեզի, հասկցա՞ք...:

— Հոգ չէ՛, հոգ չէ՛, սիրելի՝ տօգթօրս, կրկնեց Հայրիկը, վերստանալով իր սովորական զուարթութիւնը, հոգ չէ՛ թէ մեռնիմ այսօր, մահը՝ պարտք մըն է որ ուշ կամ կանուխ պէտք է վճարուի. բժիշկի խրատներուն թո՛ղ անսամն անո՛նք միայն, որոնք մեռնելէ կը դողան ու կառչած կը մնան կեանքի վայելքներուն, ես ապրեցայ կեանքը, հիմա կը սպասեմ մահուան, որ ինձի դո՛ւռը պիտի բանայ նոր աշխարհի մը, ո՛ւր ո՛չ Յոնաւոր կայ ո՛չ գերի, ո՛չ զրկող կայ, ո՛չ զրկուած, ուր Արդարութեան ու Երանութեան Արեւը կը ծագի ամէնուն վրայ, և ուր՝ Ազատութիւնը կը բընակի անմահութեան ու յաւերժութեան լուսեղէն յարկերուն մէջ :

Հայրապետին յամառութիւնը ծանօթ էր արդէն,

բժիշկը պարտուած ի վերջոյ, ստուպուեցաւ հրաժեշտ տալ, չը դադրելով սակայն նոյն յանկերգը, հանդարտութեան նոյն յորդորը կրկնելէ :

Վեհարանին անենեակները պարպուեցան մարդիկներէն ու Հայրիկը գնաց դարձեալ անցաւ իր գրասեղանին գլուխը, և ուղեց քանի մը սրբագրութիւններ ու յաւելումներ ընել խմբագրուած աղերսագրին վրայ, նոյն օրուան սուրբանդակին բերած կոկծալի դէպքերու լուրերն ալ կցելով անոր :

### ¶.

Կէս գիշեր էր :

Քեամիլ ու Սայիտ բաշաները տակաւին Հիւնքեարին առանձնասենեակը կը մնային իրիկուընէ ի վեր, կանչուած ըլլալով Հայկական Խնդրի մասին իրենց կարծիքը հաղորդելու Համիտի : Յանկարծ, սենեկապետ Արիֆ պէջ, շուարուն ու վեհերոս դէմքով մը, դուռին մէջ երեւցաւ, մինչ Սայիտ բաշա ջերմապէս կը պաշտպանէր իր տեսակէտը, անգլիական քաղաքականութեան վրայ :

Աղտիւլ Համիտ, որ վարժուած էր Արիֆ պէջի այս կարգի յանկարծական երեւումներուն, գլուխը վեր տաւ ու կշտամբող շեշտով մը .

— Ի՞նչ կայ, ի՞նչ, գիշերով, ըստւ .

— Վեհափառ տէր, կմկմաց սենեկապետը, Արտաքին գործերու նախարարը դուրսը կը սպասէ կառքով, կ'ուզէ հիմա, այս բռպէիս մէջ պատիւ ունենալ ներկայանալու Ձեր Վեհափառութեան :

Ապշած, իրարու երես նայեցան Քեամիլ ու Սայիտ  
բաշաները, իսկ Համիտ, առանց նշմարելու այս երկու  
ծեր աղուէսներուն փոխանակած ակնարկները, և ա-  
ռանց երկար բարակ մտածելու .

— Գնա՛, ըսէ՛ թո՛ղ գայ նայինք, հրամայեց, ի՞նչ  
պիտի ըսէ՛:

Արիֆ պէջ մեկնեցաւ :

Ցետոյ, Հիւնքեարը, դառնալով երկու բաշաղե-  
րուն, ու երեցնելով գլուխը,

— Հիմա ժամանա՞կը գտաւ դալու, ըստ նեղսիր-  
տի մը ձեւերով :

— Հոգ չէ՛, յարեց Քեամիլ բաշան, թերեւս կա-  
րեւոր, խիստ կարեւոր խնդի՛ր մըն է ո զի՞նք մինչեւ  
հոս կը բերէ գիշերուան այս անսպասելի ժամուն :

— Այո՛, այո՛, Վեհափա՛ռ, կրկնեց Սայիտ բաշան,  
Քեամիլ բաշա եղբայրս իրաւունք ունի. մեր Թուրիսա-  
նը պարապ մարդ չէ՛, անտարակոյս կենսական խնդիր  
մը պէտք է ծագած ըլլայ, որպէս զի, ինչպէս շատ դե-  
ղեցիկ խօսեցաւ Քեամիլ բաշա եղբայրս, ստիպուած ըլ-  
լայ կէս գիշերուան մէջ բախելու Զեր Վեհափաւութեան  
երջանկափառ գո՛ւոը :

Այս միջոցին ներս մտաւ Թուրիսան բաշան, Արիֆ  
պէյի առաջնորդութեամբ, և երկու ծերունի նախարար-  
ները գտնելով Հիւնքեարին քով, քիչ մը կանգ առաւ  
ոտքի վրայ, մինչեւ որ Հիւնքեարը հրամայեց իրեն տեղ  
մը բռնել միւս բաշաներուն քով :

— Ի՞նչ կայ, Թուրիսա՛ն, բարի՞ է, հարցուց Համիտ,  
խօսէ՛, խօսէ՛ համարձակ, գաղանիք մը չունիմ ներկայ  
բաշաներէն, կրնաս պատմել, ի՞նչ կայ, ի՞նչ.

— Վեհափա՛ռ տէր, պատասխանեց Թուրիսան, յայտ-  
նի սրտաղողով մը : Այս իրիկուն, երբ սեղանէն դեռ  
նոր ելած, գրասենեակ կը քաշուէի, վաղուան աշխա-

տութիւններն կարգի դննլու համար, վարէն իմաց տըրտըրուեցաւ ոռւսական դեսպանատան գավասի այցելութիւնը։ Գավասը յանձնեց ինծի այս քարտը։

Ու Թուրիսան բաշան իր ձեռքի քարդը Հիւնքեարին երկնցուց։

Համիտ ուշի ուշով նայեցաւ քարդին վրայ, յետոյ, վերադարձուց զայն։

— Ուստի, շարունակեց Թուրիսան բաշա, մտածեցի, այս քարդը բերել մատուցանել նախ յոտս Զերմեհափառութեան և կայսերական բարձրագոյն հրահանգները ստանալէ յետո՛յ միայն երթալ դեսպանատունը։

Քեամիլ ու Սայիտ բաշաները խրթին ակնարկներ կը փոխանակէին իրարու։

— Դուք ի՞նչ՝ ըսէք, հարցուց Հիւնքեարը, դառնալով Քեամիլ ու Սայիտ բաշաներուն, ոռւսական մեծ դեսպանը գալասը զրկեր է և այս գիշեր կ'ուղէ տեսնել մեր արտաքին գործերու նախարարը։

— Բայց, Վեհափա՛ռ տէր, յարեց Քեամիլ բաշտ, ի՞նչ հարկ կայ գիշերով անչելու, արդեօք չէ՞ր կրնար վալուան յետաձգել այդ տեսակցութիւնը։

— Հա՛, ըստ Համիտ, մոռցայ ըսելու, քարդին մէջ յիշեր է թէ՛ Բեթրսպուրին, Արտաքին Գործերունախարարին կողմէն ստիպողական հեռագիր մը ստացած է իրիկուան գէմ, և թէ՛ ինք մեծ դեսպանը՝ պարտաւորուած է այս գիշեր տեսակցիլ մեր Թուրիսանին հետ։

— Ուրեմն, յարեց Սայիտ բաշա, Վեհափա՛ռ տէր, քանի որ այդքան կ'աճապարէ դեսպանը, սովորական քանի մը շուրջը չի՛ դառնար խնդիրը, շատ լուրջ ու

ծանրակշիռ դէպք մը պէտք է ըլլայ, որ գիշերով ո՛ և է դեսպանատուն հրաւիրուի Արտաքին նախարարը, այն-պէս չէ:

— Այո՛, այո՛, ծանրակշիռ յայտնութիւն մը պահուած է այս քարդին տակ, թո՛ղ Թուրիսան բաշաշտապէ, գիշերով դեսպանատուն թո՛ղ երթայ և, եթէ կարելի է, Վեհափա՛ռ տէր, անկէ ուղղակի հոս թող վերադառնայ . . . :

— Անշո՛ւշտ, անշո՛ւշտ, կրկնեց Համիտ, դիսպանատունէն ուղղակի հո՛ս պիտի զաս, Թուրիսա՛ն, ե՛լ ուրեմն, շուտով մեկնէ՛ և ջանա՛ շուտ վերադառնալ:

Թուրիսան բաշա մեկնեցաւ: Առանձնասենեակը մը նացին դարձեալ երկու ծեր բաշաները, Օսմանեան կայսրութեան երկու հաստատուն սիւները, Հիւնքեարին դիմացը, զատ զատ բաղկաթուներու մէջ:

Խօսակցութիւնը, որ Թուրիսան բաշային գալուն հետեւանքով ընդհատուած էր պահ մը, վերստին սկսաւ:

Նիւթը կը գառնար անգլիական քաղաքականութեան վրայ: Սպատիւլ Համիտ կը պնդէր թէ՝ այդ քաղաքականութիւնը շատ աղետաքեր եղած էր իր կայսրութեան, բարեկամական քօղի մը տակ գործելով օսմանեան ճշմարիտ շահերուն դէմ. այդ ձախորդ, նենդաւոր ու վտանգաւոր քաղաքականութիւնը ստեղծեց Հայկական Խնդիրը, կ'ըսէր Սպատիւլ Համիտ, ձեռքը զարնելով սեղանին. անիծեա՛լ ըլլայ 64րդ յօդուածը, որ սպարդեցաւ Պէրլինի Վեհաժողովի դաշնաղը ութիւնն մէջ . . . :

— Այն ատեն, կ'ըսէր Քեամիլ բաշա, եթէ Պէրլինի 64րդ յօդուածը չըլլար, Այա Օթէֆանօյի 16րդ յօդւածը պիտի գործադրուէր, Վեհափա՛ռ տէր, և գիտէ՞ք, որքան նուաստացուցիչ պիտի ըլլար մեղի համար ու

մահաբեր հարդւած մը տուած պիտի ըլլար այդ յօդւածին գործադրութիւնը մեր կայսերական երկրներուն ամբողջական պահպանութեանը . . . :

— Ի՞նչ կ'ըսէք, Քեամիլ բաշա, յարեց Սայիտ բաշան, ոտքով ձեռքով մէջ նետուելով բանավէճին, որ երթալով կը տաքնար, ի՞նչ յանցանք ունին Այս Սթէ-ֆանօյի Անրդ ու Պէրլինի նԱրդ յօդուածները, երկուքն ալ տիսւր ընծաները՝ մեր վերջին թրքօ-ռուսական պատերազմին. կիշմիւն մազի Տէրլիք առածը չը մոռնա՛նք, անօգուտ է աւաղելը, եթէ անցեալը պիտի քրքրենք, Վեհափա՛ռ, կիսպասի Դաշնագիրը չը մոռնաք, իմ կարծիքովս միւսներէն ո՛չ նուազ աղետաբեր. արդէն եթէ այդ անիծեալ պատերազմը չը ծագէր, գիտէք այսօր մրգան հզօր կայսրութիւն մը պիտի եղած ըլլայինք, ոչ կիսպասը ձեռքէ հանած պիտի ըլլայինք, ո՛չ Եգիպտոսը, ո՛չ Պաթումը, ո՛չ Արտահանը, ոչ պուլկարական իշխանապետութիւնը պիտի ցցուէր փուշի մը պէս մեր աշքին, ո՛չ Հայկական Խնդիրը պիտի շուարեցնէր այսօր մեզ, ո՛չ ալ մակեդոնականը. սակայն, Վեհափա՛ռ տէր, կ'ազգաչեմ, այս նիւթը մեզի շատ հեռուները պիտի առաջնորդէ, հետեւաբար, եթէ կարելի է, փակուի՛ թող:

Ապտիւլ Համիտ, ականջները կախած կ'որոճար, մինչ Քեամիլ բաշա, խորհրդաւոր լուսութիւն մը կը պահէր Սայիտի յայտնութիւններուն հանդէպ:

— Բայց, ըստ Համիտ, հիմա ես ստիպուած եմ համար տալու Անգլիոյ, Ասունի ապտամբութիւնը զսպել տուած ըլլալուս համար. Անգլիան ի՞նչ իրաւունքով կը խառնուի ներքին գործերուս:

— Ներեցէք, Վեհափա՛ռ տէր, ըստ Քեամիլ բաշա, խզելով լուսութիւնը, զոր մինչեւ այն ատեն կը պահէր, ո՛չ միայն Անգլիան. այլ նաև միւս հինգ մեծ

տէրութիւննե՛րն ալ իրաւունք ունին միջամտելու մեր կայսրութեան ներքին գործերուն, գիտէ՞ք, ո՞ր թուականէն, Սէվաստաբօլի պատերազմէն ի վեր...։ Հիմա հարկ չը կայ մէկիկ մէկիկ յիշելու բոլոր դեսպանաժողովներն ու Վեհաժողովները, որոնց մէջ վճռուած է մեր Օսմաննեան կայսրութեան ճակատագիրը։ Վեհափա՛ռ տէր, Դուք ձեր ճշմարիտ դիւնագէտի տաղանդովը պէտք է անտարակոյս թափանցած ըլլաք գաղտնիքը բոլոր օտար մըջամտութիւններուն։ Գալով Անգլիոյ, Վեհափա՛ռ, այդ մեծազօր ու պատկառելի տէրութիւնը, միւս հինգ տէրութիւններէն աւելի, ո՛չ միայն իրաւունք ունի, այլ նոյնիսկ պաշտօնապէս, քաղաքական աշխարհին առջեւ պարտականութիւնն ստանձնած է միջամտելու մեր ներքին գործերուն, մասնաւորապէս Հայերէն բնակեալ նահանգներուն մէջ խոստացուած բարենորոգումներուն գործադրութեանը հսկելու համար։

— Քեամի՛լ, ըստ Հիւնքեարը, մտերմիկ շեշտով մը, ինծի կրնա՞ք ըսել թէ՝ Անգլիան Ե՞րբէն ի վեր և ո՞ր դաշնադրութեան ուժովը պարտականութիւնը կամ իրաւունքը կրնայ ունեցած ըլլալ միջամտելու իմ կայսերական կառավարութեանս ներքին գործերուն։

— Ներեցէ՞ք որ ըսեմ, Վեհափա՛ռ, յարեց Քեամիլ քաշա, շտկուելով բազկաթոռին մէջ, հարկ չը կայ բուլոր դաշնագիրները քրքրել, Կիպրոսի՛նը միայն կը բաւէ. հաճեցէ՞ք, եթէ կարելի է, հարեւանցի ակնարկ մը նետել ասոր վրայ, Ու ձեռքը ծոցի գրպանը խօթելով, քաշեց հանեց ծալլուած թուղթի փոքրիկ ծրար մը, զորինամով բանալով։

— Ահա՛ւասիկ, Վեհափա՛ռ տէր, շարունակեց, Կիպրոսի դաշնագրին օրինակը։ Կը յիշէք անշուշտ, այդ դաշնագիրը կնքելու տիտը պարագաները, կը յի-

շէք ոռւսական յաղթական բանակին մօւտքը մայրաքաղաքիս Այա-Սթէֆանոյի արուարձանին մէջ, ահա՝ այդ միջոցներուն էր որ մենք ստիպուեցանք այդ դաշնագրութեանը կնքել Մեծ Բրիտանիոյ հզօր կառավարութեան հետ, որ իր պատկառելի նաւատորմով Մարմարայի մէջ անտառ մը ձեւացուցած էր, թնդանօթներուն բերանը թշնամի բանակին վրայ ուղղած:

— Կարգացէ՛ք նայինք, ըստ Ապահւլ Համիտ, այդ Դաշնագիրը:

Ու Քեամիլ, խոչոր աչքերը բացած ու ակնոցը քիթին վրայ տեղաւորած, կը պատրաստուէր կարդալու, մինչդեռ իր քովի բազկաթոսին մէջ նստած, Այլիտ բաշան, իր գրպանին մէջէն ուրիշ թուզթի ծրաբներ հանած, կը քրքրէր:

— Այլի՛տ, դիտել տուաւ Հիւնքեարը, հիմա՛ ձգէ՛ ձեռքիդ մէջի թուզթերը, մափկ ըրէ՛ նայինք, ի՞նչ կ'ըսէ կիպրոսի Դաշնագիրը:

Քեամիլ բաշան սկսաւ կարդալ Դաշնագիրը, յօդւած առ յօդուած:

Ահաւասիկ բնագրին յիշեալ պաշտօնական վաւերաթուզթին բառական թարգմանութիւնը:

## ՕՍՄԱՆԵՐԸՆ ՏԵՐԼԻՔԵԱՆ ԵՒ ԱՆԳԼԻԱՅ

Հ. Ա. Մ Ա Զ Ա Յ Ո Ւ Ի Թ Ի Կ Ն Բ.

Ահա՛ւասիկ պատճէնը 4 յունիս 1878 թուականով Համաձայնութեան Դաշնագրին, որ Անգլիական ու Օսմանեան աէրութիւններուն միջեւ կնքուեցաւ, և որով կիպրոս կղզիին կառավարութիւնը, Անգլիոյ թողուեցաւ:

Մէկ կողմէ Մեծն Բրիտանիոյ Միացեալ Երկիրներուն և Իրլանտայի Վեհափառ թագուհիին ու Հնդկաստանի այսրուհիին, և միւս կողմէ Վեհափառ Փատիշահին, այս Երկու տէրութեանց միջեւ բարեբազարար գոյութիւն ունեցող բարեկամական յարաբերութիւնները անկեղծօրէն կը փափաքուի Երկուստեղ ընդարձակելու և ամրապնդելու, հետեւաբար, որոշում տուած են կընքել պաշտպանողական դաշնակցութիւն մը, Օսմանեան կայսրութեան ասիական Երկիրներուն անվթար պահպանութեան նպատակով :

Ուստի, Վեհափառ Թագուհին ու Վեհափառ Սուլթանը, այս բանին համաւներկայացուցիչներ կարգելով՝ Վեհագուհին կողմէն՝ բաղանեաց պատուանը շանին առաջին աստիճանին տէր եզող Ազնուազարմ Սըր Օսթըն Լէյարտ, իսկ Օգոստափառ Սուլթանին կողմէն՝ Բարձրաշուք Վահմաշուք Սաֆվէթ բաշան ներկայացուցիչ ըլլալով՝ հետեւեալ խնդիրներուն վրայ համաձայնած են, այսինքն .

Յօդուած Ա. — Եթէ, Պաթում, Կարս, Արտահան և կամ այս դիրքերէն մէկը Ռուսիոյ կողմէն գրաւուելով, ապագային, հաշտութեան վերջնական դաշնագրութեան ուժով որոշուելիք օսմանեան կայսրութեան ասիական Երկիրներէն ուրիշ մէկ մասն ալ գրաւուելու ձեռնարկուի, Անգլիոյ Տէրութիւնը յիշեալ Երկիրները զէնքի ուժով պաշտպանել ու պահպանելու համար, կը ստանձնէ օսմանեան կայսրութեան հետ դաշինք ու համաձայնութիւն կնքել :

Ասոր փոխարէն, Վեհափառ Սուլթանը՝ Անգլիոյ Տէրութեան կը խոստանայ գործադրել հարկաւոր բարենորոգումները, որոնք առաջիկային պիտի որոշուին Երկու տէրութեանց միջեւ, թէ՛ բարւոք վարչութեան և թէ՛ օսմանեան տէրութեան յիշեալ Երկիրներուն մէջ գտնուող

Քրիստոնեայ և ուրիշ հպատակներուն պաշտպանութեաւնը համար :

Այս յանձնառութեանց գործադրութեան համար պէտք եղած միջոցները երաշխաւորելու մտօք՝ Վեհաշխառ Փատիշանը կը հաւանի որ յիշեալ տէրութիւնը Կիպրոսի կղզիին մէջ գօրք մտցնէ և յիշեալ կղզին ինքը կառավարէ .

### Յ Ա Խ Ե Լ Ո Ւ Ա Ծ

Ազնուազարժ Սըր Օսթըն Լէյարտ և Մեծ-Եպարքոս Բարձրաշուք և Վահմաչուք Սաֆվէթ բաշան , ԳՅունիս 1878 թուականով , երկու տէրութեանց կողմէն ներկայացուցիչի հանգամանքով կնքած ու ստորագրած դաշնագրին իրեն կցուած , այս յաւելուածն ալ երկուստեղի հա հաճայնութեամբ ընդնուած են , այսինքն .

Երկու կնքող կողմերուն միջեւ որոշում կայացած է որ անգլիական տէրութիւնը համաձայնած է Կիպրոսի կղզին զօրք մտցնել և յիշեալ կղզին հետեւեալ պայմաններով կառավարել :

Յօդուած Ա. — Կղզիին մէջ , ըստ առաջնոյն իսլամական Շերիի գաւառան մը պիտի մնայ , և հօն գտնուող իսլամ ժողովուրդին վերաբերեալ բոլոր կրօնային դատերը պիտի տեսնէ :

Յօդուած Բ. — Կայսերական Էլգաֆի նախորարութեան կողմէն յիշեալ կղզիին համար պաշտօնեայ մը պիտի կարգուելիք պաշտօնեայի մը հետ համախունուրդ , յիշեալ կղզիին մէջ գտնուող իսլամական մզկիթները , գերեզմանատանները , դպրոցները , և միւս կրօնային

Այս պաշտօնեան , ագլիական կառավարութեան կողմէն կարգուելիք պաշտօնեայի մը հետ համախունուրդ , յիշեալ կղզիին մէջ գտնուող իսլամական մզկիթները , գերեզմանատանները , դպրոցները , և միւս կրօնային

հաստատութեանց կալուածները, հողերը, ևն պիտի մաշտակարարէ:

Յօդուած Գ.— Անգլիոյ տէրութիւնը, կղզիին եկամուաներէն մատակարարութեան ծախքերը զեղչելէ վերջ, հիմակուան աւելցած եկամուաները տարուէ տարի Բ. Դրան պիտի վճարէ. այս յաւելուած եկամուար անցեալ հինգ տարիներու միջոցին եղած հասոյթներուն միջին քանակութեան վրայ հաշուելով պիտի որոշուի. յիշեալ ժամանակամիջոցում պետական կայսերական կալուածներու վաճառումէն, կամ ասոնց յանձանձումէն գոյանալիք գումարները բացառութիւն պիտի կազմեն:

Յօդուած Դ.— Բ. Դուռը պիտի կրնայ ծախել կամ վարձւ տալ կի ցրոս կղզիին մէջ գտնուող պետական հողերն ու կայսերական կալուածները, ասոնց փռնարժէքը կամ վարձքը չպիտի մտնէ Գ. Յօդուածին մէջ ցայց տրուած կղզիի եկամուաներուն մէջ:

Յօդուած Ե.— Անգլիական տէրութիւնը, ինչպէս որ պիտի կրնայ իր պաշտօնեաներուն միջոցով ծախել կալուած ու զետին, պիտի կրնայ նաև հանրային բարեկարգութեան և ուրիշ հանրային օգուաներու ծառայող անտէր կալուածներն ու զետինները, իրենց յարմար գիներովը ծախել:

Յօդուած Զ.— Երբ որ Ռուսիան Կարսը կամ վերջին պատերազմին Հայաստանի մէջ գրաւած տեղերը պարպէ ու Օսմանեան տէրութեան վերադարձնէ, կիպրոս կղզին ալ Անգլիոյ կողմէն պիտի պարզուի և 4 Ցունիս 1878 թուականով կնքուած գաշնագրութիւնը չեղեալ պիտի նկատուի:»

Քեամիլ բաշա վերջապէս աւարտած էր ընթերցումը, երբ Սայիտ բաշա, ձեռքի ու գլխի անհամբերշարժումներով, ոտքի ելաւ ու,

— Վեհափա՛ռ տէր, ըսաւ, շա՛տ պարզ է, ի՞նչ հարկ կար կարդալու Կիպոսի դաշնադրութիւնը, ծառնօթ չէ՞ր արդէն :

— Այո՛, այո՛ Կրկնեց Համիտ, հասկցուեցաւ, այդ աղետաբեր թուականէն սկսած է կայսերական իրաւունքներուս կաշկանդումն ու սահմանափակումը, չըլլա՛ր այդ պատերազմը . . . :

— Եղած է եղածը, յարեց Քեամիլ բաշա, խնդիրը՝ մասնաւորապէս անգլիական միջամտութեան վրայ կը դառնայ, այնպէս չէ՞ Վեհափա՛ռ, և կարծեմ թէ՝ այդ կէտը բաւական լուսաբանուեցաւ, Կիպրոսի դաշնագրին Ա. Յօդուածին Բ. հատուածին տրամադրութեամբը : Արդ, աւելորդ է այլ եւս ծանրանալ այդ կէտին վրայ :

— Այո՛, Վեհափա՛ռ տէր, այդ կէտին վրայ աւելորդ է ծանրանալ, Եւրոպան մէկէ աւելի դաշնագիրներու ուժովը, իրաւունք ունի միջամտելու մեր բոլոր ներքին գործերուն, և, այդ նուիրագործուած իրաւունքին զէ՞նքն է որ կը գործածուի այսօր մեզի դէմ, մենք, Վեհափա՛ռ տէր, պէտք է հաշտ երթանք մանաւանդ Անգլիայ հետ, Անգլիան է որ մեր ճգնաժամներուն մէջ, ճիշդ ժամանակին հասած օդնութեան ձեռք կարկառած է, օրինակները բազմաթիւ են, այսօր, բովանդակ երկրագունդիս երեսը, անգլիական քաղաքականութիւնը կը տիրապետէ, մի՛ հաւատաք երեւոյթներուն: Իրա՛ւ է, Գերմանիան, Եւրոպայի ցամաքային թերեւս է՞ն հզօր պետութիւնը, մեզի բարեկամ կը ներկայանայ, մեր բանակը կը մարդէ, բայց, դարձեալ կ'ըսեմ, չը խաբուինք երեւյթներէն, այդ բարեկամութեան քօղին տակ պահուած են գերմանական սովալը ու կ ժողովուրդին կենսական շահերը . . . :

— Սայիտ բաշա եղբայրս, յարեց Քնամիլ, կամաց

կամաց կը մօտենայ բուն նիւթին, և շատ յստակօրէն կը պարզէ իրականութիւնը, Աւհափա՛ռ տէր, Վիլհէլմի այցելութիւնը, կը յիշէք անչուշտ թէ՝ ո՛քքան սուղի նստաւ կայսերական գանձին, երանի թէ այդքանով վերջանար այդ այցելութեան յաջորդեցին գերմանական անվերջանալի առաջարկներ, քարափներու, խճուղիներու, երկաթուղիներու, ապրանքներու ներածման, ևն, ևն, ևն, և դեռ ուրիշ ինչե՛ք . . . :

Ապտիւլ Համիտ, հլու աշկերտի մը դիրքով, առանց բնդմիջելու, մտիկ կ'ընէր երկու վարպեաներուն, օսմանեան կայսրութեան այս երկու ծեր աղուէսներուն, որոնք իրենց գրեթէ կէս դարու փորձառութեամբը կըր հային պարծենալ իրեւ պետական մարդեր; Ի՞նք, Հիւն քեարը, խորապէս համոզուած էր թէ՝ երկուքն ալ ան կեղծօրէն կը փափագէին իր կայսերական շահերը զերծ պահել ամէն օտար վտանգներէ, գիտէր թէ՝ Յեամիլ ու Սայիտ բաշաները մեծ ժողովրդականութիւն կը վայեցէին տարիներէ ի վեր և թէ՝ անոնց ազդեցութիւնը մեծ էր եւրոպական մեծ գեսապաններուն քով։ Ուստի, դառնալով երկուքին,

— Սիրելի՛ վէզիրներներս, ըստ աղերսական ձայնով մը, ես գլխովին ձեզի՛ յանձնուած եմ, կը հաւատամ ձեր անկեղծութեան և համոզուած եմ թէ՝ դուք էք իմ կայսրութեանս երկու ամուր սիւները, որոնց վրայ պիտի կրնամ վստահօրէն կանգուն պահել իմ իշխանութիւնս, հետեւաբար, ա՛լ հարկ չկայ ուրիշ բացարութիւններու, իմ երկրիս դժբաղդ ճակատագի՛րն է կախում ունենալ Եւրոպայէն, ըլլա՛յ ան Անգլիան, ըլլա՛յ Ֆրանսան, ըլլա՛յ Ռուսիան կամ Գերմանիան, վերջապէս, ասիկա ճակատագրականէ, ի՞նչ կ'ըսէք ու եմն, ի՞նչ իսուրդ կուտաք հիմա :

— Վեհափա՛ռ տէր, ըստ Քեամիլ բաշա, խորհուրդ տալէ առաջ՝ պէտք է կացութիւնը կշռել. կարծեմ թէ մեր Արտաքին գործերու նախարարը շուտով կը վերադառնայ ուստական դեսպանատունէն, նայինք ի՞նչ լիւր պիտի բերէ, արդեօք ի՞նչ նսրութիւն պիտի իմանանք, սպասենք քիչ մը, թո՛ղ Թուրիստ բաշան վերադառնայ, հասենանք իր կանչուելուն շարժառիթը, այնուհետեւ կը խորհինք :

— Դուք ի՞նչ կ'ըսէք, Սոյի՛տ բաշա, հարցուց Հիւնքեարը, սպասե՞նք Թուրիստ վերադարձին :

— Ձեր Վեհափառութեա՛ն է կամքը, մենք այս գիշեր, եթէ հարկ ըլլայ, հոս պիտի մնանք ու լուսցը նենք, բաւական է որ նպաստաւոր ելքի մը յանդինք։ Պահ մը դադար տրուեցաւ ու Հիւնքեարը զիլը հընչեցուց :

Երկու բռպէէն սենեկապետ մը ներս մտաւ :

Հիւնքեարը հրամայեց թէյ մատուցանել իր կայսերական հիւրերուն :

Սենեկապետը մեկնեցաւ ու Համիտ, ձեռքի ադամանդակուռ սոկի քթախոտի տուփը բանալով, հրամցուց Քեամիլ ու Սայիտ բաշաներուն, որոնք սենեկին լուսեղին հեղեղներով ողողուած այդ դոհարին վրայ հիացիկ ակնարկներ կը ձգէին :

Քթախոտը քաշելէ յետոյ, Համիտ ըստ հիւրերուն.

— Հաւատացէ՛ք, քանի՛ սա անիծեա՛լ Սասունի Դէպքը ծագեցաւ, քունս փախա՛ծ է, մէ՛կ վայրկեան հանգիստ չօւնիմ :

— Վեհափա՛ռ, յարեց Քեամիլ, մարսուելիք դէպք մը չէ՛ Սասունի Դէպքը, երեւակայեցէ՛ք անգամ մը, հազարաւոր Հայերու—գրեթէ ամէնքն ալ անմեղ— բընաջնջումը. Եւրոպան ասիկա մատը պիտի փաթթէ աւագանովապէս :

— Աստուած վերջերնիս բարի՛ ընէ , յարեց անդիէն Սայիտ բաշա , աչքերը կայսերական քթախոտի տուփէն առանց վայրկեան մը հեռացնելու , սա մեր Թուրիսան բաշան վերադառնար , հասկընայի՛նք թէ ի՛նէ կ'ուզէ Յարին մեծ դեսպա՞նը :

Նոյն պահուն ոսկիէ շքեղակերտ ափսէի մը մէջ դրուած թէլի սպասը ներս բերուեցաւ սեւամորթ պատարան ծառալի մը ձեռքով :

Թէյը խմուած , ափսէն վերցուած էր , երբ Արիֆ պէյ եկաւ իմաց տալու Թուրիսան փաշային վերադարձը :

Քիշ յետոյ , ներս մտաւ Թուրիսան կոտրուած , խիստ կոտրուած դէմքով մը , և , Հիւնքեարի ազգանշանին վրայ , գիմացի անկիւնը , բազկաթոռի մը մէջ տեղաւորուեցաւ :

Ամէնուն աչքերը կը յառէին Երտաքին դործերունախարարին , Քեամիլ ու Սայիտ բաշաները կը սպասէին որ Հիւնքեարը խօսէր :

Հիւնքեարը խօսեցաւ , ուղղուելով Թուրիսանի :

— Թուրիսան , ըստ , խօսէ՛ նայինք , ինչո՞ւ կանչեր է քեզի պարոն նելիաօֆը , բարի՞ է , չա՞ր է , պատմէ՛ նայինք :

— Վեհափա՛ռ տէր , պատասխանեց Թուրիսան բաշա , վայրագ թաթերու մէջ պարանոցը սեղմուած ուղղորուած մարդու մը գերեզմանային ձայնովը , ո՛չ բարի է , ո՛չ չար է , թէ՛ բարի է , թէ՛ չար է , ի՛նչ գիտնամ , ներեցէք , Վեհափա՛ռ Փատիշանս , շուարածեմ , չեմ գիտեր ի՛նչ ըսեմ , ի՞նչպէս պատմեմ :

— Ինչ եղեր ես , Թուրիսա՛ն , ընդմիջեց Համիտ , զարմանքի խառնուած կշտամբանքի դօնով մը , ի՛նչ կայ շուարելու , պատմէ՛ լմնցո՛ւր , հոգիդ չպիտի առնեմ :

Քեամիլ ու Սայիտ բաշաները խնդացին, մինչդեռ  
թուրիսան, որ Արտաքին գործերու նախարար մը պիտի  
ըլլար, դողը բռնած, կը գալարուէր :

Հիւնքեարի վերջին բառերէն քիչ մը քաջալեր-  
ւած, գերազոյն ճիգով մը շարունակեց .

— Վեհափա՛ռ տէր, ոռւսական մեծ դեսպանը զիս  
կանչած էր, հաղորդելու համար ծածկագիր հեռագրի  
մը պարունակութիւնը, որ Բեթերսպուրկէն քաշուած  
էր, Արտաքին Գործերու նախարար Լոպանօֆէն :

— Ի՞նչ հեռագիր է եղեր, հարցուց Հիւնքեարը  
գոյնը նետած :

Անդին, Քեամիլ ու Սայիտ բաշաները, տենդուտ  
սպասումի մը մէջ, կը կախուէին թուրիսան բաշայի շրո-  
ժունքէն, որ կը գողար :

— Վեհափա՛ռ տէր, յարեց թուրիսան, ծածկագիր  
հեռագիրը թէեւ լակոնական, քիչ մը համառօտ, հա-  
զիւ հինգ տողէ բաղկացած, բայց սպասուական էր :  
Յարը կը հրամայէր անմիջապէս Սասունի կողմերը ղըր-  
կել արտասովոր քննիչ մը, որ միանալով միեւնոյն  
պաշտօնով այն կողմերը զրկուած ֆրանսական ու բրի-  
տանական պաշտօնատարներուն հետ, պիտի քննութիւն  
բանար, Սասունի Զարդերուն պատասխանատուները  
գտնելու, զոհերուն թիւը ճշգելու և ուրիշ կարեւոր  
մանրամասնութիւնները երեւան հանելէ ետքը, հաւա-  
քական տեղեկագիր մը պատրաստելու համար :

Ներկաները, Ապահով Համիտէն սկսեալ, սառ կը-  
րեցան :

— Ե՛, ըսաւ Հիւնքեարը, վերջապէս իրականացաւ  
կասկածս. ասոնք զիս հանգիստ չպիտի ձգեն... Անդ-  
իա, Թրանսա, Խուսիա, երե՛քն ալ խօսք մէկ ըրած,  
կ'երեւայ թէ ուխտած են, Սասունի Դէպքը մատի փաթ-

թոց ընելով, զիս նեղը դնել, մինչեւ որ յաջողին իւշ բաքանչիւրն իր բաժինը հանել Հայկական կողոպուտէն։ Դիակապուտնե՛րը, Դիակապուտնե՛րը, Հայկական Դիակին վրայ յարձակած, պիտի կողոպտե՛ն, պիտի կողոպտե՛ն . . . :

Քեամիլ, Սայիտ ու Թուրիսան բաշաները, Հիւնքեարին հետզետէ զայրացող կատաղութենէն կը ջանային իրենքզիրենք պաշտպանել :

Երե՛քն ալ երկիւղած ու գողամած, լռութեամբ ու սարսուռով կը հետեւէին անոր այլանդակ շարժումնեւրուն, առանց ճիկ մը կարենալ հանելու, զգուշանալով իրենց գլխուն վրայ պայթեցնելէ անոր կատաղութեան փոթորիկը :

— Զը խօսի՞ք, չը խօսի՞ք, գոռաց Համիտ բաշաներու երեսին, արեւելքի դիւանագէտնե՛ր, մէջտեղ չը թափէ՞ք հիմա ձեր քանքարները . . . : Խօսեցէ՛ք նայիմ, ի՞նչ պիտի ընենք. Ռուսիան, Թրանսան և, սա ձեր փառաբանած ու ճշմարիտ բարեկամ հռչակած Անգլիան անգամ, քննիչնե՛ր պիտի զրկեն Սասուն . . . :

— Թո՛ղ զրկեն, Վեհափա՛ռ, համարձակեցաւ վերջապէս ընդմիջել Սայիտ բաշան, որ միւսներէն աւելի՛ լաւ ուսումնասիրած էր իր Տիրոջ հօգեբանութիւնը, ի՞նչ կ'ըլլայ. հա՛րկաւ քննիչ պիտի զրկեն, ատոր դէմ բա՛ն մը չենք կրնար ըսել, բայց ի՞նչ կ'ըլլայ քննիչ զրկելով.

— Ի՞նչ կ'ըլլա՞յ . . . մոնչեց Համիտ, ի՞նչ պիտի ըլլայ. ամէ՛ն գաղտնիք պիտի հրապարակ հանուի, պիտի խայտառակուի, Հայերը երես պիտի առնեն, մանաւանդերը տեսնեն որ Ռուսիան ալ կը շահագրգռուի իրենց դատով. պիտի քաջալերուին և, ո՛վ գիտէ, գեռ ի՞նչե՞ր, ի՞նչե՞ր պիտի ծագին . . . : Ես այս քննութիւններու պատրուակին տակ ուրիշ խաղե՞ր կը գուշակեմ, չըլլա՞յ

թէ ամբողջ Եւրոպան համաձայնո՞ծ ըլլայ վերջնական լուծում մը տալու «Արեւելեան Խնդիր» կոչուած կնճիւռն . . . : Ահա՝ կ'ըսեմ, շաւ խորհեցէ՛ք, ևս ասոր ներքեւ աղետալի դաւել՛ր կը նշամարեմ . . . :

— Վեհափա՛ռ տէր, միջամտեց Քեամիլ բաշա, մեզմել ուղելով Հիւնքեարին կատաղութեան սաստը, Վեհափառութեանդ խորաթափանց ու յստակատես միտքը ծանօթ է ինծի. կը զարմանամ թէ՝ ինչու պարզ հեռագրէ մը կ'ազդուիք ա՛յդքան և անգոյ վաանգներ կ'երեւակայէք դիւանագիտական սովորական գործողութեան մը մէջ. ներեցէ՛ք որ այդ մասին իմ խոնարհ կարծիքա յայտնեմ :

— Խօսեցէ՛ք նայինք, Քեամիլ, ձեր անուան իւմաստը ջանացէք արդարացնել :

— Վեհափա՛ռ տէր, շարունակեց Քեամիլ, թեթեւ ժպիտ մը շրթունքին ծայրը, ևս կեանքիս մէջ, միշտ արդարացուցած եմ անունս, երբէ՛ք խոհականութիւնը ձեռքէ չե՛մ ձգած իմ բոլոր գործերուս մէջ. Փատիշահիս՝ հաւատարիմ, Հայմենիքիս՝ օգտակար և ստանձնած պաշտօննելուս մէջ՝ ուղղամիտ ու գործունեայ, ահաւասիկ իմ բովանդակ կեանքիս ուղեգիծը, հետեւաբար, և ո՛չ մէկէ մը քաշուելու տեղ մը չունիմ, ո՛չ ալ պատճառ մը՝ համարձակօրէն չը խօսելու և Փատիշահիս չը յայտնելու ինչ որ կը խորհիմ, ինչ որ կը զգամ տէրութեան նուիրական պատիւին ու շահերուն հետ սերտ առնչութիւն ունեցող խնդիրներուն մէջ, կը խնդրեմ որ ուշի ուշով և առանց ո՛ և է կանխակալ կարծիքի ու տարագէպ կասկածներու, բարեհաճիք ու շաղրութիւն դարձնել իմ ըսելիքներուս, որոնք կը վերաբերին այժմէական կացութեան: Այսօր, եւրոպական քաղաքական աշխարհի սեղանին վրայ դրուած է Հայ-

կական Խնդիրը, որովհետեւ այդ աշխարհը՝ դժբաղդաւքար ականատես եղաւ վերջերս ամենասոսկալի, եղեռանական և մարդկային վայրենութեան վալեմի շրջանակը յիշեցնող արիւնոտ դէպքերու, որոնք, անկարելի է ծածկել ու չը խոստովանիլ, թատերավայր ունեցան Հայաստանի կարեւոր կեդրոններէն մէկը. Սասունի Դէպքը կ'ուզէի ըսել, որ այսօր, կը զբաղեցնէ մեծ տէրութեանց դանիճները: Թուրիսան բաշան հո՛ս է. չեմ կարծեր թէ՝ Պ. Նելիտօֆ լո՛կ ծածկագիր հեռագիր մը ցոյց տուած ըլլայ իրեն, ուրիշ յայտնութիւննե՛ր ալ պէտք է րրած ըլլայ, և կարեւո՞ր յայտնութիւններ... այնպէս չէ՝ Թուրիսա՞ն բաշա:

— Չը խօսի՞ս, Թուրիսա՞ն, նայէ ի՞նչ կ'ըսէ Քեամիլ բաշան, ընդհատեց Հիւնքեարը,

— Վեհափա՛ռ տէր, պատասխանեց Թուրիսան. հեռագիրը ցոյց տալէ ետքը, մեծ դեսպանը մտերմօրէն յայտնեց ինձի թէ՝ Վեհափառ Յարը յուզուեր է իջմիածին նստող....

— Է, Է, հասկցայ, ընդմիջեց Ապահւլ Համիտ, վայրենապէս գուշակելով թէ՝ Թուրիսան բաշան իրիմեան Հայրիկին անունը պիտի արտասանէր, սա... ին անունը մի՛ տար, Թուրիսա՞ն, հասկցայ, դուն խօսքդշարունակէ'.

—Այդ ծանօթ ծերունիին կողմէն իրեն մատուցուած աղերսագրէ մը, որուն մէջ պատմուեր է Սասունի Դէպքին ամբողջ արհաւիրքը. Նելիտօֆ պատմեց նաեւ թէ՝ Կովկասի Հայերը հաւաքական բողոքով մը դիմեր են Փոխարքային և պահանջեր են որ իրենց արտօնութիւն շնորհուի Թուրքիա մտնելու և զէնքով օգնելու Հայաստանի մէջ ջարդուող իրենց ազգակիցներուն:

Ապահւլ Համիտ յանկարծ ոտքի ելաւ ու սկսաւ լայնաքայլ չափել իր առանձնասենեակին երկայնքը:

Յետոյ, կանգ առնելով մէջտեղը, և դառնալով Քեամիլ բաշային,

— Պաշտպանեցէ՞ք, մուլտաց վիրաւոր արջու մը պէս, պաշտպանեցէ՞ք տակաւին...

Քեամիլ բաշան, իր կարգին, ոտքի ելաւ ու համարձակ չեշտով մը.

— Վեհափա՛ռ տէր, ըստւ, ես չեմ պաշտպաներ, այլ ճշմարտութիւնը կը յայտարարեմ: Ռուսիան արդէն Մըշնամի՛ն է մեր կայսրութեան և ո՛չ մէկ առիթ չը՝ փախցրնէր ձեռքէ, խանգարելու համար խաղաղութիւնը: Ինչպէս յիշեցի առաջ, Սասունի Դէպքը՝ պատրուակ մըն է, պատրուակ մը, մասնաւորապէս Ռուսիոյ ձեռքը, «Արեւելքի Քրիստոնեաներու Պաշտպան»ի իր հնօրեայ երգը լսեցնելու և ձիւզ մըն ալ փրցնելու հարար Օսմանեան կայսրութեան վիթխարի ծառէն...: Գիտցած ըլլաք, Վեհափա՛ռ, գիտցած ըլլաք, Սասունի Դէպքը՝ հասարակ դէղքերէն չէ՛, և շատ հաւաքական է թէ՛ ո՛չ միայն երեք մեծ տէրութեանց — Սնգիիս, Թրանսա, Ռուսիա —, Գերմանիոյ, Աւստրօ-Հունգարիոյ և Խտալիոյ) միջամտութիւնը պիտի անխուսափելի դարձնէ, և դարձեալ գիւանագիտական սեղանին վրայ բերէ, թերեւս աւելի սպառնական ու վտանգալի ձեւի մը տակ, Հայկական խնդիրը, որ, հարկ չը կայ կրկնելու, վերջին մեծ պատերազմէն ի վեր, միջազգային հանգամանք ստացած է, Սան Սթէֆանոյի, Կիպրոսի ու Պէրլինի դաշնագիրներուն մէ՛ջ ալ անցած ըլլալով. Հայկական Խնդիրը, Վեհափա՛ռ տէր, ինքնավար Հայստանի մը խընդիրը չէ՛. Հայերուն խնդիրը չէ, բովանդակ կայսրութեան կեանքին ու մահուան խնդիրն է...:

— Քեամիլ, ընդհատեց Հիւնքեարը, կ'աղաչեմ ամ-

փափեցէ՛ք, վերջացուցէ՛ք, ի՞նչ ընթացք պէտք է ըլռանուի ներկայ պարագաներուն մէջ.

— Կարծեմ թէ՝ ես ըստ արդէն, Վեհափա՛ռ տէր, նոյնը կը կրկնեմ. — Ճեր կառավարութեան համար մեծագոյն բարիք մը պէտք է նկատենք Սասունի Դէպքին յաջորդող դիւանագիտական այս ձեռնարկը. գործը քննութեան կը յանձնուի, իմ կարծիքով, ճեր կայսերական կառավարութիւնը սիրայօժար պէտք է ընդունի երեք մեծ տէրութեանց կողմէն առաջարկուած այդ միջոցը, պահանջելով միեւնոյն ժամանակ որ իրենց քնննիշներուն հետ մենք ալ տանք մեր քննիչները, որպէս զի Խառն Քննիչ Յանձնաժողովի մը ձեռքով առաջ տարւին այդ քննութիւնները. ահա՛ իմ եզրակացութիւնս . . .

— Դուք ի՞նչ կ'ըսէք, Սայի՛տ, դո՛ւք ալ ճեր եզրակացութիւնը կրնա՞ք ընել.

— Ե՛ս ալ նոյն եզրակացութիւնը պիտի ընէի, Վեհափա՛ռ, Քեամիլ բաշա եզրայրս պակաս բան մը չը թողուց, խնդիրը բոլոր կողմերովը պարզեց. շատ բանաւոր կը գտնեմ իր լուծումը, այո՛, ամէն պարագայի մէջ, ուզե՞նք չուզենք, յիշեալ երեք մեծ տէրութիւնները պիտի զլկեն իրենց քննիչները. մեզի կը մնայ պահանջել որ մենք ալ ունենանք մեր քննիչները, որոնք իրենց զրկելիք քննիչներուն հետ պիտի կազմեն Խառն Քննիչ Յանձնաժողով մը, և միասին առաջ տանին այդ քննութիւնները, ամէն գնով պէտք է ընդունել տանիք իրենց այս առաջարկը, ուրիշ ելք մը չը կայ . . . :

Ապաիւլ Համիտ ակամայ համոզուեցաւ և հրամայեց Արտաքին Գործերու նախարարին ընդունիլ երեք միացեալ մեծ տէրութեանց դեսպաններուն հաւաքական ծանուցագիրը, որ հաւանականօրէն հետեւեալ օրը պիտի տրուէր Բ. Գուռը, յայտարարելով սակայն թէ՝

Բ. Դուռն ալ իր կողմէն նոյն թիւով քննիչներ պիտի զրկէ Սասուն, միեւնոյն պաշտօնով ու համազօր իշխանութեամբ, որպէս զի, անգլիական, ֆրանսական և ռուսական քննիչներուն հետ խառն յանձնաժողով մը կազմելով, միասին կատարեն տեղին վրայ քննութիւնները և յետոյ միասին տեղեկագիր մը տան :

Երլարդի հաւանոցներուն խորէն կը լսուէր աքլորներուն առաջին աղաղակը, երբ նախարարները կարգով կ'իջնէին սանդուխներէն ու կառքերնին նետուելով կը մեկնէին պալատէն :

Սակայն Ապահովէլ Համիտ պիտի հսկէր տակաւին, որովհետեւ այդ գիշերուան ա'յնքան երկար տեւող խորհրդագութիւններէն լոյս մը չը ծագեցաւ իր խաւարասէր մտքին մէջ. ինքը՝ մութի մէջ գործելու միայն ընդունակ, համ չէր կրնար առնել ո՛ և է գործողութենէ, եթէ անոր մէջ դաւադրութիւնը դեր մը չունենար, իրեն աւելի գիւր ու հաճոյ պիտի գար կեղծիքը, խարեբայութիւնը, որոնց շնորհիւ յաջողած էր տարիներէ ի վեր խաղցնել ամբո՞ զջ Եւրոպան, հետեւաբար, ո՛րքան որ հրամայնց Թուրքիան բաշային ընդունել մեծ գեսպաններուն առաջարկը, Սասունի կողմերը քննիչներ զրկուելու մասին, սակայն, միւս կողմէ, տակաւին յոյսը չէր կտրած իր օգոստափառ եղօր՝ Վէլհէմ Բ. Ք. բարեկամութենէն, և կը մտածէր անգամ մը տեսնել իր Ա. Քարտուղարը, խորամանկ Թահամինը, անոր հետ գլուխ գլխի տալով փախուստի ճամբայ մը գտնել կարենալու :

Այս մտածումներով բեռնաւորուած, քաշուեցաւ իր այն գիշերուան ննջասենեակը :

թ.

Պիթլիսի կառավարական պալատին մէջ արտասովոր չարժում մը կը տեսնուեք : Աստիկան զինւորները, հաղթեալ քայլերով կ'երթեւեկէին, կառավարութեան պաշտօնեաները հաւաքուած կը խօսակցէին օրուան մեծ դէպքին վրայ : Ամենուն դէմքին վրայ կը կարդացուէք չուարումի, դողի ու սրտաբեկումի արտայայտութիւնը :

Քիչ յետոյ, պալատին Մեծ Դուռնէն ներս մտաւ նահանգին վալին, իր հետ ունենալով սսարկան զինւորներու հրամանատարը, և նահանգային վարչական ժողովի խոլամ և քրիստոնեայ անդամներէն մէկ քանիւները : Ասոնք, լուրջ ու մտածկոտ դէմքով մը, ճեղքեցին հրապարակը խռնուած գանազան ազգայնութիւններու ստուար ամբոխ մը, և, գանդաղ քայլերով վերելան, պալատին երկրորդ յարկը, ուր կանսած էին արդէն զինւորական բարձրաստիճան սպաներ, բաց ի միւշիր Զէքի բաշայէն, որ կ'ուշանաւ տակաւին :

Իրարանցումը մեծ է, և ընդհանուր :

Օրուան մեծ դէպքը՝ բոլոր միտքերը լարած էր, աշմէն մարդ, անհամբեր, տենդագին, կը սպասէք վախճանին :

Հրապարակին մէջ խռնուած ամբոխին մէջէն յանկարծ աղաղակ մը բարձրացաւ .

— Աչա՛ կուգա՞ն, աչա՛ կուգա՞ն... :

Ու ներկաներուն աչքերը յառեցան կառավարական Մեծ Դուռին կողմը :

Երկու վայրկեան ետքը, զոյգ զոյգ հեծելազօրքեր, արագ արագ ու կարգով կը մանէին հրապարակը :

Հեծելազօրքերու ետեւէն կուգային եւրոպական տարազով հեծեալ, համազգեստներով, գլխարկաւոր մարդիկ ու կը մանէին Մեծ Դուռնէն ներս :

Ասոնց ետեւէն կուգային դարձեալ հեծելազօրքեր ,  
որոնք ամբոխը ճեղքելով , ճամբայ կը բանային այս նո-  
րեկ Եւրոպացիներուն :

Հրա զարակին մէջ եռուղեռը սկսաւ . նեղ կուգա :  
Հրա զարակը , մարդիկ զ'րար հրմշտելով կուզէին ճամբայ  
բանալ ու խուժել պալատէն ներս :

Բերնէ բերսն մշեւնոյն խօսքը կը պաշտէր .

—Քննիչները , Եւրոպաց՝ քննիչները . . . :

ՍՍՍՈՒՆԻ ԴէՊԲԻՆ , քննութիւնը աեղին վրայ կա-  
տարելու պաշտօնով Պիթլիս հասնող անգլիական , Փը-  
րանսական ու ռուսական Մեծ տէրութեանց ներկայա-  
ցուցիչներն էին , որոնք նոյն օրը պիտի նիստ գումա-  
րէին Պիթլիսի կարավառական պալատին մէջ :

Այս առաջին նիստին միայն պիտի ներկայ գըտ-  
նուէր նահանգին վալին , ինչպէս նաև Դ . Զօրաբանա-  
կի մլուշիր Զէքի բաշան : Իսկ Բ . Դուռէն նշանակուած  
երեք քննիչները —որոնք ընդունուած էին վերջապէս եւ-  
րագական երեք մեծ տէրութեանց կողմէն , մասնակցե-  
լու քննութեան — տակաւին կ'ուշանային , ինչպէս կ'ու-  
շանար Զէքի բաշան : Վալին միայն ներկայ էր .

Դուրսը , սպաները կ'սպասէին , կարգով ընդու-  
նելու և թուագրելու համար բողոքարկուներու աղեր-  
սագիրները , որոնք պիտի մատուցուէին Խառն Քննիչ  
Յանձնաժողովին :

Երեք Եւրոպացաւի քննիչները , սպասելէ յոգնած ,  
Վալիին դիտել կուտայիս Օսմանեան երեք քննիչներուն  
ու միւշիր Զէքի բաշային յապազումը : Վալին իսքզինք  
կ'ուտէր ապարացնելու համար այդ աչքառու անկանու-  
նութիւնը . որ Եւրոպացիներու լեզուով զանցառութիւն ,  
կամ սւելի ճիշտը , պարտազանցութիւն պիտի թարգ-  
մանուէր :

Վարը , հրապարակին մէջ , որ նոյն պահուն փոթոր-

կատանջ ու կոհակակոծ ծովի մը տեսարանը կը պարզէր, բողոքարկուներուն տ'սուր թափորը, ամէնքն ալ ջարդէն վերագրողները, մէկ երկու տողերով սեցած թուղթի թերթեր ձեռքերնին, օդին մէջ բարձրացուցած, կ'աղաղակէին,

— Արդարութիւն, արդարութիւն . . . :

Ու սրտակեղեք այդ աղաղակները կը լսուէին վերէն :

Եւրոպական երեք մեծ տէրութեանց ներկայացուցիչները, սենեակին լուսամուտի փելկե ոը բանալով վարը կը նայէին ու կը հարցնէին վալիին.

— Ի՞նչ կը պօռան այդ մարդիկը .

— Ոչի՞նչ, ոչի՞նչ, կը պատասխանէի վալին սառդայէլեան չնական ժպիտով մը, հաւատարմութեան ցոյցեր են, Վեհափառ Սուլթանին գթութիւնը և իրենց գործած յանցանքներուն համար ընդհանուր ներում շընորհուիը կը խնդրեն բարձրաղաղակ :

Իսկ օտար քննիչները, ուաշտելիօրէն միամիտ ու դիւրահաւան, կը գոցէին փեղկերը, չը լսելու համար այդ նեղացուցիչ աղաղակը :

Եւ սակայն կը կրկնուէր նոյն աղաղակը, աւելի՛ ուժգին, աւելի՛ մորմաքալի .

— Արդարութիւն, արդարութիւն, մա՞ն ոճրագործներուն, մա՞ն մեր օճախոը քանդողներուն . . . :

Այսպէս, շարունակ, անընդհատօրէն կ'աղաղակէր ամբոխը, հետզետէ աւելի՛ կատաղի, աւելի՛ սրտաճմլիկ :

Յանկարծ, աղաղակները լուեցին, հրապարակի ժողովուրդին աչքերը դարձեալ ուղլուեցան դէպի պալատին Մեծ Պուռը, ուրկէ արագաքայլ ներս կը մանէին հեծելազօրքեր, երկու կարգի բաժնուած, և ասոնց եւտեւէն ոսկեճամռւկ համազգեստներու մէջ ողողուած,

երեք հեծեալներ, համիտական պաշտօնատարի անժպիտ դէմքով ու վէս կեցուածքով, որոնք, Բ. Դրան կողմէն նշանակուած երեք քննիչները պէտք է ըլլային։ Ասոնք կը պատրաստուէին վար իջնել իրենց ձիերէն, երբ Մեծ Դուռէն ներս իր հանդիսաւոր մուտքը գործեց, ճանձկէն ձիու մը վրայ գամուած նոր Սատիլա մը։

Զէքի բաշան էր, Դ. զօրաբանակի միւշիրը։

Օդին մէջ բարձրացած վրէժիմնդիր բուռնցքներու, հեկեկախառն լուտանքներու և աղեխարչ անէծքի աշղաղկներուն մէջէն անցաւ, առանց բոլորտիքը նայելու, և կորուեցաւ պալատին խորը։

Զէքի բաշային ներկայութեամբը կը լրանար անդամներուն թիւը։

Մինչեւ այն ատեն, ժողովին սեղանին վրայ դիզւած էին հրապարակին մէջ խռնուած բողոքարկուներուն աղերսագիրները, որոնք, ամէնքն ալ, կակծալի ու քստինելի մանրամասնութիւնները կը պարունակէին Սասունեան Արհաւիրքին, և հատուցում կը պահանջէին բռնաբարուած պատիւներու, թալլուած ինչքերու, հրդեհուած կալերու և բնակարաններու, վայրագօրէն յօշոտուած կեանքերու, և արդարութեան գործադրութիւնը, արժանի պատիժը մարդասպաններուն, որոնց ոճիրներուն հետքերը դեռ մնացած էին բնակիչներէն ամայացած անթիւ գիւղերուն մէջ։

Սակայն, Զէքի բաշա, այս գեհենային Եղեռնին իսկական հեղինակը, Երլարզէն նոյն օրը հասած հեռագրական գաղանի հրահանգի մը համաձայն, կը փորձէր ուրիշ խնդիրներով զբաղեցնել եւրոպական քննիչները, ուրիշ օրուան յետաձգել տալով մատուցուած աղերսագիրներուն քննութիւնը, որ կրնար շատ անախորժ ու վտանգաւոր գիրքի մը մէջ դնել թէ՛ զինքը, թէ՛ Պիթ-

իիսի նահանգին տեղական իշխանութիւնները : Ուստի ,  
եղլարզեան գաղտնի հրահանգը միշտ ուղեցոյց ըրած իր  
այն օտան բռնելիք ընթացքին , կը ջանար վրիպեցնել  
եւրոպական քննիչներուն ուշադրութիւնը , երկրորդա-  
կան , խիստ աննշան կարեւորութիւն մը տրուեւու համար  
այն աղերսագիրներուն : Յաջողեցաւ ի վերջոյ համոզել  
քննիչները , նախապէս հարցաքննութեան ենթարկուելու  
նահանգին կեդրոնական բանտին մէջ ձգուած յեղափո-  
խականները , որոնց գլուխը կը գանուէր անուատի Մու-  
րատը , Ստունի Աղստամբութիւնը վարած ըլլալու ծան-  
ամբաստանութեան տակ :

Եւրոպական քննիչները , որոնք արդէն կը շահա-  
գըրգուուէին այդ հերոսով , դիւրաւ համոզուեցան Զէքի  
բաշայի թերաղրութիւններէն , և պահ մը մոռնալով ա-  
ղերսագիրները , համամտութիւն յայտնեցին Մուրատի  
հարցաքննութեամբը զբաղելու նոյն օրը :

Որոշուած էր , նոյն օրը Մուրատ պիտի հարցաքըն-  
նուէր Խառն Քննիչ Յանձնաժողովին առջեւը :

Կուսակալի նշանացի ազդարարութեանը վրայ ,  
դուռը սպասող սստիկան զինւոր մը մեկնեցաւ , ուղե-  
լով քայլերը դէսի կեդրոնական բանտը :

Բանտին մէջ ոգեւորութիւն մը տիրեց վայրկենա-  
պէս :

Բանտապանները գործի վրայ էին :

Հինգ վայրկեան ետքը , ոտքերն ու ձեռքերը շըդ-  
թաներու զարնուած , նիշարակազմ , ամիսներէ ի վեր  
խոնաւ նկուղի մը մէջ ապրելէն ու թունաւոր օգը ծը-  
ծելէն ու ծծելէն կմախք մը դարձած հազիւ երե-  
սուն տարու երիտասարդ մը , մերկ սուխններով զին-  
ւորներու կրկին շղթայի մը մէջէն քալելով , բանտին  
գոնակէն կ'ելլէր ու կ'առաջանար դէսի պալատին հրա-  
պարակը , ուր , ոտքի վրայ կ'սպասէին բողոքարկունե-

բու լսումքեր, իրենց մատուցած աղերսագիրներուն  
ելքին:

— Մուրա՞ աը, Մուրա՞ աը, կ'աղաղակէին բոլոր բե-  
րանները, ցոյց տալով շղթայակապ մարդը, որուն թախ-  
ծոտ դէմքին վրայ կը յածէր ցաւագին համակերպու-  
թեան ու քայքայուած էութեան ցուրտ ուրուականը:

Եւ իրօք, Քննիչ Խառն Յանձնաժողովին առջեւ  
հարցաքննութեան կը տանէին Մուրատը. Սասունի Ա-  
պըստամբութեան զեկավարը:

Անցքին վրայ, տեղ տեղ, կառավարական պաշ-  
տօնեաներ, զարմացական ակնարկներ կը փոխանակէին  
իրարու և կ'ըսէին.

— Ա՛յսքան նի՞ար, ա՛յսքան տկարակազմ՝ մար-  
դո՞ւկ մըն էր այսքան մեծ աղմուկ հանողը . . . :

Ու գլուխնին կ'երերցնէին:

Բազոքարկու ամբոխին մէջ կը նշմարուէին ծերեր,  
պառաւներ, որոնք կուրծքերնին ծնծելով կ'անիծէին  
Մուրատը, որ իրենց զաւակները գլխէ հանելով լեռը  
տարած էր կոռուելու և կուլին մէջ սպաննել տուած-  
էր . . . :

Սակայն, շատեր ալ կային այդ ամբոխին մէջ, ու-  
րոնք երիտասարդ յեղափոխականին բաղդը կուլային ու-  
անէծքի կարկուտ մը կը թափէին հայակեր Զէքի բա-  
շայի գլխին, որ իրենց օճախը քանդել տուած էր:

Պալատին կամարները կ'արձագանգէին յեղափոխա-  
կանին ոտքերն ու ձեռքերը պրկող ցուրտ շղթաներուն  
շառաչները: Պալատին ներսի բնակիչները, առհասարակ-  
քարտուղարներ, իրենց սենեակներէն դուրս ելած, կը  
դիտէին անցքը:

Վերջապէս, աւազակութենէ վկայեալ ոստիկան զին-  
ւորներու — մեծագոյն մասը Սասունեան Թալանին ու  
Սպանդին հերոսները — կոպիտ վարմունքին ու նա-

Խատինքներուն առարկայ, և, իր շղթաներէն առանց վայրկեան մը բաժնուելու, Մուրատ հանուեցաւ Խառն Քննիչ Յանձնաժողովին ատեանը :

Քննիչները, առաջին անգամ էր որ արգահատան-քի բնական զգացումով մը —որ դժբաղլարար կը պակսի առհասարակ պետական պաշտօնատարներու, կամ, ընդհանուրապէս, ամէն կառավարողներու քով —, կը դիտէին հայ յեղափոխական մը, շղթաներու մէջ, և կ'ընդվզէին :

Պիթլիսի վալին ոտքի ելաւ, ու Յանձնաժողովի եւրոպական պատուիրակներուն ուղղելով խօսքը մասնաւորապէս և Մուրատը ցոյց տալով :

— Պարոննե՛ր, ըստւ, ահա՛ Մուրատ-Համբարձում բառած խոռվարարը, Ապստամբպաետը, Անիշխանականը, որ այս կողմերու խաղաղիկ բնակչութիւնը գլխէ հանեց ու կայսերական բարեխնամ կառավարութեան նէմ զինեց, այս մարդը խանգարեց նահանգիս անդորրութիւնը, զինուած, ասպատակային խումբեր կազմուերագեց Հայերէն ու, առանց խղճահարութեան, ընտանիքներ նստեցուց մախիրի վրայ, գիւղեր այրել ու քանչգել տուաւ, քանի՛ քանի մզկիթներ օդը հանել տուաւ, և ա՛յսքան տարապարտ արիւննեղութեան ու ցաւալի դէպքերու առիթ տուաւ, ահա՛ այն մարդը . . . :

— Բայց ինչո՞ւ շղթաներու տակ է, առարկեց պազարիւնով մը, բրիտանական պատուիրակը, իր վրայ ծանրացած ամբաստանսութիւնները հաստատուած են, գատավարութիւնը վերջացած է, վճիռ մը կա՞յ, և եթէ կայ, վաւերացուած է այդ վճիռը Պոլսոյ Վճռաբեկ Ատեանէն :

Վալին կեցած տեղը մնաց, լեզուն կապուած, ի՞նչ պիտի պատասխանէր : Մուրատ ձերբակալուելէն ի վեր հարցաքննութեա՞ն անգամ չէր կանչուած . . . :

Միւշիր Զէքի բաշան, որ անպատկառ սուտեր ստեղծելէ չէ՛ր քաշուեր, մէջ նետուեցաւ, առանց նըշ-մարելու իր շուրջը խմարուող դժգոհութեան ու զայրոյ-թի արտայայտութիւնը, որ կը կարգացուէր միւս եւրո-պական պատուիրակներու դիմագծերուն վրայ և աշ-քերուն մէջ.

— Պարո՞ն պատուիրակներ, ըսաւ միւշիր Զէքի բաշա, այս մարդուն ձերբակալումը գիտէ՞ք ի՞նչ պա-րագաներու մէջ տեղի ունեցած է։ Կայսերական զօրա-գունդերս թեւերու բաժնած, հետանդել կուտայի ա-պրստամբ անիշխանականները, որոնք լեռները քաշ-ւած, յաճախ դաշտերը կ'իջնէին, կողոպտելու համար պարկեցած գիւղացիները, և որոնք, քանի՛ քանի ան-գամներ ճակատ առ ճակատ կափւ մզեցին մեր զօրքե-րուն հետ, ահա՛ այս վտանգաւոր ուաղակներուն, ա-նիշխանականներուն պետք Մուրատ, նոյնինքն այս մարդը, լեռներու թագաւոր մը հոչակած ինքղինք, կը վարէր հայկական ատպստամբութիւնը թէ՛ խօսքով և թէ՛ գործով։ Վերջապէս, զօրքերս յաջողեցան գտնել իր որջը, ուր ապաստանած էր։ Զէնք ու զանազան պայթուցիկ նիւթեր, ուժանակ, ուումբ, ևն., հոն, իրեն ապաստանարան ծառայող որջին մէջ գտնուե-ցան. մի՛ կարծէք երբէք թէ՛ սոսկ ենթագրութեան մը կամ պարզ ամբաստանութեան մը վրայ ձերբակալուած ու բանտարկուած ըլլայ, en flagrant délit բռնուած է. Ճիշդ այն բոպէին, երբ սճիրը կը գործէր։ Այս-պիսի պարագաներու մէջ ձերբակալուած ոճրա-գործ մը, ինչպէս որ շատ լաւ պէտք է դիտնաք, պա-րո՞ն պարուիրակներ, բնական է թէ՛ խիստ հսկու-թեան տակ կը դրուի։ Եւ յետոյ, մեր երկրին բանտերը՝ ձեր երկիրներու բանաերուն չե՛ն նմանիր, ո՛չ ալ հըս-

կողութիւնը՝ ձերինին չը կրնար հաւասարիլ ապահովութեան և կանոնաւութեան կողմէ, այնպէս որ յաճախաղէպէ են բանաէ փախուստներ, հետեւաբար, նո՛յնիսկ Եըլտըլէն զրկուած կայսերական իրատէի մը հպատակելով է որ մենք ստիպուած ենք շղթաներու մէջ պահել այս յայտնին եղեռնագործը . . . :

— Ո՛չ, ո՛չ, կը սխալիք միւշի՛ր, ընդմինջեց ֆրանսական պատուիրակը, այս մարդը, (ցոյց տալով Մուրատը) մեզի համար Հնչակեան կուսակցութեան գործիչ մրն է, հայ յեղափոխական մը, քաղաքական բանատարկեալ մը, որ պէտք է վայելէ իր մատղային իրաւունքները, ցորչափ չէ՝ կրած ո՛չ մէկ դատապարտութեան վճիռ. և ես կը խորհիմ թէ՝ այդ շղթաները, գէթ առ այժմ, անյարմա՛ր են քաղաքական բանտարկեալի մը ձեռքերուն ու ոտքերուն, կ'առաջարկեմ հանել այդ շղթաները :

— Այո՛, այո՛, պէտք է նախ հանել շղթաները, դիտել առւին միւս քննիչները, և այնուհետեւ սկսիլ հարցաքննութիւնը :

Երկու ոստիկան զինւորներ, անմիջապէս եկան քակեցին Մուրատի շղթաները :

Յետոյ, նախագահին նշանացի ազգարարութեան վրայ, Մուրատ գնաց նստաւ անկիւնը դրուած աթուակի մը վրայ, ամբաստանեալի նստարանը, և սկսուիրհդաւոր նայուածքներ պարտցնել բոլորափքը :

Հարցաքննութիւնը պիտի սկսուէր, երբ, նոյն պահուն, հեռագրատան պաշտօնեայ մը ներս մտաւ, ձեռքին մէջ հեռագիրներու ծրարով մը, առաջացաւ դէպիւլային, որուն յանձնեց ձեռքի ծրարը :

Փոլովականներուն աչքերը դէպիւլային դարձան ամէնքն ալ անհամբեր կը սպասէին իմանալ այդ հեռագիրներուն պարունակութիւնը :

Վալին, մէկիկ մէկիկ աչքէ անցընելով, մէջէն հեռագիր մը զատեց ու յանձնեց զայն միւշիրին, ուրիշ մը՝ եւրոպական քննիչներուն պետ բրիտանական պատվիրակին, և ուրիշ մըն ալ՝ օսմանեան քննիչներու պետին։ Իսկ ինքը, հեռագիր մը ձեռքին մէջ, կը լափէր, ու քանի՛ առաջ տանէր ընթերցումը, ա'յնքան կ'այլագունէր։ Միւշիր Զէքի բաշային ձեռքէն ինկաւ հեռագիրը։ Իսկոյն ոտքի ելաւ ու հաւասարակշռութիւնը կորացնցուցած գինովի մը պէս սկսաւ երերալ։ առանց մէ՛կ բառ արտասանելու, և առանց շուրջը նայելու, մեկնեցաւ սրահին։

Եւրոպական երնք պատուիրակները, սրահին մէկ անկիւնը քաշուած, իրենց հեռագիրը կը կարդային։

Նոյնը կ'ընէին օսմանեան պատուիրակները։

Անդին, ամբաստանեալի նստարանին վրայ դամւած, հայ քաղաքական բանտարկեալը կը դիտէր տեսարանը։

Վալին մոմէ արձանի մը պէս, բերանը չէր բանար։

Խորունկ լուսթիւն մը սաւառնեցաւ ժողովասրահին վերեւ։

Մուրատ, նոյն ամբաստանեալի աթոռակին վրայ նստած, անկիւնէն ու կ'ըմբոշնէր տեսարանը։

Հեռագրական այդ ծրարը խորհրդաւոր, ահաւոր բան մը կը պարուէր իր մէջ։

Վալին ալ ոտքի ելաւ, հեռագիրը ձեռքին մէջ, և, առանց շուրջը նայելու, դանդաղ ու վարանոտ քայլերով, դուրս ելաւ և անցաւ դիմացի սենեակը, ուր կ'ըսպասէին նահանգին վարչական ժողովի անդամները։ Այդ սենեակին մէջ էր նաև միւշիր Զէքի բաշան որտակաւին չէր կրցած բաժնուիլ իր ձեռքի հեռագրէն։

Ժողովասրահին մէջ մնացին միայն վեց քննիչնե-

ըլ, որոնք իրենց մտքի խռով զինակին մէջ մռացած էին ժողովասրահին անկիւնը նստած քաղաքական բանտարկեալին ներկայութիւնը :

Կարծիքներու կարճատեւ փոխանակութենէ մը վերջ, օսմանեան պատուիրակներէն մէկը, դէպի դուռը մօտեցաւ ու ներս կանչեց ոստիկան զինուոր մը, որ հո ը սպասէր :

— Խուրչի՛տ, ըստւ, ա՛ռ այս մարդը (ցոյց տաշով Մուրատը), դարձեալ բանտը տար, բայց չըլլա՛յ թէ շվթայ զարնուի ոտքերուն կամ ձեռքերուն. թո՛ղ ազատ պարտի բանտի շրջափակին մէջ. խստութիւնների դործ դնելէ զգուշացուի՛ թող...:

Երբ ոստիկան զինուորը, մօտենալով Մուրատի, կը պատրաստուէր գործադրելու քննիչին պատուէրը, Մուշատ, յանկարծ ստոքի ելաւ ու.

— Եփէնտինե՛ր, գոչեց, մինչեւ ե՞րբ պիտի տանշուիմ հասարակ ոճրագործներու յատուկ բանտի մը մէջ. ե՞րբ պիտի խօսեցնէք զիս.

— Տղա՛ս, ըստւ օսմանեան քննիչը, քիչ մըն ալ համբերէ՛, ամէն բան կարդի պիտի մտնէ. հիմա գնա՛, մէկ երկու օրէն պիտի կանչուիս, պիտի հարցաքննուիս ու թերեւս պիտի... արդարանաս և կամ կայսերական ներման արժանանաս.

— Կ'արհամարհե՛մ ես այդ տխուր Մարդուն ներումը... ես գթութիւն չեմ մուրար, այլ արդարութիւն կը պահանջեմ...:

— Շա՛տ լաւ, տղա՛ս, շա՛տ լաւ, շարունակեց քննիչը միշտ մեղմ ու կարեկցող շեշտով մը, դուն հիմա գնա՛, քիչ օրէն պիտի վերջանայ ամէն բան :

Մուրատ, շվթայազերծ, ոստիկան զինուորին առջեւէն կը քալէր: Երբ վար իջաւ ու կ'անցնէր հրապա-

բակէն, տեսաւ հոն խռնող ամբոխին մէջ դէմքեր, ու  
րոնք ծանօթ էին իրեն, Տալևորիկէն, Սէմալէն, Շէնի-  
քէն ու շրջակայ գեղերէն, ամէնքն ալ իր զէնքի ըն-  
կերներուն դժբաղդ ծնողքները կամ պարագաները :

Հրապարակը դարձեալ յուղուեցաւ ծովի մը պէս ։  
Ամէն կողմէ կը գոչէին,

— Սրձակեցին Մուրատը, արձակեցին, օրհնեալ  
ըլլան եւրոպական քննիչները, օրհնեալ ըլլայ քրիո-  
տոնեայ Եւրոպան . . . :

Սակայն, իսկոյն, լոեցին այդ ուրախութեան ձայ-  
ները, և ամբոխին գլխին վրայ պազ ջուր մը թափուե-  
ցաւ, երբ միամիտ գեղջուկները, որոնք մէկ րոպէ առաջ  
եւրոպական քննիչները կ'օհնէին ու քրիստոնեայ Եւ-  
րոպան, իրենց սեփական աչքերովը տեսան Մուրատի  
մուտքը բանտի դուռնէն ներս :

Վերը, ժողովասրահին մէջ, վեց քննիչները, փո-  
խադարձաբար իրարու կը հաղորդէին ստացուած հեռա-  
գիրներուն պարունակութիւնը :

Հեռագիրներէն մէկը Մեծ Եպարքոսէն էր, օսման-  
եան քննիչներուն ուղղուած, և կը հաղորդէր կայսե-  
րական «իրատէ» մը, որով կ'արգիլուէր Պիթիսի վա-  
լիին ու միւշիր Զէքի բաշային մասնակցութիւնը Սա-  
սունի Դէպքի քննութեան, միւնոյն ժամանակ յիշե-  
լով թէ Բ. Դուռը հարկադրուած էր դնելու այդ-  
արգելքը, երեք ծանօթ մեծ տէրութեանց դեսպաննե-  
րուն հաւաքական ծանուցագրին հետեւանքովը : Իսկ  
միւս հեռագիրը՝ ծանօթ մեծ տէրութեանց երեք դես-  
պաններուն ստորագրութիւնը կը կրէր, իրենց երեք  
պատուիրակներուն ուղղուած, և խստիւ կ'արգիլէր Սա-  
սունի Դէպքի քննութեան մասնակցելէ Պիթիսի վալին  
ու Դ. Զօրաբանակին միւշիրը, աւելցնելով թէ՝ այս

երկու օսմանեան բարձրաստիճան պաշտօնատարները  
պատասխանատու պիտի բռնուլին ջարդերուն և թերեւս  
Պոլիս պիտի կանչուին ու դատի ննթարկուին։ Հետա-  
գիրը մասնաւորապէս կը պատուիրէք քննիչներուն, կա-  
րելի եղածին չափ չփումէ զգուշանալ տեղական իշխա-  
նութեանց պաշտօնեաներուն հետ և ջանալ չաղդուիլ  
ատոնց թելագրանքներէն, քննութիւնները կատարել  
իւրաքանչիւր տեղի վրայ, ճշգել պատասխանատուու-  
թիւնները, զուերուն թիւր, կորուսաներուն ու մեա-  
ներուն քանակը, թալլուած, քոնդուած կամ հրդեւ-  
ւած վանքերուն, եկեղեցիներուն, վարժարաններուն,  
հանրային շենքերուն ու բնակարաններուն մանրամասն  
ցուցակը ներկցել պաշտօնական տեղեկագրին, որ  
գործուած խժդժանքներուն քննութեան արդիւնքն  
զատ, պէտք է պարունակէ նաև տեղական պէտքերուն  
ու պահանջումներուն վրայ ձեւուած բարենորսգումնե-  
րու ծրագիր մը, եւ։

Օսմանեան քննիչները, դեսպանական հեռագրին  
յայտնութիւններէն սահմուկած, և մանաւանդ, դարձեալ  
երեք մեծ գեստաններուն հաւաքական ծանուցագրին  
հետեւանքով թէ՛ Պիթլիսի վալիին և թէ՛ միւշիր Զէքի  
բաշային նկատմամբ կայսերական այսքան ծանր ու նը-  
ւաստացուցիչ կարգադրութենէ մը շփոթած, կը մատ-  
ծէին արեւելեան մէթուաներու դիմել, կաշառելու հա-  
մար իրենց նւրուպացի պաշտօնակիցներուն խզճմանքը։

Հեռագրական հլ ահանգին տալաւորութեանը ներ-  
քեւ, եւրոպացի պատուիրակները կը զգուշանային բա-  
ցուելէ օսմանեան քննիչներուն, և պէտքը կը զգային  
առանձնանալու, իրենք իրենց մէջ գաղանի խորհրդակ-  
ցութիւններ ընելու և յետոյ խօսելու։ Շատ կարեւոր  
իրագարձութիւններ տեղի ունեցած էին Պոլսոյ մէջ, կը

խորհեին երեք մեծ տէրութեանց պատուիրակները, և թերեւու իրենց իւրաքանչիւրին պատկանած կառավաշ-թեան քաղաքականութեանը մէջ ալ պէտք է փափա-խութիւններ կատարուած ըլլային, որպէս զի յանկարծ, երեք մեծ դեսպանները միասին, հաւաքական ծանու-ցագիր մը տուած ըլլային Բ. Դրան և պահանջած՝ միւ-չիր Զէքի բաշային ու Պիթլիսի վալիին չեզոքացումը, և նոյն իսկ, ասոնց երկուքին ալ դատի ենթարկուիլը, ևն . . . :

Բ. Դրան քննիչները, երեքն ալ հոտառու, թա-փանցող միտքի տէր մարդիկ, եւրոպական պատուի-րակներուն վարանուած, այլամերժիկ ու կասկածու կերպերուն մէջ հոգեկան նոր վիճակ մը կը գուշակեին, վիճակ մը, որ նոյն օրուան հեռագրին ազգեցութենէն կրնար առաջ եկած ըլլալ: Ա՛լ կասկած չէր վերցնէր, կը խորհեին օսմանեան քննիչները, եւրոպացիները չը պիտի ուզէին ու և է քննութիւն կատարել նոյն օրը, և կը փափագէին մեկուսանալ, առանձնանալ: Աւելորդ էր ուրինմն հակառակը պնդել: Սակայն, լոկ փորձի հա-մար, առաջարկեցին սեղանին վրայ դիզուած աղերսա-գիրներուն քննութիւնները սկսիլ:

— Հարկ չը կա'յ, հարկ չը կա'յ, ըստու ուստական պատուիրակը, այսօր բան մը չենք կրնար ընել, այսօր պէտք է լաւ մը խորհինք, որոճանք, մեր պաշտօնին փափուկ հանգամանքը նկատի առնելով՝ պէտք է ճամ-բայ մը գծենք, ուզզակի կարենալ հասնելու համար մեր նպատակին: Հետեւաբար, ես կ'առաջարկեմ որ այսօրուան նիստը փակենք և մէկ քանի օր դադար առնենք, ի՞նչ ըսէք:

— Այո՛, յաշեց գրանսական պատուիրակը, համա-  
սայունէն ԵՏՔԸ

միտ եմ մեր դաշնակից կայսրութեան յարգելի պատ-  
վիրակին. մէկ քանի օր լաւ է դադար տալ և սպասել  
նոր հրահանգներու, որոնք մերեւս մեծ կարեւորութիւն  
ունենան և որոշեն մեր քննութեան ընթացքը :

— Ե'ս ալ համամիտ եմ, ըստ բրիտանական պատ-  
վիրակը, պէտք է յաւ ուսումնասիրինք այսօրուան հե-  
ռագրով հասած հրահանգները, այնպէս չէ . . . :

Օսմանկան պատուիրակները լուսցին, ստիպուած  
էին համակերպիլ :

### Յ.

Խառն Քննիչ Յանձնաժողովին անդրանիկ նիստը  
փակուած, անդամները կը պատրաստուէին մեկնիլ պա-  
լատէն :

Հրապարակին ամբոխը տակաւին կը սպասէր : Երբ  
քննիչները կ'անցնէին, յանկարծ, ամբոխէն շրջապատ-  
ւեցան : Բողոքարկունները միշտ կ'աղաղակէին, արդա-  
րութիւն, արդարութիւն :

Քննիչները պարտաւորուեցան կանգ առնել հրապա-  
րակին մէջ :

Ոււսական պատուիրակին թարգմանը, պալատին  
ներսի գուռին քովի քարին վրայ ելաւ ու սկսաւ խօ-  
սիլ :

— Փողովուրդնե՛ր, ձեր աղերսագիրները կարգի  
գրուած են արդէն և մէկիկ մէկիկ նկատի պիտի առնը-  
ւին. վաղը նիստ պիտի գումարէ Խառն Քննիչ Յանձ-  
նաժողովը, ուստի, կը հրաւիրուէիք մեկնիլ պալատէն,  
վաղը կուգաք և կը փնտուէք ձեր աղերսագիրները :

Հազարաւոր կոկորդներէ ժայթքած աղաղակներէն  
ձեւացած վիթխարի գուռուգոչ մը լեցուց հրապարակը :

— Կեցցէ՛ Թուսիա , կեցցէ՛ Անգլիա , կեցցէ՛ Փրանսաւ . . .

Եւ ամբոխը ճեղքուելով , ճամբայ բացաւ քննիչներուն , որոնք խմբովին դուրս ելան պալատին Մեծ Պուռէն :

Մէկ քանի վայրկենէն հրապարակը պարպւեցաւ : Պալատին մէջ մնացած էին վալին ու միւշիրը , վարչական ժողովի ու Դ. Զօրաբանակի ուղակոյտի անդամներէն մէկ քանիներուն հետ :

Քիչ յետոյ անոնք ալ մեկնեցան , բացի վալիէն ու միւշիրէն , որոնք գլուխ գլխի տուած , չէին կրնար մէջէն ելլել ծանօթ հեռագիրներուն : Երկուքն ալ չէին կրցած ո՛ւ և է մեկնութիւն մը տալ կատարուած յեղակարծ փոփոխութեան մը : Երլարզի մէջ , կ'ըսէին իրարու , ծանրակշիռ բան մը դարձած ըլլալու է , Հիւնգեարը ճնշումի տակ միւյն կրնայ արձակած ըլլալ այս իրատէն . . . :

— Ես այս հեռագիրը , կ'ըսէր վալին , հեռագիրը միշտ ճեռքին մէջ , կ'ո զծ կը կարծեմ , որովհետեւ մինչեւ հիմա Երլարզէն հասած ծածկագիրներուն հետ տրամադծօրէն հակառակ իմաստ մը կը պարունակէ , ուր մնացին ուրեմն կայսերական Ա. Թարուղարին այնքան իւղաս ու համեղ խոսասումները . եթէ այդ հեռագիրները մէկ անգամ աչքէ անցընեմ , գիտէք , միւշիր , ինչեր , ինչեր պիտի դանեմ հոն . դուն լաւ գիտես , մենք մեր գըլխով չը գործեցինք՝ Թահսին ստորագրութիւնը կրող և Նորին կայսերական Վեհափառութեան հեռագրական հրահանգներուն կէտ առ կէտ հպատակելով է որ կազմակերպեցինք Սասունի Դէպքը , այնպէս չէ . . . »

— Անչուշտ , անչուշտ , կը կրկնէր միւշիրը , մտահոգ ու վրդոված , այնպէս է , ըրին եղան , մեզ ճամբայ

հանել առւին, ու հիմա, ո՛վ գիտէ պալատական ի՞նչ  
գաղանի սանտրանքի մը, դաւի մը հետեւանքով ջուրը  
կը ձգուի մեր այն աղունը ծրագիրը . . . : Կը տեսնես,  
այս հեռագիրը բան մը չէ, վաղը պիտի ուրիշ մըն ալ  
հասնի, և պիտի տեսնես որ զի՞ս ալ, քե՛զ ալ, երկուք-  
նի՞ս ալ, իբրեւ պատասխանատուներ՝ գործուած ծանօթ  
թալաններուն, բռնաբարումներուն, առեւանգումներուն  
ու ջարդերուն, թերեւս շղթայակապ Պոլիս զրկեն ու  
բանտարկեն, և, դեռ ըսե՞մ, թերեւս կախել ալ տան :

— Ծ, միւշի՛ր, ընդհատեց վալին, այդքան առաջ  
կ'երթան :

— Մաշալլա՞ն, շարունակեց միւշիրը, ի՞նչպէս ա-  
ռաջ չեն երթար, երեւակայէ՛ անգամ մը, դեռ նո՞ր,  
մէ՛կ շաբաթ չեղաւ, որ աղամանդակուու պատուանշանով  
ծածկուեցաւ կուրծքս, և կարծեմ թէ չէ՛ք կրնար ու-  
րանար, իմ թանկագին ծառայութիւններուս փոխարէն՝  
ամենափոքր վարձատրութիւն մըն էր ատիկա. իսկ հի-  
մա, ի՞նչ է դարձեր որ յանկարծ, թէ դուն և թէ՛ ես,  
ամբաստաննեալներու պէս, քննութեան մասնակցելէ  
կ'արգիլուինք . . . : Ասիկա չի՛ մարսուիր, հանելո՞ւկ մըն  
է, հանելո՞ւկ մը . . . : Դարձեալ կ'ըսեմ, Ելլալլի մէջ  
բանե՛ր մը դարձած ըլլալու են . . . : Ի՞նչ . . . սահմանա-  
գըլութիֆ կարեւորագոյն նահանգներուն մէջ քաշկոտուէ՛  
տարիններով, հլու, կամքը ծախուած ստրուկի մը համա-  
կերպութեամբ, գործադրէ՛ Հիւնքեարի մը բոլոր քմա-  
հաճոյքները. շան պէս տանջուէ՛, ամիսներով, հարիւ-  
րաւոր մզոններով հեռաւոր վայրերէ մինչեւ հոս եկո՞ւր,  
վրանի՞ տակ անցո՞ւր կեանքդ այս վայրենի անհաւատ  
լեռներուն մէջ, ամէն վտանգներու դէմ կուրծք տո՞ւր,  
չէն չէն զիւղե՛ր քանդել տո՞ւր, անգթօրէն ջարդել տուր  
հազարաւոր Հայեր, հոգ չէ՛ թէ ամէնքն ալ ըլլալն ան-

մեղներ, աչք գոցէ՛ խուժանային շարժումներուն, աշխաթներու պետերը գրգռէ, թալաններու, և պաշտօնական ջարդերու արիւնոս ծրագիր մը, նոյնիսկ Երևարդէն պատրաստուած, անթերի գործադրել տուր, վերջապէս, հայկական խնդիր բոուտած մզձաւանջը մի անգամ ընդ միշտ մեր Փատիշահին միտքէն վանելու և ամէն վախ ու կասկած փարատելու համար հայկական կոտորածի մը կարմիր թուականը բա՛ց, բոլոր Եւրոպայի առջեւ խաղք ու խայտառակ եղիր իրեւ կազմակերպողը՝ բոլոր այս բարբարոսութիւններուն ու յետոյ աչքէ ինկը՛ր....

— Կ'աղաչեմ, միւշի՛ր, ընդրիջնց վալին, մի՛ նորոգեր վիշտերս, ապերախտ կառավարութեան մը տըսմար պաշտօնեաները չենք, պէտք է, հիմա քաւենք մեր յիմարութեան յանցանքը. մենք կը կարծէինք թէ՛ Հայերը կեզեքելով ու ջարդելով՝ Երլարզաւաճոյ և Հիւնքեարէն մեծապէս գնահատելի առաքինութիւն մը գործած կ'ըլլանք թէ՛ Սասունի Հայերուն բնաջնջումը կազմակերպելով՝ ծառայած կ'ըլլանք նորին Վեհափառութեան գահակալութեան առաջին օրէն ի վեր հետապնդած ու փայփայացած քաղաքականութեան, ափսոս, սխալեր ենք, խարուեր ենք, հասկցուեցաւ.... Առկայն, ափսոսալ օգուտ չունի. ի՞նչ պիտի ընենք հիմա, ի՞նչ միջոցներ ձեռք պիտի կը նանք առնել, այս անել բաւիլէն զուրս ելլելու համար:

— Հա, ըստու միւշիրը, աղէ՛կ ըսիր, եղածին վրայ խորհիլ, ափսոսալ օգուտ չունի, միջոց մը պէտք է մտածենք, միջո՛ց մը, որով կտրենանք աղատել մեր մորթը, հայաւակ պարագային, գիտցած ըլլաս, մորթերնիս վրա՛յ կուտանք:

Ու երկու մեղսակիցները, միւնոյն մտածումներու ցանցին մէջ բռնուած, կը չարչարուէին:

Միւշիւ Զեքի բաշան յանկարծ բայադանչեց .

— Ես գտայ , ես գտայ միջոցը :

— Ինչպէս , ինչպէս , յարեց վալին :

— Պէտք է յիշեք , շարունակեց միւշիրը . Կամ գոնէ իմացած ըլլաք , մեր վերջին թրքօռուս պատերազմէն վերջը , Պերլինի վեհաժողովին մէջ կնքուած ելրդ . յօդուածին տրամադրութեամբը , Բ . Դուռը խոստացած էր բարենորոգումներ մտցնել Հայերէ բնակուած ասիական նահանգներուն մէջ , ապահովելու համար Հայերուն ինչքը , պատիւը , կեանքը՝ Քուրդերէն ու Զերքեզներէն : Այդ , այդ խոստացուած բարենորոգումներու գործադրութեանը հսկելու , միեւնոյն ժամանակ , բարենորոգումներուն բնութիւնը որոշելու և այդ նահանգներու կացութեանը մասին՝ պարբերական տեղեկութիւններ հաղորդելու պաշտօնով այս կողմերը զրկուած էր անգլիացի գօմիսէր մը , Դրօդդըր հազարապետը :

— Է , ընդմիջեց վալին , յիշեցի՞ , յիշեցի՞ սա Անգլիացին :

— Ահա՝ այդ Անգլիացին , շարունակեց միւշիրը , այդ Անգլիացին կ'ըսեմ , որուն զրկելիք տեղեկագրէն կախում պիտի ունենային ծանօթ բարենորոգումներուն բնութիւնն ու գործադրութեան նղանակը , զիտե՞ս , ինչպէս ելաւ մեր կառավարութեան տեսակէտովը խիստ նպաստաւոր տեղեկագիր մը զրկեց :

— Ինչպէս , ինչպէս , ընդհատեց վալին :

— Արեւելքի մէջ շատ սովորական դարձած միջոցով մը , պատասխանեց միւշիրը . Հիւնքեարը , այն աւտենուան էրզրումի վալիէն հազորդուած տեղեկութեան մը համաձայն , իմացած ըլլալավ թէ՝ Դրօդդըր հաղարապետը կնամալ մըն է , իսկոյն , կայսերական Ա . Քարտուղարին միջոցաւ ծածկագիր հեռագիր մը կը քաշէ

վալիին, յանձնարկելով որ այդ մարդուն ճաշակին յարմար վրացի կամ չէրքէղ գեղունի մը գտնելով անմիջապէս, աղախին տրուի իրեն, իբր կայսերական ընծայ...:

— Չէր լսած, աղուո՞ր բան, յարեց վալին ժպտելով և պահ մը մոռնալով հեռագրական հարուածի վերջին կսկիծը :

— Մտիկ ըրէ՛ որ շարունակեմ, յարեց միւշիրը, իր պատմուածքին մէջ դնելով իր բովանդակ եռանդը. վալին, կայսերական Ա. Քարտուղարին հեռագիրը գրպանը, կառավարական պալատէն վերադարձին, ուղղակի իր հարէմը կը մտնէ, կը կանչէ իր ճարիէներէն չէրքէզուհի մը, որ Տաղիստանէն բերուած ու գերեվաճառէն գնուած էր արեւելեան պատերազմէն հազիւ տարի մը վերջ, և կը տեղեկանայ թէ՛ իր ճարիյէն ուրիշ քոյր մըն ալ ունէր, իրմէ երեք տարու փոք՛, ինքը՝ ծախուած տարին քսան տարու ըլլալով, և թէ՛ այդ քոյրը դեռ կոյս էր, և կը գտնուէր Կարսի մէջ, գերեվաճառ Քէրիմ աղայի քով, որուն ձեռքէ՛ն զինքը գնած էս վալին: Զերկարե՛մ, վալին կանանցէն դուրս կ'ելլէ, շուտով հեռագիր մը կը խմբագրէ և կը դրկէ Կարս, Քէրիմ աղայի հասցէին, պատուիրելով որ հեռագիրը ստանալուն՝ ճամբայ ելլէ գէպի Կարին իր ճարիյէին քրոջը հետ: Քէրիմ աղան կը հասնի, իր հետ ունենալով վալի բաշայի ճարիյէին կրտսեր քոյրը, Գամէր հանըմ իր անւան պէս լուսնկայ մը, հազիւ տամնը եօթը տարու, թարմ ու սպիտակ մորթով, ձուածիր ծնօտով, խարտեաշ ու շոայլ վարսերով, մութ կապոյտ աչքերով, թուզիչ նայուածքով, կամարաձեւ յօնքերով, բարեձև քիթով, փոքրիկ բերնով, կարմրալար ու նրբին շրթունքով, հուրքոտ ու վառվուուն աղջիկ մի: Քէրիմ աղա

մէկ շաբաթ վալիին գօնագը հիւրասիրուելէ յետոյ,  
Գամէր հանրմը կը թողու երզրում իր քրոջը քով և  
ինքը կարս կը վերադառնայ, Գամէրի վաճառման գոր-  
ծը վերջացնելէ և կարեւոր գումար մը գրպանելէ ետ-  
քը: Վալին, Հիւնքեարի հեռագրական հրահանգին հա-  
մաձայն, Դրօդդըր հազարապետին ընծայ կուտայ Գա-  
մէրը: Այսպէս, անգլիացի քննիչը, աղջկան մը կախարդ-  
նայուածքին ու մորթին մէջ կը թափէ հայկական նա-  
հանգներու բարենորոգումներուն հարցը:

— Ի՞նչ կ'ըսես, ընդմիջեց վալին, աչքերը խոշոր-  
ցընելով ու յօնքերը բարձրացնելով.

— Ի՞նչ կը կարծէիր, շարունակեց միւշիրը եռան-  
դով, դեռ չ'աւարտեցի սակայն. Դրօդդըր հազարապե-  
տը, դեռատի Զէրքէզուիչին գիրկը քնանալուն յաջորդ-  
օրը կ'ելլէ, գրիչը ձեռք կ'արնէ և կը խմբագր էիր համ-  
բաւաւոր տեղեկագիրը, որ ա'յնքան աղմուկ հանեց այն  
ատենները, և ինչպէս գիտէք, այդ տեղեկագրով ջուրը  
ձգեց բարենորոգումները, մեր օսմաննամն կայսրութեան  
տափական, մասնաւորապէս Հայերէն բնակուած նահանգ-  
ները ներկայացնելով մէկ մէկ երկրաւոր գրախաներ,  
ուր Քուրտ ու Հայ, Թուրք ու Թուրքմէն, գայլ ու  
գառնուկ, միասին կ'ապրէին երանաւէտ խաղաղու-  
թեան ու պաշտելի ազատութեանմը գիրկը: Եւ, չը մոռ-  
նամ ըսել թէ՝ այդ հազարապետին տուած տեղեկագրին  
գրայ, տարիներով խօսքը չեղաւ Պէրլինի Յարդ-  
ւածին, հակառակ Հայոց Վարժապետեան ներսէս Պատ-  
րիարքի կրինսակի դիմումներուն ու բողոքներուն:

— Շատ լաւ, միւշիր. յարեց վալին, այդ պատ-  
մուածքէն ի՞նչ հնտեւցնէք պիտի:

— Սպասէ՛ որ ըսեմ, շարունակեց միւշիրը, ճի՛շդ  
ատոր վրայ կը խորհէի. հիմա մենք աչքէ ինկած ենք,

և պիտի տեսնէք, մինչեւ վաղը կը յայտնուի, շատ հաւանական է որ անգլիական մեծ դեսպանին զրդումովը միւս երկու մեծ դեսպաններն ալ, ֆրանսականին ու ռուսականին կ'ուզեմ ակնարկել, բողոքած կ'ըլլան մեզի դէմ, և նոյնիսկ սպառնալիքով սկսդած կ'ըլլան որ մենք, իրեւ Սասունի դէպքին մէջ գործօն դեր ունեցողներ, չը մասնակցինիք այդ Դէպքը քննելու պաշտօն ունեցող Խառն Յանձնաժողովին աշխատառութիւններուն։

— Ատիկա յայտնի է, ըստ վալին, ե՛ս ալ կը խորհիմ թէ՛ անգլիական մեծ դեսպանէն պէտք է եկած ըլլայ այս հարուածը։

— Ուրեմն, յարեց միւշիրը, մենք անցեալի դասերէն ու փորձերէն խրատուելով, պիտի ջանանք հոս, ամէն գնավ, վաստիիլ, և եթէ հարկ ըլլայ, միջոցներուն ամէնէն նոււաստովը կաշառել նախ անգլիական պատուիրակը, որ, չեմ գիտեր թէ ուշարութիւն ըրբ՞ր... կնամով մէկը կ'երեւայ, չը դիտեցի՞ր նոյսւածքները։

— Այս՝ այս՝, կրկնեց վալին, նայուածքները չը հաւնեցայ, մանաւանդ, անցեալները, կը յիշես, մեր առւած հացկերոյթին իրիկունը, աշքերը մի՛շտ սպասունիներուն կը սեւեռէր։

— Բաել է թէ չեմ սխալած, շարունակեց միւշիրը ծիծաղելով, հիմա կը մնայ մեզի գտնել գեղեցիկ երիտասարդունի մը, և ընծայ զրկել իրեն, ի՞նչ կ'ըսես։

— Շատ աղէկ կ'ըլլայ, հաստատեց վալին, մեր հարէմիներուն մէջ չե՞ն պակսիր առեւանգուած հայ աղջիկներ, որոնք ամէնքն ալ մեր կիներուն աարազը կը կրեն, չե՞նք կրնար ասոնցմէ զատել աղուոր մը, ընծայ զրկել անոր . . . Եւրոպայի մէջ ապրած շատ մը բարեկամներէս լսած եմ յաճախ, Եւրոպացիները կը խենզենան արեւելքի կիներուն մանաւանդ մերիններուն վը-

բայ, որոնք լաջակի տակէն աւելի՝ գեղեցիկ կը կարծուին, հիւրիներ կը թուին անոնց աչքերուն, այսպէս կ'ըսէր մնր Քէմալ պէյը, որ Լոնտոն ապրած է տարիներով :

— Իրաւունք ունէր Քէմալ պէյը, ըստ միւշիրը, ես ալ ուրիշ բարեկամէ մը լսած եմ, դուրիսները, մանաւանդ Անգլիացիներն ու Ամերիկացիները, սովորաբար յոդնած մարդիկներ, իրենց կնիկներէն, իրենց ապրելակերպի տափակութենէն ձանձրացած, Արեւելք կը ճամբորգեն, Պոլիս, Եգիպտոս, Անատոլու, Սիւրբիս, պարզապէս կիւներու որսորդութեան համար :

— Ուրեմն, յարեց վալին, ի՞նչ կեցեր կը սպասենք, եթէ կարելի է, ա'յս գիշերուընէ գանենք այդ երիտասարդունին ու զրկենք անգլիացի պատուիրակին :

— Պատրաստ է, պատրաստ է, յարեց միւշիրը ժպտելով, իմ կանանցիս մէջ կը գանուի այս պահուս, Աստունի մեր զինուօրական արշաւանքին է ն գեղեցիկ աւարներէն մէկը, հազիւ տասնինը տարու կայտառ աղջիկ մը, իսլամացած, տեսնես, ի՞նչ թովիչ աչքեր ունի գանգին . . . :

— Զըսե՞ս որ հիմակուընէ՛ մեր ճանկին մէջ ինկած է անգլիացի պատուիրակը, բացագանչեց վալին երկու ձեռքերը շփշփելով խնդումէն, աղջիկ թով պակսի մեր հարէմներուն մէջ, քանի՛ քանիներ այսօր կուտեն կը խմեն իմ կանանցիս մէջ, հաւտա՛ խօսքիս, միւշիր, այսօր, Պիթլիսի բովանդակ նահանգին մէջ, Մուշ ու շրջակաները, չպիտի՛ հանդիպիս իսլամ պէյի մը կամ աւատապետի մը, և կամ նոյն իսկ քիչ թէ շատ աղդեցիկ ալայի մը, որուն հարէմը չէնցած շըլլայ նորըն-

ծայ աղջիկներով ու կեներով, ամէնքն ալ Սասունի Դէպքին պարզեւնեքը . . . :

Կարծիմ թէ, շարունակեց միւչիրը, ա՛յ հարկ չը կայ հոս դեպքերեւու, ժամավաճառ չըլլա՞նք, մեկնի՞նք ծիւա, և ես, ա՛յս գիշեր կը կարգադրեմ խնդիրը, արդէն սպասաւորներէս Մէջրա տլան մաերժութիւն, ունի անգլիացի պատուիրակի «գալազ»ին ձետ, երկու լքն ալ էրզրումցի են, ա՛յս գիշեր, պատուիրակին ականջը կը հասնի լորր: Միայն կը վա՛նեամ որ չըլլա՞յ թէ կանանցիս մէջ գեգութիւն ծագի այդ հայ աղջկան հեռացումէն, որովհետեւ, չես գիտեր, իր կերպերով, վարքով ու բարքով հարեմին ծալիիլ կը համարուի, ամէ՞նքն ալ կը սիրեն ու կը գեցնեն դինքը, սակայն հոգ չէ, կը համազենք, կը համ հազե՞նք, մանաւանդ, երբ հասկնոյ թէ՝ քրիստոնեայ մը պիտի դինք առնէ կնութեան, չեմ կարծեր թէ գիշամակի, ընդհակառակն, հրձուանքով պիտի ընդունի տառաջարկը, քանի որ հարեմէն պիտի վառապրուի քրիստոնեայ առ ւն մը, այնպէս չէ:

— Անչուչտ, անչուչտ, պատասխանեց վալին, խաղալով խնդարով պիտի մեկնի:

Միւչիր ու վալի, բուռութան թեթեւցած, մեկնեցան պաւատէն:

Միւեղիները միւարէներուն գոգ սթէն իրիկուան աղօթքի հրաւերը կը կարգային Պիթլիսի խուամ հաւասացեալներուն, օրոնք խումբ խումբ կ'անցնէին փողոցներէն ու մզկիթները կը խռնէին:

Նոյն գիշերը, անգլիական ու ֆրանսական երկու պատուիրակները հրաւերուած էին ուսւատիան պատուիրակին բնակարանը, ուր պիտի գումարուէին խորհրդակցութիւն մը կատարելու համար կացութեան վրայ:

Դարձեալ նոյն գիշերը, Ա. էջմիածնայ տաճարին մէջ, աւագ խո, անփռ ստքը, չոկազուն կ'աղօթէր Ամենայն Հայոց սգաւոր. Հոյրապետը վասն արեւշատութեան Ամենայն Ռուսաց Մեծագօր Յարին, որ ընդունած էր իր աղերսագիրը, և խիստ քննութիւն մը պահանջած էր Պոլսոյ իր Մեծ գեոպանին միջոցու. Սասունի մէջ գործուած քստմենի ո՞իրներուն վրայ :



ԽԱՐՄԵԱՆ ՀԱՅՐԻԿ

Սասունի Դէպքէն ի վեր, երկրորդ Յանձնաժողովը  
էր որ իր անդրանիկ նիստը կը գումարէր Պիթլիսի կա-  
ռավարական պալատին մէջ :

Այս Յանձնաժողովը գործի գեռ չըսկսած, Ապտիւլ  
Համբաւ, տեղի տալով եւրապական ժամուլի բարձրացու-  
ցած բուռն բողոքներուն և, մասաւանդ, նպառելով  
Ռուսիոյ և Թրանսունի աշխատան Արտաքին գործերու  
նախարարներուն՝ Լոպանոֆի ու Հանօթօյի թրքասէր  
քաղաքականութենէն, թոյլ բնիմացքէն ու զիսումնաւոր  
քարեացակամութենէն, աճապարած էր, եւրոպական մի-  
ջամտութեան մը պատահականութենէն զերծ մնալու հա-  
մար, ինք իր կողմէն անմիջապէս Մուշ զրկել Բ. Դրան  
կողմէն նշանակուած ու զուտ թուրք պաշտօնատարներէ  
բազկացած Քննիչ Յանձնաժողով մը, որ մէկ ամիս առաջ  
Մուշ հասած և ճնշումներ ի գործ դնելով յաջողած էր  
Հուրին երեսը հանել Պիթլիսի Վալի Թահանին բաշան, Դ.  
Զօրաբանակի միւշը Զէքի բաշան: և իրենց արբանեակ-  
ները, Սասունի Սպանդին կազմակերպիչները: Արդէն  
այդ առաջին Յանձնաժողովը Հայաստան զրկելէ առաջ,  
Բ. Դուռը պաշտօնապէս հրատարակել տուած էր իր Եւ-  
րոպայի գեսպաններուն բերնով թէ՛ Սուլթանը Սասունի  
մէջ տեղի ունեցած վերջն անկարգութիւններէն խորա-  
պէս յուղուած, Քննիչ Յանձնաժողով մը կը զրկէ Մուշ,  
հայ աւազակներուն արաբները բննելու պահօնով:

Բ. Դրան այս յայտաբարութեան դէմ, Անդլիան  
Խիստ քաղաքավար տճով բողոք մը զրկած էր միայն,  
առանց ո՛ և է գործնական քայլի մը. իսկ Ռուսիան ու  
Թրանսուն, արտած ըլլալով իրենց Արտաքին գործերու

նախարարներուն թրքասէր քաղաքականութիւնը, հետեւ ևցան Անգլիայ օրինակին, և այսպէս նուիրագործեցին Ապահով Համբարի ծրագիրը, Սասունի Զարդերը բնական հետեւանք ընդունելով հայ աւազակներու ապստամբութեան :

Առաջին թուրք Յանձնաժողովիր, ինչպէս որ յայտնի էր, մէկ ամսուան մէջ ամէն բան կարգի դրած վերջացուցած էր, Երլարդի գաղտնի հրահանգներուն համաձայն :

Սակայն, երբ քննութեան արդիւնքը հրատարակւեցաւ, Եւրոպայի ամէն անկիւններէն զայրոյթի աղաղակներ լսուեցան : Հակառակ Սուլթանին ծախուածքանի մը թերթերու յայտնի խեղաթիւրումներուն, եւ բոլոր ամսուլը սկսաւ կատաղի պայքար մը մզել Ապահով Համբարի գէմ, զանազան սեւ մակղիրներով դատապարտելով զայն քաղաքակիրթ աշխարհին առջեւ :

Սասունի Զարդերուն է՞ն սոսկալին տեղի ունեցած էր Սուլթանին գահակալութեան տարեդարձին օրը, 1894 օգոստ 19ին : Կ. Պոլսոյ բրիտանական մեծ դեսպանը փութացած էր իր կողմէն դէպքերուն վայրը քննութիւն կառարելու համար զրկել Վանայ իր հիւպատուը Մ. Հոլվօրտ, որ չուտով ճամբայ ելած էր դէսպի Սասուն և որուն մուտքը սակայն արգիլուած էր տեղական կառավարութեան կողմէն, ամբաստանուելով իրրեւ Հայերուն պաշտպան և զանոնք ապստամբութեան գրգռող՝ կայսերական կառավարութեան դէմ : Այս ամբաստանութեան վրայ, Սըր Ֆիլիփ Քըրրի զայրացած, հեռագրով հրահանգ ուղած էր Լոնտոնի կառավարութեանէն, և Սուլթանին քով պնդած էր դեսպանատան կողմէն մասնաւոր քննիչ մը զրկելու, քննութիւնները կատարելու համար տեղին վրայ : Ապահով Համբար վախէն եաւ առած էր Վանայ հիւպատուին դէմ յերիւր-

ւած ամբաստանութիւնը , և խնդրած է որ դեսպանատան կազմէն քննիչ մը չը դրկուի :

Մեծ դեսպանը կը խոստանայ չը դրկել , սակայն , միեւնոյն ժամանակ կը պահանջէ որ Մուշ զրկուած Յանձնաժողովը խառն ըլլայ և բրիտանական , ֆրանսական և ռուսական երեք հիւպատոսներն ալ անդամակցին անոր : Ապահով Համիտ , հոտառու և խորամանկաղուէս մը թէեւ , իր խորչրդատու Սայիտ բաշային թեւ լադրանքներէն ու Սըր Ֆըրրիի Քարտուածու ու թոյլ ընթացքէն քաջալերուած , կը մերժէ և ձգձգումներով ժամանակ վաստկելու համար երկար բանակցութեան մը կը սկսի : Խնդիրը զանազան փուլերէ անցնելէ ետքը , վերջապէս բրիտանական մեծ դեսպանը ստիպուած էր աեղի տալ և ընդունիլ Սուլթանին թուրք Յանձնաժողովը , խնդրելով միայն որ Նորին Վեհափառութիւնը արտօնէր որ Անգլիան , Թրանսան ու Ռուսիան ալ յիշեալ յանձնամոլովին կցեն գէթ երեք պատուիրակները , ո՛չ թէ իրը ան դամներ , այլ պարզ ականատես վկաներ , նիստերուն ննրկայ գտնուելու և ի հարիին հարցումներ ալ ուղղելու : Սուլթանը կ'արտօնէր միայն որ երեք պատուիրակներ ներկայ ըլլան նիստերուն պարզ վկայի հանգամանքով , պայմանով որ այդ երեք պատուիրակները հիւպատոսները չըլլային , այլ Երզրումի բրիտանական , ֆրանսական , և ռուսական հիւպատոսներու քարտուղարները :

Ահա՝ այս երեք քարտուղարներն էին որոնք կը մասնակցէին երկրորդ Քննիչ Խանն Յանձնաժողովովին ախտին , և ուսնց իրաւասութեան սահմանն ու բնութիւնը դեռ չեին գիտեր Պիթիսի վալին ու միւշիր Զէքին : Իսկ Յանձնաժողովը բաղկացնալ օսմաննեան Քննիչները գիտէին ամէն բան և սակայն գաղտնի կը պահէին զանազան նկատումներով :

Այս հակիրճ պատմականը պէտք էր ունենալ աչքի  
առջեւ, պայծառ գաղտփար մը կազմելու համար Սաշ  
սունեան Արիւնութ Շրջանին մէջ Երլարզի խաղցած տը-  
խուր դերին վրայ և զայն բաղատելու համար եւրո-  
պական անպատկառ դիւնագիտութեան կամաւոր ա-  
պիկարութեանը հետ ։ Սասունը ինչպէս բացայացօքէն  
կը տեսնուի, անգամ մը Կարմիր Սուլթանի մը ձեռ-  
քով խողխողուելէ ետքը, Երկրորդ անգամ կը սպաննուի  
Երկու անխիղճ հրէշներու, քաղաքալիրութեան անու-  
նով խօսող ու գործող Երկւորեակի մը, Լուսանօֆի ու Հա-  
նօթօյի դրչի մէկ հարուածովը . . . ։ Իսկ Սոգլիան,  
վտանգիրոպէին փախչող ու իր գործ թշնամիին ճանկե-  
րուն մէջձգող վատ բարեկամու մը պէս, ձեռքերը կը  
լուայ կը քաշուի .

Դառնանք հիմա նիւթին :

Ինչպէս կը յիշեն ընթերցողները, Պիթլիսի մէջ,  
ոռւսական պատուիրակը խորհրդակցութեան հրաւիրած  
էր իր բնակուրունին մէջ, անգլիական ու Փրանսական  
իր պաշտօնակիցները : Խորհրդակցութիւնը շատ կարե-  
ւոր էր, խնդիրը կը դառնար ցերեկուընէ ստացուած  
հեռագրին վրայ : Վալին ու միւշիրը կը զրկուէին յանձ-  
նաժողովին նիստերուն մասնակցելէ, և թերեւս քիչ  
ատենէն Պոլիս պիտի կանչուէին դատուելու համար :  
Ասիկա բարենչան երեւոյթ մըն էր, փոփոխութիւն մը,  
զոր տեղի կ'ունենար իրենց կառավարութեանց ու Բ.  
Փրան յարաբերութեանց միջեւ :

— Ես կը խորհիմ թէ, կ'ըսէր ոռւսական պատուի-  
րակը, կառավարութեանս մնծ դեսպանին կողմէն ազ-  
գու միջամտութիւն՝ մը տեղի ունեցած պէտք է ըլլայ, ո-  
րովհետեւ, շա'տ լաւ գիտեմ, Պ. Նէլիտօֆի ազդեցու-  
թիւնը մնծ է Երլարզի մէջ, Սուլթանին անձնական բա-  
րեկամութիւնը կը վայելէ, ինչպէս որ յաճախ իմացած

Ե՞ռ նոյնիսկ մեր ընդհանուր հիւպատոսին բերնէն :  
— Ինչո՞ւ չէ, կ'ըսէր Փրանսական պատուիրակը,  
եռ ալ այդպէս կը խորհիմ, որովհետեւ թէ՛ Պիթլիսի  
վալին և թէ՛ միւշիր Զէքի բաշան, երկու քն ալ սիր-  
ւած անձնաւորութիւններ են Երլարզի մէջ, Սուլթա-  
նին անսահման վատահութիւնը կը վայելեն, ասիկա  
չընդունիր ո՛չ մէկ տարակոյս, իսկ հիմա որ աչքէ ին-  
կած են և դատուելու, մինչեւ իսկ մահուան գատապար-  
տուելու ս կառնալիքին տակ կը գտնուին, չէ՞ք զարմա-  
նար, բարեկամնե՞ր, անսովոր բան մը պէտք է պատա-  
հած ըլլայ, այնպէս չէ՞... : Պալատական ենրիփի, չէ՞մ  
հաւատար, որովհետեւ ինչպէս որ դուք ալ գիտէք ինծի  
չափ և թերեւս ինչ աւելի, Երլարզի ամբողջ աշխարհը,  
Պիթլիսի վալիին ու միւշիր Զէքի բաշային խմօրովը  
շաղուած տրարածնե՞ր կը պատսպարէ, մեծ ենրիկանին՝  
Ապտիւլ Համիտի հովանաւորութեսնը տակ... :

Միւս երկու պատուիրակները քրքիջներ ործակեցին :

— Մի՛ խնդաք, շարունակեց Փրանսական պատուի-  
րակը, բա՛ն մըն ալ ինկաւ միտքս : Զըլլա՛յ թէ կնկան  
մատ մտած ըլլայ այս գործին մէջ.

— Ի՞նչպէս, հարցուց բրիտանական պատուիրակը,

— Սպասեցէ՛ք որ պատմեմ, յարեց Փրանսական  
պատուիրակը, անցեալները, գեռ էրզրում էի, շատ կը  
խօսուէր թուրք ջոջերու շրջանակին մէջ, Դ. Զօրաբա-  
նակին միւշիրը հայ գեղեցիկ աղջիկներու հաւաքածոյ  
մը խոստացեր է դրկել Երլարզ, կայսերական կանանցը  
զարդարելու համար, և կարծեմ թէ մաս մը զրկած է  
արդէն, բայց, Երլարզի մէջ դիտել տրուած է թէ՛ միւ-  
շիրը վար դրած է իր կանանցը համար է՛ն աղուոր-  
ները, և թէ՛ ասոնք իրեն ու Պիթլիսի վալիին միջեւ

բաժներ է Առւլթանին ականջը հասեր է շշուկը . . . : Հեմա՛ չէ՞ք ենթադրեր թէ՝ այդ միջադէպը շարժառիթ եւ զած ըլլայ թէ՝ վալիին և թէ միւշիրին յանկարծական անկումին . . . :

— Հաւանակա՞ն է, հաւանակա՞ն է, կը կրկնէին բրիտանական ու ոռւսական պատուիրակները, Արեւելքի մէջ ամէն բան կարելի է . . . :

— Ի՞նչ որ ալ ըլլայ շարժառիթը, յարեց էրզրումի բրիտանական հիւպատոսարանին քամտուղարը, սա՛ ճըշմարիտ է թէ՝ մեր դիրքը բաւական ամրացած է հիմա, և թէ՝ վաղը կրնայ ուրիշ հեռագիր մըն ալ հասնիլ, մեր պաշտօնին սահմանւերն ընդարձակող հեռագիր մը. չը կրնար ըլլալ.

— Կ'ըլլա՞յ, կ'ըլլա՞յ, կրկնեց ոռւսական պատուիւտիրակը, երերցնելով գլուխը, չըսի՞նք արդէն, Արեւելքի մէջ կ'ապրինք, ամէն օր նոր անակնկալով մը յզի Արեւելքը . . . :

— Անշուշտ, յարեց ֆրանսական պատուիրակը, կրնաւ նաև պատահիլ բոլորավին հակառակը, օրինակի համար, վազը նոր հեռագիր մը կ'առնենք, որով մեզի կը ծանուցուի ձեռք քաշել գործէ և անմիջապէս վերադառնալ էրզրում . . . :

Քրքիջներ փրթան աւելի ուժգին :

Յանկարծ դուռը կը բացուի ու պահակ մը ներս կը մտնէ, ոռւսական պատուիրակին պահակը, որ երեք կարմիր պահարաններ ձեռքին մէջ, կը մօտենայ իր տիրոջ և զանոնք իրեն կը յանձնէ : Սա, աչքերը պահարաններուն վրայ կը պարտցընէ և անոնցմէ մէկը ֆրանսական պատուիրակին կը յանձնէ և միւսը՝ անդլիականին :

Երեք պատուիրակները միեւնոյն ժամանակ սկսան կարդալ :

Պոլսէն, երեք մեծ տէրութեանց դեսպաններէն քաշուած հեռագիրներ էին, երե՛քն ալ նոյն իմաստով : — Բրիտանական մեծ դեսպանին կրկնակի պնդումներուն վրայ, վերջապէս Սուլթանը ստիպուած էր տեղի տալ և արտօնել որ բրիտանական դեսպանատան թարգմաններէն մէկը զրկուի Մուշ, Քննիչ Յանձնաժողովէն անկախաբար, տեղւոյն վրայ քննութիւններ կատարելու և տեղեկագրելու պաշտօնով, թարգմանին կ'ընկերակցէր Թայմզի թղթակից մը, որ իրաւունք ունէր տեղեկութիւններ հաւաքելու Սասունի ջարդերուն վրայ, որը օրին Լոնտոն հեռագրելու իրենց քաղած տեղեկութիւնները, առանց հանդիպելու ո՛ւ և է արգելքի կամ դժուարութեան, տեղա ան իշխանութեանց կողմէն :

Հեռագիրը կ'աւելցնէր թէ՝ կը յուսացուի մօտ օրէն ճամփայ հանել նաև ուսւական ու ֆրանսական դեսպանատուններուն թարգմաններէն մէկ մէկ հոգի, բրիտանական թարգմանին աջակցելու և ասոր հետ գլուխ հանելու քննութիւնները, որոնց արդիւնքէն կախում պիտի ունենար երեք մեծ տէրութեանց ապագային բռննելիք ընթացքը՝ հանդէպ օսմաննեան կառավարութեան, են :

Այս հեռագրին պարունակութիւնը մեծ ուրախութիւն առնեց պատուիրակներուն, որոնք կը տառապէին իրենց կրաւորական դերէն ու պարզ վկայի հանգամանքէն, իրենք որ մօտէն կը տեսնէին ու կը շօշափէին գործուած անգթութիւններուն ահաւոր հետքերը, Միւս կողմէ, կը խորհէին թէ՝ Բ. Դրան քննիչներն ալ պէտք է միեւնոյն ժամանակ ընդունած ըլլան նոյն իմաստով հեռագիր մը, և թէ՝ Երլարզէն գաղտնի հրահանգնե՛ր ալ ստացած կ'ըլլան օր տուած աւարտելու

քննութիւնները, կանխած ըլլալու համար մեծ դեսպանատանց թարգմաններուն կողմէն կատարուելիք անկախ քննութիւնները, որոնց արդիւնքը շատ տարբեր պիտի ըլլար ապահովաբար իրենցինէն։ Ուստի, երեք պատուիրակներն ալ, միեւնոյն մտածումներէն առաջնորդուած, որոշեցին ձգձգումներով ժամանակ վաստըկիլ, մինչեւ դեսպանական թարգմաններուն ժամանումը, օրովէս զի թէ՛ անոնց խորհրդով շարժին և թէ՛ անոնց միտքը լուսաւորեն տեղական իշխանութեանց կողմէն, մութի մէջ, ձեռքի տակէ ի գործ դրուած մեքենայական խաղերուն նկատմամբ։

Այս որոշումը պիտի գործադրէին վաղուընէ սկսեալ, չը մասնակցելով Յանձնաժողովին նիստերուն։

Դիշերը բաւական առաջացած էր, անգլիական ու ֆրանսական պատուիրակները կը պատրաստուէին հրաժաշտ տալ, երբ ուռւսական պատուիրակին պահակը ներս մտաւ և իր տիրոջ ականջին փսփսաց։

— Վարը հայ քահանայ մը կը սպասէ, կը խնդրէ ներկայանալ Ձեզի։

Պատուիրակը դարձաւ ըստ իր պաշտօնակիցներուն,

— Խնդրեմ, քիչ մըն ալ սպասեցէ՛ք, տեսէ՛ք ի՞ն կ'ըսէ մեր պահակը, — վարը հայ քահանայ մը կը սպասէ, կը փափազի մեղի ներկայանալ, ի՞նչ կ'ըսէք։

— Թո՛ղ վեր գայ նայինք, ըսին երկու հիւրերը, թերեւս նոր լուր մը պիտի հաղորդէ։

— Զեմ կարծեր թէ՛ հայ քահանայ մը պարապ բանի մը համար մեր դուռը բաղսէ, ըստ ուռւսական պատուիրակը, շտտ հաւանական է թէ՛ յեղափոխականներէն, բանտարկեալներէն և կամ Պոլսոյ Հայոց Պատրիարքարանէն կարեւոր լուրեր կը բերէ մեղի, գէշ չըլլար, թո՛ղ գայ նայինք, թո՛ղ գայ։

Հինգ վայրկեան հազիւթէ անցած էր, երբ պահանջին առաջնորդութեամբ ներս մտաւ ալէխառն մօրուշքով, քիչ մը կոր կռնակով, միջակ հասակով, նիհար, այտոսկրը ցցուած, արծուեռունգ ժարդ մը, որ խեղճուկ տարազի մը տակ կրցած էր պահել եկեղեցականի մը յատուկ շուրջը: Մօտեցաւ պատուիրակներուն և գլխի շարժումով մը բարեւեց ու տանտիրոջ հրաւէրին վրայ, անցաւ բազմեցաւ անկիւնի բանաբեկի մը վրայ:

— Ի՞նչ կայ, յարգելի՛ Հայր, հարցուց ոուսական հիւպատոսարանի քարտուղարը.

— Ի՞նչ պիտի ըլլայ, պատասխանեց քահանան դոզդոջ ձայնով մը:

Եւ ձեռքը ծոցի գրպանը տանելով, զգուշութեամբ մը դուրս հանեց նամակածրար մը, զոր բռնելով երկու ձեռքերով, շարունակեց.

— Պարո՛ն պատուիրակ, ասո՛ր մէջ է ամէն բան, կը խնդրեմ որ աչքէ անցընէք և պատասխան մը տաքինծի . . . :

— Ասոր մէջ ի՞նչ կայ, Տէ՛ր Հայր, հարցուց բրիտանական հիւպատոսարանի քարտուղարը, դուք չէ՞ք կրնար բերանացի պատմել մեզի:

— Ո՞ր մէկը բերանացի պատմեմ, Պարո՛ն պատուիրակ, յարեց քահանան, մի՛ կարծէք թէ ասոր մէջինները շինծու առասպելներ են, ամէնքն ալ իրողութիւններ են, շատերը տեսած եմ իմ աչքերովս, անդամ մը կարդացէ՛ք և պիտի հասկնաք թէ՝ ի՞նչ քատմընելի ոճիրներ գործուած են այս անիծուած վայրերուն մէջ . . . :

Ու նամակածրարները դողդոջուն ձեռքերուն մէջ, տղու մը պէս կուլար ու կը հեծկլտար խեղճ քահանան:

— Մի՛ լաք, յարգելի՛ Հա՛յր, ըստ Փրանսակոն հիւ-

պատոսարանի քարտուղարը, ինծի տուէ՛ք նայիմ, ի՞նչ  
գրուած է,

Քահանան մօտեցաւ ու ձեռքի ծրարը յանձնեց  
քարտուղարին, որ բացաւ ու սկսաւ քաղել զայն . մինչ-  
դեռ քահանան գլխուն զարնուած մէկու մը պէս, մօ-  
րուքը ձեռքին մէջ կը մտմտար, սպասելով որ սփոփա-  
րար բառ մը լսէր պատուիրակներուն բերնէն :

Բաւական ընդարձակ, ֆրանսերէն լեզուով, Պիթի-  
սի կեղրոնական բանաին մէջ նետուած հարիւրաւոր հայ  
բանտարկեալներուն ստորագրութիւնները կրող ինդրա-  
գիր մըն էր եւրոպական երեք պատուիրակներուն սղ-  
զուած : Այդ ինդրագրին մէջ մանրամասնօրէն նկարագ-  
րուած էին բանաին մէջ ի գործ դրուած խոշտանգում-  
ները, որոնց հետեւանքով մեռած էին արդէն մէկ քանի  
ծերունի բանտարկեալներ : Դատական պաշտօնեաներուն  
ու նոյն իսկ վալիին անունով պահանջուած կաշառք-  
ներուն քանաքը, նաև հարցաքննութեան ժամանակ  
գործադրոնած աննկարագրելի ծեծ ու տանջանքները,  
բռնի խոստովանութիւններ քաղելու համար, վերջապէս  
այդ ինդրագիրը՝ հաւաքածոյ մըն էր, ամփոփոյք մը՝  
համետական բռնապետութեան դժոխային վարչութեանը  
տակ այնքան անդթօրէն գործուած հակամարդկային  
ոճիրներուն ու զեղծումներուն, որոնց հեղինակները դա-  
տախազներ կամ դատաւորներ եղած էին, իրենց ողջ  
մեացած զոհերուն մահուան դատապարաութիւնը սլա-  
հանջելու կամ վճռելու համար :

Ֆրանսական պատուիրակը հարեւանցի ակնարկով  
մը քաղելէ ետքը, ինդրագիրը երկնցուց ուռսական  
պատուիրակին, որ, իր կարգին, աչքէ անցընելէ եռքը  
յանձնեց զայն բրիտանականին :

— Յետոյ, ուռսական պատուիրակը դառնալով  
քահանային .

— Տէ՛ր Հայր, ըստւ, դուք անհոգ եղէ՞ք, այս  
խնդրագիրը մեր քով կը մնայ և նկատի կ'առնուի.  
միայն կը խնդրեմ որ մէկ քանի հարցումներուս պաշ-  
տասիսանէք :

— Պատրա՛ստ եմ, ամենայն սիրով, ըստւ քահա-  
նան, աչքերը սրբելով ձեռքի մեծալոյն, սեւաթոյր  
թաշկինակովը :

— Ըսէ՛ք ուրեմն, Տէ՛ր Հայր, ի՞նչպէս այս խընդ-  
րագիրը յաջողեցաք ձեռք անցընել, ո՞վ էր որ բան-  
տարկեալներուն ստորագրութիւնները հաւաքեց :

— Շատ պարզ է խնդիրը, ըստւ քահանան, բան-  
ալ կ'այցելեմ երբեմն, հոգեւոր միսիթարութեան համար.  
ինձի արգելք չէ դրուած, վալին վստահութիւն ունի  
անձիս վրայ, անցեալ չարթուան մէջ բանտը մտայ,  
քանի մը հիւանդներ կային, Աւետարան կարդացի գը-  
լուինին ու միսիթարեցի, յետոյ, բանտարկեալներուն  
պկտերէն մէկը մօտենալով ինձի, այդ խնդրագիրը  
յանձնեց :

— Ո՞վ էր այդ պետը, կը ճանչնա՞ք, հարցուց  
անգլիական պատուիրակը :

— Ո՞վ չը ճանչնար զինքը, յարեց քահանան, Սա-  
սունի հերոսը չէ՞ք ճանչնար, Մուրա՞տը, Մուրա՞տը :

— Մուրա՞տը, բացագանչեց ոուսական պատուի-  
րակը, ի՞նքը առւաւ այդ խնդրագիրը :

— Այո՛, ի՞նքը տուաւ, պատասխանեց քահանան,  
որ, պատուիրակներուն քով հետզհետէ համարձակու-  
թիւն ստացած, սոխակ էր կտրեր :

Պատուիրակները զարմացական ակնարկներ փոխա-  
նակեցին իրենց միջեւ :

Քահանան ոտքի ելաւ ու դառնալով պատուիրակ-  
ներուն,

— Է՞ս, ըստ, սիրեցեալ զաւակներս, ես կը մեկնիմ, այդ խնդրագիրը ձեր խղճմտանքին կը յանձնեմ։ Կը մաղթեմ որ Աստուած միշտ ձեզի հետ բռայ և օրհնէ ձեր գերդաստանները . . . :

Երեք պատուիրակները մինչեւ դուռը քահանային ընկերացան :

Քահանան մեկնելէ ետքը, երկու հիւրերն ալ պատշաստուեցան մեկնելու :

Կէս գիշեր էր, երբ անգլիական ու ֆրանսական պատուիրակները, իրենց պահակներուն հետ, դուրս եւլան ուստական պատուիրակի բնակարանի դուռնէն և վերադարձան իւրաքանչիւրն իր բնակարանը :

Փողոցները ձիաւոր ոստիկաններ կը պտըտէին։ Բը նակարանները թաղուած էին խորունկ լուռթեան մը մէջ։ Միայն, ընդհատաբար կը լսուէր հեծեծանքներու հեռաւ որ արձագանգը։

Քաղաքը խոր քունի մէջ ընկղմած, կը խորդար։

### ԺԲ.

Մինչդեռ եւրոպական երեք մեծ տէրութեանց պատշիրակները դաղտնի խորհրդակցութեան մը մէջ կ'որոշէին չը մասնակցիլ Քննիչ Յանձնուժողովի նիստերուն, սպասելով որ իրենց դեսպանատանց թարգմանները հասնէին, ասդին, Բ. Դրան քննիչները, վալիին ու միւշիրին հետ միասին, կարգի կը դնէին բոլոր պատրաստուած հանրագրութիւնները, որոնք, նահանգին կեղրոնէն ակսեալ մինչեւ յետին գիւղերը, անուան կամ ազդեցութեան տէր Հայերու կողմէ բռնի ստորագրու-

թիւններով լեցուելէ ետքը, պիաի Պոլիս զրկուէին, իբ-  
րեւ վաւերական վկայութիւններ, յետոյ հաղորդուելու  
համար Եւրոպայի մայրաքաղաքներուն Օսմանեան դես-  
պաններուն։ Այդ բոլոր հանրագրութիւնները, երլտը-  
զէն կանխաւ զրկուած կայսերական գաղտնի հրահանգ-  
ներու վրայ ձեռւած ու յերիւրուած, Բ. Դրան Քննիչնե-  
րուն ջանքերովը պիտի բաշխուէին նահանգին զանա-  
զան կողմերը, և հազարաւոր ստորագրութիւններով՝  
ծածկուած, պիտի հաստատէին թէ՛ Ենորիիւ Վեհափառ-  
սուլթանին անդորրութիւնը կատարեալ է, թէ՛ Եւրոպայի  
զանազան կետերեն, մասնաւորութես Անգլիայէն, Ամե-  
րիկայէն ու Ֆրանսայէն եկած ա թշանականներ, միա-  
նալով խռովարաւ ու ապստամբ Հայերու հետ, որոնք,  
Կովկասէն փախչելով սահմանագլուխը բռնաբարած եւ  
Օսմանեան Երկիրները մտած Ոչնչականներ են —, Սա-  
սունի հանդարտ ու խաղաղասեր բնակչութիւնը Վեհա-  
փառ Սուլթանին դեմ գրգռած են, դաւերէ ի վեր իրա-  
րու հետ եղայրաբար ապրող քրիստոնայ եւ խոլամ ցե-  
ղերը հանած են իրարու դեմ, կայսերական զինուներ  
ջարդել տուած, մզկիրներ օդը հանած եւ հազարաւոր  
կեանին ոչնչացուցած են, քէ՛ իրենք Նորին Կայսերա-  
կան Վեհափառութեան ամենահաւատարիմ հպատակ-  
ները, կ'անիծեն ու կը դատապարտեն իրենց ցեղակից  
ու կրօնակից յիշեալ հայ աւազակներուն եւ անիշխա-  
նականներուն եպերելի արարքները, ասոնց ամենախիս-  
պատիժներու ենթարկուիլը կը փափազին եւ կը պա-  
հանջեն որ արդարութիւնը կետ առ կետ գործադրուի  
այդպիսիններու հանդեպ, օրինակ ըլլալու համար ապա-  
գայ սերունդին, ելն, ելն, ելն . . . :

Բ. Դրան Քննիչ Յանձնաժողովին մայր գաղափարը  
յայտնի էր սկիզբէն ի վեր. արդարացնել Սասունի Զար-

Քին կաղմակերպիչները՝ Պիթլիսի վալին ու միւշիր Զէքի բաշան, որոնք հնազանդած էին միայն Երլարզի բացարձակ պատգամներուն ու շարժած էին անոր գաղտնի հրահանգներուն համաձայն, միւս կողմէ Յանձնաժողովը ստիպուած էր դատավարտել հայկական յեղափոխութեան գլխաւոր գործիչները, Մուրաար գլուխնին, իրեւ աւազակներ, Խոռովարաներ, չարագործներ ու խազաղ ժողովուրդները կայսրութեան դէմ գրգռողներ, ապստամբութեան հրդեհը ձգելով գիւղերուն ու քաղաքներուն մէջ։ Այս գաղափարը, ինչպէս յայտնի է, Երլարզի Բռնակուէն ու իր շրջապատէն ներշընչուած էր Յննիչ Յանձնաժողովին երբ սա տակաւին չէր մեկնած մայրաքաղաքէն։ Հետեւաբար, վալիին ու միւշիրին այսպէս յանկարծ չնորիէ զրկուիլը՝ կը Յնչեր Յանձնաժողովին անդամներուն վրայ, նոյնիոկ սպառնալով խախտել իրենց դիրքը։

Յննիչ Յանձնաժողովը կառչած կը մնար իր մայր գաղափարին, Երլարզեան պատգամին, այն է, ամէն գնով արդարացնել Սասունեան Տւամին տիբրահոչակ հեղինակներն ու գերակատարները՝ միւշիր Զէքի բաշան ու Պիթլիսի վալի Թահսին բաշան, և մահուան դատապարտել զոհերը, իրեւ ապստամբութեան դրգուիչներ ու դաւաճան օճրագործներ։

Այս երկու էական կէտերուն վրայ վերջնական համաձայնութիւն գոյացնելէ վերջը, Յանձնաժողովին անդամները, մէկիկ մէկիկ մեկնեցան, երկուքը միւշիրին ու մէկը՝ վալիին հետ։ Գիշերը պիտի միասին անցընէին, յաջորդ օրը կանուխ, կառավարական պալատին մէջ երկրորդ նիստը գումարելու հաստատ որոշումով։

## ԸՆԳ

Միւշիր Զէքի բաշան գործադրած էր բրիտանական քարտուղարը կաշառելու ծանօթ ծրագիրը : Իր կանանցի հայ աղջիկներէն մէկը , որ իսլամանալու առթիւստացած էր Մէլէք անունը , միւշիրի տան վաղեմի ծառաներէն Մէճիտ աղայի ձեռքով փոխադրուած էր Անգլիացիին բնակարանը :

Ո՞վ էր սակայն Մէլէք :

Սասունի ճգնաժամին , Անդոքի սարը կռուող հերոսուհիներէն՝ կէլիէկուզանցի Մէլիքին աղջիկը՝ Սօնան էր , Շաքէի անպաժան ընկերուհին , որ Շաքէն ինքզինք աղառաժամներէն վար նետելէ ևտքը , ժամերով չարունակած էր կոփը , տասնեակներով թշնամիներու գանկը ջախջախած էր քարերով , և ի վերջոյ , յուսահատական գերագոյն բողէին , տեսնելով իր զէնքի ընկերուհիներուն մէկիկ մէկիկ հետեւիլը Շաքէի օրինակին , ի՞նք ալ վար նետուած էր սեպ ու հսկայ քարաժայոի մը գագաթէն , իր կոյսի անարատ պատիւը փրկելու համար գազանաբարոյ հրոսակներու ձեռքէն :

Ահա՝ այս հերոսուհին էր , Մէլիքի աղջիկը Սօնան , որ յետոյ , Շաքէի հետ իրենք զիրենք ապառաժներէն վար նետող հարիւրաւոր նահատակ ընկերուհիներու անշնչացած դիակներու դէզին մէջէն ողջ հանուելով , գերի տարուած էր միւշիր Զէքի բաշային վրանը : Ու հիմա , միւշիրի կանանցին մէջ երկար օրեր ու գիշերներ ամենախնէց ու լկտի գարշանքներու առարկայ ըլլալէ , գաղտնի տառապանքներէ ու լուռ արցունքներ թափելէ յետոյ , կը փոխադրուէր էրգրումի բրիտանական հիւպատոսաբանի քարտուղարին բնակարանը , ծառայելու անոր անամնական կիրքերուն . . . :

Սօնա սակայն հասարակ ազջիկ մը չէր, Սասունցի տիպար հերոսուհի մը, ի ծնէ յանգուգն, անկախ նկարագրի տէր, յեղափոխութեան առաջին կոչին ի՛նքը պատասխանած էր, զինւօրուհի գրուելով ու մանելով հայրենիքի պաշտպան Հնչակեան գրօշակին տակ :

Յեղափոխութեան նուիրուած օրէն, ուխտած էր չամուսնանալ, մինչեւ որ Բռնապետութեան լուծէն աշգատագրուած չը տեսնէր իր պաշտելի Սասունը : Նահապետական վաղնջական աւանդութիւններէն ու սովորոյթներէն ըլլալով, Սասունցիները շատ կանուխ կը նշանուէին : շատերը՝ օրօրոցէն կապուելով . Սօնան ալ նշանուած էր իր գիւղի քաջերէն՝ գեղեցիկ երիտասարդի մը հետ, որ իրեն պէս Հնչակեան մկրտուած էր Մելքոն Խուրշիտի ձեռքով, և որ, աւազ, Անտոքի ճգնաժամային կոխւներուն մէջ նահատակ ինկած էր, տասնեակներով թշնամիներու գիտեներուն գրայ, որոնք իր իսկ ձեռքով գետին փոռուած էին : Եւ այս այնքան ազնիւ, այնքան արի նշանածին կորուստին գրայ, Սօնայի փափուկ սիրաը խոցուած, ո՛լ չէր բարախեր ուրիշի մը համար, ալ մեռած էր սէրը սուզմին մէջ, ու կեանքը՝ գոյութիւն ունենալէ գաղրած . . . :

Կետ'նք մը միայն կ'երազէր այնուհետեւ, յեղափոխականի մաքուր կեանքը, աղեկած կեանքը, որուն մէջ աղատօրէն պիտի կրնար ըմբոշինել աներեւակայելի հեշտանքներ, ցոյց տալով իր մէջ անձնազոն, անձնուրաց աղջկան մը գերագոյն, անկարելի մարտիրոսութիւնը, որ ի վերջոյ պիտի փոխարինուէր անշուշտ ու պիտի պսակուէր աղատագրուած հայրենիքի մը յարութեամբը : Ու այս յարութիւնը բաց աշքով տեսնելու համար, Սօնա պիտի ուզէր սիրայօժար գրկուիլ խոստացուած յարութենէն և հանգերձեալի անմահ փառքերէն ու վայելքներէն . . . :

Տիբմա՞ր, խելագա՞ր Զէքի, որ ա՛յս խմորով, ա՛յս  
ուշտով ու ա՛յս կրօնօվ անած ու ապրած հայ աղջիկ  
մը կը յսւար գործիք ընել իր անիծապարտ ու դիւա-  
յին ծրագիրներուն, իրեւ կաշառք ընծայելով զայն  
քրիստոնեայ հակառակորդի մը :

Սօնա, իբ նոր անունովք Մէլէք, սկիզբները դժկա-  
մակութիւն կեզծած էր մեկնելու Զէքի բաշայի հարէմէն,  
ուր իբր թէ վարժուած էր ապրելու համակիր պաշտ-  
պանուհիներու տաք միջնոլորտի մը մէջ, և միւշիրի անձ-  
նական ու կրկնակի դիմումներու ու թախանձաքներուն  
իբր թէ տեղի առաջ, համակերպութիւն յայտնած էր  
փոխադրուելու բրիտանական պատուիրակին բնակա-  
րանը :

Մ. Շիբլի, նոյնինքն էրզրումի բրիտանական հիւ-  
պատոսարանին քարտուղարը, Մէլէքի առաջին տես-  
քին, սրտէն զարնուած էր, իր մէջ արթնցած էր իր  
մարդ գաղանը : Սակայն Մէլէք տակաւին անոր չէր  
յայտնած իսկութիւնը, տակաւին կը ճանչցուէր լոկ իբր  
թրքուհի մը, որ պիտի ծառայէր գոհացնելու քարտու-  
ղարին կիրքերը. հասարակ պունիկ մըն էր, որ Անգ-  
լիացիին ամուրի կեանքը պիտի համեմէր իր միսով ու  
իր այրող գիրկին մէջ պիտի տաքցնէր անոր ցուրտ ու  
ցամաք էութիւնը :

Մ. Շիբլի, Մէլէքի տիրացումը բոլորովին ապահո-  
ված ըլլալու համար, կը մտածէր փոխել անոր թուրք  
կնոջ առարազը, եւրոպական վերջին նորաձեւութեան  
ճաշակովը հագուեցնելով զայն, սակայն, միւս կողմէ,  
կը խորհէր թէ՝ Մէլէք իր հմայքը կը պարտէր մաս մըն  
ալ իր հուրքոտ աչքերն ու հրաւիրուլ այտերը ծած-  
կաղ լոջակին, որուն տակէն աւելի կախարդող էր նայ-  
ածքը, աւելի գերող՝ մարմինը : Վերջապէս, երկար ա-

տեն որոճալէ ետքը , վերադարձաւ իր առաջին մտած-  
ման , փոխելու Մէլէքի տարազը , միանգամ ընդ միշտ  
ինքինք պաշտպանած ըլլալու համար ամբոխային մու-  
լեռանդութեան դէմ , որ կրնար օրին մէկը պոռթկալ ,  
իր երեսին աղաղակելով թէ՝ կեալուր մը թուրք պա-  
ծու մը կը փակէ իր տան մէջ , ևն :

Ուստի Մէլէք երկրորդ օրը փոխեց իր տարազը , և  
դարձաւ ճշմարիտ եւրոպացի աղջիկ մը :

Մ . Շիրլի , առաջին օրէն իսկ համակրած էր Մէլէքի ,  
չէր թերանար իր կողմէն շուայլելու կնոջական ամէն փայ-  
փայանք , առփոս նայուածքներ ու շանթարազ ժը-  
պիաներ , այնպէս որ Մ . Շիրլի շուտով բռնուեցաւ սի-  
րահարութենէ :

Սօնա գեռ կ'ապրէր Մէլէքի կեղծ անուան տակ ,  
առանց ինքինք մատնելու , մինչեւ որ հնչեց վճռա-  
կան ժամը , ուր , ինքը պիտի պարտաւորուէր իր նոր  
տիրոջ հետ առանձնանալու ննջախորշին մէջ :

Ննջախորշը փոքրեկ խուց մըն էր , երկու հոգինոց  
մահճակալով մը , պարզ հայելիով մը , գանաբէով մը ,  
երկու թիկնախոռներով ու քանի մը կաներով շտկուած :  
Անկիւն մը , փոքրիկ սեղանի մը վրայ դրուած լամբ  
մը կը վառէր , լուսաւորելով մահճակալի բարձիկներուն  
բենզով : Մէլէք , քարտուղարին թեւը մտած , նազան-  
քով մը կը մանէր խուցը , գետնի փուոցներուն քսքսե-  
լով իր երկայնաձիգ գիշերազգեստը , լայն թեղանիք-  
ներով թուլակի վար ինկած , որուն մէջ աւելի գեղեց-  
կացած կը թուէր Կէլեէկիւզանցի Մէլիքին իսլամացած  
աղջիկը : Խեղճ աղջիկ , սիրով կը տրոփարոփէր , քանի  
Շիրլիի առփոս նայուածքը կը հանդիպէր լուռ ար-  
ցունքներով դեռ թաց իր սեւ աչքերուն : Շիրլի կը  
փորձէր ինք իր ձեռքով քակել աղջկան կուրծքի կո-

ճակները, որոնք գիշերազգեստին առջեւի երկու եղերք-ները կը միացնէին վերէն վար, աչքերէն պահելով՝ ներքեւի... գանձերը:

Մէլէք ինքինք կը բազմապատկէր, օդնութեան կը կանչէր՝ հերոսուհիի իր գերբնական կարսղութիւնները, զուր կը ջանար զսպել իր ներսի բոցավառ հըրդեհը: Գիշերազգեստը հանած էր արդէն ու նետած՝ գանաբէին վրայ, որուն միւս անկիւնը կը դողդղար իր սիրահարը: Կը մնար հիմա հանել իր սկսվածական գուլպանները, որոնք իր ալպաստք ծունկերուն վերի ճախրակներուն շուրջը կը վերջանային, եպենոսի սեւը փըռելով կիծի սպիտակովը փայլով այն պսպղուն զիստերուն վրայ, երկու աստուծակերտ սիւներ, որոնց վրայ կը բարձրանար լեռին աղջկան այդ հրաշագեղ հասակը, սե առատ վարսերով հովանաւորուած գլուխով մը: Մէլէք, իր մերկ սրունքներով, կէս բացիկ իրանով, հարուստ կուրծքով, շանթարձակ աչքերով ու այտերու վարդերովը կը ներկայանար նոր Ափրողիտէ մը, գեղեցկութեանը լրումին մէջ:

Շիրիի, տոփանքէն մտրակուած ըղեզովը կ'երեւակայէր ինքինք փոխադրուած առասունելական դրախտներու մէջ, ուր մէկի տեղ զոյգ զոյգ Եւաներ կը ճեմէին և կը ժպակէին իրեն: Հեշտանքի ու ստնդանքի ծփանքի մը մէջ ընկզմած, Մէլէքի կաթի ոլէս ճերմակ, թարմ ու թուլլիչ մարմինը կը դիտէր անյագ աչքերով: Ա՛լ չէր կրնար համբերել, էզի հոտէն զգայուած ոռունդերէն մուխ մը խուժէր դուրս, ամբողջ մարմինը կը սրսփար, անդիմադրելի պէտքը կը մզէր զինք դէպի Մէլէքի կուսական դրախտը, որ հիմա բացէր իրեն առջեւ, և որուն պահպանութիւնը չէին ըներ հիմա քերովլրէններու բոցեղէն սուրերը:

Շիրլի յանկարծ ոտքի ելաւ, կը դողդողար, չեր  
կրնար մէ'կ քայլ առաջանալ, ծունկերը բանուած, ի-  
րարու կը զարնուէին, իսկ երկու ծնօտներուն մէջ ակ-  
ռաները կը կափկափէին ։ Պահ մը կեցաւ այնպէս ոտքի  
վրայ, շեշտակի նայելով Մէլէքի :

Արու և էգ նայուածքներ զիրար խաչաձեւեցին,  
գրկախառնումը վայրկենական եղաւ :

Մէլէք, իր մերկութեան մէջ անգամ կը ջանար  
պահել իր պաղարիւնը, անձնատուր ըլլալ չեր գիտեր,  
Կոյնիսկ սիրոյ մէջ : Ողջագուռումներու տեսդային բո-  
պէին, աջ ձեռքի փափուկ մատներովիը մէջքի գօտին  
պինդ մը գրկած, ձախովը կ'աշխատէր ինքզինք ազա-  
տել Անգլիացիին երկու ջղուտ բազուկներուն մէջէն,  
մեզմ ու շատ տկար մաքառումով մը : Անգլիացին, իր  
վայրագ գրկապնդումով իր կուրծքին վրայ սեզմած Մէ-  
լէքը, կը փորձէր գետնէն վերցնել ու գրկելով տանիլ  
նետել զայն մահճակալին վրայ :

Մաքառումը կը սաստկանար Մէլէքի կողմէն, որ  
չեր ուզեր յանձնուիլ, աջ ձեռքի մատները բնաւ չը  
զատելով արծաթապատ գօտիէն, որ կը շրջապատէր իր  
փափուկ մէջքը :

Շիրլի հետզետէ կը զայրանար, քանի՛ ինքզինք  
տկարացած ու նուաստացած կը տեսնէր Թրքուչիի մը,  
գերի աղջկան մը քով, որ ա՛յնքան լրբօրէն կը յան-  
դգնէր յամառիլ մերժումին մէջ : Ասիկա ծանր էր, ան-  
մարսելի էր : Անգլիացին ամփոփեց իր ոյժերը, իր հուժ-  
կու թեւերը թուլցուց, թողուց որ քիչ մը շունչ առնէր  
Թրքուչին, ետ ետ քաշուեցաւ ու սկսաւ սպառնացայտ  
նայուածքներ շանթել անոր վրայ :

Մէլէք, անտարբեր, աջ ձեռքի մատները միշտ իր  
մէջքի գօտիին վրայ, նոյն զիրքը կը պահէ, առանց  
տեղէն շարժելու :

— Ինչո՞ւ համար այսպէս կը վարուիս , Մէլէ՛ք , ը-  
սաւ Շիրլի աղերսով ձայնով մը , չէ՞ որ ես քեզ կը սի-  
րեմ , ինչո՞ւ կը քաշուիս ինծի օնետ ընկերանալէ :

Մէլէք , աջ ձեռքի մատները մէջքի գօտիին վրայ ,  
մերանը չէր բանար , միայն խորհրդաւոր նայուածքներ  
կ'ուղղէր Անգլիացիին .

— Զը խօսի՞ս , Մէլէ՛ք , ինչո՞ւ շես խօսի , կը պա-  
ղատէր քարտուղարը , ինչո՞ւ այդպէս անտարբեր կը  
կենաս դիմացս , մինչեւ ե՞րբ պիտի չարչարես հոգիս ,  
անո՞ւշ աղջիկ . . .

Մէլէք ետ ետ քաշուեցաւ ու շեշտակի նայեցաւ  
քարտուղարին , աջ ձեռքի մատները միշտ մէջքի գօ-  
տիին վրայ դրած :

Քարտուղարը Մէլէքին նայուածքին մէջ մթին նը-  
շոյլներու ցոլքը կարդաց և սկսաւ դոլալ անոր առ-  
ջեւ :

Մէլէք իր մէջքի գօտին քակեց . կոնակը դարձուց  
քարտուղարին , գօտին լաւ մը փաթթեց ոլորեց և խը-  
նամով մը քովի գանարէին վրայ նետելէ ետքը , ետին  
դարձաւ , տրտուժ տրտուժ նայեցաւ քարտուղարին ու  
քնքոյշ ձայնով մը .

— Ազնուական պարոն , ըսաւ , մի՛ մօտենար ին-  
ծի , կ'աղաչեմ , թո՛ղ զիս թո՛ղ , քիչ մը հանդարտէ՛ ,  
սանձէ՛ կտղուցդ , նստէ՛ դարձեալ դիմացս , ե՛ս ալ  
քովի նստիմ ու ստամեմ քեզի իմ արկածներս . նախ  
լսէ՛ , յետոյ ըրէ՛ ինչ որ կ'ուղես , այս խուցէն դուրս  
չպիտի՛ ելլեմ , քո՛ւկդ եմ արդէն , քու ստացուածքդ ,  
ազնի՛ւ պարոն , սակայն , կ'աղաչեմ , զիս վայելելէ ա-  
ռաջ , հաճէ՛ վայրկեան մը զիս մտիկ ընել . համբերէ՛  
քիչ մը , սպասէ՛ որ պատմեմ թէ ո՛վ եմ ես , թէ ի՞նչ

նպատակով քու տունդ փոխադրել տուաւ զիս միւշի-  
րը . . . :

Քարտուղարը սարսւաց :

Ո՞վ էր արդեօք այս աղջիկը, ի՞նչ պիտի պատմէր  
իրեն, արդեօք ի՞նչ յայտնութիւն պիտի ընէր, ի՞նչ  
գաղտնի դաւ պահուած էր արդեօք այս բոլոր բանեւ-  
րուն տակ, մւշիր Զէքի բաշան ինչո՞ւ պիտի ընծայ-  
դրկէր իրեն այս աղջիկը . . . :

Կը խոկար Առգլիացին և չէր կրնար լուծել այս  
առեղծուածը :

Վայրկենապէս ինքզինք ամփոփեց, գնաց նստաւ-  
գանաբէին վրայ, և դառնալով Մէլէքին . . .

— Մէլէ՛ք, ըստւ, հագի՛ր գիշերազգեստդ, դի-  
մացս նստէ՛, պատմէ՛ նայիմ ի՞նչ յայտնութիւններ ու-  
նիս . . . :

Ու Մէլէք, վերստին հագուելով, եկաւ նստաւ գա-  
նաբէին միւս ծայրը, իր մէջքի արծաթապատ գօտիին  
քով :

Յետոյ, աջ ձեռքովք վեր, տոնելով գօտին, քակնց  
ու մէջէն հանեց գաշոյն մը :

Ասգլիացի քարտուղարը ցնցուեցաւ, ինքզինք հա-  
ւաքեց ու սկսաւ ուշի ուշով հետեւիլ այս աղջկան շար-  
ժումներուն . . .

— Կը տեսնե՞ս այս դաշոյնը, ազնի՛ւ պարոն, ը-  
սաւ Մէլէք, երախակալը փափուել ձեռքին մէջ, զեղբը  
չողացնելով, ասիկա իմ կեանքիս հրեշտակն է, անբա-  
ժան, հաւատարիմ ընկիրը, սուրբ յիշատակ մը, նշխար  
մը սիրականէս, որ բացակայ է յաւիտենապէս . . . :

Ու դաշոյնը քովք դրած, գլուխը կուրծքին վրայ  
ծուեց :

Կույար :

Քարտուղարը հետզհետէ կը շահագրգուեր այս-

խորհրդաւոր էակով, կամաց կամաց կը սկսէր ամչնալ  
իր առաջուան դիրքէն ու վիճակէն :

Դարձեալ գլուխը վեր առնելով, շարունակեց Մէ-  
լէք.

— Ազնի'ւ օտարական, ամէն կասկած փարատելու  
և քեզի ամէն գաղտնիք խոստովանած ըլլալու համար+  
ահա՛ կը յայտարարեմ, ևս Թրքուհի մը չեմ, ու Մէ-  
լէք չէ իմ անունս,

— Ի՞նչ կ'ըսես, բացագանչեց քարտուղարը, ի՞նչ  
ազգէ ես ուրեմն և ի՞նչ կը կոչուիս.

— Ես հայուհի մըն եմ, յարեց աղջիկը, և Սօնա  
կը կոչուիմ, բնի՛ Սասունցի, Կէլիէկիւզան գիւղէն, որ  
հիմակ աւերակ է...: Ես յեղափոխական զինւորուհի՛  
մըն եմ, Հնչակեան դրօշակին տակ կոռւեցայ, հայրս,  
եղբայրներս արիաբար նահատակուեցան անհաւասար  
պատերազմին մէջ. իսկ նշանածս, իսկ գիւղէս աննման  
կտրիծ մը, ինծի հետ, կուշտ կշտի կոխւ մշած միջոցի՛ն  
ինկաւ:

Հոս կանգ առաւ Սօնա. չէր կրնար առաջ տանիլ  
պատմուածքը. արցունքի երկու խոշոր կաթիներ այ-  
րեցին անոր թարմ այտերը:

Իսկ քարտուղարը, սոսկումով մը համակուած, չէր  
համարձակեր Սօնայի երեսը նայելու:

— Մի՛ մեղադրեր զիս, սկարո՛ն, շարունակեց հե-  
րոսուհին, աղջկան մը սիրտը շատ դիւրազգած է ու-  
թախծոտ յիշատակներ թա՛ րմն են տակաւին. աչքիս առ-  
ջեւ են տակաւին սիրելիներուս անհետացած դէմքերը.  
դժբաղդ, հալածուած, լքուած որբ մըն եմ ես, ցեղիս  
դահիճներուն ձեռքը մատնուած, անոնց գաղանային  
կիրքերը յագեցնելու սահմանուած զո՞ւ մը և գործի՛ք  
մը . . . :

Պաղարիւն Անգլիացին, որ քանի մը վայրկեան առաջ, ննջախորշի փորձիչ միջնոլսրտին մեղկութեանը մէջ, կ'երազէր ինքզինք տուփանքի դրախտներուն սեմին վրայ կանգնած, արեւելքի շքեղ աղջկան մը թեւերուն մէջ՝ պատրաստ ըմբոշմանելու գիշերներու ամենէն հեշտալին, յանկարծ, Սօնայի հոգեսարսուռ յայտնութիւններէն ցնցուած, արգահատանքի ակնարկ մը նետեց անո՛ւ տրտմանոյշ դէմքին վրայ, որ կը դալկահարէր, ու, գորովոտ ձայնով մը, հարցուց Սօնայի.

— Կը դիտեմ որ անկեղծ աղջիկ մըն ես ու կը հաւատամ բոլոր պատմածներուդ, հիմա կրնա՞ս ըսել ինձի թէ՝ ի՞նչ պատուիրեց քեզի միւշիրը . . . :

Սօնա, մտածկոտ ու լուռ, քարտուղարին աչքերուն մէջ կը նայէր անթարթ: Եւ այս դիրքին մէջ մնաց բոպէներով, մինչեւ որ քարտուղարը կրկնեց նոյն հարցումը:

— Ի՞նչ պատուիրեց քեզի միւշիրը, չը խօսի՞ս, ինչո՞ւ լուռ կը մնաս, ի՞նչ կը մտածես, մի՛ քաշուիր, պատմէ՛ նայիմ . . .

— Ազնի՛ւ պարոն, խօսեցաւ վերջապէս Մէլիքին աղջիկը, այո՛, պիտի պատմեմ, պիտի պատմեմ, բայց, բարի եղի՛ր գաղտնապահ մնալու, խօստացի՛ր զիս բերան չը տալու, և ես քեզի պիտի յայտնեմ գաղտնիքներ, որոնք պիտի քստմնեցնեն հոգիդ, կը խօստանա՞ս ուրեմն գաղտնապահ ըլլալ . . .

— Կը խօստանամ, ըսաւ Անգլիացին, կրնաս վստահիւ խօսքիս. միայն, մի՛ մոռնար ո՛չ մէկ պարագայ, ես ամէն երաշխաւորութիւն կուտամ քեզի, այս խուցէն գուրս չը հանելու ո՛չ մէկ խօսք, սկսէ՛ ուրեմն պատմել թէ՝ ի՞նչ պատուիրեց քեզի միւշիրը:

Սօնա, քարտուղարին ա՛յնքան անկեղծ շեշտով

արտասանած վերջին բառերէն բոլորովին համոզուած ,  
— Մտիկ ըրէ՛ ուրեմն , աղնի՛ւ պարօն , ըստւ , նախ  
պէտք է գիտնալ թէ՛ միւշիրը մարդու կերպարանքով  
գազան մըն է , ոճիրներու մէջ թրծուած , խղճմտանքը  
խեղդած հրէշ մը , որ իր հետապնդած նպատակին հաս-  
նելու համար , վարանիլ չը գիտեր միջացներու ընտրու-  
թեանը մէջ , բաւական է որ անգամ մը . վճռած ըլլայ :  
Ահաւասի՛կ թէ՛ ինչո՞ւ զիս ընծայ զրկեց քեզի . . . :

Անգլիացին , գանարէին վրայ լաւ մը տեղաւոր-  
ւած , Սօնայի շրթունքէն կախուած , աւելի լարեց իր  
ուշադրութիւնը .

— Վերջին օրը , կը շարունակէր Սօնա , երբ իր բը-  
նակարանէն պիտի մեկնէի . ձեռքէս բռնած , գործվա-  
գութ հօր մը գուրգուրանքով , քանի՛ քանի անգամներ  
կրկնելով , կը պատուիրէր . «Աղջի՛կս , քեզի նայիմ .  
Եթէ յաջողիս սպաննել այդ օտարականը , գիտցած ըլ-  
լաս , Պոլիս պիտի զրկեմ քեզ , Եվլազզի թագուհինե-  
րուն կարդը պիտի մանես , մեր առատագութ Սուլթա-  
նին աչքին լոյսը պիտի ըլլաս դուն , մի՛ վակնար , ևս  
հոս կեցած եմ . քեզ պիտի պաշտպանեմ . գիտե՛մ , գի-  
տե՛մ , եթէ կամք ընես , կրնաս գլուխ հանել այս գո՞ր-  
ծը . . . » :

Սնգլիացին շունչը բռնած մտիկ կ'ընէր :

Յանկարծ ցատկեց տեղէն ու գոչեց .

— Զի՞ս պիտի սպաննէիր , զի՞ս :

— Այո՛ , քեզ սպաննելու պաշտօնը յանձնած էր  
ինձի , եթէ երբէք չարժանանայի համակրանքիդ , պա-  
տասխանեց Սօնա :

— Բայց ինչո՞ւ պիտի սպաննել տար զիս , հար-  
ցուց քարտուղարը , հետզհետէ զայրանալով , ի՞նչ ըրեր  
եմ իրեն որ ինձի դէմ այդպիսի չար խորհուրդ մը պի-  
տի յզանապ . . .

— Շա՛տ պարզ է, ազնի՛ւ պարոն, յարեց Սօնա, քու ներկայութիւնդ կը նեղէ, զի՞նքը. քանի՛ քանի անգամ իր բերնէն լսած եմ, ամէն անգամ որ անունդ տար, խընգը՛ր կեավուր կ'ըսէր, մասնաւորապէս քեզի՛ գէմ ոխ պահած է, որովհետեւ համոզուած է թէ՝ Պոլ-աոյ բրիտանական մեծ դեսպանին բողոքին վրա՛յ է որ ինքո Սուլթանին աչքէն ինկած է վերջերս. այս ինուադա քարտուղարէ՛ն է քաշածներս, կ'ըսէր յաճախ...

— Բայց, Սօնա՛, յարեց քարտուղարը, մի՛թէ մի-ջոց կը պակսէր միւշիրին, եթէ որոշած էր մէջտեղէն վերցնել կեանքս. ինչո՞ւ քու ձեռքովդ սպաննել տալ խորհած է...

— Ազնի՛ւ պարոն, յարեց Սօնա ժպանելով, կը տեսնեմ թէ՝ իմ խօսքերուս ոգին չէ՛ք թափանցեր, միւշիրը, ինչպէս յիշեցի, միջոցներու ընտրութեանը մէջ վարանիլ չը՛ դիտեր. դիտէ՛ք ինչո՞ւ կնոջ մը ձեռքով սպաննել պիտի տար քեզ. եթէ, օրինակի համար, ես գործիք ըլլայի իրեն ու փորձէի այդպիսի ոճիր մը, և ոճիրը գործելէ յետոյ բռնուէի, պիտի ամբաստաներ քեզ իրեւ Թրքուհի մը բռնաբարելու յանդգնող և ոճիրը գործելու պահուն սպաննուած...:

Անգլիացին սկսաւ խոկալ: Կամաց կամաց կ'ըմբռունէր Սօնայի յայտնութեան կարեւորութիւնը: Տեղէն ելաւ ու սկսաւ ման գալ ննջախորշին մէջ; մինչդեռ Սօնա կը նստէր գանաբէին վրայ: Մէկ քանի շրջան ընելէ յետոյ, քարտուղարը կանգ առաւ Սօնայի առջեւ, ու ծռելով բռնեց ձեռքէն:

Սօնա ոտքի ելաւ:

— Սօնա՛, ըսաւ քարտուղարը լուրջ դէմքով մը, Սօնայի փափուկ ձեռքերը իր ձեռքերուն մէջ առած. ահա՛, ահա՛ կ'երդնում քեզի, պատիւի՛ս վրայ, ու աշ-

ւելի կ'արժէ քան թէ կեանքս . Անգլիացիի պատիւի ովրայ կերդնում քեզի , հաւատա՛ , մինչեւ գերեզման , մինչեւ վերջին շունչս հաւատարիմ պիտի մնամ քեզի , պիտի պաշտպանեմ քեզ ամէն պատահական վտանգնեռու դէմ , եթէ գործադրես ինչ որ պիտի հիմա պատփրեմ քեզի : Սակայն , պատուէրս քեզի հաղորդելէ առաջ , պարտք կը զգամ քենէ բան մը խնդրելու , աւելի ճիշդը , իրաւունք կը զգամ քենէ պահանջելու , գիտե՞սի՞նչ , գաղտնապահութիւնննուն . . . : Ինչպէս որ քու բոլոր յայտնութիւններդ պիտի թաղուած մնան սրտիս ամենէն խորունկ ծալքերուն տակ , այնպէս ալ պէտք է գուն գաղտնի պահես պատուէրս , որուն գործադրութենէն պիտի ծագի լոյսը , պիտի երեւան գայ արդարութիւնը և պիտի պատժուի Ոճի ըը . . . :

— Խօսէ՛ , ազնիւ պարոն , յարեց Սօնա , խօսէ՛ կատարեալ վսահութեամբ , խօսէ՛ առանց կասկածի , և ես կը խոստանամ ո՛չ միայն գաղտնապահ : Ըլլալ , այլ և կատարել պատուէրդ , եթէ ան իմ կարողութեանս սահմանին մէջ է անոր գործադրութիւնը ինծի . համար երջանկութեան սկզբնաւորութիւն մըն է Ա. շախիւլ Համբիտի արժանաւոր միւշիրի մը ճիրաններէն ազատիլ ու քրիստոնեայ տէրութեան մը ներկայացուցիչ ազնիւ պարոնի մը յարկին տակ մտնել . ես այսօր կը գտնուիմ պատուաւոր պաշտպանի մը Ճեռքերուն մէջ . ա՛լ ի՞նչ կ'արժէ կեանքս , այնքան անթիւ սիրելիններու կորուստէն ետքը , երբ փրկուած է պատիւս , հայ կոյսի անազարդ պատիւը . . . : Կը հաւատա՛մ , կը հաւատա՛մ , դուն չպիտի՝ զիս խարես , կուրօրէն պիտի հետեւիմ քեզի , կէտ առ կէտ պիտի կատարեմ պատուէրդ , քանի որ գուն կը վստահացնես զիս թէ՛ անոր գործադրութիւնը պիտի երեւան հանէ արդարութիւնը և պիտի պատժէ

Ոծի՛րը . . . : Ա՛խ , ես արդէն ինչո՞ւ կ'ապրիմ տակաւին , ի՞նչ իսկճով , ի՞նչ երեսով , եթէ չպիտի կրնամ ըլլալ գոնէ տկար գործիք մը սուրբ վրէժիմնդրութեան . . . :

— Այո՛ , այո՛ , յարեց քարառւզարք , դուն պիտի ըլլաս հզօր գործիք մը՝ Հայրենիքիդ վրէժը լուծելու . . .

— Հրամայեցէ՛ք , յարեց Սօնա խանդավառ շարժումով մը , և ես գործադե՛մ , քանի որ Հայրենիքիս վրէժը պիտի լուծած ըլլամ .

— Լսէ՛ ուրեմն , արի՛ Հայուհի , այս գիշերուընէ պիտի պարաստուիս մեկնել այս քաղաքէն , պիտի քեզ Պոլիս զրկեմ , մեր դեսպանատունը . պիտի ներկայանաս ու պատմես ինչ որ գիտես Մասունի Արհաւրքէն ու Միւշիրի արարքներէն . երբէք մի՛ վախնար , քեզ ապահով ճամբաներէ պիտի առաջնորդել տամ . ծպտեալ պիտի ճամբորդես . վազը , կատարեալ Անգլիացի աղջիկ մը պիտի դառնաս , վատահելի անձերու պիտի յանձնեմ քու կեանքդ ու քու պատիւդ , յանձնարարե՛մ պիտի քեզ էրզրումի մեր հիւպատոսին , որուն պիտի ներկայանաս ու պատմես բոլոր գիտածներդ . էրզրումէն պիտի ամի մեկնիս միեւնոյն վստահելի ընկերակիցներով գէտի Պոլիս , ուր դեռ դռն ոտք չը դրած , հեռագիրը պիտի կանխէ , գեսպանատան կողմէն մասնաւոր պաշտօնիայ պիտի գայ քեզ առաջնորդէ ուղղակի զեսպանատունը , պիտի ներկայանաս մեր մեծ գեսպանին և առանց քաշւելու , պիտի պատմես ամէն բան , կը հասկնաս . . . :

— Հասկցա՛յ , կրկնեց Սօնա , պատրաստ եմ մեկնելու նոյն իսկ գիշերուընէ . դուն զիս գեռ չե՞ս ճանչնար , յետոյ պիտի իմանաս . միայն կը խնդրեմ . թոյլ տայիք որ դաշոյնը հետս տանիմ . բոլոր սիրուած էակներէն ու առարկաներէն , որոնցմէ զրկուած եմ յաւրանապէս , ասիկա՛ միայն մնացած է յիշատակ , ասիկու

միայն կրնայ միսիթարել զիս, հետեւաբար, աղնի՛ւ պարոն, կը խոստանա՞ք անշուշտ ամէն դիւրութիւն ընձեռել տալ չը զատելու համար զիս այն պաշտելի առարկայէն, այնպէս չէ՞ :

— Ինչպէս որ կ'ուզես, արի՛ Հայունի, ըստ քարտուղարը վստահ շեշտով մը :

Որոշումը տրուած էր, Անգլիացին յարգանքով մը հրաժեշտ տուաւ Սօնայի, որ մինակը մնաց ննջախուշին մէջ, իր կոյսի պատիւին անարատութեանը հետ :

Կէս գիշերը վազուց անցած էր, քարտուղարն ու Սօնան պառկեցան այն գիշեր իւրաքանչիւրը զատ սենեակի մը մէջ :

Սօնան ուրախութենէն մէկ երկու ժամ անկողնին մէջ արթուն մնալէ յետոյ, քունը տարաւ, իսկ քարտուղարը, մինչեւ առառ չքնացաւ։ Գրասեղանին առջեւ անցած, երկու ծածկագիր հեռագիրներ խմբագրեց մէկը՝ էրզրումի անգլիական հիւպատոսին, միւսը՝ Պուլս, բրիտանական մեծ դեսպանին։ Երկու հեռագիրներուն մէջ ալ, մահրամասնօրէն պարզեց միւշիր Զէքիբաշային դաւադրութիւնը, Սօնայի պատմուաքին ամփափոյքը :

Յաջուղ օրը, առառ կանուխ, Պիթլիսէն մասնաւոր սուրհանդակ մը ճամբայ կ'ելնէր, իր հետ ունենալով Սօնան հիւպատոսարանի գալազ մը. և ուրիշ երկուեւրոպացի կիներ։ Ասոնք ամէնքը միասին էրզրում պիտի երթային :

Նոյն առառ էրզրումի հիւպատոսարանին քարտուղարը Մ. Շիրլի, երկու ծածկագիր հեռագիր կը յանձնէր Պիթլիսի հեռագրատան տնօրէնէն :

## ԺԴ.

Երլարզի մէջ իրարանցում մը կար . Մեծ Եպարքոս  
Սայիտ բաշան երեք անգամ Երլարզ գնաց ու Բ . Դուռ  
ոք վերադարձաւ : Նոյն օրը , ոռւսական մեծ դեսպանը  
Բ . Դուռ եկած , քանի մը վայրկեան մեծ Եպարքոսին  
հետ տեսակցած ու մեկնած էր : Կառավարական բարձր  
շրջանակներուն մէջ շշուկ մը կը չրջէր , շշուկ մը , որ  
երթալով կը տարածուէր հասարակութեան խաւերուն  
մէջ , բերնէ բերան պատմուելով՝ և հետզհետէ մեծ հա-  
մեմատութիւններ ստանալով :

Մուսիան Սեւ Ծափի նաւաբաժինը շարժման մէջ  
դրած է , և ասիական սահմանագլուխը մեծ թիւով զօ-  
րագունդեր կը թափէ , կը փսփսային ժողովուրդի գրե-  
թէ բոլոր խաւերուն մէջ :

Քննադատական էր կացութիւնը , օրէ օր կը սպառ-  
ւէր պետական հարուածի մը : Դահլիճը կ'երերար , Սա-  
յիտ բաշային անկումը մօտալուտ կը կարծուէր . Երլ-  
արզէ Բ . Դուռ և Բ . Դունէն Երլարզ երթեւեկները կը  
յաճախէին , մեծ դեսպաններուն կառքերը զիրար կը  
խաչածեւէին Բ . Դրան պողոտային մէջ , ոռւսական  
մեծ դեսպանը գուրս կ'ելլէր Արտաքին գործերու պաշ-  
տօնատունէն , բրիտանականը ներս կը մտնէր , ասոր ե-  
տեւէն կը հասնէր ֆրանսականը , և այսպէս , օրերով ,  
անընդհատօրէն , յաջորդաբար , ու վերջը չէր գար :

Խորհրդաւոր , ահաւոր բան մը կը դառնար Պոլսոյ  
մէջ : Ա՛լ տարակոյսի տեղ չէր մնացեր , եւրոպական մի-  
ջամտութեան մը մզձաւանջը կը կախուէր Համիտի գա-  
հին վերեւ :

Երլարզի մէջ քարտուղարները կը մնային մինչեւ

կէս գիշեր, երբեմն ալ հոն կը լուսցնէին :

Խուճապը կը տիրէր ամենուրեք և համաճարակի արագութեամբ կը ծաւալէր բոլոր շրջանակներուն մէջ :

Մայրաքաղաքին ու կայսրութեան ներքին գաւառներուն մէջ, հրազարակիը գրաւու առեւարական կարեւոր հիմնարկութիւններ ու տօւներ, կը փակէին իրենց հաշիւները, մէկիկ մէկիկ կը քաշուէին ասպարէզէն և գաղտնի թէ յայտնի միջոցներով փախուստի ճամբան կը բանէին դէպի հեռաւոր կեղրոնները, արտասահման, ուր կը յուսային գէթ գտնել կեանքի տղահովութիւն, ապրելու դիւրութիւններ ու գործունէութեան նպաստաւոր պայմաններ, քաղաքակրթուած միջավայրերու մէջ, գոնէ զերծ մնալով կողովտուելու, կեղեքուելու, բանտարկուելու, աքսոյուելու և . . . խողխողուելու ստոյգ վտանգէն :

Երեք միացեալ մեծ տէրութեանց կողմէն նոր հրահանգներ հասած էր Պոլիս, յանձնարարելով իրենց մեծ դեսպաններուն աղդու դիմումով մը վերջ մը դնել ձբգագումներուն, որոնք ի գործ կը դրուին թեթեւցնելու և նոյն իսկ մօսցնելու համար Սասունեան Արհաւիրքին ծանրակշիռ հանգամանքը : Եւ այս նոր հրահանգներուն վրայ, երեք մեծ դեսպաններուն կողմէն Պ. Նէլիտօֆ ներկայացած էր Ապտիւլ Համիտի, ու բաթի սէլամլըգէն վերջը, և բաւական բուռն լեզուով մը սպառնացած էր հակառակ պարագային, ճնշողական միջոցներու դիմել, են . . . :

Ռուսական մեծ դեսպանը մեկնած չը մեկնած, Ապտիւլ Համիտո, Երլարզ արտասովոր նիստի հրաւիրած էր նախարարները, կացութեան վրայ խորհրդակցելու և դարման մը գտնելու համար :

Այս արտասովոր նիստին ներկայ էր նաև Արտաքին

յորդորելու պաշտօնով Եւրոպա զրկել վարդապետ մը ,  
որ , միեւնոյն ժամանակ , պիտի հրաւիրէր այդ փախըս-  
տականները որ դադրին այլ և այլ գրգռիչ հրատարա-  
կութիւններ ընելէ ու Եւրոպայի հանրային կարծիքը  
գրգռելէ մեր կառավարութեան դէմ :

— Կը յիշեմ , այս' , ընդմիջեց Համբատ , ատանկ  
բան մը կը յիշեմ , Խորէն Պատրիարքին օրով էր , աղէ՛կ  
յիշեցուցիր , Սայի՞տ բաշա , ի՞նչ արդիւնք ունեցաւ այդ  
վարդապետին այցելութիւնը :

— Բոլորովին հակառակը մեր սպասածին , Վեհա-  
փա՛ռ տէր , յարեց Մեծ Եպարքոսը , որովհետեւ յիշեալ  
վարդապետը , Սկիւտարցի , Պաղլար Պաշիէն , ծնունդով  
ու խմորով յեղափոխական , կ'երթայ գոմիթէի պետերը  
կը գտնէ , և գիտէ՞ք ի՞նչ խորհուրդ կուտայ . կը թե-  
լադրէ որ հրաժարին հայ յեղուով հրատարակութիւննե-  
րէ , և միայն եւրոպական կարեւոր թերթերու մէջ քըն-  
նադատեն ձեր կայսերական կառավարութեան արարք-  
ները , բարենորոգումներ պահանջեն , մանաւանդ Պէր-  
լինի ՅԱրդ յօդուածին գործադրութիւնը , եւրոպական  
մամուլը զբաղեցնեն հայկական խնդիրով . և վերջապէս  
ջանան առաջ բերել տալ միջամտութիւն մը . . . :

— Ի՞նչ կըսես ասոր , Սրթի՞ն բաշա , իրա՞ւ են այս  
խօսուածքները .

— Կը խօսի , Վեհափա՛ռ տէր յարեց Տատեան հեգ-  
նոտ շեշտով , լեզուն ոսկոր չունի , մանաւանդ երբ մեր  
Սայիտ բաշայի բերնին մէջ կը գտնուի ան . բոլոր այդ  
պատմուածները շինծու առասպելներ են , հիմա կը խնդ-  
րեմ որ Զեր Վեհափառութիւնը բարեհաճի լսել իրողու-  
թիւնները : Ահա՛ թէ ի՞նչպէս կատարած է Դուրեան  
վարդապետ իրեն յանձնուած պատուիրակութեան պաշ-  
տօնը : Այս' , ճիշտ է , գացած գտած է գոմիթէի պե-

կարգի բերելու և կայսերական Վեհափառութեան կառավարութեան հանդէպ զանոնք հաւատարմութեան տերը, մտերմութիւններ մշակած է անոնց հետ և հրավիրած է որ հրաժարին աւելորդ հրաժարակութիւններէ, որոնք կրնան վտանգել օսմանեան զանազան կետերուն վրայ ցանցնուած հանդարդ, անմեղ ու պարկեցա հայքնակչութեան գոյութիւնը, և լն. :

— Ինչու չէք յիշեր, Արթի՛ն բաշա, Ընդմիջեց Մեծ-Եպարքոսը, այդ վարդապետին Պատրիարքարանը զրկած տեղեկագիրը, ինչու կը պահէք ճշմարտութիւնը, չը խօսի՞ք :

— Վեհափա՛ռ տէր, յարեց Տատեան, Սայիտ բաշան կը սախովէ զիս որ ամէն բան մերկազարանոց երեւան հանեմ, այնպէս չէ :

— Անտարակօյս, ըստ Հիւնքեարը, այս դանիին մէջ ամէն բան պէտք է պարզուի, Արթի՛ն բաշա :

— Վեհափա՛ռ տէր, յարեց Տատեան, ես հոս ո՛ և է պաշտօն մը չունիմ բացակայի մը դատը պաշտպանելու, սակայն, քանի որ Զեր Վեհափառութիւնը կը հըրաժայէ և քանի որ խնդիրը կը վերաբերի օսմանեան կայսրութեան բացարձակ շահերուն, ստիպուած կը զգամ ինքզինքս ամէն բան հրապարակելու : Ահաւասիկ ճշմարտութիւնը : — Զեր Վեհափառութեան բարձրագոյն իրատէօվը գացած գտած էի մեր պարիարք Խորէն Էֆէնտին, և իրեն առաջարկած էի որ բանիմաց, եւրոպական քանի մը լեզուներու հմուտ ու պերճախօս վարդապետ մը զրկէր Եւրոպայի զանազան կեդրանները, Արաւասամանի հայ ժողովուրդը հովուելու արտաքին պատրուակով և գօմիթաճինները հանդարառութեան յորդորելու իսկական պաշտօնով : Դուրեւան վարդապետը կը մեկնի Եւրոպա, հանդիպելով նախ Պալ-

քանեան երկիրները, կ'այցելէ Զուբցերիտ, Ֆրանսուն  
ուրիշ կեղրուներ, խղճամիտ ու մանրակրկիտ ուսուժ-  
նասիրութիւններ կը կատարէ և ի վերջոյ ուա՛ եղրակա-  
ցութեան կը յանգի թէ՝ Եւրոպայի գանագան կեդրոն-  
ներուն մէջ գործող հայ յեղափոխականները չպիտի  
դադրին յուղելէ ու գրգռելէ Եւրոպական հանրային  
կարծիքը, հազարումէկ թռուցիկներով, թերթերով,  
հրապարակային գումարու միերով ու համախմբու միերով,  
մինչեւ որ Զեր կայսերական երկիրներուն մէջ չը գոր-  
ծադրութիւնները Այս է ահա՛ Թուրեան վարդապետին  
այսքան աղմուկ հանած տեղեկագրին իմաստը . . . :

— Եթէ այդքա՞ն է, ընդմիջեց Հիւնքեարը, չար-  
ժեր ժամանառ ըլլալ ատով, մեր գործին նայի՛ք :

Տատեան, չկրնալով ինքզինք զոպել,

— Սայի՛տ բաշտ, Սայի՛տ բաշտ, պօռաց մեծ ե-  
պարքոսի երեսին, ի՞նչ հասկցաք չնշին բանի մը շուրջ  
ա՛յսքան աղմուկ յարուցանելէ, ինծի նայեցէ՛ք, Վեհա-  
Փատիշահիս ներկայութեա՞նը կը յայտարարեմ, Զեզի  
պէս սօնրատան կեօրմները չե՞ն որ պիտի կասկածի տակ  
կարենան դնել տալ Տատեան դարաւոր տոհմի մը մե-  
ծամեծ ծառայութիւնները, ևս կրնամ պարձենալ իմ  
նախնիքներովս, դուք ինչո՞վ իրաւունք ո՞նիք, չըսէ՞ք,  
ինչո՞վ . . . :

— Հանդարտէ՛, Արթի՞ն բաշտ, միջամաեց դար-  
ձեալ Հիւնքեարը, փակե՞նք այս խնդիրը, մենք ուրիշ  
կարեւոր, խիստ կենսական ու ստիպողական ինդիրներ  
ունինք լուծելու :

Հիւնքեարի այս բացարձակ յայտարարութեան վը-  
րայ, վերահաստատուեցաւ հանդարտութիւնը դահլիճին  
մէջ, թէև Սայիտ ու Արթի՞ն բաշտները մէկզմէկու դէմ  
տկռայ կը կրծտէին :

— Խօսէ՛ հիմա , Սայի՛տ բաշա , հրամայեց Հիւնքեարը , խօսէ՛ համարձակ , կարծիքդ ի՞նչ է , ուստական միջամտութեան մը վտանգը կայ , ի՞նչ պէտք է ընկնք այդ վտանգը վանելու համար . Պ . Նէլիտօֆ հոսէր քիչ առաջ , կայսերական ունկնդրութեանս արժանացած էր :

Յետոյ ուղղելով խօսքը միւս նախարարներուն .

— Զեզի պարզեմ ամէն բան , շարունակեց Համիտ , գիտէ՞ք որքա՞ն նեղեց հոգիս , նոյնիսկ համարձակեցաւ սպանեալից լեզու մը գործածել , առանց ակնածելու ներկայութենէս . ահա՝ իր վերջին խօսքերը , որչափ որ կը յիշեմ . — Հակառակ պարագային , եթէ Բ . Դուռը յամառի տակաւին եւրոպական պատուիրակները մերժելու Սասունի Դէպքին քննութեան համար , պիտի ստիպուիմ Վեհափառ Ցարիս կառավարութեան հեռագրել թէ Նորին կայսերական Վեհափառութիւն Սուլթանին կառավարութիւնը բացարձակապէս կը մերժէ ամէն արտաքին միջամտութիւն Սասունի Դէպքին քըննութեան մէջ . . . ևն :

Ներկաները սահմուկած , չարաշուք նշոյներ կը նըշմարէին Հիւնքեարին նայուածքին մէջ և անսովոր արտայայտութիւն մը դիմագծերուն վրայ , որոնք խաւարային մատածումներէ կը չարչարուէին :

— Ինչո՞ւ չէք խօսիր , շարունակեց Ապտիւլ Համիտ , զուն ի՞նչ կ'ըսես Սայի՛տ , ի՞նչ միջոց կը խորհիս այս անել դրութենէն կայսրութիւնս ազատելու համար , խօսէ՛ նայիմ , թափէ՛ աեսնեմ դիւնագիտական ճարտարմտութիւններդ :

— Վեհափա՛ռ տէր , ըստ Սայիտ հեղնոտ շեշտով մը , թ'ող ներէ Զեր Վեհափառութիւնը , եթէ դիտել ՍԱՍՈՒՆԷՆ ԵՏՔԸ

տամ թէ՝ մեր օսմանեան յաւերժական կայսրութեան արտաքին քաղաքականութեան դեկը մեր Արտաքին գործերու նախարար Թուրիստ բաշայի ձեռքերուն մէջ կը գտնուի. ահա՛ւասիկ անոր խորհրդականը, Տատեան Արթին բաշան, ի՞նք է որ ամէն օր կը տեսակցի դեսպաններուն հետ. մանաւանդ որ, Պ. Նէլիտօֆի մտերիմ բարեկամը կը ճանչցուի, և...

— Իսծի նայէ՛, Սայի՛տ, ընդմիջեց Համիտ սպառնական ձայնով մը, ես քեզի՛ կը հարցընեմ, Արթին բաշան մը՛ խառներ գործին մէջ, ես քո՛ւ կարծիքդ կ'ուզեմ իմանալ:

— Վեհափա՛ռ տէր, յարեց Սայիտ ստրուկի մը համակերպութեամբ, քանի որ Ձեր Վեհափառութիւնը կը հրամացէ, ես ստիպուած եմ խօսիլ ինչ որ կը խորհիմ. կացութիւնը քննադատական է. այս շաբթուան մէջ պիտի պայթի փոթուիկը, եթէ ժամ առաջ միջնցներ ձեռք չառնուին. խոնարհ կարծիքովս, Պ. Նէլիտօֆի սպառնալիքնեիը լուրջ են, Բեթրսպուրկէն հասած գաղտնի հրահանգներով է որ կը շարժի ան, հետեւաբար, ուշագրաւ են իր խօսքերը. և այս անգամ, Ռուսիան առանձին չէ՛, իր հետ ունի մրանսան, իր դաշնակիցը, և, Անդլիան ալ, հոգ չէ՛ թէ այս վերջինը դարաւոր թշնամին ըլլայ մոսկովեան շահերուն. մէկ միջոց միայն կայ փրկութեան...

— Խօսէ՛, ընդմիջեց Համիտ, խօսէ՛ լմնցուր, ի՞նչ է այդ միջոցը:

— Պէտք է անմիջապէս. շարունակեց Սայիտ, Գում Գաբուի Հայոց Պատրիարքարանին կողմէն պատգամաւորութիւն մը, կրօնական և քաղաքական ժողովներուն ազդեցիկ անդամներէն բաղկացած, ներկայանայ Պ. Նէլիտօֆի, Սասունի մասին տարածայնուծա

բոլոր զրպարտութիւնները պաշտօնապէս հերքէ, վկայելով թէ՝ կատարեալ անդորրութիւն կը տիրէ ներսերը, թէ՝ քանի մը հայ անիշխանականներ այդ կողմերու հանդարտ բնակչութիւնը գրգռած ըլլալով ապստամբութեան, թ. Դուռը զէնքով յաջողած է զոպել ապօստամբութիւնը, այդ պատգամաւորութիւնը պէտք է ինդրէ մեծ դեսպանէն որ Բեթրսպուրկի Արտաքին Գործերու պաշտօնատան հեռագրէ Պատրիարքարանին այս դիմումը, և միեւնոյն ժամանակ յիշէ թէ՝ Վեհափառ Սուլթանին շնորհիւ՝ օսմաննեան երկիրներուն մէջ ապրող բովանդակ Հայ ժողովուրդը գոհ է նորին Վեհափառութեան կառավարութենէն, ևն :

— Դուն ի՞նչ կ'ըսես, Արթի՛ն բաշա, հարցուց Հիւնքեարը, Սայիտ բաշայի թելազրութիւններէն կէս մը համոզուած :

— Ներեցէք, Վեհափա՛ռ տէր, ըստ Տատեան, այդ կարգի պաշտպանողականներուն մօսան անցած է. Բեկրսպուրկի դաշլիճը մէկդի՛, հոս, մեր քիթին տակ ապշով աղուէսը կը հաւատա՞յ Հայոց Պատրիարքարանի յայտարարութեան, եթէ երբէք աեղի ունենայ. ինդիրը միջազգային հանգամանք առած է արդէն, Սասունի Դէպէն ի վեր, եւրոպական դահլիճներէն ոչ մէկը պիտի կրնայ կարեւորութիւն ընծայել այդպիսի յայտարարութեան մը, քանի որ իրենց հիւպատոսներուն աեղեկագրած իրողութիւնները կարելի չէ ծածկել. Անգլիոյ կապոյտ Գիրքին ու Թրանսայի Դեղին Գիրքին էջերը սեւցուցեր են անոնք: Ի՞նչ կ'ըսեմ, պաշտօնական վաւերաթուղթեր են, վաւերաթուղթեր . . . :

Ներկայ նախարարները, բացի Սայիտ բաշայէն, գըլուխնին կը շարժէին հաւանութեան նշաններով, մինչ Համիտ, լարուած ուշագրութեամբ մը կը հետեւէր Տատեանի :

— Արթի՛ն, ըսաւ Հիւնքեարը, պէտք է ամէ՛ն գաղանիք պարզես, բա՛ռ մը մի՛ պահեր.

— Ինչո՞ւ պիտի պահեմ, Վեհափա՛ռ տէր, յարեց Տատեան, ես կրնամ<sup>8</sup> լռել երբ երկրին շահերը վտանգուած կը տեսնեմ. լռութիւնը, այս տագնապի վայրկեաններուն մէջ, վատութիւն է, դաւաճանութիւն չըսելու համար. ես, իբրեւ Օսմանեան հզօր կայսրութեան ամենահաւատարիմ մէկ ծառան, տարիներու ընթացքին մէջ վարած պաշտօնիս փորձառութեամբը զինուած, Զեր Վեհափառութեան ներկայութեանը պարտք կը զգամցայտարարել թէ՝ վտանզը սաոյգ է և անխուսափելի. դեռ երէկ, բրիտանական մեծ դեսպանը կը հազորդէր ինծի իր կառավարութեան վերջնական որոշումը. գիտէք, ի՞նչ ըսաւ ու կրկնեց մէկ քանի անգամներ. — Հակառակ Վեհափառ Դշխոյին կառավարութեան աւանդական բարեկամութեանը, որ մէկէ աւելի կնճռոտ պարագաներու մէջ ապացուցուած է Օսմանեան կայսերական կառավարութեան հանդէպ, Անգլիան կամայ աւկամայ պիտի հետեւի Ռուսիոյ և Ֆրանսայի քայլերուն, որոնք հաւասար և թերեւս աւելի մեծ չափով շահեր ունին Արեւելքի մէջ. Սնգլիան, Կիպրոսի Դաշնադրութեամբ պարտաւորուած է վերջ մը դնել տալ Թուրքիոյ հայկական նահանգներուն մէջ մասնաւորապէս տիրող մշտատեւ անիշխանութեան, որ վերջերս ա՛յնքան ընդվրգեցուցիչ ծայրայեղութիւններով հրապարակ եկաւ. . . :»

— Արթի՛ն, ընդմիջեց Հիւնքեարը, կարճ կապէ՛, մէ՛կ բառով ըսէ՛, ինչ պէ՛տք է ընենք. ուուսական միջամտութիւն մը հաւանական կը գտնե՞ս. և այդ պարագային ի՞նչ արգելիչ միջոց կը խօսհիս.

— Ներեցէ՛ք, Վեհափառ տէ՛ր, շարունակեց Տատեան, ա՛յսքան լուրջ, ա՛յսքան կենսական ինդիր մը

պէտք է լուսաբանել, այսօր երեք մեծ տէրութեանց հաւաքական ճնշումին տակ կը գտնուինք. ևս համոզւած եմ թէ՝ Անդլիան, Թրանսան ու Ռուսիան վերջնապէս վճռած են գործել Արեւելեան Խնդիրը լուծելու համար. և այդ խնդիրը կայսրութեան կեանքի և մահւան խնդիրը կը նկատեմ ես. երկու ճամբայ կայ, պէտք է ընտրենք մէկը. կամ երեք մեծ տէրութեանց դէմ պատրաստուիլ կուռելու, և կամ այդ երեքին միացեալ ուժին առջեւ խռնարհիլ. ուրիշ ճամբայ մը չե՞մ տեսներ ես. Եւրոպայի մնացեալ երեք մեծ տէրութիւններէն, ուրոնք Երրեակ Զինակցութիւնը կը կազմեն, կրնա՞նք յուսալ կամ սպասել ո՛ և է պաշտպանութիւն, եթէ Երրէք պատերազմի բռնուինք միւսներուն հետ . . . :

— Դուք ի՞նչ կ'ըսէք, հարցուց Համիտ միւս նախապարնկերուն :

Նախարարները չեին բանար բերաննին, ամէնքն ալ անշարժ արձաններու կը նմանէին, իրարու քով շարւած թիկնաթուներու մէջ, բռնապետական շրջանին հաստատուն սիւները, Երլարզի աղականութեան ու ոճիրներու դպրոցին ընթացաւարտներէն տիտղոսակիր, նշանաւոր մակարոյցներ, որոնք ամսոււան օրէրը միայն կը համբէին, իրենց ճոխ թոշակները գանձելու և նոյն ամսոււան մէջ իրագործուած կաշառքներն ալ վրան բարդելով՝ հարէմի զեղխութեան ու մեղանքին մէջ թաղելու համար իրենց գարշելի գոյութիւնը :

Սակայն Ապտիւլ Համիտի ջիղերը կը գայրանային տակաւ : Տատեանի յայտնութիւնները քաղաքական հորիզոնին վրայ սեւ ամսերու կուտակումը գուշակել կուտային : Երլարզի Բնակիչը կը սկսէր դողալ, իրեն նեղ կուգար իր Ուջը. եթէ արտաքին գործերու նախարարի հայ խորհրդականին պատմածները ճիշդ էին, կը

Խորհեր Համիտ, անստոյդ էր ուրեմն վազորդայնը, իր բռպէները համրուած էին ուրեմն, և իր կայսրութեան վերջին ժամը պիտի հնչէր. ի՞նչ կը մնար ընել իրեն. կա՞ր փրկութեան ելք մը, բաց ի փախուստէն. բայց ո՞ւր պիտի փախչէր, ո՞ւր պիտի ապաստանէր. ո՞ւր պիտի կրնար, ո՞ւր ձեռքերուն մէջ պիտի կրնար վստաշ հիշ իր կեանքը, իր հարէ մը . . . : Փախուստ, զէպի ո՞ւր . . . : Սեւ Ծովին բերանը պիտի գոցուէր, ոռուսական նաւատօրմիզը կազմ ու պատրաստ, դարանակալ կը սպասէր հօն. Տարտանելի բերանը բռնած էր Անգլիան. իսկ Փրանսական վիթխարի մարտանաւերը Սիւրբիական ջուրերուն մէջ կ'արշաւէին . . . : Ահաւո՞ր, զարհուրելի՛, ճգնաժամայի՞ն բովէներ . . . : Պահ մը, աչքերը պազած, մթին նայուածքներ կը պտըտցնէր նախարարներուն վըրայ. ի վերջոյ կանգ կ'առնէր Տատեանի վրայ, որ իր ահաբեկիչ հարցականներով ու անգութ երկսայրաբառ նութիւններով կը լլկէր ու կը խոշտանգէր անոր հիւանդըղեղը: Վերջապէս, ահհամբեր՝ լսելու հայ գիւանագէտին եղբակացութիւնը,

— Արթի՛ն, ըստ Հիւնքեարը, շարունակէ՛, եթէ պատերազմի բռնուինք կ'ըսէիր, միւս երեք տէրութիւններուն հետ, ի՞նչ պիտի պատահի:

— Վեհափա՛ռ տէր, յարեց Տատեան, Երրեակ Զինակցութիւնը պաշտպանողական է և ո՛չ յարձակողական. երբէք չեմ կրնար ենթադրել թէ՝ Գերմանիան, Աւստրօ-Հունգարիան և Իտալիան այնքան յիմար եղած ըլլան որ իրենց բանակները հանեն Անգլիոյ, Ֆրանսայի ու Ռուսիոյ գէմ, պաշտպաններու համար . . . :

— Է՛, Է՛, հառկցա՞նք, ընդմիջեց Համիտ, ըսել կ'ուզես թէ իրենց տեղէն չեն շարժիր:

— Այո՛, Վեհափափա՛ռ տէր, յարեց Տատեան, գոնէ ես այդպէս կը կարծեմ, անցեալէն դատելով:

— Հետեւարար, յարեց Համիտ, քու կարծիքովդ, պէտք է համակերպինք և ընդունինք որ երեք միացեալ մեծ տէրութիւնները միջամտեն կայսրութեանս ներքին գործերուն :

Տատեան ա՛լ չը խօսեցաւ, աւելի առաջ երթալ չէր կրնար, յետոյ ինքզինք կասկածի կ'ենթարկէր, ժանաւանդ, Սայիտ բաշայի մասնաւոր ատելութեան առարկայ դարձած, իրաւունք ունէր զգուշաւոր ընթացք մը բռնելու :

Երլարզի մէջ գումարուած արտասովոր նիստը, առանց շօշափելի արդիւնք մը ձեռք բերած ըլլալու, փակուեցաւ :

Նախարարները մեկնեցան և Ապտիւլ Համիտ քաշ-ւեցաւ իր առանձնանական կալ :

### ՓԵ.

Նախարարները մեկնելէ յետոյ, Ապտիւլ Համիտ պալատական մը զրկած էր Տատեան Արթին բաշային ետեւէն և ետ կանչել տուած էր զայն :

Երկուքը մինակ էին, առանձնասենեակին մէջ :

— Արթին, կ'ըսէր Համիտ մտերիմ յեշտով մը, հոս հիմա ուրիշ մէկը չը կայ. ինծի շիտակը ոլատմէ'. ի՞նչ ըստ անգլիական դեսպանը :

— Վեհափառ տէ՛ր, պատասխանեց Տատեան, դեսպանին խօսքերը նախարարներու խորհուրդին մէջ, Զեր Վեհափառութեան սերկայութեանը, գրեթէ բառ առ բառ յիշեցի. դարձեալ կրկնեմ :

— Ո՛չ, յարեց Համիտ, կրկնելու հարկ չը կայ,

սակայն դուն ի՞նչ հասկցար այդ խօսքերէն . ի՞նչ կշխա  
կրնան ունենալ :

— Վեհափա՛ռ տէր , յարեց Տատեան , մեծ կշխա  
ունին , որովհետեւ երեք մեծ տէրութիւններն ալ հա-  
մաձայնած են հաւաքական միջամտութեան մը համար ,  
գիտէ՞ք , ի՞նչո՞ւ ամենէն աւելի Անգլիան փութկոտ կ'ե-  
րեւայ գործին մէջ . կը վախնայ որ չըլլա՛յ թէ երկու  
Դաշնակիցները , Ռուսիան ու Թրանսան իրմէ անջատա-  
բար գործեն ու խաղ մը խաղան իրենց հաշուին : Ես  
շատ իրաւացի և բանաւոր կը գանեմ բրիտանական մեծ  
գեսպանին յայտարարութիւնները . իրա՛ւ է , Կիպրոսի  
Դաշնագի՛րը կայ , Անգլիան երաշխաւորած է օսման-  
եան կայսրութեան ամբողջութեան պահպանումը , ոռւ-  
սական գրաւումներու դէմ , պայմանով որ օսմանեան  
կայսրութեան հայքակ նահանգներուն մէջ անյապաղ  
գործադրուին խոստացուած բարենորոգումները ...

— Բայց , ընդմիջեց Համիտ քիչ մը սրդողած , այդ  
բարենորոգումները մոռցուա՛ծ էին , ի՞նչո՞ւ հիմակ յան-  
կարծ երեւան կը հանուին :

— Ներեցէ՞ք , Վեհափա՛ռ տէր , Սասունի Դէպքը  
կը մոռնա՞ք , յարեց Տատեան :

— Ուրեմն , շարունակեց Համիտ , այդ անիծեա՛լ  
Դէպքը պատրուակ մը պիտի ըլլայ ձեռքերնին :

— Անչուշտ , Վեհափա՛ռ տէր , ըստաւ Տատեան ,  
սակայն , երանի թէ բարենորոգումներուն գործադրու-  
թիւնը պահանջելո՞վ միայն բաւականանային :

— Ուրիշ ի՞նչ կայ ...

— Խնդրեմ , Վեհափա՛ռ տէր , պիտի ներէք ան-  
շուշտ , եթէ նախարարիներուն ներկայութեանը չը յայտ-  
նեցր :

— Ի՞նչը ...

— Այո՛, հիմա՝ պիտի ըսեմ :

— Հսէ՛ նայի՞նք, յարեց Համիտ կասկածոտ շեշտով, ի՞նչ կայ նոր :

— Նոր և կարեւոր միջադէպ մը, Վեհափա՛ռ տէր, ըստ Տատեան լուրջ դէմքով մը, երէկ, բրիտանական դեսպանը, ծանօթ յայտարարութիւններէն ետքր, հետեւեալ ցաւալի միջադէպը պատմեց ինծի. — Սասունի Դէպքին քննութեան մասնակցելու պաշտօնով այդ կողմերը գացող եւրոպական պատուիրակներէն էրզրումի բրիտանական հիւպատոսարանին քարտուղարը Մ. Շիրլի, ընդարձակ տեղեկագրով մը կ'ամբաստանէ մուշիր Զէքի բաշան, որ, եթէ պէտք է հաւատ ընծայել այդ քարտուղարի գրածներուն, Սասունի խոզվութեանց միջոցին գերի բանուած հայ աղջիկ մը բռնի իուամացնելով իր հարէմը կ'ընդունի և ատեն մը զայն իր տունը կը պահէ Մէլէք անունով : Զէքի բաշան կը մտածէ ասոր ձեռքով սպաննել տալ անգլիացի քարտուղարը, ուստի Մէլէքը նուէր կը զրկէ անոր տունը, գաղանիքը կը յայտնուի, Մէլէք ամէն բան կը խոստովանի և Շիրլի հառագրով կը հաղորդէ իրողութիւնը մեծ դեսպանին :

— Ո՞ւր է հիմա այդ աղջիկը, հարցուց Համիտ հետաքրքիր դէմքով մը.

— Ո՞ւր պիտի ըլլայ, Վեհափա՛ռ տէր, հո՛ս է, Բէրքա, Բրիտանական դեսպանատունը ...

— Դարձեալ իուլա՞մ է թէ....

— Ա՛չ, պատասխանեց Տատեան, դարձեալ հայ կը մնայ, և Սօնա կը կոչուի, իր նախկին անունով : Մեծ դեսպանը կատղեր է, և ինծի յայտարարեց թէ մօտ օրէն Լոնտոն պիտի զրկէ այդ աղիկը, և բոլոր թերժերուն մէջ հրատարակել պիտի տայ միջադէպը. կը յիշէք անշուշտ, Վեհափա՛ռ տէր, Մուսա պէկի խնդիրը,

Գիւլզարի առեւանգումը , ի՞նչ իրարանցում ու դղրդում առաջ բերաւ Եւրոպայի մէջ . . . :

Ապտիւլ Համիտ չէր կրնար նստիլ իր գահին վրայ . կատաղութիւնը իր կատարը հասեր էր . բացակայ Զէքիի հասցէին հայոցանքներու տարափ մը կը տեղացնէր ու կը մուլտայ :

— Բայց , ըստ Համիտ , աղջկան կամ կնկան պարզ խնդիր մը մատը փաթթելէն ի՞նչ կը հասկնայ դեսպանը :

— Վեհափառ տէր , ըստ Տատեան , մահափորձի խնդիր մըն է , կ'ըսէ դեսպանը . Վեհափառ Թագուհիի պատուիրակին կեանքին դէմ դաւադրութիւն մըն է ասիկա . . . :

— Ո՛ո քեզի նոր փորձանք մըն ալ , մուլտաց միւշ շիր Զէքիին կուրծքը պատուանչաններով ծածկող Թագաւորի կիր Աւազակապետ :

— Վեհափառ տէր , յարեց Տատեան , ևս կը վախս նամ որ չըլլայ թէ ծանր հետեւանքներ ունենայ . Կթէ կարելի է , հիմակուընէ առջեւը թո՛ղ առնուի .

— Խնչպէս . . .

— Ցաւակցութիւն յայտնելով , ըստ Տատեան , և միւննոյն ժամանակ ընդունելով մեծ դեսպանին առաջարկը :

— Ո՞ր առաջարկը , հարցուց Համիտ :

— Սասունի Դէպքին քննութեան համար երեք մեծ տէրութեանց պատուիրակիններուն խնդիրը . . .

— Երեք պատուիրակնե՛րն ալ հո՛ն են արդէն ու կը գործեն , ուրիշ ի՞նչ կը պահանջեն :

— Զէ որ երեք պատուիրակներ ըսուածները՝ Երազրումի հիւպատոսարաններու պարզ քարտուղարներ են , նու քննիչներ կ'ուզեն զրկել , բաւական ընդարձակ իրաւասութիւններով , որպէս զի կարենան անկախագար կատարել իրենց քննութիւնները :

— Շատ աղէկ, յարեց Համբաւ համոզուած շեշտով մը, Արթին, ես պատրաստ եմ ամէն զիջողութիւններ ընելու, միայն, կրնա՞ս ապահովել կեանքս, կրնա՞ս համոզել զիս թէ՝ ո՞և է վտանգ մը չկայ իմ անձիս դէմ, ահա՛ կը հրամայեմ քեզի, հիմա, այս բռպէիս, գնա՛ բրիտանական մեծ դեսպանին, հաղորդէ՛ իրեն իմ կամքս, կ'ընդունիմ որ նոր քննիչներ դրկուին Սասուն, սակայն, յիշեցո՞ւր իրեն թէ՝ Անգլիան, կայսրութեանս ճշմարիտ բարեկամը, պէտք չէ՛ քաջալերէ ռուսական ուսնձգութիւնները, ո՞չ ալ ոյժ տայ ֆրանսական պահանջումներուն, որոնք միայն հեղինակութիւնս տկարացնելու չեն ծառացեր, այլ և անգլիական ազդեցութեան ու շահերուն ալ կը վնասեն, այս կէտերը չը մոռնաս յիշեցնել. իրեն :

— Ուրեմն, յարեց Տատեան գո՛ս սրտով մը, Զեր Վեհափառութեան իրատէին համաձայն, պիտի երթամ յայտարարեմ իրեն թէ՝ Վեհափառ տէրս կը հաւանի որ անգլիական, ֆրանսական և ռուսական երեք պատուիրակներ երթան Սասուն և տեղւոյն վրայ կատարեն իրենց քննութիւնները, անկախարար Բ. Դրան քննիչներէն. նաեւ, պիտի ցաւակցութիւն յայտնեմ Էրզրումի հիւպատոսական քարտուղարի միջադէպին առթիւ և պիտի խնդրեմ որ այդ խնդիրը փակուած նկատէ :

— Այո՛, այօ՛, Արթին, կրկնեց Հիւնքեարը, բացարձակ արտօնութիւն կուտամ քեզի կարգադրելու այս խնդիրը, ինչպէս որ կ'ուզես :

Տատեան Արթին բաշան, Հիւնքեարին իրատէն ծոցը, մեկնեցաւ Երզրումին և ուղղակի Բէրա գնաց, բրիտանական դեսպանատունը, ուր նոյն գիշերուան համար նիստի հրաւիրուած էին ֆրանսական և ռուսական մեծ դեսպանները : Տատեան Սըր Ֆիլիպ Քըրրիի հաղոր-

գեց Սուլթանքն հաւանութիւնը՝ Սասուն լիազօր եւ բռովական քննիչներ զրկելու և միհւնոյն ժամանակ կայսերական ցաւակցութիւնները յայտնեց Շիրլի-Զէքի տգեղ ու տխուր միջադէպին առթիւ, խնդրելով որ այդինդիրը փակուած նկատէր, երկու տէրութեանց բարեկամական յարաբերութիւնները միշտ աչքի առջև ունենալով։ Սակայն րրիտանական մեծ դեսպանը զայրացած էր Զէքիի դէմ, մանաւանդ որ Լէտի Քըրիի կողմէն պաշտպանուած Սասունցի հերոսուհի Սօնային այնքան յուզի պատմուածներուն տպաւորութեան տակ կ'ապրէր տակաւին։ Դարձաւ ըստ Տատեանի։

— Ուրախ եմ որ Վեհափառ Սուլթանը վերջապէս ըմբռնած է բողէին ստիպողութիւնը, և իր հաւանութիւնը տուած է մեր այնքան բանաւոր ու կրկնուած առաջարկներուն. արդէն այս գիշեր նիստի հրաւիրած եմ միւս երկու պաշտօնակիցներս, որոնք անհամբեր այս պատասխանին կը սպասէին։ Սյս խնդիրը վերջացած է ուրեմն, կը մնայ հիմա ծանօթ տխուր միջադէպը, որուն մանրամասնութիւնները կանտոն հեռագրած եմ իր ժամանակին, հետեւաբար, կը ցաւիմ որ չպիտի կրնամփակուած նկատել զայն. ստիպուած եմ սպասելու այդմասին նոր հրահանգներու։

— Սակայն, առարկեց Տատեան, քանի ու անձամբ եկած եմ Զէր Վսեմութեան հազորդելու կայսերական ցաւակցութիւնները, կրնաք հիմակուընէ երկրորդ հեռագրով մը խնդրել որ չը հետափնդուի այդ խնդիրը, աւելցնելով թէ՝ Վեհափառ Սուլթանը վերջին պատուն ընդունած է երեք մեծ դեսպաններուն առաջարկը, Սասունի մէջ անկախորէն քննութիւն բանալու պաշտօնով երեք լիազօր պատուիրակներ զրկելու, այնպէս չէ։

— Հակառակը չեմ պնդեր, յարեց Սըր Ֆիլիք Քըր-

քի, սակայն, Վեհափառ Սուլթանին հաւանութեան հետ  
երբէք կապ մը չունի ծանօթ միջադէպը. միւշիր Զէքի  
բաշան արդէն դատի տակ պիտի առնուի, շատ լաւ  
գիտէք. այս միջադեպէն աւելի նպաստաւոր առիթ մը  
կարելի՞ է երեւակայել այդ հրէշը դատապարտելու հա-  
մար, ես չեմ կարծեր թէ՝ մեր Արտաքին Գործերու նա-  
խարարը փախցնէ այս առիթը, որ ինքնին կը ներկա-  
յանայ, նոյնիսկ կը սպասեմ թէ՝ հեռագրով Լոնտոն  
կանչուի Սասունցի հերոսուհին, որուն լուսանկարը  
զրկած եմ նախընթաց թղթատարով. շիտակը դժուար,  
և թերեւս անկարելի պիտի ըլլայ այդ միջադէպին փա-  
կումը. երանի թէ կայսերական ցաւակցութիւնները  
ժամանակին հաղորդուէին, հիմա շատ ուշ է արդէն...


Տատեան լուեց: Սըր Ֆիլիպ Քըրրիի անընկճելի յա-  
մառութիւնը ծանօթ էր իրեն. հետեւաբար, աւելորդ և  
անօգուտ կը նկատէր պնդել այդ մասին: Քանի մը  
վայրկեան ալ մնաց հոն, առանց բառ մը արտասանե-  
լու. յետոյ, ոտքի ելլելով.

— Վսեմաշուք տէր, ըստեւ, ուրեմն այսպէս, ձեռ-  
նունայն պիտի վերադառնամ:

— Կը ցաւիմ, անհունապէս կը ցաւիմ, կրկնեց  
մեծ դեսպանը, ինչպէս կը տեսնէք, պարագաները փա-  
փուկ են, պէտք է սպասեմ նոր հրահանգներու, առանց  
որոնց մէ՛կ քայլ իսկ չեմ կրնար առնել. կը հաճիք ան-  
շուշտ այս կէտերը յանձնել Վեհափառ Սուլթանին ու-  
շաղրութեանը, որպէս զի թիւրիմացութիւններ չը ծա-  
գին:

Տատեան հրաժեշտ տուաւ բրիտանական դեսպանին  
ու վերադարձաւ Երլարզ, ուր նոյն պահուն Ապահու-  
Համիտ գլուխ գլխի տուած էր իր առաջին քարտուղա-  
րին՝ Թահասին բաշայի հետ: Տատեան մանրամասնօրէն

հաղորդեց դեսպանական տեսակցութեան արդիւնքը , և ,  
Հիւնքեարին հրամանին վրայ , վերադարձու Պէշիքթաշ  
իր բնակարանը :



## Ժ. 2.

— Այսպէս հա՞ , կ'ըսէր Համիտ իր առաջին քար-  
տուղարին , Ելլտըզի իր առանձնասենեակին մէջ գլուխ  
գլխի տեսակցութեանը միջոցին , դուն պէտք է դադա-  
նապահ ըլլաս , Մեծ-Վէզիրէս սկսեալ մինչեւ յնտին պաշ-  
տօնեաս , նոյնիսկ պալատականներս , պէտք է անտեղ-  
եակ մնան մեր այս գիշերուան խորհրդակցութեան մէջ  
տրուած որոշումին . ահա՛ւասիկ ինքնագիր նամակը .  
դուն , վազը կանուխ , պէտք է վազես ուսւական դես-  
պանատունը , և անձամբ Պ. Նէլիտօֆի յանձնես ասիկա :

Ապահիւ Համիտի ինքնագիր նամակն էր , ուղղուած  
Ամենայն Ռուսաց Օգոստափառ Ցարին :

Ելլտըզի Ա. Քարտուղար Թահին բաշա , որ ող-  
բացեալ Սիւրէյա բաշայի խորհրդաւոր մահուքնէն ետ-  
քը բարձրացած էր այդ պաշտօնին , յաջողած էր կա-  
մաց կամաց ամբապնդել իր դիրքը , մասնաւոր համա-  
կրանքը գրաւելով Հիւնքեարին , որ , առանց Թահինի  
խորհուրդ հարցնելու , մանաւանդ ծանրակշիռ ու տագ-  
նագնապալի բոպէներու մէջ , չէր գործեր : Նոյն օրուան  
նախարարական արտասովոր նիստէն ետքը , երբ Տատ-  
եան Արթին բաշան զրկած էր Բերա Սըր Ֆիլիք Քըրրիի  
քով , ուսւական միջամտութեան մը մղձաւանջէն տան-  
ջուող կայսերական գանկի փոթորիկը քիչ մը հանդար-  
տեցնելու յոյսով , իր քով կանչած էր այդ սիրական  
պալատականը՝ Թահին բաշան , խորամանկ Սուրիացին ,

որ անհրաժեշտ մարդը կը դառնար, ամէն անգամ՝ որ  
կը սպառէին դիւնագիտական միջոցները։ Թահարին  
եր Տիրոջ խորհուրդ տուած էր Ռուսիոյ Վեհափառ Յա-  
րին ուղղել այդ ինքնագիր նամակը, որուն մէջ Համբա-  
ամբաստանած էր Ամենայն Հայոց Հայրապետը Խրիմեան,  
իբրեւ սկզբնապատճառ հայկական շարժումներուն, կը  
թուէր այդ խոռվարար<sup>(\*)</sup> վանեցիին արարքները, զա-  
նազան յեղափոխական գօմիթէներ կազմակերպելը, Ռու-  
սիոյ, Թուրքիոյ և Պարսկաստանի մէջ տարածուած բո-  
վանդակ Հայերը իրենց օրինաւոր կառավարութեանց  
դէմ ապստամբութեան հրաւիրող վեստակար թերթեր  
հրատարակելը, Պոլսոյ պատրիարքութեան գահը բարձ-  
րանալէն ի վեր խոռվութեան որոմներ ցանելը, յետոյ  
երուսաղէմ աքսորուիլը, ի վերջոյ Սիօնէն Արարատ  
փոխադրուիլը և Էջմիածնի Մայր Աթոռը բարձրանալը.  
իբրեւ Ընդհանուրական Հայրապետ։

Ապահւլ Համիտ իր Օգոստափառ Եղբօր թանկագին  
ծառայութիւն մը մատուցած ըլլալու ջերմ<sup>(\*)</sup> փափագէն  
մղուած, կը մատնանչէր Խրիմեան Հայրիկը, իբրեւ պետ  
յեղափոխական բոլոր Գօմիթէներուն, մութի մէջ, յար-  
դի տակէ պատրաստելով Ընդհանուր Հայկական Ապս-  
տամբութիւն մը, որուն նպատակը պիտի ըլլար Կովկա-  
սի, Թուրքիոյ ու Պարսկաստանի միացեալ Հայերուն հա-  
մար ստեղծել Հայաստան մը, Անգլիոյ թեւարկութեան  
տակ . . . :

Ինքնագիր նամակին մէջ Ապահւլ Համիտ կը շեշ-  
տէր թէ՝ Էջմիածին աւազակներու, ոճրագործներու և  
ուխտեալ դաւաճաններու որջ մըն է, ուր կը դարբնուին  
ամենախստ գաղտնապահութեան մը տակ, հայկական  
մթին դաւերու ատազներ։ իր Օգոստափառ Եղբայրը  
կը զգուշացնէր հայ անիշխանականներու կողմէն պատ-

րասառուած մահափարձէ մը , յար և նման այն մահափարձին , որուն զու եղած էր իր երջանկայիշատակ Հաւը՝ Աղեքսանդր Բ . Ռուս Ոչնչականներուն ու հայ Օնիշխանականներուն գաղտնի դաշնակցութիւնը կը մատնանըշէր Նիքօլա Բ . Ին , և կը թունաւորէր անոր միտքը , Խրիմեան Հայրիկը որակելով Սասունի՛ ալ վերջին Ապատամբութեան պարագլուխը , ևն , ևն , ևն :

Նամակին վերջերը կէտ մըն ալ կը յանձնէր Համիտիր Օգոստավառ Եղբօր բարձր ուշադրութեանը . կը գրէր թէ Էջմիածնէն՝ Խրիմեան և Պոլոչն՝ Իզմիրլեան , Խրիմեանի երկրորդ հատօրը , ձեռք ձեռքի տուած , մէկ կողմէ Կովկասի ու Թուրքիոյ մէջ հայկական տպատամբութեան խմորումը կը պատրաստէին եռանդով , միւս կողմէ՝ եւրոպական գահլիճները կը զբազեցնէին իրենց լալկանութիւններով . . . :

Թաւուին բաշան կառքը նետուեցաւ ու գկաց Ռուսական գեսպանատունը , Պ . Նէլիտօֆի յանձնելու համար այդ ինքնագիր նամակը զոր խնամավ մը զետեղած էր թաւշապատ ու ոսկեղրուագ թղթապանակի մը մէջ :

Պ . Նէլիտօֆ կը նախաճաշէր , երբ Սուլթանին Ա . Քարտուղարը ներս կ'առաջնորդուէր :

Դեսպանատան հիւրասրահը մտաւ Թահսին , Ա . Թարգմանին ընկերակցութեամբ : Քիչ յետոյ , մեծ զետեղապանը ներս մտաւ : Սովորական քաղաքավարութիւնները փոխանակուելէ յետոյ , Թահսին Պ . Նէլիտօֆի յանձնեց Սուլթանին ինքնագիր նամակը :

ԺԷ .

Անգլիական, ֆրանսական և ռուսական նոր պատշիրակները Մուշ հասած, շոգեպինդ առաջ կը տանէին քննութիւնները, օժանդակ քննիչ մասնախումբեր հանելով Սասունի զանազան կողմերը, երբեմն ալ իրենք անձամբ այցելելով Արհաւիրքին վայրերը :

Արիւնի . Մոխիրի, Ուկերոտիքներու զարհուրելի համայնապատկեր մը, ուր գեհնային ոճիրները, բոլոր հակամարդկային հրէշութիւնները, իրենց գարշանքով ու քսամնեցուցիչ զանազանութիւններով ցուցադրուած էին հոն, Աղէտքի, Անէծքի և Արհաւիրքի այդ չարաշուք վայրերուն մէջ : Մուշի երբեմնի գեղեցիկ ու բերքի դաշտերը, Սասունի երբեմնի ծաղկաւէտ բլուրներն ու անտառուտ լեռները, անհուն մոխրակոյտ մը կը պարզէին այցելուի աշքերուն առջեւ : Հոս, Համիտիյէ հրոսակներուն ցանած հրդեհներէն այրած վանքեր ու եկեղեցիներ կը մշային տակաւին . հոն, երբեմնի չէն զէն գիւղերու աւերակները կուլային . հոս, ձորերու մէջ ու բլուրներու կողերը, գիշատիչ թռչուններէն ու գազաններէն յօշոտուած ու կերուած անճանաչ դիակներու կարկառներ . հոն, գարշահոտ փոսեր, աճապարանքով ծածկուած հողակոյտեր, լքուած, մոռցուած մարմիններու մնացորդներ . . . :

Ահա՛ Սասունը, Ապտիւլ Համիտի անդրանիկ Գլուխ Գործոցը :

Պիթլիսի վալի թահսին և միւշիր Զէքի բաշաները, Հարդին մեծութիւնը, զոհերուն թիւը, թալաններուն քանակը ծածկելու համար ամբն ճնշողական միջոցներ

ի գործ դրած էին, աքսորի, բանտի, մինչեւ իսկ մահանան սպառնալիքներով ահարեկելով նահանգին հայ ըընակչութիւնը, բռնի հանրագրութիւններ ստորագրել տալով Հայերուն, անիծել տալով յեղափոխականները, անիշխանականները<sup>(\*)</sup>... և չնորհակալութեան ուղերձաներ զրկել տալով Երլարզ, Ապստամբութիւնը զապած ու Արդարութիւնը վերահաստատած բլլալուն համար Միւս կողմէ, Բ. Դրան Քննիչ Յանձնաժողովը, այդո՞ւագործ երկուորեակին ձեռքով ու գործակցութեամբ, յաջողած էր բոլոր կանխազգուշութիւնները ձեռք առնել, Աղէտքին բովանդակ պատասխանատուութիւնը բեռցնել տալու Մուրատին վրայ, որ իր խոռվարար<sup>(\*)</sup> ու չարագործ<sup>(\*)</sup> հրօսախումբերով յաջողած էր կերպով մը Սասունի սահմաններէն ներս մտնել, ու կովկասէն փախած հարիւրաւոր ծպտուն զինուրներու հետ առպատակել ամբողջ նահանգը, կողոպատել խաղաղ թուրք և ուրիշ խոլամ ցեղերը, ջարդել, հրդեհել, են, են, են... Հետեւարար, այդ Յանձնաժողովին վճիռով, մահանան դատապարտուած էր Մուրատ իր զէնքի ընկերներով:

Յանձնաժողովին լրբութիւնը չափ ու սահման չունէր: Միւշիրին թելաղբութեամբ և վալիին աջակցութեամբ, լրտեսներու գաղտնի խումբեր կազմակերպել տուած էր, որոնք կը մտնէին զոհերու տէր ու բողոքարկու անմեղ Հայերու մէջ, զրպարտութիւն մը կը փակցնէին անոնց ճակտին, մուր կը քսէին ու մէկիկ մէկիկ ձերբակալելով բանտարկել կուտային զանոնք և այդ կերպով կը խեղդէին բողոքի ձայները: Գաղտնի ստորիկան զինուրներու խումբեր, վալիին ու միւշիրին կողմէն կազմակերպուած, տունէ տուն կը պարտէին ու սուտ վկաններ կը հաւաքէին, որոնք Յանձնաժողովին-

առջեւ կը յայտարարէին թէ՝ հայ անիշխանականներ, անդլիական զօրքերու տարագով, շատ մը մզկիթներ այրեցին, խեղճ քուրտ ընտանիքներ կողոպտեցին, աղջիկներ ու կիներ առեւանգեցին ու բոնաբարեցին, մէկ խօսքով, այդ վարձուած վկաները՝ Մուշի ու Սասունի հայ բնակչութեան ուսոր կը բեռցնէին բոլոր վայրագութիւնները, որոնք գործուած էին Զէքիի զօրքեւուն, քուրտ աշիրէթներուն ու համիտիյէ հրասակներուն ձեռքով։ Ուրիշ գալտնի գործակալներ, գարձեալ Յանձնաժողովներ, հովանաւորուած ու վարձուած, վկայեալ մարդասպաններու հաւաքածոյ մը, որոնք Սասունի Զարդին մէջ մեծագոյն դերը խաղցած էին, կոյսերու բըռնաբարումներով և ուրիշ անոելի ոճիրներով, Մուշի ու Սասունի ամայացած գիւղերուն անկիւնները գիակներ կը փնտուտէին, անջաղ մնացածներուն դիակները, և մէկիկ մէկիկ հաւաքելով, ձորերու և հեղեղատներու մէջ, կամ ապաւաժներու կողերը, հորեր կը փորէին ու խառն ի խուռն հոն կը նետէին զանոնք, այնպէս որ, արագ արագ առաջ տանելով այս եղեռնական գործողութիւնը, գեսապանական քննիչները Մուշ հասնելէ առաջ, Թալանին, Հրդեհին ու Զարդին հետքերը յաջողած էին ջնջել։ Եւ այս գիակներու փնտուտուքին մէջ, այդ գերեզմանափորներէն շատերը հարստացան, զոհերուն վրայ մոռցուած գումարներու և գոհարեղէններու կողոպուտներով։

Դիակապուտներ Բ. Դրան Քննիշ Յանձնաժողովին համիտաբարոյ անդամները, Դիակապուտներ՝ ասոնց վարձած այդ մեռելներու փոսերն ու հորեր փորող վայրենիները, դիակապուտներ՝ Պիթլիսի Թահսինը, Երզնկայի Զէքիին ու իրենց արբանեակները։ Դիակապուտներ՝ Ելլազի Բորենին ու իր կամարիլլան + . . .

Այս Մուժ Ուժին, այս Սեւ Ուխտին ու Դիակաւպուտներու այս գաղտնի Դաշնակցութեան դէմ ո՞ր օտար ոյժը պիտի զօրէր : Դեսպանական Քննիչ Մարմինը կը շարունակէր իր քննութիւնները, անկախարար և անջատօրէն, սակայն հազար ու մէկ խոչընդուներու կը հանդիպէ : Արդէն այս Քննիչ Մարմինը Պոլսէն չը մեկնած, Երլարզին Ա. Քարտուղար Թահինի ստորագրութեամբ գաղտնի հեռագիր մը զրկուած էր Պիթլիսի Թահսինին, օրինակ մըն ալ Բ. Դրան Քննիչ Յանձնաժողովինախագահին, հրամայելով փութացնել անիշխանական(?) Մուրատի դատավարութիւնը, անպահառ դատապարտել զայն մահուան և դատական թուղթերը Պոլիս զըրկել անմիջապէս :

Եւ կայսերական այս բացարձակ հրամանը կատարւած էր վայրկենապէս :

Դեսպանական Քննիչ Մարմինը հան հասնելէն երեք օր առաջ, Պիթլիսի հրապարակները, մզկիթներուն դըռները, կառավարական պալատին պատերը, ամէն հանրային կարեւոր հաստատութեանց դռները, Մուրատի մահավճիռը փակցուած էր : Մոլեռանդ ամբոխը տենդագին անհամբերութեամբ մը կը սպասէր մտնուան պատիժին դործադրութեան, որ, ինչպէս մունետիկը ծանուցած էր, յաջորդ օրը պիտի տեղի ունենար :

Սակայն, էրզրումի բրիտանական հիւպատոսարանի քարտուղար Մ. Շիրլի, իմանալով ամէն բան, Ժամանակին հեռագրած էր եղելութիւնը Պոլսոյ բրիտանական մեծ դեսպանին՝ Սըր Ֆիլիպ Քըրրիֆի, որ կրցած էր անմիջապէս արգիլել տալ Մուրատի մահուան պատիժին դործադրութիւնը : Ու երբ, Քննիչ Մարմինը Պիթլիս հասած էր, արդէն ոչնչացուցած էին բոլոր փակցուած թուղթերը :

Այսպէս, մահուքնէ կ'ազատուէր Մուրատ ու իր ընկերները, բանտի արհաւիրքներուն մէջ սպասելով վաղորդայնին, որ տակաւին մութ էր :

Նախորդ Եւրոպական քննիչները, երեքն ալ էրզերումի երեք ծանօթ մեծ տէրութեանց հիւպատոսարաններու քարտուղարներ, հարիւրաւոր վկաներ մտիկ ընելէ, հարիւրէ աւելի նիստերու ներկայ գանուելէ և երբեմն ալ անուղղակի ու գաղտնի քննութիւններ կատարելէ յետոյ, երեքն ալ համաձայն էին հետեւեալ երկու կէտերուն վրայ, այսինքն նախ թէ՝ Սասունի մէջ անրշխանականներ չը կային և Հայերը՝ պարզապէս ինքնապաշտպանութեան կոիւ մլած էին և ապստամբներ չէին. երկրորդ թէ՝ Սասունի Արհաւիրքին բովանդակ պատասխանատուութիւնը կը ծանրանայ Համիտի կառավարութեան վրայ :

Սասունի Զարդին ծագման, զանազան փուլերուն ու Քննիչ Յանձնաւողովի դերին վրայ որոշ ու յատակ գաղափար մը կազմելու համար կ'արժէ աչքէ անցընել ԲՐՈՅ. Կ. ԹՈՒՄՈՒԵԱՆԻ «Պատմուրիւն Արեւելեան Խնդրոյ Եւ Առաջնորդ Հայկական Հարցի» բառութիւնները. (Տես. Հատուր Բ. Գլուխ Խ. Հայկական Հարցին ճգնաժամը, Եւայլն.)

## ՍԱՍՈՒՆԻ ԶԱՐԴԻ ԵՒ ՔՆԵԼՉ ՅԱՆՁՆԺՈՂՈՎԾ

Թիւրքիոյ կառավարութեան բանած ընթացքը ապուշութեան, յիմարութեան գործ չէ, այլ քաղաքականութեան մը արդիւնքը։ Եւրոպական սիջամտութիւնը իր գործոց մէջ միայն իր հպատակ քրիստոնէից պատճառաւ տեղի կ'ունենայ, Եւրոպական Թիւրքիոյ քրիստոնեայք այդպէս ազատուեցան։ Ասիոյ մէջ իրեն

միակ հոգ պատճառողը հայ ցեղն էր, մանաւանդ Պէր-  
լինի դաշնագրով անոր խնդիրը մրջազգային ձեւ մը,  
առնելէն ի վեր: Ուստի Պէրլինի ժողովէն ի վեր փո-  
խանակ անոր արդար և շատ համեստ պահանջումներուն  
գոհացում տալու, Հայոց յառաջդիմութեան և նիւթա-  
կան, բարոյական ու թուական զարգացման առջեւն  
առնելու տուաւ իր բոլոր ջանքը: Այդ բանը նախ  
գաղտնի, մեզմ միջոցներով ըրաւ, և ապա յայտնի,  
հրապարակաւ և բուռն միջոցներով, մինչեւ իսկ զա-  
նոնք դիմադրութեան գրգռելով ու ջարդելով:

Հայերը տկարացնելու, Հայաստանի մէջ նուազեց-  
նելու այս քաղաքականութեան շատ նպաստաւոր սեպ-  
ւեցաւ Քիւրտերը ձեռք առնելը: Կազմուեցաւ Քիւրտ  
Համիտիյէ հեծելագունդը, և անոնց արտօնութիւն  
շնորհուեցաւ Հայերը վանել Հայաստանէն և անոնց տե-  
ղը գրաւել: Այս քաղաքականութիւնը բոլոր թրքական  
կուսակալութեանց հասարակ է: Թէ հին Թիւրքեր թէ  
երիտասարդ Թիւրքեր Ասիրյ մէջ Թիւրքիոյ ամբողջու-  
թիւնը պահելու միակ ճարը Հայերը իրենց երկրին մէջ  
տկարացնելը գտած են:

Սակէ ծագեցաւ Քիւրտերուն համարձակ գործած և  
միշտ անպատիժ մնացած հարստահարութիւնները: 1894  
Յուլիսին Քիւրդ աշխրէթներ Սասունցի քաջ հայերուն  
վրայ ըրած մէկ արշաւի ժամանակ ետ մղուելով՝ իրենց  
կորուստին համար իրենց պաշտպան կառավարութեան  
կը գանգատին: Պիթլիսի կառավարիչը՝ Հասան Թահիսին  
փաշա՝ ասիկայ իբր Հայոց ապստամբութիւնը մեկնելով  
և մեծ բանակ մը ժողված՝ Սասունի վրայ կուգայ, և  
հետեւանքը կ'ըլլայ Սասունի ծանօթ ջարդը, որուն ա-  
մենէն սոսկալին տեղի կ'ունենայ Սուլթանին գահակա-

լութեան տարեդարձին օր, Օգոստոս 30: Հստ վկա-  
յութեան Վանի Անգղիական հիւպատոս Մ. Հոլվօրտի,  
(Կապոյն Գիրք, Թիւրքիա, Նօ. 1. 1895, Մասն Ա. էջ 15)  
Սասունի բոլոր գիւղերը ջարդութեան: Կառավարու-  
թիւնը կ'արգիլէ Մ. Հոլվօրտը քննութիւն կատարելու-  
համար Սասուն մտնելէ, և կ'ամբաստանէ զայն իրը Հա-  
յերը ապստամբութեան գրգռող: Դեսպանը՝ Սըր Ֆիլիք  
Քըրքի՝ ասոր դէմ բողոքելով անկախ քննութիւն մը  
կատարելու համար գեսպանատունէն մէկը զրկել կ'ուզէ:  
Սուլթանը այս ազգու միջամտութենէն վախնալով՝ ամ-  
բստամութիւնը ետ կ'առնէ, խնդրելով որ քննիչը չի  
զրկուի: Դեսպանը կը հաճի, բայց քննութիւն մը կա-  
տարուելուն վրայ պնդելով, Սուլթանը ի՞նք ք նիչ  
յանձնաժողով մը զրկել կը խոստանայ: Ասոր վրայ  
գեսպանը կը խնդրէ որ այդ յանձնաժողովը խառն ըւ-  
լայ և անդամոց երեքը պետութեանց երեք հիւպա-  
տոսները ըլլան: Սուլթանը գեսպանին թուլութենէն, և  
ըրած զիջումներէն քաջալերեալ, ասիկայ կը մէրժէ, և  
ժամանակ վաստկելու համար ձգձգելով երկար բանակ-  
ցութեան մը կը սկսի: Վերջապէս գեսպանը կը ստիպուի  
կրկին տեղի տալ և Սուլթանին թիւրք քօմիսիօնը ըն-  
դունիլ: Միայն թէ շատ աշխատութեամբ կը յաջողի  
արտօնութիւն ստանալ որ գոնէ Անգղիա, Գաղղիա և  
Ռուսիա ալ երեք պատուիրակներ կցեն քօմիսիօնին, ոչ  
թէ իրը անդամ, այլ լոկ ականատես վկայ՝ նիստերուն  
ներկայ գտնուելու, և պէտք սեպած ժամանակնին ալ  
հարցումներ ուղղելու: Այս երեք պատուիրակներն ալ  
ոչ թէ նախնական առաջարկին պէս պաշտօնական ան-  
ձինք՝ հիւպատոսներ՝ պիտի ըլլային, որ մի քիչ ազգե-  
ցութիւն ունենային, այլ լոկ երգրումի հիւպատոսաց  
գրագիրները:

Ասիկայ մեծ պարտութիւն մըն էր Անգղիոյ համար, որ մինչեւ վերջը այս թոյլ ընթացքը շարունակեց, միշտ տեղի տալ և զիջանելով։ Բայց Անգղիա շատ գոհ մնաց ասկէ և Քօմիսիոնին մեկնելովը մի քիչ հանգիստ շունչ առաւ, քանզի Թօղպրիի ազատական տկար կառավարութիւնը առանձին սկսելու յանդգնած այս գործը՝ վերջապէս կը յաջողէր Յ ողբութեանց վրայ դնել և պաս ասխանատութիւնը բաժնել անոնց հետ։

Եթէ Անգղիա այսպիսի անօգուտ քննութեանց համար, որուն պէտք չի կար, ժամանակ չի վատնելով և առանց ձգձգելու, մէկէն, ազդուապէս գործէր, Սասունի դէպքերուն վրայ կոթնած, հաւանական էր որ քիչ թէ շատ գորացուցիչ արդիւնք մը ձեռք ձգէր։

Այսպիսի թիւրք Քօմիսինի մը ընելիքը արդէն յայտնի էր։ Դուռը պաշտօնապէս հրատարակել տուաւթէ «Հայ աւազակաց արարքները իննել կ'երան»։ Ասկէ կը հասկցուէր թէ Դրան նպատակը ի՞նչ էր, և ի՞նչ խաղաքութիւն պիտի կատարուէր։ Անգղիա այս յայտարարութենէն ալ չսթափեցաւ, այլ լոկ քաղաքավարի բողոք մը դրկելով Դրան, շարունակեց մասնակցիլ այդպիսի խայտառակութեան մը, Փաղղիան և Ռուսիան ալ իր ետեւէն ձգած։ Իտալական կառավարութիւնը մերժեց մասնակցիլ այդ քօմիսիոնին։

Գաղղիոյ և Ռուսիոյ միութիւնը Անգղիոյ հետ, այն շափ ալ անկեղծ բան մը չէր, այլ տւելի Անգղիան կաշկանդելու համար էր, որմէ կը կասկածէին երկուքն ալ։ Երկու երկիրներու արտաքին գործոց պաշտօնեայք այ, Լոպանօֆ և Հանօթօ, դժբաղդարար թրքասէրներ էին։ Հանօթօ ժամանակաւ Պոլիս գտնուած և Սուլթանին սիրելի եղած էր, նաև գաղղիական թերթեր Սուլթանին ծախուած էին այդ ժամանակ։

Թիւրք քօմիսիոնը Եւրոպացի պատուիրակներէն ամիս մը առաջ հասաւ Մուշ, և ամէն բան կարգի դրաւ Համիտի ուղածին պէս։ Երեք պատուիրակներ առանց մեծ հեղինակութեան և առանց թարգմանի ըլլալով, Թիւրք զաշտօնէից խաղալիկ էին, մինչեւ որ Անգղիոյ դեսպանը բոնի թարգման մը զրկեց անոնց։

Այս քօմիսիոնը 1895 Յունուար 24էն Յուլիս 24 տեսեց, վեց ամիս, 108 նիստ ունեցաւ Մուշ, 190 վկայ մտիկ ըրաւ, և ըստ Եւրոպացի պատուիրակաց հաստատեց թէ Հայք ոչ թէ ազստամբ էին, այլ յարձակմանց դէմ ինքզինքնին կը պաշտպանէին, և թէ պատասխան նատուութիւնը կառավարութեան վրայ կը ծանրանայ։ Հետեւեալն է Անգղիոյ նուիրակ Մ. Շիրվիթ վկայութիւնը։

«Հայերը ջարդուեցան առանց հասակի եւ սեռի խորութեան։ Երեք շաբարի չափ ժամանակամիջոցին մէջ, Օգոստու 12—Սեպտեմբեր 4, Հայերը վայրի անասրւներու պէս հայածուեցան . . .։ Ես սիփեալ եմ ըսել որ սա համոզումը իմ մէջս գոյացաւ քէ Թուրք կառավարութեան փափաքածը ոչ քէ այնչափ խառնակիչ Մուրաս մը գտնել եր, որչափ Կելիկիիզեան եւ Տալվորիկ գաւառաց հիմնովին զնջումը»։

### ԲԱՐԵԿԱՐԳՈՒԹԵԱՆՑ ԾՐԱԳԻՐԸ

Մինչդեռ Քօմիսիոնը իր քննութիւնը կը կատարէր Մուշ, Անգղիա կրկին իր ետեւը ձգած Ռուսիան և Գաղղիան, Հայկական վեց նահանգներուն համար—Էրզրում, Պիթլիս, Վան, Սվագ, Խարբերդ, և Տիարպէքիր—բարեկարգութեանց ծրագիր մը պատրաստել սկսաւ, Պուսոյ Յ գեսպաններուն միջոցաւ։ Ասոնք սկսան 1895 Ապ-

րիլ 18ին և լմացնելով՝ ներկայացուցին Դրան Մայիս 11  
ին։ Բայց ասկէ կ'սկսի իրենց գժւարութիւնները։ Սուլ-  
թանը կարծուածին չափ դիւրամարս պատառ մը չէր,  
և փախանակ մէկէն այո՛ կամ ո՛չ պատասխան մը տա-  
լու, Մայիսէն մինչեւ Հոկտեմբեր 15, Անգղիոյ և Ռու-  
սիոյ իրարու գէմ տածած անվատահութեան վրայ յե-  
նած։ Յ տարբեր ժամանակներ մասնակի պատասխաննե-  
րով և կերպ կերպ առաջարկներով և առ երեւոյթս զի-  
ջումներով։ Յ պետութիւնները ամբողջ Յ ամիս զբաղ-  
ցուց և ձանձրացուց, մինչեւ որ իր ուղած ծրագիրը ըն-  
դունել տալով՝ վերջացուց խնդիրը, խափ խայտառակ  
ընելով երեքն ալ։

Ռուսիա Հայոց համար բան մը ընելու մտադիր չէր,  
և Անգղիոյ ընթացքն ու առաջարկները հաշտ աչօք չէր  
դիտէր։ Ռուսի Լօպանօֆ Ռուսիոյ արտաքին գործոց  
պաշտօնեայն։ Անգղիոյ բոլոր առաջարկութեանց գէմ  
կը դիմադրէր։ Կ'առաջարկէր թէ,

Հայերը ցրուեալ են եւ տեղ մը չիկայ որ Հայաստան  
կոչուի ու անոր համար մասնաւոր վաշուրիւն մը սրբ-  
ւի։ Թէ կովկասի Հայք գրգուեալ վիճակի մէջ ըլլալով  
Թուրքիոյ մէջ մեծ ապստամբուրիւն յառաջ բերել կը  
ջանան։ Երէ Թուրքիոյ բոլոր քիսունեաներուն համար  
բարեկարգուրիւն կ'ուզուի, ինքն ալ համամիտ է, իսկ  
երէ Հայոց համար բացառիկ արտօնուրիւններ կ'ուզուի,  
որ ապագայ Հայկական քագաւորութեան մը կեդրոն  
դարձնեն, ինք անոր դէմ է։ Ռուսիոյ կողքին երկրորդ  
Պուլիարիա մը ստեղծել չուզեր։ Կառարկէ թէ դեսպա-  
նաց զծած սահմաններ խիստ ընդարձակ են, գրեթէ Փո-  
քը Ասիոյ կեսը։ Մանաւանդ Երէ Սուլթանը չընդունի,  
ինչ պիտի ընեն։ Չարք եւ ինք Սուլթանին վրայ նեւում  
գործածելու հակառակ են, եւ ուրիշ պետութեան մը  
գործածելն ալ իրենց սիրելի չէ։

Ահաւասիկ պյասլիսի առարկութիւններով , զորս առանց պատեհութիւն փախցնելու կը կրկնէ իր բոլոր հեռագիրներուն և գրութիւններուն մէջ , Լօպանոֆ արգելք եղաւ Հայոց գոհացուցիչ բան մը տրուելուն : Անգամ մը իմանալով որ Անգղիոյ դեսպանը ճնշում գործածելու առաջարկութիւն կ'ընէ Ռուսիոյ Դեսպանին , իսկոյն բացարձակ արգելք մը գրաւ և խնդիրը այդ ժամանակէն (Յունիսի սկիզբը) դեսպանաց ձեռքին առնըւելով՝ կառավարութեանց մէջ կը կատարուէին բանակցութիւնները ժամանակ մը :

Կը մնար Անգղիա մինակը , որ անկեղծօրէն կը փափէր Հայոց համար բան մը ձեռք բերել , բայց շատ թոյլ ու երկչոտ վարուելով ամէն ինչ վիժեցուց : Անգամ մը Լօրտ Քիմպըրլիին համբերութիւնը հատած , համարձակութիւն ունեցաւ առաջարկել որ որոշ պատասխան մը տալու համար 48 ժամ միջոց տրուի Սուլթանին : Բայց Լօպանոֆ բացէ ի բաց մերժեց զայդ : Վերջապէս Յունիս Զին եկաւ Սուլթանին առաջին պատասխանը , իր կողմէն առաջարկուած ընդարձակ ծրագիրի մը ձեւով , որ դեսպանաց ըսածին նայելով իրենց առաջարկին մերժումն էր :

Դեսպանաց ճնշումին վրայ Յունիս 7ին Սուլթանը Զրդ . պատասխան մը կուտայ : Համառօտ գրութեամբ մը կը պատասխանէ թէ սկզբունքով կ'ընդունի ծրագիրը , իրեն վերապահելով վերջը մանրաւասնութեանց վրայ վիճելու ազատութիւնը :

Այս ժամանակ Լօրտ Ռօզպըրիի ազատական նախարարութիւնը կ'իյնայ , առանց յիշուելու արժանի բան մը ընելու , բացի անօգուտ բանակցութիւններով անգին ամիսներ կորսնցնելու , որոնք եթէ անմըջապէս գործելու նույիրուէին , հաւանականաբար Հայկական Անգղիրը հիմա լուծուելու ճամբուն մէջմտած կ'ըլլար :

Լօրտ Սօլզպըրի Յուլիս 29ին պահպանողական կառուավարութեան գլուխն անցնելով շատ աւելի բաղդաւոր չեղաւ : Ամբողջ Յուլիս ամիսը բանակցութիւններով անցնելէն , խոստումներ ընդունելէն և Զ անգամ Սօլզպըրի Թուրք գեսպանին խիստ լեզու գործածելէն վերջը , Յուլիս 31ին գեսպանաց թարգմանները հանդիսաւոր կերպով Դուռը կը հրաւիրուին . իրը թէ մեծ բան մը լսելու , և երբ կ'երթան , իրենց կը յայտարարուի թէ նախարաւաց յանձնաժողով մը մեծ զգուշութեամբ ծրագիր մը պատրաստած է , և Սուլթանն ալ վաւերացուցած , և որ թարգմանուելով հետեւեալ օրը պիտի հազորդուի գեսպանաց : Օգոստոս 1ին Սուլթանին ոյտ Յրդ պատասխանը կը տրուի , որ կրկին բոլորովին անգուշուցիչ բան մը կը գտնուի գեսպաններէն :

### ԼՕՐՏ ՍՈԼՅՀՊՐԻ ԵՒ ՍՈՒԼԹԱՆ

Եսոր վրայ Լօրտ Սօլզպըրի ճոշում գործածելաւ հարկը տեսնելով . հասկնալ կուզէ Օգոստոս 3ին թէ Ռուսիա մինչեւ ո՞ւր կրնայ երթալ : Լուսանօփ բացէ ի բացմերժելով ճնշումի գաղափարը , և . Սօլզպըրի ալ ետ կը կենայ , Ռուսիայէն զատուիլ գործին չի գալու .

Լօրտ Սօլզպըրի Դրան հետ այս ու այն կէտի վրայ վիճելէն ձանձրացած՝ կեդրոնական հարուած մը կը փորձէ . կ'առաջարկէ թէ բարեկարգութեանց գործադրութեան ապահովութիւն ստանալու երկու կերպ կայ , մին որ պաշտօնեայք առնուին անխոտիր քրիստոնեաններէ և մահմէտականներէ՝ իրենց թուոյն համեմատութեամբ , ոչ էր գնապանաց ծրագրին պահանջածը , և զոր Սուլթանը չընդունեց : Կը մնայ ուրիշ միջոց մը այն , է որ 4 Թուրքերէ և 3 պետութեանց 3 ներկայացուցիչներէ բաղկացած քօմիսիոն մը նստի երգրում կամ Վան կամ

Պիթլիս, և հսկէ մօտէն։ Լոպանօֆ ի սկզբան ասիկայ ընդունեց։ (Թէեւ վերշը այսպիսի քօմիքի մը Ռուսիոյ ժամանակ մօս ըլլալը չի սիրելով, անոր Պօլիս նսիլը յարմար սեպեց, եւ աւելի վերջն ալ բոլորովին ձգեց, ոռարկելով որ Պերլինի դաշնագիրը սորագրող ուրիշ պետքիւններն ալ պահանջել որ անդամ ունենան այսօմիսիօնի մէջ)։

Մինչ կառավարութիւնք այս բանակցութեանց մէջն էին, դեսպանք ալ ծրագրին վրայ կը բանակցէին Դրան հետ, և չի գիտնալով թէ ի՞նչ է ընդունուածը և ի՞նչ է մերժուածը, իրենց կարծիքին հասնեմատ Դրան այլևայլ անգամներ ընդունած կէտերը գրութեան մը մէջ ամբոփելով՝ կը զրկեն Դրան, հարցնելու թէ ասո՞նք են ընդունուածները, և իրենց թարգմանները պատասխան մը ընդունելու կը զրկեն մուրացկանի պէս։ Դուռն ալ դեսպանաց այս անդիւանագիտական ընթացքէն քաջալերաւած, այս անգամ չորրորդն ըլլալով աւելի աննպաստ պատասխան մը կուտայ Օգոստոս 19ին, արդէն ընդունած շատ մը կէտերն ալ յետս կոչելով։

Ասոր վրան Լօրտ Սոլզպըրի աւելի պնդեց իր խառնըն քօմիսիոնի պահանջին վրայ։ Սուլթանը իր Լոնտրայի դեսպանին միջոցաւ յայտարարեց Լ. Սօլզպիին թէ խառն քօմիթէն չի կրնար ընդունիլ (Օգոստոս 21), և և սպառնաց որ եթէ Լ. Սօլզպըրի պնդէ ասոր վրայ, թիւրքիա ալ քաղաքականութիւնը փոխելով, Ռուսիոյ գիրկը նետուիլ պիտի ստիպուի։ Իսկ Լոպանօֆ Ս. Բէթերսպուրկի թիւմք դեսպանին կը յայտարարէ թէ ինք Անգղիոյ համաձայն և նգղիա ատկէ պակաս բան չէր կրնար պահանջել (Օգոստոս 28)։

Սուլթանը ժամանակ մը վախցաւ ատկէ և զիջումի երես բռնեց։ Որպէսզի Լօրտ Սօլզպըրիի Խառն Հսկող

Քոմիսիօնէն ազատուի, դեսպանաց սկիզբէն առաջար-  
կածները ընդունելու միտում ցոյց տուաւ, սկսաւ կրկին  
բանակցիլ ընդունուելիք կէտերուն վրայ, Սեպ.ի սկիզ-  
բէն մինչև Հոկտեմբերի կէսը: Հայք համբերութեամբ  
սպասելէն յոգնած և դեսպանաց զիջողութենէն կասկա-  
ծելով և վախնալով՝ որոշեցին ցոյց մը կատարել Պատր.  
Ալին Հոկտ. Դին, որպէսզի խնդիրը շուտ և արդիւնա-  
ւոր կերպով վերջացնելու նապատած ըլլան: Կառավարու-  
թիւնը այս ցոյցը արգիլել ուզելով խոսվութիւն տեղի-  
կ'ունենայ: Հայք եկեղեցիները կ'ապաստանին, մինչև որ  
դեսպանք միջամտելով՝ իրենց պաշտպանութեան տակ կը  
հանեն եկեղեցիներէն Հոկտ. 10 ին: Հոկտ. 13—14ին ող  
գործոց պաշտօնեայ Սահմ բաշան 3 դեսպանաց հետ-  
արտաքին ծրագրին վերջին խմբագրութիւնը կատարելով,  
Սուլթանն ալ իր հաճութիւնը տալով կ'ընդունի Հոկտ.  
15ին: Այս անգամ ալ Դուռը զայն հրատարակել չուզեր:  
Սուլթանն ալ հրովարտակ հանել կը մերժէ, առարկելով  
որ Մահմետականք գրգռեալ են և հրովարդակ մը օգուտէն  
աւելի լիաս կ'ընէ: Դեսպանք ստիպուեցան աս ալ կը-  
լելով նստիլ և քիչ մը հանգչիլ, և այսպէս խնդիրը  
փակուեցաւ առժամապէս:

ԼՕՐ ՍՈՒԶԱՊԵՏԻՆ ԵՒ ՍՈՒԼԹԱՆԲ  
Լօր Սօլզպլրի առ Պարոն Հերպլրը

Այս օրուան հեռագիրնիդ ստացայ, որով Սուլթա-  
նէն ինձ ուրիշ լուր մը կը բերէք, որ կը զարմանայ ի-  
րեն նախկին պատգամին պատասխանը չստանալուն հա-  
մար, որուն մէջ ն. Կայսերական վեհ, վերահաստատած-  
էր իր խոստումները Հայկական նահանգաց մէջ ներ-  
մուծուելիք բարեկարգութիւններու մասին, և որ նորին-

Վեհ. Թագուհւոյն կառավարութեան օգնութեանը կը դիմէր իր զայտագործին մէջ իրեն օգնելու համար :

Ի պատասխանի Ն. Կ. Վեհ. պէտք է բացատրէք որ իր վերջին պատգամին տալիք պատասխանս յետաձգած էի, մինչեւ որ անոր մէջ ինծի խոստացածը կատարէ, բարեկարգութեան ծրագիրը նոր իրատէով մը հրատարակելով։ Դուք կընաք նաև հրատարակման յետաձգուելուն պատճառաւ զգացած ցաւս և յուսախաբութիւնս յայտնել իրեն։

Դուք Ն. Կ. Վեհ. հաղորդեցէք որ իր գէպի այս երկիր ունեցած բարեկամութեան վստահացումը յարգանօք կ'ընդունիմ, նաեւ տեղեկացուցէ՛ք իրեն որ Ն. Կ. Վեհ. Թագուհւոյն կառավարութիւնը տակաւին կը փափաքի օգնել իրեն, բայց թէ անհրաժեշտ կը նկատուի որ քայլեր առնուին, վերջնապէս արգիլելու համար Մահմետականաց կողմանէ Քրիստոնեաներու դէմ ի գործ դրուած յարձակումները համար, որոնք Օսմանեան կայսրութեան երթեմն քանի մը մասերուն մէջ տեղի կ'ունենան։ Մեզի հասած տեղեկագրութիւնք կը ցուցնեն որ Սուլթանը սխալած է իր համոզման մէջ, թէ Հայերը պատճառ տուած են այն անկանոնութեանց։ Մեզի տեղեկագրուած է որ գրեթէ ամէն տեղ իրողութիւնը ասոր հակառակն է, և թէ շատ տեղեր թրքական իշխանութիւնը և զօրքերը քաջալերած են, նոյնիսկ մասնակցած են խոռվութեանց։

Այն իրողութիւնը որ՝ Սուլթանը վերջերս պատուանշան տուաւ պաշտօնատարի մը, զոր ինքը պաշտօնանկ ըրած էր խիսա յոռի վարչութեան պատճառաւ, չի քաջալերեր նորին Վեհ. Թագուհւոյն կառավարութիւնը ու է վստահութիւնն ունենալու թէ՝ խոստացեալ բարեկարգութիւնները հաւատարմութեամբ գործադրելու մասին Ն. Կ. Վեհափառութեան դիտաւորութիւնը լուրջ բան մըն է։

Ե. Վեհ. Սուլթանի պատգամը առ Պր. Հերակլը.

«Ի՞նչպէս կ'ըլլայ որ իմ բարեկամական տեղեկագրերէս և իմ բարի նպատակներս յայտնող արտայայտագրերէս վերջն ալ տակաւին ոչ մի պատասխան չեմ ստանար Լօրտ Սոլզպրիէն :

«Ես Անգիայէն օգնութիւն կը սպասեմ, և կը կըրկնեմ որ Անգլիա պէտք է վստահ ըլլայ իմ խոստմունքներս կատարելու մասին ունեցած ջերմ վափաքիս նըշկատմամբ : Բարեկարգութիւնք շնորհուած են : Աշխարհի մէջ չկայ պատճառ մը ենթալրելու որ անոնք ի գործ չպիտի դրուին հաւատարմաբար : Իմ և այս երկրին շահները կը պահանջեն որ բարեկարգութիւնները ներմաւծւին, և բնականաբար այս մասին մենք մեր շահները նկատողութեան կ'առնենք : Բարեկարգութիւնն դործագրումը սակայն կարգ ու կանոնին վերահաստատումէն կալիսեալ է, անոնք ազդեցիկ կրնան լինիլ միայն երբ խաղաղութիւն կը տիրէ :

«Հայերը իրենց Էնթրիկներուն և ապստամբութեանց պատճառաւ, ինչպէս նաև իրենց անկանոնութեանց առիթ աալովը, բարեկարգութեանց գործադրութեան յետաձգուելուն պատճառ եղած են և տակաւին կ'ըլլան : Շաքիր փաշան էրզրում հասածին պէս սկսաւ քրիստոնեայ ժանապարհներ կազմակերպել, ինչ որ ապացոյց մըն է թէ ես փափաքեցայ մէկէն գործի սկսիլ : Յետոյ խոռվութիւններ տեղի ունեցան էրզինկեանի մէջ, որուն յաջորդեցին Պայպուրթի և էրզրումի խոռվութիւնները : Չեմ գիտեր որ Շաքիր փաշան կարողացաւ աւելի բան մը ընել, բայց անիկայ հոն հասած օրը անմիջապէս գործի սկսաւ, և եթէ անիկայ շարունակելու անկարող եղած է, խառնակութիւններն էին որ զինքը արգիլե-

ցին : Մեծ զոհողութեամբ բազմաթիւ զօրքեր հաւաքել հարկադրուեցայ անկարգութեանց վերջ մը տալու և ապա ըստ կարելւոյն շուտ բարեկարգութիւնները գործադրելու համար , և կարծեմ թէ կարող պիտի ըլլամ զանոնք կատարելապէս գործադրել նուազ քան երկու ամսուան ժամանակամիջոցի մը մէջ , կարգ կանոնը վերահաստատածիս սլէս : Այսպէս չեմ կարծեր որ շատ երկար ժամանակ պիտի անցնի բարեկարգութիւնը կանոնաւոր կերպով գործադրելէ առաջ :

«Այս նպատակս աւելի յառաջացնելու համար , վազը պիտի զրկեմ երկու փաշաներ՝ Ապտուլլա : և Սաատէթտին փաշաները՝ քաղաքային պաշտօնատարաց հետ , առաջինը պիտի երթայ էրզրումի կողմերը և երկրորդը Պիթլիս : Իրենց առաջին ջանքը պիտի ըլլայ խաղաղասիրական միջոցներով և ժողովրդոց ամէն դասակարգին խրատ տալով կարգ ու կանոնը վերահաստատել , եթէ կարելի ըլլայ . ասիկայ իմ հաւատարմութեան մէկ ուրիշ ապացոյցն է :

«Թող ուրեմն Անգղիա օգնէ ինծի , Հայոց լաւ խրատներ տալով , նոյն իսկ սպառնալով անոնց , որ ոչինչ կրնան շահիլ իրենց ներկայ ընթացքով , նաև ըսելով որ բարեկարգութիւնք չէ կարելի գործադրել որքան ժամանակ որ իրենք կը շարունակեն գրգռել ժողովուրդը և խռովութիւններ ստեղծել :

«Ինչո՞ւ ուրեմն Անգղիա չի' օգներ ինծի : Զեմ կը նար հասկնալ : Լորտ Սօլզպըրին ինծի օգնել չո՞ւզեր : Հակառակ իմ բոլոր անկեղծ ջանքերուս , կը տեսնեմ որ անգղիական թերթերը տակաւին զիս կը դատափեաեն : Անոնք չե՞ն կրնար տեսնել որ ես մեծ եռանդով կ'աշ-

խատիմ և կը հետապնդեմ իրերը ուղղութեան բերելու  
համար : Զէ կարելի բան մը ընել զանոնք դադրեցնե-  
լու համար : Կը սպասեմ որ Անգղիան ինծի մեծապէս  
օգնէ :

Պարս Հերպլոր առ Լոր Սօլզպլորի .

Սուլթանը հետեւեալ պատասխանը յղած է Զերդ  
Լորտութեան տեղեկագրոյն .

Զէյթունցիներուն այդ կերպ ընթացք մը ցուցնելէն  
ետքը , թրքական կառավարութիւնը զիջողութեան նու-  
խաքայլը չի կրնար առնել : Կայսրութեան ամէն կողմե-  
րը գտնուող զինուորական հրամանատարներ արդէն հը-  
րաման ստացած են չի վնասելու ոչ ոքին որ չի գիմա-  
դրէր իշխանութեան : Նորին Վեհ . հրաման պիտի դրկէ  
Մարաշ պատրաստ գտնուող զօրքերուն որ երկու օր ալ  
իրենց տեղէց չի չարժին : Եթէ իրենց Զշյթուն հասած  
ժամանակ ապատամբները հաւանին հպատակիլ և յանձ-  
նել իրենց մէջ գտնուող ապատամբապեաները , ինչպցս  
ալ իրենց զէնքերը , իրենց ոչ մէկ մնաս պիտի հասնի :

Սուլթանը կրկին կը խնդրէ Զերդ Լորտութենէն , որ  
հրապարակաւ ծանուցանէք թէ բարեկարգութիւններ  
Նորին Վեհ . կողմէ ի գործ պիտի դրուին առանց յա-  
պաղման , համաձայն այն կրկնակի խոստումներուն , որք  
ախորդ տեղեկագրոյն մէջ Ն . Կ . Վեհափառութեան  
կողմէ տրուած էին , նաև Զեր մէկ պատասխան տալուն  
վրայ կը պնդէ :

Մարտանաւերուն կրկնապատկուելուն շշունջը Ն .  
Վեհ . ականջը հասած է : Սուլթանը կը յուսայ որ Զեր  
Լորտութիւնը այդ քայլը պիտի չառնէ : Քանի որ անի-  
կայ հանրային զգացումները պիտի գրգռէ , և պիտի  
վրդովէ խաղաղութիւնը , որ անհրաժեշտ է բարե-

կարգութիւնները կարենալ գործադրելու համար։  
Ն. Վեհափառութիւնը նաև կը խնդրէ որ Ձերդ  
Լօբառութիւնը ազդու կերպով խրատէ Հայերը, իրենց  
Պատրիարքարանի միջոցաւ, որ հանդարտ կենան, և  
նոր խռովութիւններ չի յարուցանեն։

### ՆՈՐԻՆ ՎԵՀ. ՍՈՒԼԹԱՆԻ ՊԱՏԳԱՄԸ

«Ճաա երախտապարտ եմ Լօրտ Սօլզպըրիին պատ-  
գամի այն օգնութեան համար որ ինձի պիտի ընէ, և  
ես կը փափաքիմ որ Պարոն Հէրպըրթ հազորդէ իմ ան-  
կեղծ շնորհակալութիւններս այն մասին, ինչպէս նաև  
նոյն պատգամին մէջ գտնուած բարեկամական արտա-  
յայտութեանց համար։ Սակայն ես տեսած եմ Լօրտ  
Սօլզպըրիի ըրած բանախօսութեան մը համառօտագրու-  
թիւնը, որուն մէջ սա պարբերութեան կը հանդիպիմ։  
Ես Ֆիշ Վասհուրիւն ունիմ որ բարեկարգութիւնն պիտի  
զործադրուին։ Այս խօսքը ստուգիւ մեծ ցաւ պատ-  
ճառած է ինձ, քանի որ բարեկարգութեանց գործա-  
դրումը իմ կողմանէ որոշուած խնդիր մըն է։ Բաց աս-  
տի, ես փափաքող եմ կարելի եղածին չափ շուտ զանոնք  
գործադրել։ Ես զայս արդէն քանիցս կրկնած եմ նա-  
խարարներուս։ Այս այսպէս ըլլալով՝ Լօրտ Սօլզպըրիին  
իմ բարի նպատակացս վրայ կասկածելու միակ պատ-  
ճառը՝ այստեղի մարդոց Էնթրիկներն ըլլալու են, և  
կամ թէ այնպիսի գաղափար մը տալու համար չարա-  
խօսութիւններ եղած են։ Բարեկարգութեանց գործա-  
դրութիւնը բացարձակապէս որոշուած խնդիր մըն է,  
բայց հարկ է որ նախ այս երկրին մէջ խաղաղութիւնը  
հանտառուի։ Կարգ ու կանոնը վերահստատելու համար  
ամենէն կատարեալ միջոցներ ձեռք կ'առնուին և առ-  
նուելու վրայ են։ Տարակոյս չկայ որ այս քայլերուն

արդիւնքը ընդհուպ երեւան պիտի գայ, եթէ արդէն երեւան եկած չեն:

«Օրինակի համար, ժամանակէ մը ի վեր Տրապի-  
գոնի, էրզրումի, Պիթլիսի, Տիարպէքիրի մէջ նորանոր  
խռովութիւններ տեղի ունեցած չեն: Սակայն ես կը  
կրկնեմ որ բարեկարգութիւնները պիտի գործադրեմ:  
Ես այդ բարեկարգութիւնները պարունակող թուղթը  
պիտի առնեմ, զայն առջեւս պիտի դնեմ, և անձամբ  
պիտի հակեմ որ մէն մի յօդուած ի գործ դրուի: Ասի-  
կայ իմ ամենահաստատ որոշումս է, ես իմ պատուոյ  
խօսքս կուտամ: Ես կը փափաքիմ որ Լօրտ Սօլզպըրի  
ասիկայ լաւ հասկնայ, և կը խնդրեմ ու կը փափաքիմ  
որ Նորին Լօրտութիւնը, այս յայտարարութեանս վրայ  
կատարեալ վստահութիւն մը գոյացնելով՝ մէկ ուրիշ  
բանախօսութիւն մը ևս արտասանէ այն բարեկամական  
զգացմանց համար, որ տածած է դէպ ինձ և իմ երկիրը:  
Իմ այս պատգամիս արդիւնքին պիտի սպասեմ ամե-  
նախիստ մտահոգութեամբ: Ասկէ զատ պիտի խնդրեմ  
որ դեսպանատունը ինք խրատէ Հայերը. նաև հրահանգ  
տայ իր հիւպատուններուն որ անոնք ալ ամէն ազդու-  
կերպերով խրատեն Հայերը գոն մնալ եղած բարեկար-  
գութիւններով, ինչպէս Լօրտ Սօլզպըրի իր բանախօ-  
սութեանը մէջ կը յայտնէ «քէ անոնք պիտի ե զոհ ըլ-  
լան եւ հանդարտ կենան»: Անոնց պէտք է հասկցնել որ  
բարեկարգութիւնք չեն գործադրուիր, եթէ խառնակու-  
թիւններ առաջ բերեն:

Սլր Ֆ. Քլրրի առ Լօրտ Սօլզպըրի.

Այսօր կէսօրէն ետքը Սուլթանին կողմէ մասնա-  
ւոր ունկնդրութեան արժանացայ, որ աեւեց երկու-  
ժամ ու կէս:

Նորին Վեհ. Խօսք առաւ Թագուհոյն որպիսութիւնը հարցնելով : Ես պատահիսանեցի որ Նորին Վեհ. Թագուհին քաջառողջ է և ինձ պաշտօն յանձնած է իր յարգ քները մատուցանել Սուլթանին և չնորհակալութիւն յայտնել այն պատգամին համար զոր իրեն զրկած էր : Նորին Վեհ. Թագուհին մեծ ցաւով լսեց այն դէպքերը որ անցեալ քանի մը շաբաթներու ընթացքին տեղի ունեցան ի Թուրքիա, և վստահութիւն ունի որ Սուլթանը իր կարողութեան սահմանին մէջ եւ զոլ ամէն միջոց պիտի գործածէ, անոնց շարունակութիւնը արգիլելու համար :

Նորին Կայս. Վեհ. պատասխանեց թէ՝ Ես ինքս անշուշտ տեղեկութիւն ունեի որ կարգ ու կանոն վերըստին հաստատուեցաւ, քանի որ Դուռը հրահանգ ստացած էր դեսպանաց հաղորդելու այն ամէն տեղեկութիւնները, որոնք նահանգներէ կ'առնուելին, ինչպէս նաև կարգ ու կանոնի վերահաստատման մասին տեղական իշխանութեան զրկած հրամանագիրներուն պատճէնները : Առոնաշութեանց վերսկսումը արգիլելու համար, նաև ամէն կողմերը զօրքեր զրկուած են, և արդարեւ ինչ որ կարելի էր ընել, եղած են : Ամենէն ետքը ըստ թէ, ես ալ լսած ըլլալու եմ հիւպատոսներէն որ քանի մը օրերէ ի վեր խաղաղութիւնը բոլորովին հաստատուած է :

Ես ըսի ու իմ ստացած տեղեկութիւններս Նորին Վեհ. յայտու արութիւնները կը հաստատեն, բայց քանի մը տեղեր խառնակութիւնք տակաւին կը շարունակվին, թէւ համեմատաբար փոքրիկ շրջանակի մէջ :

Նորին Վեհ. շարունակելով իր խօսքը, ըստ թէ տակաւին ցաւալի տպաւորութիւնը կը մնայ թէ՝ ինքը բարեկարգորթիւնները առանց յապաղման գործադրելու

իր փափաքին մէջ անկեղծ չէ : Այսպիսի ծրագիրներ բնականարար երկար խորհրդակցութեանց կը կարօտին , բայց թէ անգամ մը որ անոր նկատմամբ հաւանութիւն ցուցուցած և որոշում արուած է , ինք մտադիր է զայն իր ամբողջութեամբը ի գործ դնել : Սակայն , ամենէն աւելի պէտք եղած բանը կարգ ու կանոնը հաստատելն է . որովհետեւ միայն ա'յն ատեն բարեկարգութեան կարելի է սկսիլ : Այսու ամենայնիւ արդէն սկզբնաւորում մը եղած է : Քանի մը քննիչներ ընտրուած են ինչպէս նաև վալիներու և միւթէսարրիփներու օգնականներ : Եաքիր փաշա սկսած է քրիստոնեաներէ բազկացեալ ոստիկանապետութիւն մը կազմելու . և եթէ խռովութիւններ չի ծագէին , մինչեւ հիմա անոնք վեց վիլայէթներու մէջ ալ ներմուծուած էին :

Ես պատասխանեցի թէ՝ Նորին Վեհ . Թագուհոյն կառավարութիւնը Սուլթանին բարեկարգութիւնները գործադրելու մասին ունեցած հաստատ որոշումը գուհուակութեամբ լսեց , բայց դժբաղդաբար վերջին դէպքերը անոնց վստահութիւնը միայն տկարացնելու կը ծառայէին : Բարեկարգութեանց ընդունուելուն յաջորդեց ամբողջ Հայ նահանգաց մէջ ջարդ ու կոտորած , և հազարաւոր հոգիներ , որոնք կորուսած էին իրենց տուները և ստացուածքները , անօթութենէ պիտի կորսուէին ձմրան միջոցին եթէ օգնութիւն չի հասնի : Բայ թէ գետպանատունէն մեկնելէս ճիշդ առաջ տեղեկութիւններ ստացած էի , որոնք վստահութիւն ներշնչելէ շատ հեռու էին , այսինքն թէ շատ հայեր մահուանէ աղատելու համար բռնադատուած էին Մահմետականութիւնը ընդունիլ :

Նորին Վեհ . դիտել առւաւ որ ինքը երբէք չի համակրիր որ և իցէ մէկու մը որ կրօնափոխ կ'ըլլայ , և

նա մէջ բերաւ դատական նախարարութեան մէջ գըտ-  
նուող բարձրաստիճան և հանրածանօթ Հայու մը դէպ-  
քը, որ Մահմետականութիւնը ընդունած է: Եւ թէ ինքը  
այս մարդուն երբէք կարեւորութիւն չի տար: Նա  
ինդրեց որ յիշած բռնի կրօնափոխութեանց մասին  
իրեն մանրամասնաբար տեղեկագրեմ: Ես ալ այնպէս  
ըսել խոստացայ:

Վերջը՝ ես հազորդեցի Նորին վեհ: որ ես նոյն օրը  
ստացած էի հեռագիր մը, Նորին վեհ, Թագուհոյն կա-  
ռավարութեան Մուշի մէջ գտնուող Դեր-Հիւպատոսէն  
որ կը գրէր թէ Հայերը Պիթլիսի մէջ սպառնալիքի և  
տանջանքի ենթարկուած են, որպէս զի զանոնք ստիպեն  
հեռագրելու Պօլիս թէ Պիթլիսի մէջ կոտորածը առաջին  
անգամ Հայերէն սկիզբ առաւ: Սուլթանը նախ չի գիտ-  
նալ ձեւացուց՝ ըսելով թէ ո՞վ ստիպած է Հայերը այդ-  
պիսի բան մը ընելու: Ես պատասխանեցի թէ տեղա-  
կան իշխանութիւնները որ կը փափաքէին պատահած  
դէպքերուն պատասխանատուութիւնը իրենց վրայէն  
նետել: Սուլթանը պատասխանեց թէ այդ մասին քըն-  
նութիւն պիտի կատարէ, և հարցուց թէ ի՞նչ ապացոյց  
կարող էր զիս համոզել:

Ես ըսի թէ, Նորին վեհ, անշուշտ այնպիսի պաշ-  
տօնատարներ ունի, որոնց վրայ կընար վստահիլ: որոնց  
վրայ անիկայ առաջարկեց իրեւ յարմար անձինք Ազ-  
տուլլահ փաշան կամ Սաատէտին փաշան, այն Յանձ-  
նաժողովին նախագահը, որ վերջերս առաքուած է:  
Բայց ես հրաժարեցայ միջամտել զրկուելիք պաշտօնէից  
ընտրութեան գործին, միայն բաւական համարեցայ  
թելադրել որ Նորին վեհ: Թագուհոյն Փօխ-Հիւպա-  
տոսներէն մին՝ կատարուելիք քննութեանց մէջ մաս-  
նակցութիւն ունենայ: Սուլթանը ասոր հաւանութիւն  
առուալ:

Յետոյ ըսի որ, երկու պարագաներ կան որոնց մասին Նորին Վեհ. Թագուհւոյն կառավարութիւնը ցաւով տեղեկութիւն ստացաւ: Մին՝ այն էր որ ջարդերուն համար տակաւին ոչ ոք պատժուած է, միւսը՝ որ Նորին Վեհափառութիւնը տակաւին խոստացած հրովարտակը չի հանեց:

Սուլթանը միայն վերջոյն պատասխանելով ըստ որ գործը աւելի կարեւոր է քան խօսքը և հրատարակութիւնը: Նա Դրան միջոցաւ ինձի պիտի հաղորդէ հրովարտակ չի հրատարակելուն պատճառները: Նա կրկին և կրկին անգամ ըսած էր որ բարեկարգութիւնները պիտի գործադրէ: Էսաւ որ ինքը յամառ մարդ մընէ, անգամ մը որոշում տալէն վերջը անիկայ զայն ամբողջովին պիտի կատարէ: Սակայն ես շարունակեցի շեշտել այն կէտը թէ՝ Նոր. Վեհ. Թագուհւոյն կառավարութեան գաղափարով՝ հրովարտակին հրատարակումը երեք պատճառներով կարեւոր էր: Ա. Պետութիւնները Նորին Վեհափառութեան անկեղծութեանը մասին վստահացնելու համար. Բ. Հայերը համոզելու համար որ իրենք իրօք բարեկարգութիւններ պիտի վայելեն. Գ. համոզելու մահմետականները որ բարենորոգումները իրենց շահերուն վեասակար չեն: Սուլթանը պատասխանեց թէ ինքը հրահանգ պիտի տայ իր նախարարաց որ այդ Բ. և Գ. կէտերու մասին ինձի բացատրութիւն տան. ինքը կը յուսար որ զիս պիտի համոզեն թէ իրեն հրովարտակ չի հրատարակելը արդարացի է: Ա. կէտին գալով բարեկարգութիւնք արդէն պաշտօնապէս, հաղորդուած են դեսպանաց, անոնցմէ կախեալ է իրենց կառավարութեան տեղեկացնել թէ՝ զանոնք գործադրելու համար իր տուած որոշմանը մասին, և թէ՝ իրեն այդ նպատակաւ առած գործնական քայլերուն մասին:

Յետոյ նա դառնալով իմ Բ. և Գ. կէտերուս՝ ըսաւ որ  
հակառակ իր բոլոր ըսածներուն, ինքը կ'ուզէր զայնս  
քննել ինձի հետ բարեկամաբար :

Յետոյ երկար պատմական քննութեան մը մը-  
տաւ ցուցնելու համար թէ հրովարտակի մը հրա-  
տարակութիւնը փուճ բան մըն է : Իր հօրը կիւլ-  
հանէի հրովարտակին, և Հաթթը Շէրիֆի մասին ակ-  
նարկութիւններ ըրաւ : Վերջինը՝ մէկ կողմէն՝ Գաղղիաց-  
ւոց կուսակից Ալի և Ֆուատ փաշաներու, միւս կողմէն՝  
Անգղիացւոց կուսակից Թէշիտ փաշայի մէջտեղ վէճի  
նիւթ եղաւ, և վերջապէս երբ հրատարակուեցաւ, Շէյխ  
իւլ իսլամի և այլ Մահմետական առաջնորդներու մէջ  
խիստ թշնանական զգացումներ յառաջ բերաւ, սակայն  
և այնպէս, այս ամէնէն վերջը, անոր ալ գործնական  
արդիւնքը մեծ չեղաւ : Ինքը երբ գահը բարձրացաւ, իր  
հօրը հրովարտակին քանի մը պարերութիւնները ի գործ  
դրաւ, Բարլամէնիթ մը հաստատեց, որուն մէջ բաւական  
թուով տգէտ և տղայամիտ անձնաւորութիւններ գըտ-  
նուելուն դադրեցնել պէտք եղաւ : Ինք դատաստանա-  
կան վարչութիւնը բարեկարգած և նոր օրինագրքի մը  
ծնունդը տուած է : Ներկայ բարեկարգութիւնք նախ  
Հաթթի Շէրիֆին մէկ ուսումնասիրութիւնն են և իր  
գաղափարով պէտք չկար զանոնք հրատարակել ման-  
րամասնաբար : Ինք մամաւի միջոցաւ փոքրիկ ծանու-  
ցում մը ընել տուաւ, որ երբեմն բարեկարգութիւններ  
պիտի ի գործ դրուին, և այդ բաւական է, աւելի հը-  
րատարակում մը ո՛չ ոք ատկէ աւելի պիտի համոզէ : Իր  
նպատակն է բարենորոգութիւնները գործնականապէս  
կատարել, և յայնժամ մարդիկ պիտի հասկնան անոնց  
ի՞նչ ըլլալը :

Ի պատասխանի ես տակաւին պնդեցի այն ինսդրոյ  
մասին և ըսի որ, ամէն քաղաքակրթեալ երկիրներու

մէջ ի գործ դրուելիք օրէնքները նախ կը հրատարակւին : Նորին վեհ . թագուհւոյն կառավարութեանը գաղափարով կարեւոր է որ բարեկարգութեանց մանրամասնութիւնք ճանչցուին հանրութենէն , թէ ամէն մէկ վիլայէթի մէջ պէտք է որ հրատարակուին , նաև ամէն Հայ գիւղերու մէջ և տուներու առջեւ փակցուին :

Սուլթանը պատասխանեց թէ՝ պարագաները աւելի պիտի բացատրէ : Բաւ թէ ինք բարենորոգումները հըրատարակելու մտադիր էր , անոնք մամուլի յանձնուելու համար մանրամասնաբար ընդօրինակուած էին , հանդերձ ծանօթութեամբ՝ ցուցնելով թէ իւրաքանչիւր պարբերութիւն վիլայէթի ո՞ր օրէնքին կը պատկանէր : Ես անտարակայս գոյութիւն ունեցող օրինաց մի թարգմանութիւնը կարդացած ըլլալու եմ , հետեւաբար ինձ ծանօթ ըլլալու է որ բարեկարգութեան ծրագիրը իր մէջը նոր բան մը չի պարունակեր :

Ես պատասխանեցի թէ՝ ես այդ մասին տեղեկութիւն ունիմ , և Նորին Վեհափառութեան յիշել տուի որ քանի մը ամփաներ առաջ , երբ ինքը ինծի հարցուցած էր թէ այն բարեկարգութիւնները ի՞նչ էին որոնք մենք առաջարկելու մտադիր էինք , ես ըստ էի թէ անոնք արդէն հրատարակուած օրինաց մէջ չի գտնուող ոչինչ կը պարունակէին : Հետեւաբար շատ փափաքելի էր որ հանրութիւնը — թէ՛ Քրիստոնեաներ և թէ՛ Մահմետականներ — զայս գիտնային : Սուլթանը պատասխանեց թէ՛ այս ամէնը գիտնալով հանգերձ կրկին չէր համարձակած ո և ի ցէ հրատարակութիւն ընել : Սակայն կրկին պիտի խորհրդակցի նախարարաց և Սայիտ փաշային հետ հրովարտակի մասին , և արդիւնքը ինծի պիտի տեղեկագրէ : Կը յուսար որ ես քիչ մը բանաւոր պիտի ըլլայի և հաւատք ընծայէի յառաջ բերուած փաս-

տերուն անկեղծութեանը մասին, մինչեւ իսկ եթէ հրովարտակին հրատարակուիլը դարձեալ անպատշաճ համարուէր : Եթէ այս խնդիրները լուրջ կերպով քննէի, պիտի տեսնէի որ անոնք մեծապէս ոգտակար են թէ՛ Անդդիոյ և թէ Թուրքիոյ շահերուն :

Լօրս Սօլզպլրիի Թուրքիոյ Դեսպանին խօսածները(1)

«Թիւրքիոյ գեսպանին հետ այսօր ունեցած տեսակցութեանս միջոցին շատ մեծ եռանդով խօսեցայ Նորին Վանմութեան, Հայկական խնդրոյն նկատմամբ :

«Բայ որ իմ անկեղծ փափաքն էր որ Օսմանեան Կայսրութիւնը պահպանուի, և թէ Սուլթանին արդար իրաւունքները միջամտութիւններէ պաշտպանուին, բայց թէ ցաւով նկատողութեան առի որ Նորին Վեհափառութիւնը Անդդիոյ և Եւրոպայի մէջ այս խնդրոյ մաս եղած հանրային կարծիքներուն ճիշդ համապատասխանող ոչ մի քայլ չէ առած :

«Էական խնդիրը այն էր որ, Հայոց անաշառ կառավարութիւն մը երաշխաւորելուն համար միջոցներ ձեռք առնուին : Ինքնավարութեան բոլոր գաղափարները մերժեցի իբրևու անտեղի բաներ, և ես խնդրեցի անոնց համար ոչ մի առանձնաշնորհում, բայց միայն պարզ արդարութիւն . թէ Քրդեր պէտք չէ որ ճնշում բանեցնեն Հայոց վրայ, ոչ ալ Հայեր Քրդերուն : Այս նպատակին համար մատնանիշը ըրի որ, այս ներկայ պարագաներուն մէջ

(1) Այս և յաջորդ երկու նամակները Լօրտ Սօլզպլրի կուղղէ Պօլսոյ Անգլ. գեսպանատունը, իր Թիւրքիոյ գեսպան, Թիւրքէմ փաշայի հետ ունեցած խօսակցութեանը մասին : Կապոյտ Գիրք, Թիւրքիա, Յօմ. 1. 1896. էջ 94, 148, 123:

Փոքր Ասիոյ Արեւելեան մասը պէտք է դրուի կառավարչի մը իշխանութեան տակ, որուն վրայ Եւրոպան վստահութիւն ունենայ: Բաւական է որ անիկայ հաստատամիտ, ուղղագատ և հաւատարիմ ըլլայ, իր կրօնքը շատ քիչ նկատողութեան պիտի առնուի: Բայց անհրաժեշտ էր որ նա իր վրայ ունենար այս յատկութիւնները և ազատութիւն տրուէր իրեն ի պահանջել հարկին գործելու, առանց կ. Պոլսէն միջամտութիւն կրելու:

Յետոյ, շարունակելով յայտնեցի Ռիւսթէմ փաշային որ ես կը պնդեմ այն պահանջներուն վրայ, որոնք երեք պետութեանց կ. Պոլսոյ գեսպաններուն միջոցաւներկայացուեցան, և թէ ես պիտի շարունակեմ այն քաղաքականութիւնը, զոր ներկայ կառավարութիւնը ժամանգած է իր նախորդ պաշտօնատարներէն:

Ես պնդեցի որ Առւթանը այդ սկզբունքներով եղած պահանջներէն կարելի եղածին չափ շատերը ընդունելու է: Ես Նորին Վսեմութեան մտքին վրայ ազդու կերպով տպաւորեցի այն ահաւոր ու վտանգալից կացութիւնը, որուն մէջ ինձ կը թուէր թէ այժըմ Օսմանեան կայսրութիւնը կը գտնուէր: Պաշտօնիս նորէն համանելուս՝ զարմանքով տեսայ թէ անիկայ ո՞րքան մեծ տեղ մը կորուսած էր անգղիական հանրային կարծիքին մէջ: Անիկայ այլ եւս այս խնդրոյ մասին եղած դրդում մը չէր, հապա հաստատուն համոզում մը կ'աճէր, թէ՝ ոչինչ կը յուսացուէր Թիւրքիայէն բարեկարգութեանց կամ բարեփոխութեանց նըկատամամբ, և թէ՝ միակ ընել կարենալիք բանը յարաբերութիւնը դաղբեցնելն էր: Ես մատնանիշ ըրի որ վըտանգը չափազանց մեծ էր, և եթէ Առւթանը ժամանակին զգուշութիւններ ձեռք չառնէ, հարուածը գրեթէ անխուսափելի կերպով պիտի իջնէ իր գլխուն վրայ

իր ամենէնքիչ սպասած ատենը : Ես աւելցուցի թէ՝ Սուլթանին կառավարութեան դէմ ամեն կողմերէն գանգատներ լսեցի , և թէ Եւրոպայի կարծիքը առհասարակ նուազ նպաստառը է քան այն ատեն , երբ ասկէ առաջ պաշտօնի վրայ էի :

Կը խնդրեմ Ձեր Վասնութենէն որ հաճիք ինձ տեղեկագրել անմիջապէս , երբ որ և իցէ որոշում մը տըրթի Սուլթանին կողմանէ ի մասին բարեկարգութեան ծըրագրոյն այն մասերուն , զոր նա կրնոյ ընդունիլ :

### ԼՈՐՏ ՍՈԼԶՊԸՐԻ»

«Միւսթէմ փաշան այսօր այցելութիւն մը տուաւ ինձ տեղեկացնելու համար այն զիջումներու հանգամանաց մասին , զորս Սուլթանը կը պատրաստուէր ընել , ի մասին Հայկական Հարցին :

«Միւսթէմ փաշան պնդեց այն իրողութեան վրայ թէ խառնակութիւննք սկսած էին Հայոց անհանդարտութեան և կազմակերպեալ ապատամբութեան պատճառաւ , և թէ տեղի ունեցած ոճրագործութեանց այնքան Հայերը պատասխանատու են որքան թիւրք զօրքերը :

«Ես պատասխանեցի որ մեր տեսակէտով իր պաշտպանութիւնը բոլորովին անտեղինքէր : Մեր գանգատը այն է թէ կառավարութիւնը իրեն մասնաւոր պարտականութիւնը չէ կատած , թէ շատ մը նահանգաց մէջ ընկերութեան վիճակը պարզ անիշխանականութիւն է , այս յանցանքներէն արդարանալու համար խօսուած ժամանակ քիչ նկատողութեան կ'առնուի այն հարցումը թէ թշնամութիւննք Հայոց կողմանէ Տաճկաց դէմ եղած են , և թէ Տաճկաց կողմանէ Հայոց : Ես ըսի որ , իրաց այս ընթացքին պատասխանատութիւնը բոլորովին Սուլթանին վրայ կը ծանրանայ , և ես կը վախնամ որ ա-

նիկայ շրջապատուած է այնպիսի խորհրդականներէ, ու  
ըսնք ճշմարտութիւնը անոր աչքերէն կը ծածեն :

Զերդ  
ԱՕԼՉՊԸՐԻ

Տաճկական դեսպանը այսօր ինձ այցելութիւն մը  
տուաւ և շատ աղդու կերպով պնդեց Հայկական Բարե-  
նորոգումներու առթիւ կազմուելիք Խառն Հսկիչ Յանձ-  
նաժողովի մը կազմուելու աւանդնջին Սուլթանին կողմէ  
ընդունուելուն անկարելիութեանը վրայ : Նորին Վսե-  
մութիւնը պարզապէս տաճկական քաղաքականութեան  
հաւանական փոփոխում մը սպառնաց որ զի՞նքը պիտի  
առաջնորդէ բալորովին Ռուսիոյ ձեռքը յանձնուելու :

Նորին Վսեմութիւնը այս կերպով մէկ ժամէն աւելի  
վիճաբանեցաւ այս խնդրոյն վրայ, սակայն ոչ մի պատշ-  
ճառ յառաջ բերաւ, որոյ մասին Զերդ Վսեմութիւնը  
տեղեակ չըլլայ : Այն կէտը, որուն վրայ մամրամապնա-  
բար կը ծանրանար, սաէր թէ այս տեսակ որ և իցէ զիջո-  
ղութիւն մը Սուլթանին ազդեցութեամնը պիտի վեասէ  
և զայն վարկարեկէ յաչս մահետական հպատակաց :

\* \*

Մինչ Սուլթանը այսպէս դեսպաններուն՝ մանաւանդ  
Անգղիոյ դեսպանին հետ կը խաղար Պօլիս և ներսերն  
ալ ջարդերը ամենայն արագութեամբ շարունակել կու-  
տար, ուրիշ խաղ մըն ալ Լօրտ Սօլզպրիին կը խաղայ :  
Երբ սա Անգղիոյ ժողովրդեան գրգռուեած ժամանակը  
Նոյեմբերի սկիզբը՝ ի Կիլանոլ և ապա Պրայթըն՝ ա-  
տենաբանութեանց մէջ Սուլթանին դէմ խիստ լեզու-  
գործածելով կը դատապարտէր, կը սպառնար, Սուլ-  
թանն ալ պետութեանց անհամաձայնութեան և ճնշում  
գործածելու անկարելիութեան վրայ վստահացած՝ Լօրտ  
Սօլզպրիին պատգամներ կը զրկէր, իրը թէ Անգղիոյ  
պաշտպանութեանը կը փափաքի, և կը թախանձէ որ

Լօրտ Սօլզպըրի իրեն նպաստաւոր խօսի , և կը խոստանայ , և կրկին կը խոստանայ որ բարեկարգութիւնները պիտի գործադրէ , միայն թէ նախ երկիրը խաղաղելու է են , են . : Սուլթանին այս նշանաւոր պատգամները արդի լուսով՝ կարդալով ուրիշ մեկնութիւն չեն վերցըներ , եթէ ոչ սա որ Անգղիան ծաղրելու նպատակաւ եղած էին աղուէս Սուլթանին կողմէն : Սուլթանին այս պատգամները կը գտնուին գործոյս է . մասին մէջ :

Ի լրումն ամենայն խաղքութեանց Լօրտ Սօլզպըրի՝ սպառնալիքը քիչ մըն ալ առաջ տանելով նաւատորմիզը գէպի Տարտաննէլ շարժեց , և երբ ամէն կողմէն բան մը ըլլալու կը սպասէին , Հայոց ակնկալութիւնները վերջապէս իրականանալու վրայ էին , յանկարծ նաւատորմիզը կեցաւ ու քիչ մը վերջն ալ տմօթալի և խայտառակ կերպով ձեռնունայն ետ դարձաւ : Անգղիա պարտեալ ետ քաշուեցաւ ասպարէզէն՝ իր պաշտպանեալ Հայը ձգելով գաղան Սուլթանին վրէժխնդրութեանը : Ճիշդ ինչպէս որ Խաչալրաց ժամանակ իր թագաւորներէն մըն՝ առիւծասիրտն Ռիչարտ՝ ըրած էր 700 տարի առաջ , երբ որ Սալահէտափինի հետ կոռւած՝ 1192ի դաշինքէն կիլիկիոյ Հայերը դուրս թողած ու Արեւելքէն հեռանալով՝ Հայերը Սալահէտափինի վրէժխնդրութեան յանձնած էր : Բարեբաղդաբար Հայք ալ յայնժամ իրենց առիւծը ունենալով , Լեւոն Բ. , վերանասվանդէն աղատուեցան (Տես Էջ 325) :

### ԱՆԳՂԻՈՅ ՊԱՏԱՀԱԾ ԲՆԴԴԻՄՈՒԹԻՒՆԸ

Ահաւասիկ պաշտօնական աշխարհին մեղի տուածը . Կապոյտ գրքերուն քննութիւնը մեզ այն եղբակացութեան կը տանի թէ սարսափներու ժամանակ Անգղիոյ

ազդու կերպով միջամտելով Հայկական խնդրոյն գոնէ ժամանակաւոր լուծում մը տալուն, գոնէ թափուած արիւնին և վատնուած նիւթական ուժին համապատասխանող քայլ մը առնելուն արգելք հանդիսացողը Ռուսիան էր։ Սակայն Կապոյտ Գիրքերը ամէն բան չեն տար։ Անոնց պարզ ընթերցումը, ձգէ, մանրակրկիտ քննութիւնը, կը ցուցնէ թէ շատ պակասներ կան, դիւնագիտական ամբողջ թղթակցութիւնները չեն տար, այլ միայն որչափ որ արտաքին գործոց պաշտօնատունը կրնայ և յարմար կը սեպէ տալ։ Հարկաւ շատեր գաղտնի մնալու են, զորս միայն ապագայ պատմիչը պրպտելով անոր գիւաններէն լոյս աշխարհ պիտի բերէ։

Պէտք է խոստովանինք որ միայն Ռուսիոյ դիմադրութիւնը բաւական չէ Անգղիոյ այսչափ խայտառակ կերպով Հայկական գործէն ետ քաշուիլը մեկնելու։ Անպատճառ գաղտնի բան մը ըլլալու էր, և այնչափ ծանրակշիռ, որ Լօրտ Սօլզպէրին սահիպէր այս ամօթալի քայլը առնելու։ Մանաւանդ որ Անգղիա Լօպանօֆին աննպաստ տրամադրութիւնները գիտէր։ Լօպանօֆ գաղտնի պահած չէր զայն, Սասունի քօմիսիոնին անօգուտ ըլլալը յայտարարած էր բարեկարգութեանց ծրագիրը Դրան մատուցուելէն ալ առաջ, 1893 Մարտ 28ին, Հայերը ցրուած ժողովուրդ մը ըլլալով Հայաստան կոչուած երկիր մը չըլլալը կը պնդէր, Մայիս 7ին իսկ բարեկարգութեանց ծրագիրը պահած չի յաջողի կը գուշակէր, մանաւանդ Մայիս 30ին, բացարձակապէս կ'ըսէ թէ «Ոչ մեկ պարագայի տակ Ռուսիա ննօւում զործածելու նամար կը միանայ», թէ հրահանգ զրկած է Նէլիտօֆին (Պոլսոյ դեսպան) այդ տեսակ քայլ մը չառնել։ Յունիս 4ին նոյնը կ'ըսէ և պարզապէս կը յայտարարէ թէ հակառակ է Փոքր Ասիոյ մէջ նահանգ մը կազմելու գա-

զայիարին, ուր Հայք բացառիկ արտօնութիւններս վակսին ապագայ Հայկական թագաւորութեան մը համար աշխատիլ: Յունիս 49ին երբ Լ. Քիմաղըրլի Սուլթանին 48 ժամ միջոց տալ կ'առաջարկէր, Ռուսիայայտարարեց թէ Զարը ատոր չի հաճիր: Եւ այսպէս ամէն առիթիւ Ռուսիա կը ցուդնէր թէ Հայկական շարժման դէմ է, և ո՛ և է աստիճանի ճնշում գործածուելուն չի հաճիր:

Լորտ Սոլզպըրի իր հակաթիւրք շարժումը սկսելին առաջ ասիկայ գիտէր: Ինչպէս որ հնար չէ ենթադրել թէ Լորտ Սոլզպըրի միայն ցոյցի համար՝ առանց ինչ ընելիքը գիտնալու՝ տղայամտարար այս գործին մէջ նետուցաւ, նոյնպէս ալ հնար չէ երեւակայել թէ Լորտ Սոլզպըրի պէս պահպանողական մը, որ մինչեւ այն ժամանակ Թուրքիան պաշտպանած էր, Սուլթանին մեծամեծ ծառայութիւններ մատուցած էր, Ռուսիոյ անցեալ ու ներկայ տրամադրութիւնները լաւ գիտէր, Հայոց նկատմամբ այսպիսի դիրք մը բռնէ, Լոնտրայի Թիւրք գեսպանին այնպիսի սաստիկ յանդիմանութիւններ տայ, Սուլթանն ալ այնպէս գետնէ գետին զարնէ, դատապարտէ, սպառնայ, 15 օրուան մէջ իրարու ետեւէ Նոյեմբերին իր արտասանած Կիլահօլի և Պրայթընի ճառերուն մէջ, մինչեւ իսկ Անգղիոյ նաւատօրմիղը դէպի Պօլիս շարժումի մէջ դնէ, առանց հաշիւի առնելու թէ Ռուսիան պիտի հակառակի իրեն: Ոչ, աւելի հաւանական կ'երեւի թէ Լորտ Սոլզպըրի, Ռուսիան հաշիւի առած էր, բայց դէպք մը պատահեցաւ, անակընկալ մը, զոր հաշիւի առնել կրցած չէր, և որ գինք սափեց նահանջել:

Ի՞նչ էր այդ անակնկալը, ահաւասիկ ատիկա գաղտնիքը: Ամանք կ'ըսնն թէ այդ ժամանակ Ամերի-

կայի մէջ հողային խնդիրի մը համար Միացեալ Նա-  
հանգաց հետ վէճի բռնուելով, նախագահին սպառնա-  
կան գիրք բռնելն էր: Ուրիշներ աւելի հաւանականու-  
թեամբ կ'ենթադրեն որ Գերմանիոյ կողմէն էր արգել-  
քը: Թէ Գերմանիան այնչափ ալ ձեռնպահ կեցած չէր  
խնդիրին մէջ, թէ կայսրը անտարբեր աչօք չէր կրնար  
գիտել Անգղիոյ ազդեցութեան հաստատուիլը այն եր-  
կրին մէջ ուրիշ նա իր սիրական երկաթուղին պիտի  
անցընէր: Կը կարծուի թէ Ռուսիայէն աւելի Գերմա-  
նիա՞ն էր Սուլթանը դիմադրութեան գրգռողը, և որ  
Սւատրիոյ հետ Թուրքիան պաշտպանելու նպատակաւ  
Անգղիոյ հակառակ գաւաղբրութիւն մը նիւթած էր:

### ԴԻՑՈՂՈՒԹԻՒՆՔ ԲԱՐԵԿԱՐԳՈՒԹԵԱՆՑ ԾՐԱԳՐԻՆ ՎՐԱՅ

Դեսպանաց պատրաստած ծրագիրը մէկ մեծ պա-  
կաս մը ունէր, այն է երաժիշտաւորութիւն թէ՝ ծրագ-  
րին գծած բարեկարգութիւնք, մինչեւ իսկ եթէ ըն-  
դունուեին, պիտի իրօք գործադրուէի՞ն: Թէ ասիկայ  
ալ՝ նման հին ֆէրմաններու եւ համթերու՝ թղթի վրայ  
մնացած չոր և ստում մը պիտի չըլլա՞ր:

Լօրտ Ս? լպլր տեսաւ այդ պակասը և ուզեց  
դարմանել լայն: Իր առաջարկած Խառն: անձնաժու-  
ղովով, որ պիտի բաղկանար չորս թիւրքերէ և երեք պե-  
տութեանց ընտրած երեք Եւրոպացիներէ: Այս յանձնաժու-  
ղովը պիտի նստէր Վան, Պիթլիս, կամ Էրզրում և մո-  
տէն հսկէր գործադրութեան վրայ: Ասիկայ բոլոր ծր-  
ագիրէն անհամեմատ լաւ բան մըն էր, ամենալաւ-  
բանը որ Անգղիա կրնար ընել Հայոց համար: Այն իրու-  
ղութիւնը որ Դուռը աւելի նախընտրեց գեսպանաց ծր-  
ագիրը ընդունիլ քան թէ այսպիսի մի Թօմիսիոն, ա-  
պացոյց մըն է ասոր աւելի ազդու միջոց մը ըլլալուն:

Ի՞նչ օգուտ որ Լոպանօֆի առարկութեանց վրայ թուլնալով՝ Սոլզպըրի տեղի տուաւ այս Խառն Քօմիսիօնի մասին ալ :

Ժամանակին շատ խօսուեցաւ Դեսպանաց պատրաստած բարեկարգութեանց ծրագրին (մայիս 11), և Դրան ըսդունածին (17 հոկտ.) մէջտեղը եղած մեծ տարբերութեան վրայ : Առաջինը երկրորդէն շատ լաւ կարծուեցաւ առ հասարակ : Սակայն մօտէն քննութիւն մը կը ցուցնէ թէ իրարմէ շատ ալ տարբերութիւն չունին, և երկուքն ալ ո և է յարգ չեն կրնար ունենուլ, քանի որ գործադրութիւնը երաշխաւորող ապահովութիւն մը չի կայ, հսկողութեան միջոց մը տրուած չէ :

Որովհետեւ այժմ Հայերը կառավարող վարչական օրէնքն է այս, ասոնց երկուքն ալ դրած ենք է. մասին մէջ, որպէս զի ամէն ոք ձեռքը ունենայ զանոնք և անձամբ կարենայ բաղդատել իրարու հետ : Մենք միայն հետեւեալ դիտողութիւններով կը բաւականանանք :

Թէ՛ դեսպանաց և թէ՛ Դրան ծրագրին մէջ չի կայ բան մը որ նոր ըլլայ, որ հին ֆէրմանները կամ օրինագիրքը տրամադրած չըլլան : Դուռը ասիկայ մատնանիշ ընելով՝ այսպիսի իբր թէ նոր ծրագիր մը հարկ չըլլալը ցուցնելու նպատակաւ՝ միշտ արդէն գոյութիւն ունեցաղ Օսմաննեան հին կանոնագրութեանց կոչ կ'ընէ :

Կարեւոր երկու տրամադրութիւններ կային դեսպանաց առաջարկին մէջ, որոնք աստիճան մը կրնային երաշխաւորել քրիստոնէից իրաւունքները, և բարեկարգութեան գործադրութիւնը : Բայց Սուլթանը ատոնց երկուքն ալ մերժելով, բոլոր ծրագիրը անհետեւանք մը՝ նաև դատապարտեց : Ասոնց մին էր Վալիներու և Բարձր Քօմիսէրի ընտրութեան մէջ պետութեանց մաս-

նակցութիւնը, և միւսը՝ վարչալին պաշտօններու մէջ քրիստոնէից մասնակցութեան որոշ չափը ճշդելը :

Այս վերջինը արդէն սկզբունքով ընդունուած էր Դռնէն, բայց միշտ անորոշ թողուած էր, «Պատօննեայք առանց կրօնի եւ ազգի խորութեան պիտի ընտրուին » աղօտ ասացուածով ձգուած էր: Դռուն ալ քանի մը Հայեր անկարեւոր պաշտօններու կարգելով՝ Թուրքիոյ մէջ հաւասարութիւն մտցուցած կը յայտարարէր: Դեսպանաց ծրագիրը վարչային երրեակ դրուքիւն մը կը սահմանէ Հայաբնակ գաւառաց համար: Պաշտօննեայք, Վալի, Միւրեսարք, Գայլազամ և Միւտիր բնակչաց մեծամասնութեան պիտի վերաբերին և անոնք ալ Մուավիններ (օքնական) ունենալով, այս Մուավիններ փոքրամասնութեան պիտի վերաբերին: Նաև ո՛ և է ժամանակ Վիլայէթի մը Միւթէսարքին և Գայլազամներուն ամբողջ թուոյն մէկ երրորդը՝ և ոչ պակաս՝ միշտ քրիստոնեայ պիտի ըլլայ:

Այս որոշ կարգադրութիւնը որ փախուստի ճամբայ չի թողցներ, Դրան գործին չի գալով փոխեց զայն, և քրիստոնեաններէն միայն Մուավիններ ընտրել խոստացաւ, ըսել ուզելով թէ՝ քրիստոնեայք պետութեան ոչ մէկ կողմը մեծամասնութիւն կը կազմեն, այլ ամէն տեղ միայն փոքրամասնութիւն են, և այսպէսով դեսպանաց պնդածը ջրել ուզեց: Դեսպանք այսպէս իրենց ծրագրին էական մասին նկատմամբ տեղի տալով, ամէն ինչ կրկին Թիւրքին ձեռքը յանձնած եղան առանց երաշխաւորութեան:

Ասով ծրագրին ուրիշ բարի արամադրութիւններն ալ, զորս Դռուն ալ ընդունեց, ո՛ և է կարեւորութիւն և արդիւնք չունեցան, քանզի չի գործադրուեցան: Այսպիսի ապարդիւն մնացած բարի արամադրութիւններէն գլխաւորներն են.

Վարչական բաժանումները փոխելով համացեղ տար-  
րերուն մէկտեղ խմբումը :

Քիւրտերուն գաղթումներուն վրայ հսկելու պաշ-  
տօնով Աշիրէթ Մէմուրիի մը հաստատութիւնը :

Զէնք կրելու մասին եղած օրէնքը Քիւրտերուն հա-  
մար ալ ի գործ դրուելու խոստումը :

Հարկերու հաւաքման ժամանակ բռնութիւն չի  
գործածելու, պիտանի իրեղէններ, անասուններ և կա-  
րեւոր գործիքներ չի ծախուելու օրէնքը :

Չրի աշխատութեանց, կամ սստիկանաց, զօրաց և  
հարկահաւաքի կերտկուր և ձիերուն կիր տալու դրու-  
թեան, տասանորդի վարձակալութեան ջնջուիլը, և դա-  
տարանաց համար սահմանուած օրէնքներ, բոլորն ալ  
հետեւանք չունեցան, և ո և է փոփոխութիւն մը յառաջ  
չի բերին, և չէին կրնաց յառաջ բերել :

Մինչեւ իսկ եթէ վալին, Միւթէսարը Փը, և Գայժմա-  
գամը քրիստոնեայ ըլլային՝ դեսպանաց ծրագրածին հա-  
մեմատ և աւելի՝ կրկին մեծ բան մը անկնկալել հնար  
չէր : Քանզի նախ՝ որ Դրան քրիստոնեայ պաշտօնեա-  
ները Թիւքերէն լաւ չեն, և երկրորդ՝ եթէ լաւ ալ ըւ-  
լան քանի որ Դրան կամքէն և քմահաճոյքէն կախուած  
են, բան մըն ալ չեն կրնար ընել :

Իսկ Բարձր Գօմիսէրի մը ժամանակաւոր պաշտօնէն  
շատ բան չէր կրնար յուսացուիլ : Եւ իրօք Սուլթանը  
Ծաքիր փաշան այդ պաշտօնով ժամանակ մը դրկեց գա-  
ւառները, դեսպանք ալ կամայ ակամայ ճանչցան անոր  
պաշտօնը, բայց բան մը չի կատարեց : Եթէ մինչեւ  
իսկ դեսպանք իրենց Թիւքը պաշտօնեայ մը ընտրէին  
այդ պաշտօնին, կրկին անօգուտ կ'ըլլար, եթէ Դրան  
իրաւասսւթեան տակ դրուեր նաև Գուռնէն ու Սուլթա-

նէն անկախ հեղինակութիւն մը պէտք է ո՛ և է բարեկարգութիւն ի գործ դնելու համար :»

### Փ. Բ.

Սուլթանին, ու եւրոպական դավիճներուն և մասնաւորապէս բրիտանական կառաջարութեան մի ջեւ տմիսներով փոխանակուած թղթակցութիւններուն և բանակցութիւններուն առանցքը կը կազմէր Հայկական Բարենորոգաւմներու ծրագիրը, որ, Պոլսոյ անգլիական, ֆրանսական ու ռուսական մեծ դեսպաններուն կողմէն 1895 մայիս 14ին ներկայացուած էր Բ. Դրան, Յիշաւակագրի մը հետ :

Ահաւասիկ այդ երկու վաւերաթուղթերը, որոնք ամփոխուած են 1896ի անգլիական Կապոյտ Գրքի թ. 1 և 8, էջ 35—40, և 46—55ի մէջ :

### ՅԻՇԱՏԱԿԱԳԻՐ

Մարտ—Ապրիլ 1895

Ասոր կցուած Ծրագիրը կը պարունակէ իր մէջ բոլոր այն Բարենորոգումները, որոնք անհրաժեշտ է որ մտցուին ստորեւ նշանակուած վիլայէքներու վարչային, ելմտական ու դատաստանական կազմուկերպութեանը մէջ : Յարմար դատուեցաւ առանձին Յիշատակագրով մը ներկայել վարչային բարեփոխութեան որոշ միջոցները, որոնք դուրս են թէեւ անոր շրջանակէն, բայց դիմաւ ուր հիմերը կը կազմնեն նոյն այդ բարեփոխութեանց, և

որոնց գործադրութիւը Բ. Դրան կողմէն՝ աւագ կարեւորութիւն ունի :

Ասոնք են հետեւեալները .

1. Պակսեցնել վիլայէքներուն թիւը :

2. Երախսաւորել վալիներուն ընտրութիւնը :

3. Քաղաքական Հայ բանտարկեալներուն և դատապարտեալներուն ընդհ. ներումը :

4. Հայ գաղթականներուն և աքսորեալներուն վերադարձը :

5. Ընդհանուր քրէական առկախ մնացած դատերուն վերջնական լուծումը :

6. Քննել բանտերուն ու բանտարկեալներուն վիճակը :

7. Նշանակել Բարձր Գօմիսէր մը, նահանգներուն մէջ մտցուելիք բարենորոգումներուն գործադրութեանը վրայ հսկելու համար :

8. Հաստատել Մնայուն Վերահսկող Գօմիթէ մը Պոլսոյ մէջ :

9. Սասունի, Տալվորիկի և ուրիշ տեղերու դէպքերէն տուժած Հայերուն մնասուց հատուցումը :

10. Կանոնաւորել կրօնափոխութեան հետ առնչութիւն ունեցող գործերը :

11. Պահպանել և ճշդիւ գործադրել Հայերուն շընորհուած իրաւունքներն ու առանձնաշնորհումները :

12. Բարելաւել Ասիական Թուրքիոյ միւս նահանգներու Հայերուն կացութիւնը :

1. Պակսեցնել վիլայէքներուն թիւը .— Քանի որ Բարենորոգումները պէտք է մտցուին էրզրումի, Պիթիսի, Վանի, Սվաղի, Մամուրէթ-Իւլ-Աղիզի ու Տիարպէքիրի մէջ, կարեւոր է ուսումնասիրել վիլայէքներուն թիւը պակսեցնելու հարցը : Այս նոր բաժանումով կա-

բելի է իրագործել վարչական ընդհանուր ծախքերու ռ-  
րոշ խնայողութիւններ, և վալիներուն թիւը պակսեցը-  
նելով, թերեւս դիւրացնել անոնց ընտրութիւնը, միեւ-  
նոյն ժամանակ բարձրացնել անոնց հեղինակութիւնը,  
բարելաւելով իրենց նիւթական վիճակը։ Ու այդ ամէնը  
կատարել պէտք է այնպիսի եղանակով մը, որ ազգա-  
բնակութեան բաժանումը վերածուի այնպիսի ցեղագրա-  
կան խումբերու, որոնք մէն մի նահանգի վարչական  
ստորաբաժանումներուն մէջ ըստ կարելւոյն համացեղ  
ըլլան(\*) :

2. Երաժիւաւորել վալիներուն ընտրութիւնը։ — Մեծ  
տէրութիւնները՝ աւագ կարեւորութիւն տալով վալի-  
ներու ընտութեան, որոնցմէ էապէս կախում պիտի ու-  
նենայ Պերլինի դաշնագրով նախատեսուած բարենորո-

(\*) ԱՌԱՅՈՒԹ. — Տասը տարի շարունակ, 1875ին առաջ,  
Երգրումի «Էլալերը (որջան) բաղկացած եր նետեալ  
գաւառներեն, — Զրլըր, Կարս, Երգրում (այժմեան վի-  
լայերը), նոյնպէս Վան, որ կը պարունակեր իր մէջ  
Հետեար, Պիրլիս եւ Մոււ։ Այդ Էլալերը, 1877—78 թ.  
պատերազմին յետոյ, նետզնետէ բաժնուեցաւ նինգ վի-  
լայերի, եւ երկրին այն մասը, որ մեաց թուրքիոյ ձեռ-  
քը, բաժնուեցաւ նետեալ վիլայերներու։ Երգրում,  
Վան, Հետեարէ եւ Մոււ։ Այնուհետեւ Հետեարէ գաւա-  
ռը նորէն միացուեցաւ Վանի վիլայերին, իսկ Մոււի  
գաւառը՝ նոր կազմուած Պիրլիսի վիլայերին։ Այդ ժա-  
մանակին սկսեալ՝ Մամուրէր-իւլ-Ազիզ «սաննազը»  
դարձաւ «վիլայեր», որուն նետ միացուեցան մեկ հանի  
հարեւամ նողեր։ Այն ինչ, Տերափմի վիլայերը կրկին  
դարձաւ սաննադ, հարբերդի վիլայերին մէջ։

գումաներուն իրագործումը, որոշած են Բ. Դրան ազ-  
դարարութիւններ ուղղել ամէն անդամ, երբ պաշտօնին  
անյարմար անձ մը վալի կ'ընտրուի: Ուստի անոնք ան-  
հրաժեշտ կը համարին որ, այս կէտերու վերաբերու-  
թեամբ անհաճոյ թիւրիմացութիւններէ զերծ մնալու հա-  
մար, օսմաննեան կայսերական կառավարութիւնը վա-  
զօրօք, կէս-պաշտօնական ձեւով իմացնէ այն անձե-  
րուն անունները, որոնց ընտրութիւնը կ'առաջադրուի:

3. Ընդհանուր ներում.—Ն, Կայս. Վեհ. Սուլթա-  
նը պէտք է ընդհանուր ներում չնորհէ բոլոր այն Հա-  
յերուն, որոնք ամբաստանուած կամ դատապարտուած  
են քաղաքական յանցանքներու համար, և որոնց հան-  
րային իրաւունքի դէմ գործուած սճիրներու մէջ մաս-  
նակցութիւնը չէ՝ ապացուցուած:

Գաղքականներուն վերադարձ. — Բոլոր Հայերը,  
ի՞նչ կրօնի ալ պատկանին, որոնք առանց դատաստանի  
արտաքսուած են Օսմաննեան պետութեան սահմաննե-  
րէն կամ իրենց բնակած գաւառէն, և կամ որոնք, աղ-  
քատութեան պատճառաւ կամ վերջերս պատահած դէպ-  
քերու երկիրզէն, առանց ասոնց մէջ ո՛ և է մասնակ-  
ցութիւն ունեցած ըլլալու, ստիպուած են պանդխտել,  
արտօնութիւն պէտք է ստանան ազատօրէն վերադառ-  
նալու թուրքիա կամ իրենց թողելու ստիպուած գա-  
ւառները, առանց ո՛ և է ճնշուած կրելու տեղական իշ-  
խանութիւններուն կողմէն: Անոնք պէտք է վերստա-  
նան երկրէն գաղթելէ առաջ իրենց ունեցած նախկին  
սեփականութիւնները:

5. Առկախ մնացած դատերաւն լուծումը. — Ընդ-  
հանուր քրէական յանցանքներու և սճիրներու բոլոր  
խնդիրները, որոնց դատական քննութիւնը ցարիք առ-  
կախ կը մնայ, պէտք է առանց յետաձգման լուծում

ատանան : Կ . Պոլսէն մասնաւոր Դատաստանական Յանձնաժողովներ պիտի զրկուին ամէն վիլայէթ , որոնք իւրաքանչիւր սաննագի կեդրոնին մէջ պիտի շուտով քըննեն ու վերջ տան առկախ մնացած դատերուն : Ասոնց վճիռներուն դէմ չպիտի բողոքուի : Այդ Յանձնաժողովները պիտի բաղկանան մէկ նախագահէ և երկու անդամներէ , մէկը՝ մահմէտական , միւսը՝ քրիստոնեայ : Ասոնց ախտի ընկերանան մէկ հարցաքննիչ դատաւոր և մէկ դատախազ . այս վերջիններէն մէկը քրիստոնեայ պէտք է ըլլայ :

6. Բանտերու վիճակը .— Կ . Պոլսէն բարձրաստիճան պաշտօնատարներ պիտի զրկուին իւրաքանչիւր վիլայէթի բանտերը քննելու և ասոնց իրական վիճակը որոշելու , նաև քննելու բանտարկեալներուն վիճակը , և թէ ի՞նչպէս կը պահուին անոնք : Պիտի քննեն նաև տնօրէններուն ու բանտապահներուն վարժունքը , և պիտի լիազօրութիւն ունենան անմիջապէս պաշտօնանկ ընելու կամ դատաստանի ենթարկելու ամէն անոնք , որ բանտային օրէնքներով սահմանուած կանոնները չե՞ն գործադրած , դատապարտուածներուն կամ վճիռնին սպասողներուն նկատմամբ : Այս բարձրաստիճան պաշտօնատարներուն իւրաքանչիւրը պիտի ունենայ մէկ օգնական , որ պէտք է քրիստոնեայ ըլլայ , և թէ պաշտօնատարը մահմէտական է , և փոխադարձարար : Սնոնք , առ առաւելն չորս ամսուան մէջ , պարտաւոր են պատրաստել տեղեկագիր մը , որ պիտի պարունակէ իրենց բոլոր դիտողութիւնները , իրը արդիւնք իրենց յանձնուած պաշտօնին , ինչպէս նաև բոլոր բարեփոխումները , որոնք անհրաժեշտ են բանտերու վիճակը , և բանտի պաշտօնեաններուն գործունէութիւնը բարելաւելու :

7. Վերահսկող Բարձր Գօմիսերը .— Նոր վալինե-

քը, հէնց ո՛ կը նշանակուին, պէտք է եղթան նահան-  
գին գլխաւոր քաղաքը, նոր ծրագրի հիմերուն համա-  
ձայն կազմակերպելու համար նոր վարչութիւնը :

Անոնք պիտի իրենց պաշտօնին վրայ հաստատեն  
կառավարութենէն նշանակուած միւրէսարրի Ֆները,  
գայմագամները, և պիտի որոշեն իւրաքանչիւր գազայի  
մէջ գտնուող նահիյէներուն սահմանները : Անոնք ընտ-  
րելիներու ցանկ մը պատրաստել տալով պիտի կատա-  
րեն նահիյէներու ժողովներուն ու Միւլափրներուն ընտ-  
րութիւնը : Անոնք պէտք է ուշադիր ըլլան որ՝ անյա-  
պաղ ընտրուին հարկահաւաքները, և ո՛րքան կարելի է  
շուտով կատարուին նահանգին պիւտճէին որոշումը,  
ինչպէս նաև զանազան վարչային ստորաբաժանումնե-  
րուն մէջ տուրքերուն բաշխումը և ծախքերու վերա-  
բերեալ կարգադրութիւնները : Այս բարենորոգումներու-  
կէտ առ կէտ ու շուտով գործադրութեանը պիտի հսկէ  
Բարձր Գօմիսէր մը, որ պիտի կարգուի յատկապէս  
նորին Վեհ . Սուլթանին կողմէն, և որ պէտք է ար-  
ժանացած ըլլայ Մ'նձ Տէրութեանց հաւանութեանը : Իր  
պաշտօնավարութեան ամբողջ ընթացքում, ասիկա լիա-  
զօր իշխանութիւն պիտի ունենայ վալէներուն վրայ,  
որոնք պարտաւոր են իրեն զեկուցանել բոլոր միջոցնե-  
րը, որոնց պիտի ձեռնարկեն նոր կանոնները գործադ-  
րելու համար :

Կայսերական այս Բարձր Գօմիսէրը խնդրագիրներ  
ու աղերսագիրներ պիտի ընդունի բնակիչներուն կող-  
մէն, և պիտի զանոնք նկատի առնէ նոր կազմակեր-  
պութեան կանոններուն ներած չափովը : Անիկա իր  
պաշտօնը պիտի լրացնէ, երբ ընդհանուր քննութիւն  
մը կտարէ բոլոր վիւայէթներուն մէջ և իրաւասու-  
թիւն պիտի ունենայ արգիլելու այն միջոցները, որոնք

նոր կաղմակերպութեան և կանոններուն համաձայն, չեն կրնար գործադրութիւն :

Կայսերական Բարձր Գմբինէրը պիտի ռանենայ օդ-նական մը, որ քրիստոնեայ պէտք է ըլլայ, երբ Գօմի-սէրը մահմէտական է, և փոխադարձաբար :

8. Գօնիքովի մնայուն յանձնաժողովը.— Բ. Դրան մէջ պիտի հաստատուի Գօնթրովի Մնայուն Յանձնաժո-ղով մը, ու պիտի հսկէ Բարենորոգումներուն ճշգրիտ գործադրութեանը : Յանձնաժողովին նախագահը կայս-րութեան քաղաքային կամ զինուորական բարձրաստի-ճան պաշտօնատարներէն մէկը պէտք է ըլլայ : Յանձ-նաժողովը պիտի կազմուի կայսրութեան քաղաքային բարձրաստիճան պաշտօնեաններէն առնուած վեց անդամ-ներէն, որոնք հմաւտ պէտք է ըլլան վարչական, ելք-տական և դատական ինսդիրներու : Ասոնցմէ երեքը մահմէտական և երեքը՝ քրիստոնեայ պէտք է ըլլան :

Այս Յանձնաժողովը Բ. Դրուոր պիտի նիստ գու-մարէ ամիսը գոնէ մէկ անգամ :

Յանձնաժողովին պաշտօնը պիտի ըլլայ.— հսկել օ-րէնքներուն և կանոններուն ճշգրիտ գործադրութեանը վրայ, հրաւիրել Բ. Դրան ուշադրութիւնը վարչու-թեանց մէջ տեղի ունեցող անկանոնութեանց և իրենց պարտականութեանց մէջ թերացած պաշտօնեաններուն վրայ . ընդունիլ աղերսագիրներ և վերահասու ըլլալ ժողովուրդի փափագներուն ու գանգատներուն, քըն-նել նաև ժողովուրդի ներկայացուցիչներուն կողմէն իրեն ուղղուած տեղելագրերը :

Դեսպանուերն այ այդ Յանձնաժողովին պիտի հաս-ցընեն իրենց թարգմաններուն միջոցաւ իրենց անհրա-ժեշտ նկատած բալոր տեղեկութիւններն ու թղթակցու-թիւնները :

Յանձնաժողովը իրաւասութիւն պիտի ունենայ վաշիներէն պահանջելու տեղեկագրեր, իրեն քննութեան առարկայ ըլլալիք խնդիրներու նկատմամբ։ Վալիները պարտաւոր են տարին երկու անգամ այս Յանձնաժողովին զրկել բանտերուն և բանտարկեալներուն վրայ մանրամասն տեղեկագրւթիւններ։

Յանձնաժողովը՝ իրաւունք ունի, ի պահանջել հարկին, իր անդամներէն մէկը կամ մէկքանիները վիլայէթները զրկել, քննական պտոյտ կատարելու։ Յանձնաժողովը Բ. Դրան տեղեկագիրներ պիտի յանձնէ բուլը այս հարցերու մասին, և իրաւունք պիտի ունենայ անմիջական յարագերութեան ստուելու վարիներուն և նախարարական ձեռնհաս պաշտօնատուններուն հետ։

9. Սասունի, Տալվորիկի եւ ուրիշ Տեղերու դեպքերէն Տուժած Հայերուն վնասուց հատուցումը.—Սասունի, Տալվորիկի և ուրիշ տեղերու դէպքերուն մէջ թէ՛ անձի և թէ ստացուածքի կորուստ ունեցող Հայերը պէտք է համահաւասար փոխարինում ստանան։

Կայսերական Վերահսկիչ Բարձր Գօմիսէրին պաշտօն պիտի յանձնուի ուսումնասիրել այդ գործը և ձեռք առնել նպատակայարմար միջոցներ։

Ժ. Կրօնափոխութիւն. — Բ. Գուռը պէտք է խընամք տանի որ կրօնափոխութեան խնդիրը երաշխաւորուած ըլլայ ապահովիչ, սկզբունքներով, որոնք կը բոլիսին 1856ի Խաթթը Հիւմայունի 40, 41, 42 յօդւածներուն տրամադրութիւններէն, և որոնք յաճախ մնացած են առանց գործադրութեան։

Կրօնափոխ ըլլալու փափագող անհատներ պէտք է չափահաս ըլլան, բայց իրենց յայտարարութենէն մէկ չաբաթ ետքը միայն կրօնափոխ ըլլալ, պայմանով որ այդ չաբթուան ընթացքում, իրենց դաւանած կրօնի պետին հսկողութեանը տակ դրուին։

11. Հայոց առանձնաւորհումներուն պահպանումը .—Բ. Դուռը պէտք է որոշ հրահանգներ տայ արդիւկու որ չը խախտուին հայոց եկեղեցականութեան ու հայ հասարակութեան իրաւունքներն ու առանձնաշընորհումները , որոնք իրենց յատկացուցուած են 1863ի Սահմանադրութեան և Սուլթաններու Պէրաթներուն շնորհիւ :

12. Ասիական Թուրքիոյ միւս վիլայեթներուն Հայոց վիճակը .—Ասիական Թուրքիոյ միւս վիլայէթներուն մէջ , ուր հայ բնակչութիւնը՝ ընդհանուր ազգաբնակութեան հետ բազդատուելով մեծաժամնութիւն կը կազմէ որոշ սամնազներու մէջ , վալիներուն քով պէտք է զրուի քրիստոնեայ պաւտօնեայ մը , որուն պիտի յանձնուի մասնաւորապէս Հայոց շահերուն պաշտպանութիւնը : Այդ պաշտօնեան պէտք է ընդունի հայ ազգաբնակութեան ազերսազրերն ու գանդատները և զանոնք պիտի ներկայացնէ վալիին , որ իրեն հետ խորհրդակցելէ յետոյ , մասնաւոր ուշադրութիւն պիտի ընծայէ անոնց պարունակութեան :

Ատկէ զատ , այդ պաշտօնեան պէտք է կանոնաւորապէս տեղեկագիրներ զրկէ կ . Պուսոյ Վերահսկիչ Մնայուն Յանձնաժողովին :

Եթէ վիլայէթներուն մէջ տեղեր կան — ինչպէս Հանըն՝ Ատանայի վիլայէթին մէջ և Զերուն՝ Հալէպի վիլայէթին մէջ — , ուր Հայերը բնակչութեան մեծամասնութիւն կը կազմեն , վարչական արդի կազմակերպութիւնը պէտք է բարեփոխուի և նախիյեներու կազմութեան վերաբերեալ Ծրագրին տրամադրութիւնները պէտք է այդ գիւղերուն մէջ ալ գործադրուին , որոնք այս կերպով պիտի կազմեն վարչական ուրոյն միութիւններ :

# ԾՐԱԳԻՐ

## ՎԱՐՉԱԿԱՆ ԲԱՐԵՆՈՐՈԴՈՒՄՆԵՐՈՒ

(Բ. Դրան մատուցուած, 1895 Մայիս 11ին)

ՀԱՅԿԱԿԱՆ ՎԵՅ ՆԱՀԱՆԳՆԵՐՈՒՆ ՀԱՄԱՐ

(Երզրումի, Պիբլիսի, Վանի, Սվագի, Մամուրեբ-  
իւլ-Ազիզի եւ Տիարպէհիրի հիմակուան  
վիլայէթները)

ԳԼՈՒԽ Ա. — Վալիներ

Յօդ. 1. — Վալիները կ'ընտրուին առանց կրօնի խտրութեան, պետութեան բաձրաստիճան պաշտօնեաներէն, որոնք բարձր իմացականութեան, ընդունակութեան և ուղղամտութեան տէր մարդեր ճանչցուած են: Հետեւաբար, այն անձնաւորութիւնները, որոնց անուանումը ընդհանուր դժբուութեան առիթ կուտայ և հանրային ու քաղաքական պատճառներով անյարմար կը նկատուի, պէտք չէ՛ նշանակուին վալիութեան պաշտօնին մէջ:

Բ. Դուռը համոզուած ըլլալով որ Բարենորոգումներուն և ձեռք առնուելիք միջոցներուն արդիւնաւոր գործադրութիւնը կախում ունի վիլայէթներու վարչութեան գլուխը գրուելիք անձերու բարձր յատկութիւններէն, պէտք է ամէն ջանք ի գործ դնէ որ կառավարութեան կողմէն ընտրելի նշանակուած այդ պաշտօնեաները՝ ունենան պահանջուած յատկութիւնները:

Յօդ. 2.— Այդ եղանակով նշանակուած վալիները կարելի չէ՛ պաշտօնանկ ընել կամ փոխել, մինչեւ որ

անոնք, վաւերական քննութենէ մը յետոյ իրենց ապօռինի արարքներով յանցապարտ հոչակուած շըլլան :

Անոնք հիսք տարուան համար կ'ընտրուին և վերընտրելի են :

Յօդ. 3.— Վալիները պէտք է ունենան մուավինեներ (օգնական), որոնք պիտի ընտրուին քրիստոնեաներէ, երբ վալիները մահմէտական են, և մահմէտականներէ՝ եթէ վալիները քրիստոնեայ են :

Մուավինները, ինչպէս նաև վալիները, պիտի կարգուին Ն. Կ. Վ. Սուլթանին կողմէն :

Մուավինները պիտի յատկապէս վալիի կողմէն զըրկուին նահանգի բնակիչներէն խնդրագրեր ընդունելու, ոստիկանութեան և բանտերուն վրայ հսկելու և հարկերու հաւաքումը գօնթրոլի մը տակ առնելու : Վալիներուն բացակայութեան միջոցին, իրենք պիտի կառավարեն վիլայէթը : Վալիին պիտի աջակցի նաև ստորեւ գծուած պայմաններուն համաձայն ընտրուած Ընդհանուր ժողովը, որուն պարտականութիւնը պիտի ըլլայ իրենց խորհրդակցութեան տուարկայ ընել հանրային օգտին ծառայող գործերը, ինչպէս են՝ հաղորդակցութեան ճամբաներու շինութիւնը, երկրագործութեան, վարկի սնտուկներու կազմակերպումը, երկրագործութեան, վաճառականութեան և ճարտարարուեստի դարդացումը, և հանրային կրթութեան ծաւալումը :

#### ԳԼՈՒԽ Բ. — Միւրեսարրքներ

Յօդ. 4.— Միւթէսարրքները, որուք սանձագներու գլուխը պիտի անցնին, Ն. Կ. Վ. Սուլթանին կողմէն կը կարգուին : Մէն մի վիլայէթի մէջ որոշ թիւով քրիստոնեայ միւթէսարրքներ պէտք է ըլլան : Քրիս-

առնեայ . միւթէսարբըֆները պէտք է նշանակուին այն սաննագներու մէջ , ուր քրիստոնեաները մեծամասնութիւն կը կազմեն : Վիլայէթներու մէջ , ուր միայն մէկ միւթէսարբըֆ կայ , պէտք է անպայման քրիստոնեայ ըլլայ ան , եթէ վալին մահմէտական է :

Միւթէսարբըֆները մուավիններ պիտի ունենան , որոնք քրիստոնեայ պէտք է ըլլան , եթէ միւթէսարբըֆը մահմէտական է , և փոխադարձարար : Միւթէսարբըֆներուն բացակայութեանը միջոցին՝ մուավինները պիտի կատարեն միւթէսարբըֆի պաշտօնը :

### ԳԼՈՒԽ Գ . — Գայմագամներ

Յօդ . 5 . — Գայմագամները Ն . Կ . Վ . Սուլթանին կողմէն կ'անուանուին վալիին առաջարկութեան համաձայն : Ասոնք վալիին ձեռքով կ'ընտրուին այն անձերու մէջէն , որոնք ժողովուրդին վստահութիւնը կը վայելեն ու գոյութիւն ունեցող օրէնքները լիուլի կը գոհացնեն :

Իւրաքանչիւր սանճագի մէջ որոշեալ թիւով քրիստոնեաներ այս պաշտօնին պիտի կոչուին : Քրիստոնեայ դայմագամներ պէտք է նշանակուին այն գաղաներու մէջ , ուր քրիստոնեաները մեծամասնութիւն կը կազմեն :

Յոդ . 6 . — Ո՛ և է պարագայի տակ , քրիստոնեայ միւթէսարբըֆներուն ու գայմագամներուն թիւը՝ ամբողջ վիլայէթին մէջ գտնուող միւթէսարբըֆներուն ու գայմագամներուն թիւին մէկ երրորդէն պակաս չե՛ կրնար ըլլալ :

Գայմագամն ալ , միւթէսարբին նման , պէտք է ունենայ մուավին մը , որ կ'ըլլայ քրիստոնեայ , եթէ գայմագամը մահմէտական է , և փոխադարձարար :

Միւթէսարբըֆներն ու գայմագամներն ալ , պէտք է սասունէն ԵՏՔ

իրենց քով ունենան Նահանգային ընդհանուր ժողովներուն նման ժողով մը :

Դազայի ժողովը կ'ընտրուի նահիյէներու ժողովներու կողմէն, և սանհագի ժողովը՝ գազաներու ժողովներուն կողմէն։ իսկ նահանգային ընդհանուր ժողովը կ'ընտրուի սանձագներուն կողմէն։

Ո՞չ մէկ պաշտօնեայ չկրնար անգամակցիլ այդ ժողովներուն։

Այս ժողովներէ իւրաքանչիւրին կը նախագահեն վալիները, միւթէսարրը ֆները, գայմագամները։

Ժողովները պէտք է բաղկանան, բացի նախագահնէն, չորս անդամներէ, որոնց երկուքը մահմէտական պիտի ըլլան և երկուքը՝ քրիստոնեայ։

### ԳԼՈՒԽ Դ.— Նահիյէներ

Յօդ. 7.— Իւրաքանչիւր գաղա կը բաժնուի որոշ թիւով նահիյէներու։

Նահիյէն հողային ստորաբաժանում մըն է, որ իր մէջ կը պարունակէ քանի մը գիւղեր, իրենց անշարժ կալուածներով, դաշտերով, արօտավայրերով և ուրիշ հողերով։ Նահիյէի կարեւորագոյն տեղը պիտի համարուի կեղրոնական գլխաւոր գիւղը։

Իւրաքանչիւր նահիյէի սահմանագծումը պէտք է ըստ կարեւոյն այնպիսի եղանակով մը կատարուի որ համակրօն գիւղերը մէկ նահիյէի մէջ մտնեն։ Պէտք է ընդհանրապէս նկատողութեան առնել բնակիչներուն տեղագրական և ազգագրական հանգամանքները, ինչպէս նաև ժողովաւրգին յարմարութիւնները։

Նահիյէն պէտք է ունենայ առ նուազն 2000 և առ առաւելն 10000 բնակչութիւն։

Նահիյէն մը մասը կազմող գիւղերու իւրաքանչ չիւր խումբ, որ 4000էն պակաս բնակիչ չը հաշուեր, կինայ պահանջել որ ուրոյն նահիյէ մը կազմուի, պայմանով որ ի՞նք ստանձնէ նորակազմ վարչութեան ծախքերուն հռգր :

Յօդ. 8.— Իւրաքանչիւր նահիյէ պիտի կառավարչի միւսիրով մը, իրեն օժանդակ ունենալով ժողովուրդէն ընտրուած ժողով մը, որ պէտք է կազմուած ըլլայ առ նուազն չորս և առ տուաւելն ութ անդամներէ : Այս ժողովը կ'ընտրէ միւտիր մը և անոր օգնական մը, իր անդամներուն մէջէն : Միւտիրը բնակչութեան մեծամասնութիւնը կազմու դասակարգին պիտի պատկանի, իսկ օգնականը՝ փոքրամասնութեան :

Յօդ. 9.— Եթէ նահիյէի մը բնա իշները կը պատկանին ամբողջովին մէ՛կ դաւանութեան, ժողովին անդամները պէտք է ընտրուին նոյն դաւանութեան պատկանող բնակիչներէն . իսկ եթէ նահիյէին բնակչութիւնը խառն է, փոքրամասնութիւնը կազմողնե՛րն ալ իրենց կարեւոսութեան համեմատ ներկայացուցիչներ պիտի ունենան, պայմանաւ որ 25 տունէն պակաս չըլլան :

Յօդ. 10.— Միւտիրները ուօճիկ մը կը ստանան նահիյէներու պիտմէին ներած չափովը : Մասնաւոր թոշակ մը կը յատկացուի նաև ժողովի քարտուղարին :

Նահիյէի ժողովին գումարման, ինչպէս նաև անոր վարչութեան ատեանին համար մասնաւոր շէնք մը կը յատկացուի :

Յօդ. 11.— Նահիյէի ժողովին անդամները պէտք է օսմանեան հպատակ ըլլան և շահեր ունենան նահիյէին մէջ, և երեսուն տարին լրացուցած ըլլան : Ասոնք պէտք է ընտրուին այն անձերէն, որոնք տարեկան դոնէ 100

Ա. Հարկ կը վճարեն և որոնք երբէք դատապարառւած չե՞ն :

Յօդ. 12. — Ժողովին անդամները իրենցմէ մէկը միւտիր ընտրելէ անմիջապէս յետոյ, անոր անունը պէտք է հազորդեն վալիին, որ անոր պաշտօնը կը վաւերացնէ, երբ համոզուի թէ ընտրութեան օրինական պայմանները յարգուած են :

Յօդ. 13. — Իմամները, քահանաները, ուսուցիչները, և կառավարական գործերու մէջ գանուող բոլոր անձերը չեն կրնար ընտրելի ըլլալ միւտիրութեան :

Յօդ. 14. — Ժողովի անդամներուն կէսը պէտք է տարուէ տարի նորոգուի : Միւտիրին պաշտօնը կը տեսէ երկու տարի . և միւտիր ու անդամներ չե՛ն կրնար յաջորդաբար վերընտրուիլ, մինչեւ որ երկուքին միջեւ շրջան մը չը բոլորուի :

Յօդ. 15. — Միւտիրին ժողովի անդամներուն իրաւասութիւնները, ինչպէս նաև անոնց ընտրութեան ու յաջորդութեան եղանակը կը ճշդուի նահիյեներու վաշական կանոնադրութեան 14, 16, 17, 20, 21, 22, 23, 24, 25, 26 յօդուածներուն ու Եւրոպական Թուրքիոյ Վիլայեթներուն Օրինագիծին 42դ Գլուխին մէջիարձանագրութեանց համաձայն :

Յօդ. 16. — Նահիյէի գիւղերուն իւրաքանչիւրը կ'ունենայ մէկ մուխբար : Եթէ գիւղը կը բաղկանայ քանի մը թաղերէ և իր ընակիչները կը պատկանին զանազան դաւանանքներու, իւրաքանչիւր թաղ և իւրաքանչիւր դասակարգ իրեն համար մուխթար մը պիտի ունենայ :

Յօդ. 17. — Ո՛չ մէկ գիւղ, ի՛նչ որ ալ ըլլայ իր ընակիչներուն թիւը կամ իր դիրքը, չկրնար միանդա-

մայն պատկանիլ երկու նահիյէի, իր մէկ մասովը՝ մէկուն, և միւս մասովը՝ միւսին :

### ԳԼՈՒԽ Ե. — Ոստիկանութիւն

Յօդ. 18. — Ոստիկանութեան պաշտօնեաները կ'առնուին նահիյէի բնակիչներէն, առանց կրօնի խտրութեան և կ'ընտրուին նահիյէի ժողովին կողմէն, և պէտք է ըլլան բաւականաշափ թիւով մը, լրացնելու համար տեղական պէտքերը, և մասնակցելու համար վիւայէթի սատիկան զինուորներու ծառայութեանը :

Յօդ. 19. — Ոստիկանութեան պաշտօնեաները միւս տիրներու հրամանին ներքեւ կը գրուին և կը կառավարուին գլխաւոր պաշտօնեաներէ, որոնք չավոււներու և օնպատճիներուն համազօր պաշտօն մը կ'ունենան : Ասոնք պէտք է զէնք կրեն և ունենան համազգեստ, ուրուն տարազը վերջէն պիտի որոշուի : Ասոնք թոշակ պիտի ստանան նահիյէի պիտածէէն, և կրնան, ոստիկանութեան ծառայութենէն գուրս, ուրիշ անձնական գործերով ալ զբաղիլ : Կրնան հեծեալ կամ հետեւակ ըլլալ, նայելով իրենց ծառայութեան պահանջումին :

Ոչ-մահմէտականները, որոնք պարտաւոր են զինուորական տուրք վճարելու երբ, ոստիկանութեան մէջ կը ծառայեն՝ զերծ կը մնան այդ վճարումէն, իրենց ոստիկանական ծառայութեան տեւողութեան ամբողջ ընթացքին մէջ :

Յօդ. 20. — Նահիյէի ոստիկանութեան պաշտօնեան ներուն գլխաւոր պարտաւորութիւնը պէտք է ըլլայ կարգ ու խաղաղութիւն պահպանել տեւականօքէն նահիյէի շրջանին մէջ ու համբաներուն վրայ : Առկէ զատ, միւտիրի հրամանին համաձայն, պարտին իրենց մէջէն

ուղեկիցներ դնել պետական թղթատարին հետ և օգնել միւտիրին, երբ ասոնք կը փափաքին գործադրել իրենց արձակած դատավճիռներն ու օրէնքին տրամադրութիւնները :

### ԳԼՈՒԽ Զ. — Ոստիկան Զինուրներ

Յօդ. 21. — Իւրաքանչիւր նահանգի մէջ, մասնաւոր օրէնքի մը հիման վրայ, նահանգային ոստիկան զինուրութեան մարմին մը պիտի կազմուի, որուն բարձր ու հասարակ (ա'զայ ու զինուր) պաշտօնեաները պիտի կրնան ընտրուիլ կայսրութեան ամէն դասակարգի հըպատակներուն մէջէն :

Ոստիկան-զինուրութիւնը պիտի կազմուի նահանգին ծառայելու կարող բնակիչներէն, առանց ցեղի կամ կրօնի խարսթեան։ Ասոր երկու երրորդ մասը պիտի ընտրուի նահիյէի ոստիկաններէն, կէսը մահմէտական պաշտօնեաներէն և միւս կէսը՝ նահիյէներուն քրիստոնեայ պաշտօնեաներէն ըլլալով։ Իսկ միւս երրորդը՝ պիտի ընտրուի կանոնաւոր զօրքերու Զավուշներուն ու Պաշ-Զավուշներուն ամէնէն կարողներուն մէջէն :

Կարգադահութեան ու զինավարժութեան տեսակէ. առվ, ոստիկան զինուրութիւնը պիտի գտնուի Պատերազմական Նախարարի իշխանութեան տակ։ Ծախքը կը հոգացուի վիլայէթին պիւտճէովը։ Ոստիկան զինուրներու գունդին սպաները պէտք չ' որ՝ կանոնաւոր բանակներու սպաներուն թոշակներէն պակաս թոշակ ըստանան :

ԳԼՈՒԽ Ե. — ԲԱԲԻՆ

Յօդ. 22. — Զերբակալուած, բայց դեռ չը դատապարտուած անձեր, պէտք չէ՝ բանտին մէջ միասին դըրվին այն անձերուն հետ, որոնք իրենց դատապարտութեան պատիժը կը կրեն հոն:

Բանտերուն մէջ մասնաւոր խնամք պէտք է տարշի առողջական կանոններուն և պէտք է հսկութիւնը ըլլայ որ չըլլայ թէ բանտարկեալները խստութեանց ենթարկուին:

Վալին պիտի նշանակէ բանտերու անօրէններն ու բանտապահները, որոնց մէջ պէտք է որոշ թիւ մը գըտնուի ոստիկաններէն և ոստիկան զինւորներէն ալ:

ԳԼՈՒԽ Ը. — Նախաբննիչ, Յանձնաժողով

Յօդ. 23. — Վալիները վիլայէթներուն ու սանձագներուն կեղրոնները կը հաստատեն Նախաքննիչ Յանձնողովներ, մէկ նախագահէ և երկու անդամներէ բաղկացած, ասոնց մէկը քրիստոնեայ, միւսը՝ սահմէտական, ըլլալով:

Այս Յանձնաժողովին պաշտօնը պիտի ըլլայ քննել ոստիկան զինւորներու ձեռքով կատարուած ձերբակալութիւններուն պատճառները և հրաման տալ որ անմիջակէս հարցաքննութեան երթարկուին ձերբակալուածները, որոնք պէտք է բանտարկուին, եթէ այն յանցանքները, որով կ'ամբաստանուին անոնք, զիրենք օրէնքի պատիժներուն ենթարկելու բնոյթ ունին. ոստիկանութեան հակողութեան տակ՝ ազատ արձակել տալ այն բանտարկեալները, որոնց ընթացքը կարիք չը թողուր օրէնքի գործադրութեան, և ուշադիր ըլլալ որ

ապօրինի կերպով, առանց պատճառի ո՞չ մէկը բան-  
տարկուի :

Այդ նպատակով անոնք պիտի այցելեն բանտերը և  
պիտի քննեն բանտարկեալներուն վիճակը :

Յանձնաժողովները տեղեկագրեր պատրաստելով վա-  
լիներուն պիտի յանձնեն, յիշատակելով թէ՝ ձերբակալ-  
ւածներէն քանինե՛ր ազատ արձակուած են քանինե՛ր  
դեռ բանտը կը մնան :

### ԳԼՈՒԽ Թ.— Քուրսերուն վրայ գօնիքով

Յօդ. 24.— Թափառական Քուրտերը կառավարե-  
լու համար, իւրաքանչիւր վիլայէթի մէջ, վալին պիտի  
տի ունենայ իր հրամանին տակ Ասիրէք մէկուրի մը  
(պաշտօնեայ մը, որուն գործը պիտի ըլլայ հակել քուրտ  
ցեղերուն վրայ) : Այդ պաշտօնեան իրաւունք պիտի ու-  
նենայ ձերբակալելու աւազակներ և ուրիշ չարագործ-  
ներ, և պահանջել որ ասոնք բերուին հասարակ դատա-  
րաններու առջեւ : Իր ձեռքին տակ պիտի ունենայ բա-  
ւական թիւով պահակախումբ մը, և պիտի կրնայ, ի  
հարկին, տեղական ոստիկանութեան աջակցութիւնը  
պահանջել : Իր իշխանութեան տակ դրուած պաշտօնեա-  
ներէն որոշ թիւ մը պիտի ընկերանայ իւրաքանչիւր ցե-  
ղախումբի, ասոր տարեկան չուին ատենը : Այդ պաշ-  
տօնեաները պիտի գործադրեն ոստիկանական իշխանու-  
թիւն, պիտի կրնան հրամայել չարագործներուն ձերբա-  
կալումը և յանձնել զանոնք օրինաւոր դատարաննե-  
րուն : Թափառական ցեղախումբերուն իջեւանելիք արօ-  
տավայրերուն ու բանակատեղիներուն սահմանները պէտք  
է ճշդութեամբ գծուին : Թոյլ արուելու չէ որ այդ ան-  
դատինիւմթիւնները վնաս կամ զրկանք պատճառեն այն

բնակիչներուն, որոնց մէջէն կ'անցնին թափառական ցեղ զախումբերը և կամ որոնք առժամապէս կը գրաւուին ասոնցմէ : Եթէ ասսնք ո՛ և է յափշտակութիւն գործեն զիւղացիներու սեփականութեան դէմ և կամ պրկանք հասցնեն անոնց, այդ օրէն սկսեալ՝ իրենց կ'արգիլուի տեղափախութիւնը կամ չուն :

ԶԵՆՔ կրելու վերաբերեալ կանոնները խստիւ պէտք է գործադրուին նաև բալոր քուրտ ցեղախումբերուն վրայ, ըլլան մշտաբնակ թէ թափառական :

Մեծ խնամք պիտի տարուի որ այս թափառաշըրջիկ ժողովուրդներու մաքերուն մէջ զրոշմուին նըստուկ կեանքի սկզբունքները, ընտելացնելով զիւղենք երկրագործական աշխատառութեանց : Այդ նպատակով որոշ հողեր պիտի չնորհուին անոնց այնպիսի տեղերու մէջ, ուր իրենց հաստատուիլը չկրնար ո՛ և է կերպով վրդովել նստակեաց բնակչութեան բարեկեցութիւնն ու հանգիստը :

Թափառաշրջիկ հասարակութեան պատկանող ամէն անձեր, որոնք վերջնականապէս կամ մշտական ու մնայուն կերպով չեն հաստատուած նահիյէի մը մէջ, ընտրութեանց միջոցին քուէ տալու կամ ընտրուելու իրաւունքը չպիտի վայելեն :

ԳԼՈՒԽ Ժ. — Համիսիլի հեծելագունդեր

Յօդ. 25. — Երբ արդէն գոյութիւն ունեցող օրէնքին՝ մարդանքի նկատմամբ արամադրած ժամանակի շրջանէն դուրս, Համբալիյէ հեծելագունդերուն գործածութիւնը անհրաժեշտ համարուի, անոնք կրնան գործածուիլ և բանակիլ միայն կանոնաւոր զօրագունդեւ

րուն հետ, և իբևաց թիւը՝ վերջիններուն թիւին մէկ երրարդէն պէտք չէ՝ աւելի ըլլայ:

Մավորական ժամանակներէ և ծառայութենէ դուրս, Համիտիյէ հեծելագունդերը պէտք չէ կրեն ո՛չ համազգնստ, ո՛չ ալ զէնք: Այդ ժամանակի ամբողջ շրջանին մէջ, անոնք պիտի ենթարկուին սովորական դատարաններուն, ինչպէս որ արձանագրուած է բնափական մասին տիրող օրէնքին համաձայն, Համիտիյէի կանոնադրութեան մէջ, (Օսմանեան Զինւորական Օրբիագիրք, յօդ. 14):

#### ԳԼՈՒԽ ԺԱ. — Կալուածագրերու Հարցը

Յօդ. 26. — Մէկ նախագահէ և չորս—երկուքը քըրիստոնեայ և երկուքը մահմէտական — անդամներէ բաղկացած ժողովներ պիտի կազմուին և պաշաօն ու նենան վերաքննելու կալուածներու վերաբերեալ փաստաթուղթերը և պիտի սրբագրեն ու ճշդեն ապացուցւած գեղծումներն ու անկանգնութիւնները:

Յատուկ Յանձնաժողով մը, ապագայի մէջ պիտի որոշէ լաւագոյն եղանակը, որով կարելի պիտի ըլլայ երաշխաւորել ու պաշտպանել սեփականութեան իրաւունքները:

#### ԳԼՈՒԽ ԺԲ. — Հարկահաւաքումներ

Յօդ. 27. — Բոլոր հարկերը, սասանորդի տուրքերն ալ հաշուելով, պէտք է գանձաւին ուղղակի նահիյէի ժողովին ընտրուած ու միւտիրի հրամանին տակ գտնուող հարկահաւաքներու ծեռքով:

Նահիյէի մը բնակիչները համերաշխօրէն պատասխանատու են ամբողջովին վճարելու իրենց վրայ գըւած տուրքերը :

Յօդ. 28.— Զնջուած է տասսանորդի տուրքերը կապալով տալը, և ժողովուրդը բռնի բանեցնելը :

Նահիյէին սկսեալ, իւրաքանչիւր վարչական կեդրոն, իր հաւաքած տուրքերու համագումարէն վար պիտի դնէ այն գումարը, որ անհրաժեշտ է իր վարչութեան ծախքերուն համար, կանխագծուած և կառավարութեան հաւանութիւնը ստացած պիւտճէին համաձայն : Նոյն եղանակով, նահանգին ելմտական վարչութիւննն ալ վիւլայէթին տուրքերուն ամբողջ քանակութենէն պէտք է վար դնէ վիւլայէթի վարչութեան համար հարկաւոր գումարը, ասոր մէջ հաշուելով նաև հանրային գործերու և կրթութեան ծախքերը :

Բնակիչները պարտաւոր չեն, ո՞չ մէկ պարագայի տակ, զօրքերուն կամ պաշտօնեաներուն օթեւան և կամ ուտեստ հայթայթելու ձրիաբար :

Այն պարագաներուն մէջ, երբ հարկերուն անվճար մնալովը կ'որոշուի գոյքերը բռնի վաճառել, մեծ զգուշութիւն պէտք է ընել որ բնակիչները չը զրկուին իրենց տարրական պէտքի իրեղէններէն և կամ աշխատանքի գործիքներէն :

### ԳԼՈՒԽ ԺԴ.— Արդարադասուրին

Յօդ. 29.— Նահիյէի մէն մի գիւղի մէջ Շերերու ժողով մը կը հաստատուի, մուխթարի նախագահութեամբ, որուն պաշտօնը պիտի ըլլայ հաշտարար եղանակով մը կարգադրել բնակիչներուն միջնել ծագած վէճերու ու հակառակութիւնները :

Յօդ. 30.— Իւրաքանչիւր գազայի մէջ, Նահիյէներուն թիւին համապատասխան հաւշարար դատաւորներ պիտի գտնուին, որոնք Դատական Նախարարութենէն կ'անուանուին, վալիի առաջարկութեան վըրայ: Այս դատաւորներէն մէկը պէտք է անպատճառ բնակի գազայի գլխաւոր քաղաքին մէջ: Գազայի մը Հաշտարար դատաւորներուն մէկ երրորդը պէտք է քըրիստոնեաներէ բաղկանայ: Քրիստոնեայ հաշտարար դատաւորները պէտք է կարգուին այն կեդրոններուն մէջ, ուր քրիստոնեաները կը կազմեն բնակչութեան մեծամասնութիւնը:

Յօդ. 31.— Հաշտարար դատաւորներուն իրաւասութիւնը կայանայ.

1.— Եղեռնական խնդիրներու մէջ, վճիռ արձակելու, առանց վերաքննութեան իրաւունքի, որէնքի գէմ գործուած զեղծումներու համար, որոնք գուրս են ոստիկանական հասարակ պատիժներէն, և վերաքննութեան իրաւունքով, փոքր յանցանքներու համար, որոնց չը կրնար սահմանուիլ 500 զրուշէ աւելի տուգանք մը կամ երեք ամսուան բանտարկութենէ աւելի պատիժ մը:

2.— Քաղաքային խնդիրներու մէջ, առանց վերաքննութեան իրաւունքի, վճիռ արձակելու առեւտրական և իրաւունքի վերաբերեալ ո՛ւ է անհատական դատերու համար, որոնց գումարը չ'անցնիր 1000 դշ.ը և վերաքննութեան իրաւունքով, վճիռ արձակելու համանման դատերու համար: Որոնք կը հասնին 5000 դշ.ի գումարի մը:

3.— Հաշտարար դատաւորները կրնան կազմել Հաւշարար Անեան մըն ալ: Առանք, երկու կողմերուն հաւանութեամբը, կրնան իրաւագարներ կարգել լուծելու համար այնպիսի վէճեր, որոնց գումարը 5000 դշ.ը

կ'անցնի : Հակառակօրդները չպիտի իրաւունք ունենան վերաքննութեան դիմելու, իրաւարարներուն արձակած վճիռին դէմ բաղաքելու համար :

Յօդ. 33. — Գազաներու դատաւորներուն տեղը բռնող հաշտարար դատաւորներու վճիռներուն վերաքըննութիւնը, քաղաքային գործերուն մէջ, պէտք է տեղի ունենայ սանճագներու դատարաններուն առջեւ :

Յօդ. 34.— Հաշտարար դատաւորներու կողմէն անվերաքննելի կերպով արձակուած բանտարկութեան վըճիռներ, որոնք անցած են արդէն բոլոր նախաքննութիւններէն, պէտք է գործադրուին գազայի բանտին մէջ : Միւտիրները պարտաւոր են աջակցիլ հաշտարար դատաւորներուն, քաղաքային կամ քրէական յանցոնքներու վերաբերեալ վճիռները գործադրելու համար :

Յօդ. 35.— Գազաներուն դատարանները ջնջուած ըլլալով, սանճագներու դատարանները ձեռնաս են դատելու այն քաղաքային վէճները, որոնք 5000 դրշ.ը չեն անցնիր, նոյնպէս և հաշտարար դատաւորներուն արձակած քաղաքային վճիռներուն դէմ տրուած բողոքները : Սանճագի դատարանները պէտք է ունենան միայն քաղաքային ատեան մը, քանի որ եղեռնադատ ատեանին տեղը կը բռնէ նահանգային շրջուն ատեանը :

Սանճագի ատեանները պէտք է բաղկացած ըլլան մէկ նախադաշէ, — վկայեալ դատաւոր մը, որ կը նշանակուի դատական նախարարութենէն —, և երկու անդամներէ, որոնք վալիին կողմէն կ'ընարուին, սանճագներու ժողովներուն ձեռքով կազմուած ընտրելեաց ցանկերու մէջէն :

Յօդ. 36. — Սանճագի դատարաններուն եղեռնադատ ճիւղերը, Երջուն եղեռցադատ ատեաններու պիտի փոխուին : Այս եղեռնադատ ատեանները պիտի բաղկա-

նան նախագահ դատաւորէ մը որ պիտի առնուի նահանգին Բարձրագոյն Ատեանի անդամներուն մէջէն, նաև երկու անդամներէ, որոնք պիտի ընտրուին Վերաքննիչ Ատեանի կողմէն և Սանծագի իրաւարարներու մէջէն, մէկը՝ քրիստոնեայ, միւսը՝ մահմէտական :

Հաշտարար դատաւորները՝ պէտք է որոշ թոշակ մը ստանան, նահանգային Եղեռնադատ շրջուն ատեաններու պտոյտի ժամանակամիջոցին :

Յօդ. 37.— Եղեռնադատ Ատեանը հերթով պէտք է նիստեր գումարէ ամէն գաղաներու, ինչպէս նաև վիլայէթին ու սանճագներուն գլխաւոր քաղաքներուն մէջ, ուր իրենց ներկայութեան անհրաժեշտ պէտքը կը զգացուի : Այս ատեանը ձեռնհասութիւն պիտի ունենայ քըննելու հաշտարար դատաւորներուն արձակած վերաքըննելի վճիռներուն գէմ տրուած գանգատները, նաև անվերաքննելի դատերը, որոնք 5000 դշ. է վեր առւգանքի մը կամ երեք ամիսէ աւելի բանտարկութեան մը պատիժը կը պահանջեն :

Նահանգային Եղեռնադատ ատեաններուն արձակած վճիռները չեն կրնար գործադրուիլ, մինչեւ որ Վճռաբեկ Ատեանէն չը վաւերացուին :

Յօդ. 38.— Նահանգային շրջուն Եղեռնադատ ատեանը, գաղան հասնելուն, նախագահին առաջին գործը պիտի ըլլայ ցուցակը պահանջել հարցաքննիչ դատաւորէն ցուցակ մը դատերուն, որոնք քննուած են արդէն և իրեն պիտի յանձնուին, և ուրիշ ցուցակ մըն ալ այն դատերուն, որոնք առաջարկու քննութեան ներքեւ են : Եթէ նախագահը ո՛ և է անկանոնութիւն կամ անտեղի յապացումներ նշանակ այս վերջինին մէջ, անմիջապէս պէտք է տեղեկագրէ Դատական Նախարարութեան :

Նախագահը, երբ գաղա մը կը հասնի, ինչպէս նաև

երբ անկէ կը մեկնի , պէտք է այցելէ բանտերը , պէտք է բանտարկեալներուն վիճակը քննէ և ստուգէ բանտարկեալներուն ցուցակը :

Յօդ. 35.— Նահանգին Բարձրագոյն Ասեանը պիտի բաղկանայ մէկ նախագահէ և բաւական թիւով անդամներէ , որոնք կարենան քննել ատեանին վերաբերեալ քաղաքային գործերը , և նախագահներ մատակարարել Նահանգային Շրջուն Ատեաններու :

Բարձրագոյն Ատեանը , քաղաքային դատերու մէջ պէտք է գործէ իրբեւ Վերաքննիչ Ատեան , իսկ եղեռնական ինդիրներու մէջ՝ իրբեւ Նահանգային Եղեռնագատ Ա.աեան : Այս Ատեանին նիստը պիտի նկատուի օրինաւոր , երբ նախագահը և երկու անդամները ներկայ կ'ըլլան : Ասկէ զատ , պէտք է ունենայ ընդհանուր դատախազ մը , և բաւական թիւով պաշտօնատարներ :

Յօդ. 40.— Հաշտարար դատաւորներուն , ինչպէս նաև ամէն կարգի դատարաններուն դատավարութիւնը պէտք է կատարուի թուրքերէն լեզուով : Տեղին ու դատուող երկու կողմերու պարագաներուն համեմատ , թուրքերէն բնագրին պէտք է կցուին հայերէն թարգմանութիւնները :

---

❖❖❖

Հայկական Բարենորոգումներու մայիսեան այս համբաւաւոր Ծրագիրը Բ. Դրան ներկայացուելէ առաջ , Սասունի Արհաւիրքը քննելու պաշտօն ունեցող եւրոպական Յանձնականութիւնը Մուշի մէջ դանդաղօրէն կը շարունակէր իր նիստերը , որոնք ապարդիւն էլն կը մնային : Մէկ կողմէ Յանձնականութիւնը անդամներուն տգիտութիւնը՝ տե-

զական լեզուին ու բարքերուն, միւս կողմէ՝ համիտական կառավարութեան յաճախ յարուցած խոչընդուները, ամլութեան կը դատապարտէին անօր բոլոր աշխատութիւնները։ Ենթալրելով իսկ թէ՝ Եւրոպական Յանձնախումբը խոճմտօրէն ու յամառութեամբ կը ջանար առաջ տանիլ իր քննութիւնները, կարենալ երեւան հանելու համար զարուրելի դրուագները, որոնք Սասունեան արհաւերքին ափւնոտ իրականութիւնը կը կազմեն իրենց ամբողջութեանը մէջ, դարձեալ անյաջողութեան կը մատնուէր, որովհետեւ Համիտի ծանօթ ու անծանօթ գործակալները, միւշիր Զէքիի ու վալի Թահսինի ղեկավարութեանը տակ, գիշեր ցերեկ կը գործէին ամէն միջոցներով, ջնջելու համար ամէն հետք, որ պիտի կրնար ապացուցանել գործուած բարբարոսութիւնները։ Եթէ Հայ մը, Սպանդներու զոհերուն տէրը կամ պարագաներէն մէկը, յանդգնէր մօտենալ այդ Յանձնախումբին, վայրկենաբար կը ձերբակալուէր, եթէ երբէք չը սպաննուելու չափ բաղդաւոր եղած ըլլար . . . :

Սակայն, Եւրոպական Յանձնախումբի յայտնի ապիկարութեան առջեւ, այդ հեռաւոր անկիւններուն մէջ, սփոփարար երեւոյթ մը կար, որ պարբերաբար ի յայտ կուգար Լոնտոնի ազատական մամուլին միջոցաւ, որուն շարունակ Մուշէն կը համնէին քստմնելի մանրամասնութիւնները հայկական մարդաղոյին, հաստատելով Երևանի բռնապետական կառավարութեան, կամ աւելի ճիշտը, կազմակերպեալ աւազակութեան գործած պժգալի ոճիրները։

Ու այս Մեծ Եղեռնի վարագոյրը պատռողը՝ լոնտոնեան ազատական թերթի մը մասնաւոր թղթակիցնէր, որ, իր մորթը վտանգելով, աղէտահար վայրերը քայլ առ քայլ կ'այցելէր, և իր անաչառ քննութեան

արդիւնքը հեռագրով կը հաղորդէր մամուլին : Այդ  
քստմնելիօրէն շահեկան թղթակցութիւնները մէկ օրուան  
մէջ եւրոպական մամուլի շրջանը կ'ընէին , դղրդելով ու  
ընդվզեցնելով հանրային խղճմանքը : Սուկայն , դըժ-  
բալդաբար , իբրեւ սոսկ անհատի մը թղթակցութիւն ,  
զուրկ ըլլալով ո՛ և է պաշտօնական հանդամանքէ , չէին  
կրնար ազդել Եւրոպայի դահլիճներուն վրայ , որոնք  
իրենց տեղեկութիւնները պիտի քաղէին Եւրոպական  
Յանձնախումբին հաղորդումներէն : Մինչդեռ Յանձնա-  
խումբը , մեռած-ծնած մարմին մը , չէ՛ կրցած ընել , չէ՛  
ըրած նոյն իսկ մէկ հարիւրերարդ մասը՝ յիշեալ թըզ-  
թակցին աշխատութիւններուն :

Իրաւ է թէ՝ Սասունի Զարդին առաջին արձագան-  
քը ցնցեց քաղաքակրթեալ Արեւմուտաքը . մանաւանդ  
Թուրքիոյ ճակատագրին հետ կենսական շահերով կապ-  
ւած Մեծ Տէրութիւնները , այդ յուրերու առաջին հար-  
ւածին տակ չուարած , իւրաքանչիւրը կ'ուզէր իր գիր-  
քը ճշգել : Արեւելեան ինդիրը դարձեալ կը ցցուէր  
ուրուականի մը պէս և , Սասունի անդամատուած Դիա-  
կին վրայ ծռած , նիւթապաշտ Եւրոպան կ'ընդնշմարէր  
միջազգային պատերազմի մը պայթումը : Եւ իրօք , եթէ  
պայթէր այդ վախցուած պատերազմը , ընդհանուր , ան-  
դարմանելի ազէտ մը , հարսւած մը պիտի տրուած ըլլար  
քաղաքակրթութեան , և ո՛վ գիտէ ի՞նչ անակնկալներ  
պիտի բերէր իր ետեւէն : Մէկ կողմէ , այդ սպառնացող  
վտանգին սարսափը , միւս կողմէ՝ Արեւելքի մէջ իրենց  
դարաւոր շահերը պահպանելու մտահոգութիւնը , Եւրո-  
պայի քանի մը Մեծ Տէրութիւնները մզած էին ասպա-  
րէզ նեառելու և Հայաստան զրկելու այդ Յանձնա-  
խումբը :

Միջաղգային քաղաքականութեան խարիսխը կազմելով իւրաքանչիւր մեծ տէրութեան հակամարտ շահները, որոնք Արեւելքի մէջ գոյութիւն ունէին դարերէ ի վեր, Եւրոպայի քաղաքականութիւնը ձեռնտու չէր կրնար ըլլալ ճնշողական միջոցներու կիրառութեան, առագ լուծում մը տրուելու համար Հայկական Թատին, որ Արեւելեան Հարցին մեծագոյն, թերեւս մայր օղակը կը կազմէր: Եւրոպան չէր ուզէր ծանրանալ ու բռնութիւն ի գործ դնել Ապահով Համիտի վրայ և ստիպել, նոյնիսկ ամենափոքր չափով մը, որ գոհացում տար Հայերուն, որոնց դատը միջաղգային հանգամանք ստացած էր Պէրլինի Թաշնագրին Յնրդ յօդուածին տրամադրութեամբը: Եւրոպան, եթէ ուզէ՞ր ալ, չպիտի կրնար բիրտ ուժ ու ճնշողական միջոցներ գործածել, հակառակ իր հանդիսաւոր խոստման, պաշտպանելու Հայերուն ինչքը, պատիւը, կեանքը՝ Քուրդերուն ու Զէրքէզներուն յարձակումներէն:

Այս՝ չպիտի կրնար Եւրոպան վճռական քայլ մը առնել գէպի լուծօւմը, որովհետեւ Միացեալ Եւրոպա մը չէր, այլ մէկէ աւելի դաշնակցութիւններով իրարուդէմ զինուած Եւրոպա մը, որ կը սոսկար այդպիսի միջամտութեան փորձի մը հետեւանքներէն, որոնք ծանրակշիռ կրնային ըլլալ ա'յն աստիճան որ թերեւս խախտէին, ընդհանրապէս Եւրոպայի և մասնաւորապէս Եւրոպական Թուրքիոյ դիրքը, աներեւակայելի յեղաշըրքումներով ու քաղաքական փոփոխութիւններով: Ուստի, Մեծ Տէրութիւններուն ջանքը կը կեղրոնանար պահպանելու Մերձաւոր Արեւելքի մէջ— որուն կուտը կը կազմէր Հայաստանը— հաւասարակշուութիւնը, կամ որ նոյն է, Օսմանեան կայսրութեան ամբողջութիւնը, այսպէս, նոր դարերու Ներոնի մը վայրենի քմահաճոյք-

ներուն յանձնելով արեւելքի քրիստոնեայ թէ մահմէտական տարրերուն ճակատագիրը . . . :

Եւրոպական Մեծ Տէրութիւններէն Անգլիան ու Ռուսիան աւելի շահագրգռուած էին Սրբեւելքի գործերով ընդհանրապէս և Հայկական հարցով մասնաւորապէս, և Սրեւմուաքի ու Հիւսիւսի այս երկու Հսկաներէն կախում ունէր Հայկական Դատին լուծումը : Եթէ Սասունի Զարդերուն վրայ, այս երկու մեծ տէրութիւնները շահերու փոխադարձ զողոզութիւններով ու զիշտումներով համաձայնէին գործել, և եթէ երկուքին ալ շահերը վայրկեան մը հաշտուէին իրարու հետ, անվիճելիօրէն ստոյգ պիտի ըլլար Հայկական դատին վերջնական կարգագրութիւնը, գէթ Բարենորոգումներուն իրական գործադրութեամբը, Պէրլինի ՅԱՐԴ յօդուածին տրամադրութեանը համաձայն : Սակայն, տարաբաղդօքէն, պատմական ճշմարտութիւնն մըն է թէ՝ այս երկուքին շահերը տրամագծօքէն կը հակառակէին և զիրար կը չէզոքացնէին Հայկական Դատին շուրջը :

Մինչդեռ այս աննպաստ ու տիսուր պարագաներու մէջ, Սասուն զրկուած Եւրոպական Յանձնախումբը կ'երկարաձգէր իր քննութիւնները, արդէն Պոլսոյ մէջ, նորնափիր պատրիարքը՝ Իգմիրլեան Սրբազան, Հայաստանի զանազան կողմերէն ու համիտակաս բանական անկիւններէն հասած սրտակեղեք աղազակներէն խորապէս աղդուած, 1893 Յունվարի սկիզբը, ընդարձակ յիշատակագիր մը կը պատրաստէր, որուն մէջ կը թուէր 1878 թուականէն ի վեր ժողովուրդի կրած տառապանքներուն, ենթարկուած զրկանքներուն, կեղեքումներուն ու բռնաբարութիւննեմուն մանրամասնութիւնները, որոնք գործուած էին կառավարութեան թոյլառութեամբ և հրահանգներով, քուրտ, չէրքէզ և ուրիշ թափառական ցե-

զախումբերու ձեռքով : Պատրիարքը Սուլթանին կը ներկայացնէր այս յիշատակագիրը, և պատճէներն ալ Պոլսոյ մեծ դեսպաններուն :

Ապտիւլ Համիտ անմիջապէս կը կեղծէ փոխել իր քաղաքականութիւնը, իր ծննդեան տարեդարձին օրը խիստ սիրալիր ընդունելութիւն մը կ'ընէ Պատրիարքին, և մասնաւոր ունկնդրութիւն մը չնորհելով, իր քովը կը նստեցնէ, ու

— Շատ կը հաւափմ ձեր ընթացքին, Պատրիարք էֆէնտի, կ'ըսէ անոր հիացիկ շեշտով մը, ամբողջ ազգին համակրութիւնը գրաւած էք. ձեր բոլոր արարքները՝ խելացի մարդու գործեր են, միայն թէ՝ ձեր ազգին մէջ մէկ քանի տգէտներ իան (այս անգամ Տէկէ է ըսեր, փոխանակ սրիկալ ըսելու), բայց միթէ ո՞ր ազգը չէ ունեցեր իր տգէտները : Ես կը հաւատամ, Պատրիարք էֆէնտի, ձեր մէկ խօսքը պիտի բաւէ զանոնք կարգի և ուղղութեան բերելու, ես հայ ազգը շատ կը սիրեմ, և մօտերս մնամենծ բարիքներ պիտի ընեմ ձեր ժողովուրդին. ի՞նչ հարկ ուրիշ տեղեր դիմելու, համարձակօրէն ինծի՛ առաջարկեցէ՛ք ի՞նչ որ կը բաղձաք, և ես պէտի կատարեմ . . . :

— Վեհափա՛ռ, կը պատասխանէ Պատրիարքը, Բարձրեալը ձեզի երկար կեանք պարզեւէ :

— Պատրիարք էֆէնտի, կը կրկնէ Համիտ թախանձագին, կը խնդրեմ, մի՛ քաշուիք, ըսէ՛ք, խօսեցէ՛ք, ի՞նչ կ'ուղէք :

Եւ սպասողական դիրքի մը մէջ, Ապտիւլ Համիտ կը դիտէ իր քով նստող հայ եկեղեցականը : Սակայն, Պատրիարքը, առանց փոխելու իր դիրքը, միեւնոյն շեշտով կը կրկնէ.

— Վեհափառ, Աստուած ձեզի երկար կեանք պարգևեւէ . . . :

Եւ Հիւնքեարը կատղած, չը կրնալով համնիլ իր նսպատակին, այս անգամ ալ Պատրիարքը կը զրկէ . . . պատուանշանէ :

Այդ օրերուն մէջ, Աքրիանուպուոյ տնրահռչակ Սռաջնորդ Մեսրոպ եպիսկոպոսը՝ Սուլթանին զրկած էր հաւատարմութեան ու շնորհակալութեան ուղերձ մը, զոր ինք ստորագրած էր և իրեն հետ ուրիշներ ալ: Իզմիրեան Պատրիարքը կծու յանդիմանագիր մը կը զրկէ անոր: Այդ յանդիմանագրէն զատ, շրջաբերական մըն ալ կը զրկէ գաւառական Առաջնորդներուն, խստիւ պատուիրելով որ ժողովուրդին անունով ո՛ և է շնորհակալութեան կամ վկայութեան գիրեր չուղղեն տեղական իշխանութիւններուն, հակառակ պարագային, զիրենք ծանր պատասխանատուութեան ենթարկելու սպառնալիքով:

Այդ օրերու հայկական կեանքի իրականութեան մէկ նմոյշը տուած կ'ըլլանք, այս էջերուն մէջ արտագրելով ՀՆՉԱԿԻՇԽԵՏԵԱԼ թղթակցութիւնները:

Կ. Պոլիս, 23 Փետր. 1895

Սասունի դէպքերէն յետոյ, այս գրեթէ մօտ երկու ամիսէ ի վեր, կառավարութիւնը Հայոց նկատմամբ ի գործ դրած իր շահատակութիւնները դադրեցուցած էր առ երես, յուղեալ Հայերը կրկին չը գրգռելու համար, և այդ գաղարման հրամանը նոյնինքն Սուլթանը տուած էր սստիկանութեան նախարար Նազրմին: Ասկից 43 օր առաջ շատ մը հանգանակութեան թերթեր երեւան եկան ի նպաստ թշուառութեան ճիրաններուն

մատնուած և համիտական կառավարութեան սուրէն ութնդանօթներէն աղատուած Սասունցիներուն : Անցեալ շաբաթ օր, փետր . 46: կառավարութիւնը մատնիչներու միջոցաւ իմանալով նոյն հանգանակութեան խընդիրը, ոստիկանութեան նախարարը անմիջապէս պաշտամ կ'երթայ իր վեհապետին լմաց տալու եղելութիւնը : Սուլթանը հրաման կուտայ նազըմին ձերբակալելու թէ՛ նպաստ հաւաքողները և թէ՛ նպաստող անձնաւորութիւնները : Գրեթէ մի քանի օրուան մէջ ՀԱՐԻՒԲ ԵՕԹԱՆԱՍՈՒԻՆ անձեր ձերբակալուեցան ու բանտը նետուեցան : Գիշեր ցերեկ շարունակուեցան հարցաքննութիւնները, բայց բան մը դուրս չեկաւ : Կառավարութիւնը կարծած էր թէ՛ յաջողած էր ձեռք անցընել Կ. Պոլսոյ յեղափոխականները, բայց հարցաքննութիւնները ի դերեւ հանեցին իր բոլոր յոյսերը, այնպէս որ այժմ սկսած է կամաց կամաց արձակել անմեղները. միւս կողմէն ալ այդ անմեղները արձակելով մարդասիրական ցոյց մը ըրած կը կարծէ, աշխատելով ցոյց տալ քաղաքակրթեալ աշխարհին թէ՛ ո՛րչափ առատագութ է Սուլթանը, թէ՛ Սամնոյ հազարաւոր Հայերուն արհենովը գինովցած անձը ինքը չէ՛, և թէ՛ Ներինիւ Վեհափառ Սուլթանին, ամէն ինչ իրենց օրինական կարգով կ'առաջանան ինչպէս մայրաքաղաքին, նոյնպէս քաղաքներուն մէջ . . . :

Մնացեան երկրորդ օրը, փողոցները անուշեղէն վաճառող Պարսիկ մը յանկարծակի ձերբակալեց կառավարութիւնը : Այդ պարսիկը անգիտակցաբար կը տարածէր գրգռիչ ազդարարութիւններ, որոնց պարունակութիւնն էր հետեւեալը. «Հայե՛ր, մի՛ վախնաք, քաջալերուեցէ՛ք, մեր թշնամին խելագարուած է, եթէ ձերմէկին գրայ յարձակի, դուք քաջարար դիմաղրեցէ՛ք,

Ան : » Մի երիտասարդ, սոյն ազգարարութիւններէն բազմաթիւ օրինակներ ծրար մը ընելով՝ փողոցէ փողոց թափառական արբեցող Պարսիկին կուտայ, որ երբ մէկին անուշեղէն ծախէ, այդ թղթի կտորներուն մէջ դնէու տայ :

Պարսիկը, առանց գիտնալու այդ թղթերու պարութիւնը, կ'ըսկսի տասը կամ քսան փարայի հելվայով ազգարարութիւնները ցրուել ձրիաբար: Հազիւ հինգ օրինակ մնացած էր իր մօտ, երբ բօլիսը կը ձերբակալէզինք Սամաթիոյ թաղին մէջ: Պարսիկը երկու օր հարցաքննելէ վերջ՝ ազատ արձակեցին առանց կարենալ ձերբակալելու գործին բււն հեղինակները:

Մեր պատրիարքը, իր նոր անօրինութեան մէջ՝ սկսած է ճարպիկութիւն և ուշիմութիւն ցոյց տալ: Սուլթանը, տեսնելով որ իզմիլեան Սրբազնը ներսէս Պատրիարքի գործունէութեան մի շարունակութիւնն է, մասնաւանդ պատրիարքական աթոռը բազմելէն ի վեր բոլոր գեսպանաց հետ տեսակցութիւններն ու փոխադարձ այցելութիւնները կը շարունակուին, այդ բանը Սուլթանին փորից ցաւ եղած է, այնպէս որ անցեալները, իր քարտուղարներէն Միւնիր պէյը կը զրկէ բացատրութիւն մը պահանջելու համար: Երբ Միւնիր պէյ Սուլթանին կամքը կը գումէէ, ըսելով. «Վեհափառ Սուլթանին բաղձանքն է որ դուք եւրոպական գեսպանաց հետ յարաբերութիւն չունենաք և եթէ Հայոց համար պահանջ ունիք, ուղղակի դիմեցէք և ձեր խնդիրքը պիտի կատարուի», Պատրիարքը շատ յանդուգն կերպով կը պատասխանէ Սուլթանի պատուիրակին, այնպէս որ այս վերջինը կը սախզուի երկրբոդ օրը գալ և նոյնը կրկնել, բայց նորէն յուսախար ետ կը գառնայ: Սուլթանը կատղած՝ իր անյաջողութեան վրայ, իր պալատի հայ պաշտօններէն շատերը պաշտօնանի ըրաւ...: Յետոյ

Տատեան Արթին փաշան պալատ կանչուելով, իրեն կը բացարուի պատրիարքին անխսին ընթացքը։ Արթին փաշան իսկոյն իր տունը կը հրաւիրէ պատրիարքը և Սուլթանին կամքը կը յայտնէ։ Իզմիրլեան պատրիարքը՝ ամենայն վեհանձնութեամբ կը պատասխանէ այդ Նեղոսի կոկորդիլոսին, և կը յանձնարարէ որ իր խօսքերը առանց խեղաթիւրելու տանի Հայոց ուխտեալ թշնամի Սուլթան Համբարին։

Սօֆիաներութեջ մի գաղտնի ընկերութիւն կը կազմուի ընդդէմ Սուլթանի և մի քանի օր առաջադիշերւան պահուն երեսուն մեկ սօֆթաներ ձերբակալեցան և ամենախիստ հարցաքննութեան ենթարկուեցան։ Թուրքողովրդեան մի մասը սկսած է արթնաւալ, ասիկա շատ ուրախալի երեւոյթ մընէ, և ասովի, մինչեւ հիմա լուսեթեան գատապարտուած թուրք ժողովուրդը ցոյց կուտայ թէ՝ ի՞նք ալ անդիտակից չէ իր շուրջը կատարւած անցուդարձերուն, որոնք, շնորհիւ ներկայ կառավարութեան բռնած ընթացքին, ամրող Օսմանցի ժողովուրդը կարստեան վհին եզերքն են տարած։

• • • • • • • • • •

### ՃԳՆԱԽՈՐ

Կ. Պոլիս, 22 յունիվար 1895

Եերա ոճիրներու թատր մը հանդիսացաւ անցեալ շարթուընէ ի վեր, ապահովութիւնը կորաւ, հարուստները կառքով սկսան երթեւեկել, իսկ աղքատները ահուղողի մէջ են իրենց կեանքի համար։

Սուլթանի հանդերձապետի որդին, որ պաշտօնական սպայ մընէ, անցած հինգչարթի գիշեր, դաշոյն ի ձեռին, Բերայի քրիստոնեաներուն վրայ յարձակեցաւ

և տասներեք հոգի վիրաւորեց հետզհետէ, որոնցցմէ մէկը՝  
ամերիկան հպատակ Գերմանացի մը՝ անմիջապէս մե-  
ռաւ: Ամբողջ ժամ՝ ու կէս, այդ գաղանը, դաշոյն ի  
ձեռին, Բերայի սարսափը եղաւ և ոստիկանութիւնը չը  
համարձակեցաւ իրեն ձեռք դպցնելու, որովհետեւ ամէն-  
պահականոցէ շուտով ճանչցան հանրածանօթ պալատա-  
կանը, որ արագ վազքին մէջ շարունակ կ'աղաղակէր:  
«Էկսէլիմ կեավուրլարը».... Վիրաւորուածներու մեծա-  
գոյն մասը հայ են. Որոնց մէջ կը գտնուին դեռատի  
օրիորդներ. վեց տարեկան յոյն տղէկ մըն ալ բաժին  
ստացած է ոճրագործին դաշոյնէն: Համիտի կառավա-  
րութիւնը իր ստահակի հանրածանօթ անամօթութեամբ  
ինդիրը ծածկեց և հետեւեալ օրը Զափրանպօլցի խեղճ  
յինսապէտ մը ստեղծեց, որու վրայ ծանրացուց ոճրին  
ամէն պատիսանատուութիւնը: Գերմանական Յամանիլի  
Քօոր լրագիրը, որ բուն մարդասպանին անունը համար-  
ձակած էր տալ, դադարման դատապարտուեցաւ, և այս  
կիրակի օր, հանդերձապետը, և իր բարեպատուղ որդին  
բաց կառքի մէջ՝ քով քովի նստած, հանդիսաւոր պը-  
տոյաններ կատարեցին Բերայի մեծ պողոտային վրայ,  
իրը կենդանի հայոյանք մը՝ քաղաքակիրթ աշ-  
խարհին....:

Ահա՛ այս գէպքին հետեւեալ օրն իսկ, երկու զին-  
ւորներ, սուսերամերկ, Բերայի Հէստէք փողոցը, ան-  
ցորդներուն վրայ յարձակեցան, աղաղակելով. «Էկսէ-  
լիմ կեավուրլարը....: Այս անդամ ոստիկանութիւնը  
միջամտեց, որովհետեւ ասոնք պալատականներ ըլլալու  
բաղդաւորութիւնը չունէին....: Ուրիշ զօրքեր, իոմած  
վիճակի մէջ, յունարէն Նեօլոյոս լրագրի խմբագրատանտ  
վրայ յարձակեցան և սպառնալիք ըրին խմբագրապե-  
տին. խմբագրատան մէջ գտնուողները յաջողեցան զի-

նաթափ ընել զանոնք և սաստիկ տփոց մը քաշել : Հետահետալ օրը, Նեօլողոսի արտօնատիրոջ ազգարարուեցաւ որ օրինաց հակառակ շարժած է և խստիւ պիտի պատժուի, եթէ ընթացքը կրկնէ . . . : Համբախի կառավարութիւնը այս ազգարարութեամբ ըսել կ'ուզէ թէ՝ Նեօլողոս ձեռքերը խաչաձեւ նստելու էր սուսերամերկ զօրքերուն առջեւ և թոյլ տալու էր որ անոնք հանդարտ կերպավ զինք սպաննէին . . . : Կէցցէ պար պօզուգ կառավարութիւնը . . . :

Այս կիրակի գիշեր (22 Յունիար), յայն երիտասարդ մը, որ Քէֆալօնիացի էր և Բօվէրթ գոլէճի ուսանող, իր քրոջ հետ թատրոն գնացած էր, զինւորական մը իր քրոջ անպատիւ խօսքեր ուզզեց . ասոր վրայ, երիտասարդը գաւազանի հարուած մը իջեցուց զինւորականին, այս վերջինը լոեց, բայց երբ թատրոնէն դուրս կ'ելլէին, երիտասարդին հետեւեցաւ և վատաքար անոր կունակին վեցհարուածեան մը պարպելով անկենդան գետին փըռեց . . . :

\* \* \*

Մաքսուտ Սիմօն պէյը քիթօյէ բռնուելով սկսաւ տկարանալ և անոր կողքը խրուած Հնչակեանի գնդակը աւելի ճանապարհ գտնելով առաջացաւ և պէյի մահը փութացուց :

Թուրք հայրենասէր Երիտասարդներու խումբը, անցած շաբթու յայտարարութիւն մը փակցուց Եէսի Ճամփի պատերուն վրայ, աա՛ իմաստով. «Սութանը երկիրը կործանման ճամբռուն մէջ դրած է և կոչում կը լինի բոլոր հայրենասէրներուն որ միանան և իրենց բոլոր ուժովը այսպիսի քայքայման մը և դահավէժ անկումի մը առաջքն առնեն քանդելով աւագակներու այս

զզուելի որջը, որ կառավարութիւն կը կոչուի, և անոր տեղ կարգելով այնպիսի մարդ մը, որ կարող ըլլայ ամէն կերպով բարեկարգել երկիրը, և արդարութիւն ու իրաւունք ի գործ դնել բոլոր բնակիչներուն համար անխտիր : » Ո՞վ կարող է չը համակրի այսպիսի ձեռնարկի մը, և մենք առաջինը պիտի ըլլանք, որ աջակցութեան ձեռք պիտի կարկառենք մեր թուրք եղբայրներուն, իրենց հանրօգուտ ձեռնարկներուն մէջ :

Երբ այս բոլոր դէպքերը շղթայաբար տեղի կ'ունենան ի Կ. Պոլիս, կարելի չէ՝ չի մտածել թէ՝ Եւրոպայի տէրութիւնները փոխանակ քննիչներ զրկելու ի Սասուն, կրնային պարզապէս պատուիրել իրենց Բերայի դեսպաններուն՝ աչքերնին բանալ և իրենց շուրջը գտնուածները և անցած դարձածները դիտել, այսչափ իսկ պիտի բաւեր ամէն ինչ ճշդիւ երեւան հանելու, զի այս դէպքերը շատ յատկանչան են :

\* \*

Վանէն մեզ կը հանարդեն թէ՝ Փիրզալէմեանի վիեսայ Մհի, արութիւն, ՅՈ տարեկան, թուխ դէմքով և լավն ճակատով, օսմաննեան կառավարութեան կողմէն վարձուելով Կովկաս ուղեւորեր է՝ Կաթողիկոսի կեանքին դէմ դաւաճանելու նպատակով : Այս լուրը վերապահութեամբ իմացնելով հանդերձ, պարտք կը համարինք զգուշացնել Կովկասցիները յիշեալ անձին դէմ :

Նոյն քաղաքէն մեզ հասած թղթակցութենէ մը կ'իւմանանք նաեւ թէ՝ տեղւոյն կուսակալը Պահրի բաշան, միանալով մատնիչ Պօղոս եպիսկոպոսին հետ, հայ մեծամեծներուն վրայ ճնշում կը բանեցնեն եղեր ստորագելու համար հանրագիր մը սա իմաստով թէ՝ տեղւոյն անդղիական հիւպատոսը և ամերիկացի միսիոնար-բժիշ-

կը յիմար մարդիկ են և իրենց գլխաւոր գործը եղած է ժողովուրդին մէջ երկպառակութիւն ցանել և հանրային անդորրութիւնը խանդարել . . . :

Սատուած խելքը աւելցնէ վալի բաշային ու զառամեալ Պօղոս եպիսկոպոսին :

Անցածները նինգ հարիւր դպրոցականներ, Սուլթանին անձնական ծախքովը իրենց տեղերը զրկուեցան, ու մանք ալ աքսորսւեցան :

Յեղափոխական կամ փախստական ձեւացած կարգմը ինքզինքնին Սասունցի կամ զէյթունցի անուածտակ ծախող լրտեսներ կան, որոնք ժողովուրդի մէջ մտնելով զայն խարել կ'ուզեն, մնաք մեր պարտքը կը համարենք նախազգուշացնել ժողովուրդը, որ այդպիսիներու թակարդին մէջ չ'իյնան :

ԿԱՑԻՆ

\* \* \*

Կ. Պոլիս 28 փետր. 1895.

Իր անկման վիճին բերանը զիսող տգետ կառավարութիւնը, իր գոյութիւնը քիչ մըն ալ երկարելու համար, չի քաշուիր ամէնէն անտեղի ու ծիծաղելի միջոցներու դիմելէ: Այս օրեր քանի մը ձերբակալութիւններ կատարեց Հեյպէլի և Դընալը կղզիներուն ու Պոլսոյ մէջ, բայց բացէ ի բաց հասկնալով իր լրտեսներուն ազտոտ որոգայթը Հայերուն դէմ, շատերը, և, հիմայ կ'ըսուի թէ՝ բաղդախնդիր մասնիչները պիտի պատժըւին . . . (?):

Իզմիրեան Պատրիարքի յանդուդն ու համարձակընթացքը շուարեցուցեր է կառավարութիւնը և դեսպանները, ժողովուազը խանդավառ ցոյցերու մէջ միշտ կը դիմաւորէ իր սիրեցեալ Պատրիարքը, և անհամար բազմութեամբ կը խռնուի անոր քարոզները լսելու:

Այժմ, բաժազան է, պաշտօնեաներուն կեղծ բիւ-

Եաբութիւնը բռնած է, որով կը ջանան աւելի յագուրդ  
տալ իրենց վայրագութիւններուն: Բանտերուն վիճակը  
դժոխային է: Սիմօն պէտին երկու ահաբեկիչները դար-  
ձեալ ծեծ կերած են, խոստովանելու համար թէ իրենք  
լաւ կ'ուտեն կը խմեն ու հանգիստ կ'ապրին:

\* \* \*

Սեբաստիա, 16 յունվար 95

Սեբաստիոյ Տուզլասար գիւղէն տասնըմէկ Հայեր,  
անցած տարուն յունվարին ձերբալուած ու բանտարկ-  
ւած էին նոյն գիւղէն Յարութիւն և Սյրաս անուն եր-  
կու վատերու մատնութեամբ:

Ահա ասոնց անունները.

Տէր Ասատուր քահանայ Կէտեան  
Յովհաննէս Պասմաճեան  
Նշան Զարագճեան  
Գալուստ Սրապեան

Այս չորս Հայերը դատապարտուեցան տասնըին-  
գական տարուան բերդարգելութեան:

Կարապետ Քէօսէեան  
Գրիգոր Քէօսէեան  
Սարգիս Երեմեան  
Սահակ Լէֆեան

Այս չորսը դատապարտուեցան իննական տար-  
ւան բերդարգելութեան:

Աւագ Պալիկեան  
Կիւրեղ Թօրոսեան  
Թօրոս Երեմեան

Իսկ այս երեքը դատապարտուեցան չորսական տար-  
ւան բերդարգելութեան:

Այս դատապարտութեանց առթիւ աւելորդ չեմ համարիր պատմել թէ ինչ հանգամանքներու տակ և ի՞նչ յանցանքներու համար ձերբակալուեցան և այդքան խիստ պատիժներու ենթարկուեցան :

Տեղացի մէկ քանի մատնիչներու թելաղբանքներով՝ կառավարութիւնը հալածանքի պատրուակ մը կը գտնէ, և կուսակալը երեսուն հեծելազօրք կը հանէ Տուղլասարի վրայ, որոնք առտուն կանուխ գիւղին եւ կեղեցին կը պաշարեն : Երբ ժողովուրդը՝ դուրս կ'ելլէր եկեղեցիէն, մէկիկ մէկիկ կը խուզարկեն ամէնքն ալ, բայց բան մը չկրնալով գտնել, տուները խուզարկելու կ'երթան և կը յաջողին քանի մը հին զէնքեր գտնել : Այս պատրուակով կը յարձակին լրտեսներու մատնանըշած անձերու վրայ և հայնոյանքով ու ծեծով ձերբակալելով աննկարագրելէ խոշտանգումներու կ'ենթարկեն գանոնք, մանաւանդ Գալուստ Սրբակեանը, զոր ոտքերէն կը կախեն գլխիվար, և սիւնի մը կապելով, հարւածներ կուտան հրաշէկ երկաթով, գլխուն տաք ու պաղ ջուր կը լեցնեն, ձեռք ու ոտքեր կը կապեն և սանդուխներէն վար կը գլորեն : Այս բոլորին պատճառը պարզ է, արիւնածարաւ կառավարութիւնը կը ջանար այդ անմեղներուն խոստովանցնել ինչ որ չէին գիտեր . . . :

Այսօր Սեբաստիոյ նահանգը զրկուած են տասը յատուկ զինւորական պատուիրակներ, իրեն հսկող, կառավարութեան կողմէն : Ասոնցմէ հինգը թուրք՝ և հինգը հայ են : Ասոնց ուտելիքը, խմելիքը, բնակարանը և ձիերուն կերը պիտի վճարեն նահանգին Հայերը, ինչպէս նաև անոնց ամսաթոշակներուն գումարը :

Եթէ Հայ մը ստիպուի ուրիշ նահանգ մը կամ արտասահման երթալ, նոյնիսկ ամենամօտիկ գիւղ մը կամ

քաղաք մը , պէտք է շդիմէ կառավարութեան և արտօնագիր ստանայ ստիկանութենէն , հակառակ պարագայն , կը ձերբակալուի :

Սերաստիոյ Առաջնորդ Պետրոս Եպիսկոպոսէն՝ կուսակալ Խալիլ պէցը խստիւ կը պահանջէ որ իրեն ու իր ժողովուրդին ստորագրութիւններով երախտագիտութեան ուղերձ մը պատրաստէ Սուլթանին զրկելու համար : Առաջնորդը մերժեր է բացարձարօրէն . . . :

Վ.Ա.Ա.

\* \*

Երգիկայ , 10 Փետրվար 95

Հայկական Խոգիրին պատրուակով ամենէն աւելի վնասուողներէն մէկն ալ Արման եղաւ : Երեք ու կէստարիներէ ի վեր բանտին մէջ կը հեծեն յիսունէ աւելի Հայեր , որոնց եօթը մեռան արդէն : Ասմէք , առանց ո՛ւ ե դատավճռի , երեք ու կէստարիներ սպասելէ յետոյ , դաւաճան Հայերու և համիտարարոյ թուրքերու շինծու վկայութիւններով դատապարտուեցան վերջապէս : Չենք գիտեր թէ՝ օրէնքի ո՞ր տրամադրութեամբը , այս բանտարկեալներէն խաներելը՝ մահուն , չորսը ցկեանս բերգարգելութեան դատապարտուեցան , բաց ի մէկէն , որ ութառն տարու ծերունի մըն էր , և որուն բանտարկութեան առաջն օրէն ըսած էր կուսակալը «Ծե՛ր , վկայէ՛ թէ ասոնք ապստամբներ են , ազատ ես այս օրէն . . . : Իսկ ծերը՝ «Սուտ վկայութիւն չ'մ կըրնար ընել» ըսած ըլլաղուն համար , պարտէր երեքուկէստարի բանտը պառկիլ և վերջը , իր աչքերուն լոյսը կորսնցուցած ըլլալուն շնորհիւ արձակուիլ , միանգամայն պարտաւոր ըլլալով ազօթելու «Սուլթանին . . . արեւշատութեանը համար :

Բոլոր այս յիսունն երիտասարդներուն դատապարտուելուն մեծ ոյժ տուած է գիւղին աւագերէց Տէր Յակոբի և մէկ քանի աղաններուն տեղեկագիրը որուն մէջ ըստած են. «Ատոնք գիւղին սրիկաններն են, արէտք է պատժուին :» Դիւղին միւս քահանան ալ, որ բանան է, ո՞և է ջանք չէ խնայած, միմիայն ինքզինք աղատ արձակել տալու մտահոգութեամբ, ուրիշ անմեղներ ամբաստանելու, Պօյաճեան կոչուած վատի մը աջակցութեամբ :

Եւ տակաւին մեր կղերականները յարգանք թռ' զ սպասեն մենէ . . . :

Այս կողմերու յայտնի բժիշկ Կարապէս Փածայեան, իր յեղափոխական, դեկտեմբեր 24 ին մահուան դատապարտուեցաւ :

ԱԱ.Տ.

\*  
\* \*

Ամասիա, 23 դեկտ. 1894

Նախորդ յօդուածով հաղորդած էի կառավարութեան ձեռք առած ստոր միջոցները, տեղիս հայ բնակչութիւնը ծայրայեղութեան մղելու համար, և յիշած էի սակայն թէ ի՞նչպէս պարտաճանաչ առաջնորդներ ի գերեւ հանած էին համիտական մեքենայութիւնները : Ի վերջոյ, կառավարութիւնը բանտարկութեան սպառնալիքի տակ ցրուեց նախկին քաղաքական ժողովը, և ընտրեց նոր մը, զոր վաւերացուց իր ձեռքով : Այս նորակազմ ժողովին աջակցութեամբը յաջողեցաւ բռնի ստորագրութիւններ ժողովել քաղաքիս Հայերէն, խոստանալով որ կառավարութեան իմաց պիտի տան թէ որո՞նք են յեղափոխականները : Արգիլուեցան նաև տունէ

տուն այցելութիւնները , ընկերային յարաբերութիւնները : Ստորագրութիւնները հաւաքելէ հազիւ երկու օր ետքը՝ ձերակալումները սկսան , և անմիջապէս բանտարկուեցան քսան Հայեր : Այդ միջոցին Մարզուանէն հոս ևկած էր յայտնի մատնիչ Քիրէմիտճեանը : Տեղիս Հնչակեան Մասնաճիւզին կնիքով սպառնագիր մը զըրկուեցաւ իրեն , զգուշութեան հրաւիրելով զինքը :

Քիրէմիտճեան ահօւղողով կը ղիմէ իր սիրելի Պէքիր բաշացին , որուն կը յանձնէ այդ սպառնագիրը : Բաշան , տեղեկանալով այդ գրութեան պարունակութեանը , կը հրամայէ որ քաղաքական ժողովը շատավիրեան ներկայանաց : Պէքիր , սպառնագիրը ձեռքը , կրակ կայրած , կատաղօրէն կը պոռայ ժողովականներու երեսին . «Ե՞նչ է այս , մինչեւ ե՞րբ այս դէս պիտի տեսէ . . . . կամ իր ազատամբներ կըսարքագրուիք , կամ այդ ֆեատաները յանձնեցէք ինձի : Զեզէ երեք օր պայմանաժամ , գացէք , խորհեցէք» : Պէքիր բարկութենէն չէր զիտէր ի՞նչ ընելը , կանչելով իր քով Քիրէմիտճեանը , պատուիրեց որ շուառվ մնկնի , խոսանալով ոստիկան տող իր անձնական պահպանութեան համար : Աւ մատնիչը մնենեցաւ ոստիկանով մը ղեկտեմբեր ԱՇի իրիկունը : Իսկ Պէքիր կը շարունակէր ձերբակալել ամէն Հայ , որ մաքուր ու կօկիկ հագուած էր , ու բանտը կը նետէր առանց հարցուփարձի : Այսպէս , երեք օրուան մէջ , բանտարկեալներուն թիւը կը հասնէր ՀԱՐԻՒՐ ԲՍԱՆԻ : Արդէն , Ազտիւլ Համբար , Եւրոպայի աչքին փոշի փշելու համար , մէկ քանի ամիս առաջ արձակել տուած էր Աժամսիոյ հայ բանտարկեալները , իսկ հիմա , արձակուածներուն կրկնապատկիւ բանտարկելով , անա-

մօթ Պէքիրը կը պարծենայ թէ՝ նիզի տակ առած է բոլոր յեղափոխականները :

Դեկտեմբեր 22ին, Հնչակեան Մասնաճիւղին կնիւ Պովլ Պէքիր բաշայի ձեռքը հասաւ գրութիւն մը, որուն թարգմանութիւնը կը դնենք հոս .

«Պէքի՛ր բաշա ,

«Քանիցս իմացանք թէ՝ պարծանքով յայտարարած ես թէ տեղիս յեղափոխական շարժման վերջ մը տուած ես, շատ մը Հայեր բանտարկելով :

«Քու պաշտօնդ է արդէն խարդախել և ճշմարտութիւնը խափանել : Բայց գիտցած ըլլաս, չէ՛ թէ դուն, այլ ամբողջ համրտական կառավարութիւնը, չէ՛ք կրնար զսպել մեր յեղափոխութիւնը . . . : Քու ձերբակալած Հայերը՝ անմեղներ են, իսկ մեր յեղափոխական ընկերութիւնը մշտահեւ է . և քեզի ցուցնելու համար մեր գոյութիւնը, ամենափոքրիկ նշանով մը, կ'ազդարարենք որ ահա՛ այս զիշեր բազմաթիւ յայտարարութիւններ ցրուելու վրայ ենք : Ժամ առաջ քեզի լուր կուտանք, որպէս զի, եթէ կրնաս, բուն ցրուիչները ձերբակալես, և քու վատ վարձկաններուդ խօսքին ահսալով անմեղներ չը բանտարկես, որսվհետեւ մենք ալ պիտի ստիպւինք այդ վատերուն դէմ գործել : Կը զգուշացնենք :»

Հնչակեանները կատարեցին իրենց խօսքը : Նոյն գիշերը ցրուած էին նաև թուրքերէն յայտարարութեան մը բազմաթիւ օրինակներ, ահաւասիկ թարգմանութիւնը .

«Իսլա՛մ հայրենակիցներ ,

Քաղաքակրթուած երկիրներու մէջ, ուր չը կայ խարրութիւն ո՛չ կրօնի ո՛չ ազգի, կա՛յ ազատութիւնը մամաւի, խազի, խօսքի . բայց մեր հայրենիքը, այդ կենսական ազատութիւններէն զրկուած ըլլալով, պար-

տականութիւն կը համարենք ժամ առաջ իմաց տալ ձեզի, ինչ որ կարեւոր և ինչ որ իրական է։ Համիտաւ կան կառավարութեան ներկայ սնանկ ու քայքայուած վիճակը գէպի կործանում կը տանի երկիրը։

Անթիւ ու խոչոր տուրքերու բեռը, ժողովուրդին ուսերուն վրայ ծանրացած, հարրած, շնացող, անարդար պաշտօնեաներ, կաշառակեր ու կեղեգող վարչութիւն մը, ահաւասի՛կ ներկայ իրականութիւնը։ Այս շմարտութեանց առջեւ ո՛չ մէկ Օսմանցի չը կրնար լուս մնալ։ Այս ամէնը տեսնելով, հայրենիքի հարազարդաւակ մը չը կրնար անտարեց մնալ։

«Իսլամնե՛ր, մինչիւ ե՞րբ պիտի լուս մուռ հանդուրժէք այդ ստրկութեան, եթէ չը դործէք հայրենիքին ազատութեանը համար, մօտ օրէն պիտի տեսնէք զայն աւեր ու պատառ պատառ եղած։ Խոկ մենք, Հայերս, երբ այսքան տառապանքներ կը կրենք ձեր աշխինք առջեւ, հայրենիքին փրկութեան համար, մեղի կը տրուի խոռվարար անունը։ Երբ, հայրենիքի ազատագրումին համար զոհեր կուտանք բանտերու, աքսորներու մէջ ու կախողանի վրայ, մեզի կը տրուի զող, աւազակ անունը...։ Բայց ի՞նչ անուն ալ որ մեղի տըրչի, հոգ չէ, բաւական է թէ՝ հայրենիքը տեսնենք ազատուած ամէն բռնութենէ...։

«Իսլամնե՛ր, արթնցէ՛ք ձեր քունէն և ժամ առաջ ձեր փրկութիւնը խորհեցէ՛ք...։ Հայ Յեղափոխական Հնչակեան Գօմիքէին կողմէն։»

Նոյնպէս, ուրիշ թուրքերէն յայտարարութիւններ ցրուեցան գիւղերու ճամբաներուն վրայ և յարմար վայրեր փակցուեցան դարձեալ նոյն Գօմիթէին կողմէն։

Ահաւասիկ թարգմանութիւնը.

«Գիւղացի՝ ժողովուրդ,

Անշուշտ իմացած էք հայկական շարժ և միները, սաւկայն ձեր կեղծ բարեկամները սխալ կը հասկցնեն ձեզի մեր նպատակը։ Դուք ալ, մեզի նման, Հայերուն նման, ճնշուած էք ու հարստանարուած։ Կառավարութիւնը, ձեր արդիւնաբերութեանց համար ծանր ու պէսպէս հարկեր ուրոյն ուրոյն առնելէ զատ, չահու տուրք ալ կ'առնէ, մինչեւ անգամ, հակառակ ձեր անկարողութեան, երբեմն բռնի վաճառելով ձեր գոյքերը, ասիկա պոռացող անիրաւութիւն մըն է։ Դուք այդպէս ճնշուելու համար չէ, որ աշխարհ եկած էք, դուք, պատրաստելով ձեր, այսինքն ժողովուրդի տարրական և էական պէտքերը, պէտք է իրաւունք ալ ունենաք ազատ ու հանգիստ ապրելու։ Մենք, Հայերս, շարժումներ կ'ընենք այն հարստանարութեանց դէմ, որոնք կառավարութեան կողմէն ի գործ կը դրուին ամէն հպատակի վրաց ։ Օր մը կը հասնինք մեր նպատակին . . . :

«Գիւղացիներ, ձեր պարտքն է մտածել մեր վըրայ . . . »

Ճիշդ այս շարժումներու մըջոցին էր որ՝ քաղաքիս փողոցներէն մէկուն մէջ պտըտող ոստիկանները դտան աղքի մէջ նետուած Դուրան մը։ Համրափ ողաշտօնեաններուն մէ՛ մասը, Հայերուն վերագրելով այս գործը, սկսաւ գրգռել պաշրպօղուգները Հայերուն դէմ։ Բայց թուրք հասարակութեան խոհեմ մասը, որ համակիր էր ծանօթ յայտարարութեանց, սկսաւ թուրքերուն մէջ փնտուել և դտաւ հեղինակը, որ թուրք մըն էր, և յանձնեց զայն կառավարութեան։ Յետոյ, իր խենթ զրկուեցաւ Պոլիս յիմարանանոցը, իսկ զրդիչները, երեք թուրքեր, բանտարկուեցան։

\* \* \*

ՄԱԿՆԱՌՈՒՍՈՒՆ, 6 Յունվ. 1895

Այս կողմերու մէջ կատարեալ անիշխանութիւն մը կը տիրէ : Ամբողջ կեսարիան և իր չըջակաները լկակ ոստիկաններու ամքին թողուած են, որոնք իրենց ուղածին պէս կը վարուին Հայերուն հետ : Մենք ալ բաժին ունեցանք կեսարիոյ Հայերուն գլխուն եկած այս անլուր խժդժանքնեւէն, շատ մը նոր հարսերու պատիւններ բռնաբարու եցան, շատերու պարանոցի շաբան շարան ոսկիները յափշտակեցին, շատ ընտանիքներու գոյքերը աւարի տուրն և այդ ամէնը կը կատա տուի երկրին ապահովութեան համար Սուլթանէն վարձուած անկուտի զալլիիներու ձեռքով : Անցեալ դէպքերու շարունակութիւնն ըլլալով, գրեթէ մէկ ամիս առաջ, Մունճուսունը ին սարսափնեյուն ենթարկուեցաւ : Նոյեմբեր 29ի երեքշաբթի գիշերը, եկեղեցիի կից Մարգար Ասլաննեան անուն անձին տունը յանկած փօլիաններ պաշարելով, սկսան խուզարկութեան : Այս մարդը՝ Անդրէաս անուն վատ հայու մը մատնութեամբ ամբաստանուած էր իրեւ իր տան մէջ պայթուցիկ նիւթեր պատրաստով : Մանրակրկիտ խուզաւկութենէ մը վերջ, բան մը չը գտան, բացի մէկ րիվոլվերէ և երկու հրացանէ : Ոստիկանները ճարահատ, պահականոցը կը վերադառնան և իրենց ցերեկուան շահատակութիւններէն յոգնած, կը մտնեն անկողին : Յանկարծ կը լսուին հրացանի պայթիւններ և լացուկոծի վայնասուններ : Կառավարութեան ամբողջ շէնքը կրակի մէջ էր : Եւ այդ հրդեւը, շարաշուք զուգագիպութեամբ մը, կուգար Հայերու գլխուն նոր փորձանքներ բանալու : Շէնքին մէջի ութը ոստիկաններն ալ ողջակէզ եղան :

Յայտնի է թէ ալս դէ զըն մէջ ալ Հայերը պ'տի ամբաստանուելին :

Անմիջապէս սկսան ձերբակալումները : Հետեւեալ առառուն կեսարիոյ միւթէսարը թքը կ'այցելէ հրդեհին վայրը, և շղթայի զարնելով շատ մը Հայեր — որոնց պ սրագլուխը կը համարուէր Մարգար Արալանեանը, քաշկռտել տուաւ մինչեւ կեսարիոյ բանտը, անտարակ կոյս միջնադարեան խոշտանգումներէ ետքը, մահուան դատապարտել տալու համար զանոնք : Ամէն մարդ տունք նստած, իր ձերբակալուելու ժամուան կը սպասէ . . . :

ՃԳՆԱԽՈՐ

\* \* \*

Վան, 25 Յունիս 95

Սնանկացած կառավարութիւնը կը կեղեքէ ժողովուրդը կաշառակերութիւններով, կողապուաներով, ուղղակի թէ անուղղակի տուրքերով, լոկ իր դատարկ ու անյատակ քսակը լեցնելու համար :

Հայուն համար արգիլուած է նոյնիսկ եկեղեցիի մէջ հանդարտ մտքով ալօթել : Զապթիէն կը յանդգնի եկեղեցին ծացը ձերբակալել Հայը : Զարշին, հրապարակը խռնուած ամբոխին մէջէն, զապթիէն ուղած հայը ծեծելով կը քաշկռտէ կը տանի բանտը . . . : Ամէն կերպով հոգելարքի մէջ ենք, մեր երկիրը կը տիրէ թանձր խաւար : Քաջբերունիք, Մոկս, Շատախ, Բշտունիք, վերջապէս բովանդակ Վասպուրականը կորաւ գրեթէ . . . : Ժողովուրդին մեծ մասը կը գալթէ :

1894 հոկտեմբեր 8ին, Կէղան գաւառի Անպոն աշնուն վանքին վերակացուն Երէցեան Մանուկ, իրենց գիւղացի Շէյխի պէյին հետ զէճի մը խոնդրով, երբ կաշ

ռավարութեան դիմելու համար ճամբայ կ'իջնայ, յիշեալ Շէլիսի պէյը, իր եղբօրորդիին հետ, ճամբան ասոր դէմը կ'ելլեն և մարմինը շամփրելով կը խորովն, այսպէս, երեք օր, իրենց տան մէջ դիակը պահելէ յետոյ, գլխի կաշին կը քնրթեն և յետոյ քանի մը շալակ փայտ լեցնելով խեղձ Մանուկի վրայ, կ'այրեն . . . :

94 դեկտ. 18ին, Մոկս գաւառոյ 20 տունէ բաղկացեալ Սպասանց գիղի բնակիչներէն եօթը հոգի, ա՛ւ չի կրնալով դիմանալ գործուած ոճիրներուն ու խժդժանքներուն, կրօնափախութեան կը դիմեն :

95 Յունվար 2ին, Խշտունեաց գաւառուցի Կուլիխան պէյի արբանեակներէն Եօւսուֆ անուն սրիլան, որ կաթողիկոսին եղբօր հարսը փախցուցած էր. երբ Բախչանց գիւղացի ութ տարու Մուրատեան Մարտիրոսին պատիւը բռնաբարել կ'ուզէ, այս վերջինը՝ Նարեկայ վանքին դպրոցը կը փախչի կ'ապաստանի : Սակայն այս մարդուկերպ հրէշը քանի մը սրիկայ ընկերներով վանքը կը մտնէ իրիկուան գէմ, և ժամերդութեան միջոցին յիշեալ ուժամեայ պատանեակը դուրս կը քաշէ տաշճարէն և վանքին տնտեստունը տանելով հոն կը փակէ, և, ծայրայեղօրէն հարբած վիճակի մէջ, մինչեւ արշաւոյս կը լիկէ աղան . . . :

96 Յունվար 40ին, դարձեալ Մոկս գաւառը Գնէկանց գիւղացի Մանուկեան ուս Թուլիմիկ և ընկերը Դագար, երբ տուրքի վճարման պայմանաժամ մը խնդրելու համար գայլագամին կը բերուին ոստիկաններով, գայմագամը լա՛ւ մը ծեծելէ վերջ, փոքր խրճիթի մը մէջ բանտարկել կուտայ զանոնք և հոն փթիեր (անտառունի աղբ) վառել տալով, այնքան մուխ լեցնել կուտայ ներսը, որ երիտասարդները չնչանց կը մեռնին երեք ժամուան մէջ . . . :

ՎԱՍՊՈՒՐԱԿԱՆՑԻ



Սամասն, 4 Յունիվար 95.

Այս օրերս, չնորիւ տեղական ոստիկանութեան աջալուրջ (՞) հսկողութեան, բանտէն եօթը հոգի փախան, երկուքը հայ :

Զերբարկալումները կը յաճախեն, վաճառականութիւնը փճացած է բոլորովին, շատերը շուարած, վաղորդայնին կը սպասեն, իսկ շատերը կը հեռանան . . . :

Հոս ձերբարկալուած ու Տրապիզոն փոխադրուած բանտարկեալներուն դատավարութիւնը վերջացաւ : ՏԱՄՆԵՅԹԸ հոգիէն ՏԱՄՆԵՐԿՈԽԲՅՌ՝ անպարտ արձակւեցան . իսկ մնացեալ հինգը՝ դատապարտուեցան, Առոմ՝ 15 տարուան, Գ. Վարդուկեանը, Արժենակը (Ֆիսինի) և Զարշամպացի Աւետիսը՝ 40ական տարուան և Զարշամպացի Քէհեայի Կարապետը՝ 5 տարուան : Առոմկ. Պոլիս տարուեցաւ :



Կիլիկիլ, 20 Յունիվար 95

Ամէն կողմնորէ զօրքեր կը համախմբեն : Ամէնքը Զեթուն զրկուեցան : Քաղաքներուն մէջ մունետիկներ կանչեցին թէ՝ զօրքերը Մարաշի պահպանութեան համար մեկնեցան, մինչդեռ ո՛չ մէկ շարժում չկայ Զեթունի մէջ . . . : Կառավարութիւնը կ'ուզէ ի՞նքը զրգել որ Զեթունի մէջ ալ ըլլայ ինչ որ եղաւ Սասունի մէջ :

Ատանայի բանտարկեալներէն շուրջ նազար ոսկի կը պահանջուի ազատ արձակելու համար զիրենք, բայց բանտարկեալները կը նախընտրեն բանտը մեալ, քան թէ այդ գումարը վճարել :

Հալէսի կեղրոնական բանտին մէջ դեռ կը մնան Զեթունի և Պէջլանի բանտարկեալները, միայն ֆոռնուզի ալեղարդ եպիսկոպոսը Տ. Նիկողայոս Սրբազն, երկու ամիս առաջ Պատրումի բերդը փախաղքուեցաւ :

Երկինքը ամպուտ է և սրոտալից, փոթորիկը մօտառւ և անխոռապելի . . . :

### ՏԱՐԱԾՈՅՑԻ

\*  
\* \*

Կ. ՊԱԼԻՍ, 27 յունիւար 95

Արշիպեղագոսի արեւմտեան եղերքը, Գալալոյիւ մօտ կը դանուի այս պահուս անգլիական նաւատորմիզը : Թոււականէս քանի մը շարաթիներ առաջ, նաւատորմի հրամանատարի որդին, քանի մը հետեւորդներունետ միասին ցածաք կ'ելլէ որսորդութիւն ընելու : Քաղաքէն բաւական հեռանալով, կը համարն իսմայիլ պէտ անուն մեծահարուստ թոււրքի մը ագաւակը, հետաքրքրութենէ մզուած, Անգլիացիները ներս կը մանեն ագարակէն և կը սկսին շրջադաշիլ դանազան մասերուն մէջ, հետազօտ ակնարկներ պալուցնելով բոլորտիքը : Մինչ այս մընչ այն, կը հանգիսին ագարակին տիրոջը, որ մեծ պատիւներով կ'ընդունի զիրենք և իր հոգածութիւնը կը նուիրէ մասնաւորապէս հրամանատարի զաւկին, որ վայելչակազմ ու սիրուն երիտասարդ մընէր : Ագարակապետը կ'առաջարկէ որ երիտասարդին հետեւորդները՝ ագարակի մշակներուն հետ որսի ելլել

շրջակայ անտառները : և իրենք՝ ագարակապետն ու հրամանատարի որդին՝ ագարակը մնան և զուարձանան մինչեւ անոնց սրարդութենէ վերադարձը : Հը-  
րամանատարը փափկութեան հակառակ կը նկատէ այս քաղաքավարակուն տուածարկը մերժել և կը հաւանի : Թո՛ղ միւսները որսի երթալու րլան, տողին, մեր ա-  
գարակապետ պէջը, Անգլիացի պարմանիին հետ տուան-  
ձին մնալուն պէս, իր բնագդային վայրուգ կիրքին  
անձնատուր՝ բռնութեամբ կը լիկէ զանիւ : Երիտասար-  
դին յաւառհատական մաքառումը կը մնայ անզօր, և  
հազիւ կը յաջողի, ցաւալի միջադէպէն ետքը, ինք-  
զինք զրահաւոր նետել և հոն, իր հրամանատար հօրը  
կը յայտնէ ամէն բան : Զրահաւորին բժիշկը քննու-  
թեամիկ կը հաստատէ եղելութիւնը : Հայրը կրակ կը ա-  
րած, աեղական իշխանութենէն կը պահանջէ դարչենի  
յանցաւորը, բայց կառավարութիւնը, բնդհակառակը,  
Խսմայի պէջին փախուստը կը զիւրացնէ դէպի Սելա-  
նիկ : Ասոր վրայ, նուատարմին հրամանատարը բոլոր  
զրահաւորներուն թնդանօթները դարձնելով դէպի ծո-  
վեզերը, կը յայտարարէ որ եթէ յանցաւորը չը յանձ-  
նուի, ոմբակածումը պիտի անմիջապէս սկսի : Կառա-  
վարութիւնը սարսափահար, կը փութայ ձերբակալել  
տաւ Խսմայի պէջը և կը յանձնէ զոյն հրամանատա-  
րին : Հիմա յիշեալ անձը բանտարկուած է զրահաւորին  
մէջ, հրամանատարը տուածարկած է Սելանիկի դատա-  
կան իշխանութեան՝ դադ դատել ոճրագործը զրահաւոր-  
ին մէջ, բայց միւսնոյն ատեն յարած է թէ ի՞նչ որ  
ալ ՌԱՅ թուրք դատարանին վճիռը, ինքը՝ հրամանա-  
տարը՝ որոշած է ոճրագործը զրահաւորին՝ գլխաւոր  
կայումէն կախել : Այդ պատիժը գործադրելու պարա-  
գային, այնչափ հայ երիտասարդներ, կոյսեր, կիներ

լլկող համիտի զօրքերուն ի՞նչ պատիժ տալ հայկ պիտի ըլլար, այն ատեն պէտք էր կախել ուրեմն ամբողջ Համիտիյէ հեծելագունդէ ըլլ...:

Քավալայի դէպքը գաղտնի կը պահուի անգլիական մամուլին մէջ, չը վիրաւորելու համար անգլիական անձնասիրութիւնը և ազգային արժանագատութիւնը, բայց հոս, ո՛չ միայն զիւանագիտական ակումբներու, այլ նոյնիսի հասարակ ժողովութիւններու, խոտոր առարկան է:

Նորընտիր Պատրիարք Տ. Մատթէոս Կոլիսկովոս Իշմիրլեան քագրից մը զրկած է գատական նախարարութեան, հետեւեալ իմաստով. — «Պատրիարքական աթուուր բազմած պահուս՝ շատ մը գործեր զիզուած գտայ զրասեզանիս վրայ, այն ամէս թզմակցութիւնները, զօրս մի առ մի աչքէ անցուցի, երեւան հանսցին ցաւալի գժբաղդութիւններ, որոնց ներքեւ կը հեծէ հայ ազգը, ասոնց մասին ընելիք դիտողութիւններս ուրիշ ատենուան վերագանելով. առ այժմ կուգամ Զեր Վանեսթեան ուշագրութիւնը հրաւիրել ՍՍՈՒԻՆԻ ՍՈՍԿԱԼԻ ԿՈՏՈՐԱԾԻՆ վրայ, որ ամէս հայու սիրար դառնագին տիրութեամբ լեցուցած է: Կը փափագիմ իմ կումէս յատուկ եկեղեցական քննիչ մը զրկել Սասուն, որպէս զի Զեր Քննիչ Յանձնամոզովի աշխատութիւնը դիւրոցնէ, և ըստ որում Մշոյ Առաջնորդը երեք տարիէ ի վեր բանտարկուած է և շրջակայ գաւառներուն մէջ ալ կա՛մ առաջնորդ չը կայ, կա՛մ եղածները բանտարկուած են, հարկ անհրաժեշտ է որ այդ քննիչ եկեղեցականը Պոլիսէն զրկուի, ուստի, այդ մասին, Զեր արգարագատութեանը կը սպասեմ: »

Պատական նախարարը շատ բարկացեր է այդ թագրիրը կարդալով, և յայտարարելէ յետոյ թէ՛ մինչեւ հի-

մայ այդ ոճով թագրիր չէ՝ գրուած և գրելն ալ պատշաճութեան հակառակ է, վերադարձուցեր է զայն։ Բայց իզմիրեան սրբազան, թագրիրը ետ բերաղ պաշտօնէին դառնալով՝ կ'ըսէ. «Բարեւ ըրէ՛ք ձեր բաշային և ըսէ՛ք իրեն որ այս թագրիրը իւնեն զրկողը՝ Թուրքիոյ Հայերուն Պատրիարքն է և բարեկրթութեան հակառակ է զրկած թագրիրս ինծի վերադարձնել. գիտե՛մ, նկատողութեան չպիտի առնէ այս զիրը, ինչպէս որ մինչեւ հիմա չէ՝ առած ազգիս կողմէն իրեն եղած ուրիշ ամէն դիմումներ, բայց խնդիր չէ, այս բողոքի ձայնս պէ՛տք է իր քով մնայ . . . : » Այսպէս իտուելով վերստին պաշտօնեային յանձներ է թագրիրը և դատական նախարարին վերադառնուցեր։

## [p. 9]

Օսմանեան կայսրութեան ամէն կողմերը, ինչպէս նաև կովկասի, Պարսկաստանի և երկրագնդի զանազան մասերուն մէջ ցանցնուած բովանդակակ հայ ժողովուրդին ոչքը յառած էր Սասունի վրայ, ուր Եւրոպական Քննիչ յանձնաժողովով տակաւին կր շարունակէր իր դանդաղընթաց քննութիւնները։ Տեսդու անհամբերութիւն մը կը տիրէր հայկական բոլոր խաւերուն մէջ, սպասելով Քննիչներու պաշտօնական Տեղեկագրին, որ սակայն կ'ուշանար։ Միւս կողմէ, գաւառական աղեխարչ թզմթակցութիւնները կը տեղային Պոլսոյ Ազգ, Պատրիարքարանը։ Իզմիրեան Արքազանի այս մասին ըրած պաշտօնական զիմումները՝ անգլիական, ֆրանսական և ռուսական մեծ դեսպաններուն՝ կը կատղեցնէին Սուլթանը։

Ոստիկանութեան նախարարը Նազըմ, Եղլարզի  
քարտուղար մըն ալ հետը, կ'այցելէր յաճախ Գում՝ Գա-  
րու, իզմիրլեան Պատրիարքին, Հիւնքեարին պատգամ-  
ները հաղորդելու և յորդորելու զինքը, որ գաղրեցնէ  
իր պաշտօնական դիմումները՝ եւբոպական մեծ դես-  
պաններուն քով, շւայլ խոստումներով ողողելով Պատ-  
րիորքը, և հայկական դատին սօտալուա և նպաստա-  
ւոր յօւծման մը սին յոյսերով ջանալով օրօրել զանի:  
Սակայն, իզմիրլեան, երկրին ներսերէն անընդհատօրէն  
հասած կեղեքումներու, ձերբակալումներու, բանտար-  
կութիւններու, բռնաբարումներու և սպանութիւննե-  
րու լուրերէն ջղայնացած, անդրդուելի կը մնար իր  
յամառութեան մէջ, ա՛լ աւելի սպանական դիրք մը  
բռնած՝ հանդէպ Ապսիւլ Համբիալ:

Ահաւասիկ վաւերական թղթակցութիւն մը,  
«Հնչակ»ի 1893 Ապրիլ 25ի թ., Տին մէջ հրատարակ-  
ւած, որ կը պարզէ այդ օրերու աղգային հոգեկան  
գիճակը:

Կ. ՊՈԼԻՍ, 5 Ապրիլ 1895

Զատկի աօնին երկրարդ օրն է: Ժաղովուրդը կա-  
նուխէն սկսած է գրաւել Բերայի ընդաձակ գերեզմա-  
նատան գետինը: Տեղւոյն Ս. Լուսաւորչայ մատուոը  
ասեղ ձգելու աեղ չկայ: Արշալոյսին հետ արդէն կը  
լսուին հրազէններու որոտալիր սայթիւնները: Վեց սո-  
տիկաններու ջակատ մը, գլուխնին ունենալով գօմիսէր  
կարապետ էֆէնտին, կը պահպանեն գերեզմանաւան  
մուտքը, որպէս զի: Ծնորհիւ Վեհափառ Սուլրանին,  
բարեկարգութիւնն անվթար մնայ: Ժաղովուրդի հոսան-  
քը սակայն մէկ կողմէն կ'ուռածանայ, կը ծաւալի, հը-  
քազէնի ծուխները պղտիկ ամզերու նման կ'ոլորտանան

օդին մէջ և հազարաւոր բերաններ մէկ շունչով կ'աշ գաղակեն .—Կեցյէ Հայաստան . . . :

Գօմիսէր Կարապետ Էֆէնափին փիլիսոփայական համակնը պաւթեամբ մը կը ծխէ իր գլանիկը : Եսոյն ոլահուն սստիկաննութեան բարձրաստիճան պաշտօնատար մը կ'անցնի հոնկէ և տեսնելով ժողովուրդի ծովածաւալ բազմութիւնը , որու վրայ միայն զեց սստիկաններ կը հսկեն . կը պառայ Կարապետ Էֆէնափի երեսին .

— Ի՞նչ է այս այսչափ բազմութեան հանդէսի ինչո՞ւ չունենանք գոնէ 50-60 զինւոր :

— Այսչափն ալ կը բաւէ , պատասխաննց Կարապետ Էֆէնափին , շարունակելով ծխել իր սիկարը :

— Բայց դուք այդ ընթացքով պատասխանաբարւութիւն կը հրաւիրէք ձեր վրայ , կը յարէ բարձրաստիճան պաշտօնեան :

Գօմիսէրը ուսերը կը թօթվէ , միշտ ծխելով ու քիթին տակէն կը մոլտայ .

— Մէկ կողմէն մեզ անօթի պահցէք , մեր ամսականները մի՛ վճարէք , և միւս կողմէ , եկէ՛ք հրամաններ որոտալ , հրամաններ որոտալ , հրահանգներ շըռայլել , շիտակը ըսելիք չըկայ . . . :

Բայց ժողովուրդը՝ ախորժ չզգար սստիկանական հսկողութենէն : Գանգատները կը շատնան :

— Աս ի՞նչ կը նշանակէ , կը պօռան ամէն կողմէ , միթէ մենք բարեկամութենէ չե՞նք հասկնար , ինչո՞ւ ուրեմն իսլամները կը յանդգնին ոտք կոխել մեր սըրբավայրերը՝ բարեկարգութիւնը պահպանելու որատուակով . մենք միթէ Պայքամի օրերը զիրենք ո՛ւ և է կերպով անհանգիստ ըրի՞նք , թո՛ղ ուրեմն մեկնին այս տեղէն ու մեզ առանձին թողուն :

Եղած գանգատները մատուի քահանաներէն մէկուն

մլջոցաւ կը հազորդուին գոմիսէրին, հրաւիրելով զի՞նքը՝  
որ անսմրջապէս մեկնի ոստիկաններուն հետ։ Գօմիսէրն  
ու ոստիկանները չեն երկրորդեր տար այս հրաւէրը,  
կ'առնեն կը քալեն, կարապետ էֆէնտին միշտ փիլիսո-  
փայտաբար ծխելով իր սիկարը։

Քանի մը ժամ ետքը, ոստիկան-զի՞նւոր մը, ցոյց  
տալ ուղելով իր ճարապիկութիւնը, կը փորձէ 14—15  
տարու պատանիի մը ձեռքէն հրազէնը խլել։ Պատանին  
կ'ընդդիմանայ, առարկելով թէ՝ այդչափ հազարաւոր-  
ներ հազէն կը պարզեն, և թէ, հետեւարար ի՞նք ալ  
պէտք է ազատ թողուի անսոնց օրինակին հետեւելու։  
Ոստիկան-զի՞նւորը բոնութիւն բանեցնել կ'ուզէ, բայց  
քաջասիրտ պատանին, հրազէնին բնակոթութը կլորիկ  
հարուածներ կը տեղացնէ անոր գլխուն, մշնչդեռ ու-  
րիշ պատանի մը, ոստիկան-զի՞նւորին վիզը կը պլորէ  
ջլապինդ։ Ոստիկանը ճարանատ, կը սուլէ, և ուրիշ  
ոստիկաններ կը հասնին, բայց ժողովուրդը կայծակի-  
նման կը խոյանայ անսոնց վրայ, զի՞նաթափ կ'ընէ զա-  
նոնք և կը սկսի փառաւոր տփոց մը տալ, ոստիկան-  
ներն ուժասպառ, օգնութիւն կ'ազալակեն իրենց թո-  
քերուն բոլոր ուժովիը, զի՞նւորները կը հասնին և կը  
մերկացնեն իրենց սուլինները։ Ժողովուրդը սուլիններուն  
կը պատասխանէ գաւազանի և կուռփի հարուածներով։  
Երեք Հայեր կը վիրաւորուին, որոնց մէկը ծանրապէս,  
իսկ զօրքերէն շատերուն գլուխը, կուրծքը կը ջախ-  
ջախուին։ Մօտակայ զօրանոցէն հեռագիտակով կը դի-  
տեն զի՞նւորներուն անյաջող փորձերը, օգնութեան փո-  
զը կը հնչէ և ուժը հարիւր զօրքերու գումարտակ մը  
հեւ ի հեւ կը հասնի գերեզմանատառնը, որուն բոլոր  
դռները չորս կողմէն փակելով կը պաշարէ սրբավայրը...։

Սասունեան երկրորդ կոտորած մը մօտալուա կը



Տ. Տ. ՄԱՅՐԻԿՈՒ. ԹՀԱՐՔԵԱՆ

թուի : Երկչոտները ծակէ ծակ կը փախչին , բայց ստուար մեծամասնութիւնը հան է , կոռուելու և մեռնելու պատրաստ :

Վեհափառ Սուլքանի կառավարութիւնը սակայն , ինքզի՞ք կ'ամփոփէ և ահա՛ զինւորական փաշա մը քառասմբակ կը սլանայ գերեղմանատուն , և կը գոռայ զօրքերուն .

— Անսլիփտաններ , ձեղի ո՞վ հրաման տուաւ որ անհանդիստ ընէք այս ժաղովուրդը . բացէ՛ք բոլոր դոները , և դուք տեղերնիդ կորի՛ք . . . .

Փաշան անշուշտ ժոռցած էր թէ՛ մէկ քանի վայրկեաններ տռաջ՝ իրեն նման ուրիշ փաշա մըն ալ հրաման ըրած էր գերեղմանատունը պաշարելու : Յետոյ , գերեղմանատուն մանելով , փաղաքչական խօսքեր կ'ուղղէ՛ ժաղովուրդին և կը փորձէ զանոնք սիրաշահիլ :

Այս առիմիւ մէկ քանի ձերբակալումներ տեղի ուշնեցան Հայերուն մէջէն , որոնց թիւը կը հասնի տասկիրեքի :



Աքսորեալ կամ բանարկեալ եկեղեցականները , որոնք կայսերական ներման արժանացած էին , հետզետէ կը բերուին մայրաքաղաքը :

Արարկիրի Առաջնորդ Տ . Եղիկի Ապահովնի և Ատանայի Առաջնորդ Տ . Մկրտիչ Վեհապետեան եպիսկոպոսներէն զատ , որոնք վերադարձած էին արդէն Երանակարգէմի իրենց աքսորավայրէն , հետեւեալ եկեղեցականներն ալ Ազգ . Պատրիարքարանին յանձնուեցան Զատկի Ծրագալոյցին իրիկունը :

Տ . Կարապետ եպիսկոպոս Քէջեան , Տ . Ղեւոնդ քահանայ Ճէնանեան (Մուհապպէթճի Տէրտէրը) և Տ . Նշան քահանայ Ստեփանեան՝ Հալէպէն : Պուլանըխցի Տ . Արմէօն վարդապետ Ղեւոնդեանց , զանահայր Կոփայ Ա . Դանիէլի . Տ . Արրահամ վարդապետ Մշեցի . Ա . Առաքելոց վանքէն . Տ . Խաչառուր քահանայ Տ . Յաւրութիւնեան Ալաշկերտցի . Տ . Վարդան վարդապետ Բրոխորանեան Քէմայցի . Տ . Թաթուլ քահանայ Կարմիրեան . Զարչամպացի . Տ . Մկրտիչ քահանայ Թահմաղեան Սամսոնցի . Տ . Յովհաննէս եպիսկոպոս Գաղանձեան Պոլսեցի՝ Միւմպիճէն , Տ . Կարապետ քահանայ Երէցեան և Ֆունուղի վանահայր Տ . Նիկոլայս եպիսկոպոս Դաւիթեան՝ Պոտրումը բերդէն :

Թէեւ ասոնց , ընչպէս նաև բոլոր աքսորուած ու բանտարկուած եկեղեցականներուն ազատ արձակուելուն համար իշտատէ հանած էր Սուլթանը , բայց յիշեալ եկեղեցականները , Պոլիս բերուելէ յետոյ , մէկ քանի շաբաթներ սատիկանութեան կողմէն բանտարկուեցան և միայն վերջերս յանձնուեցան Պատրիարքարանին : Դիտելու էր ասոնց խեղճութիւնը : Ոմանց ստքը գուլոպայ չկար , շատերոււն գլուխը՝ անծառ ֆէս մը , վրան մաշած եազմա մը փաթթուած , ամէնքն ալ պատառատուն հագուստներով : Սրբազնն Պատրիարքին հրամանով , ասոնք Մայր եկեղեցին իջան Խթման իրիկունը , և եկան կարգով շարուիլ Նարին Սըբագնութեան առջեւ : Յետոյ , Սրբազնն Պատրիարքը զանոնք առժամապէս տեղաւորել տուաւ մայրաքաղաքի եկեղեցիներուն մէջ , պատառիրելով որ հիւրասիրուին և ամէն կերպով հոգացուին անոնց պէտքերը :

## ¶ Ա.

Եյանդավառութեան օրեր՝ 1895ի գարնան սկիզբաները : Վերակենդանացած բնութիւնը կը ժպտէր իր պայծառ երկինքով ու աւաքուկ արեւով : Յոյմի, նոր կեանքի, տղատութեան քարտպներով կը թնդային տաճարները : Մայրաքաղաքի զանազան եկեղեցիներուն մէջ տեղաւորուած հայ եկեղեցականները, որոնք կայսերական ընդհանուր ներման արժանացած, հիմա կը պալտէին արձակ համարձակ, աարիներու բռնութեան տակ հնծող ժողովուրդին կ'աւետէին Հայտատանի մօատալու փրկութիւնը : Ամէն տուն խաղ ու խնչոյք, պարեր ու երգեր : Ամէնուն դէմքը կը ծիծաղէր : Գում Գարբուի Պատրիարքարանը տեսակ մը Բ. Դուռ զարձած էր, ամէն օր դեսպանական այցելութիւններ : Ամէն օր, ամէն ժամ, պալտատականներու և նախարարներու շքեղ կտոքեր, Պատրիարքարանի պողոտային մէջէն գլուխայն կ'անցնէին ու կանգ կ'առնէին Մեծ Դիւռին առջեւ : Իզմիրի եան Պատրիարքը, իր փառքին գագաթը բարձրացած, իր բորբոք երեւակայութեանը մէջ կ'ողջունէր հայ ազատագրութեան արշալոյսը, որ ծագելու մօտ էր :

Հայ պետական բարձրաստիճան անձնաւորութիւններ, որոնք սովորաբար Երլարզի պատգամները Պատրիարքին հաղորդելու և կայսերական սպառնալիքներով զանի համակերպութեան յորդորելու համար մըսյն կը հաճէին այցելել Պատրիարքարանը, հիմա, Համիտի այդ բանքերները, յանկարծ յեղաշրջուած տեսնելով Երլարզի բռնակալին հայահալած քաղաքականութիւնը, կը փութային իրենք անձամբ կամ իրենց այցաքարտով իրենց խնդակցութեան զգացումները դնել Երկարէ

Պատրիարքի ոտքին տակ, ու հայկական յեղափոխութեան տուած իր կռնակը, կը յաջողէր վերջապէս կարգի բերել Սասունի Զարդերուն Հեղինակը, Հայ Ցեղին ուխտեալ Թշնամին՝ Ապտիւլ Համիտը :

Սակայն ինչո՞ւ աւս յեղակարծ փոփոխութիւնը :

Սասուն զրկուած Եւրոպական Քննիչ Յանձնաժողովին պաշտօնական տեղեկագիրը հասած էր նոյն օրերը Պոլիս, Մեծ Տէրութեանց դեսպաններուն, որոնք նոյնը հաղորդած էին իրենց պատկանեալ դահլիճներուն :

ուզումը մեծ եղաւ Եւրոպայի գրեթէ զանազան կեզրոններուն մէջ :

Ամէն կողմէ բարձրացան անէծքի ու զայրոյթի աշզականներ :

Եւրոպոյի թէ Ամերիկայի բոլոր թերթերը — ի բաց առեալ Երլարզէն վարձուածները — մաս մաս սկսան հրատարակել Սասունեան Արհաւիրքին քստմնելի դըրւագները : Հրապարակներուն վրայ, մեծ պողոտաներու պատերուն վրայ կը փակցուէին Սասունի այդ սոսկալի կոտորածին տեսարանները : Մատուլի էջերը կը գրաւուէին սեւ շրջանակի մէջ առնուած կարմիր լուսանկարներովը թալաններուն, հրդեհներուն, փողոտումներուն, բոլոր հրէշային ոճիրներուն որոնք գործուածէին հոն, Սասունի սահմաններուն մէջ...:

Տիեզերական խղճմտանքը զայրացած էր Ապտիւլ Համիտի, այդ չարաշուք Ոճրագործին դէմ, որ, բաղդին անգութ հեգնանքովը, յափշտակած էր Ֆաթիհներու փառաւոր Գահը...:

Խաչակրութիւն, խաչակրութիւն..., Այս որոտագին աղաղակը կը լսուէր Աղլանտեանի արեւելեան ու արեւմտեան եղերքներէն :

Ամերիկան ու Եւրոպան այս անգամ ձեռք ձեռքի

տուած, կը ս զառնային խումել արևելք, և պատիւներուն ամենէն խիստովը պատիւլ Ապտիւլ Համբա կոչւած Թագակիր Մարդասպանը :

Ժողովուրդները՝ Սասունի Արիւնին գինը պահտնաշած էին Եւրոպայի Մեծ Տէրութիւններէն, որոնք կը փորձէին իրենց անխաստովանելի շահերուն զահել դարերու մարտիրսս ժողովուրդ մը, որ հարիւրաւոր հաղարշներով զահեր տալով՝ հաղիւ յաջողած էր պահպանել իր ինքնուրոյն գոյութիւնը, անհետացած իր երբեմնի դըրացի վաղեմի ցեղերուն — Բարեկացի, Ասորեսատանցի, Քաղղէացի, Պարթևեւ, Ազուան ու Փիւնիկեցի — քով, իբր թումբ ծառայելով արեւելքէն արեւմուտք արշաւող բաշրարսական հեղեղներուն, որոնք ողողած էին բռվանդակ Եւրոպան :

Սակայն Եւրոպան, որմէ հաշիւ կը պահանջէին ժողովուրդները, Ապտիւլ Համբաի դէմ անզօր կը զգարինքինք վճռական գործողութեան մը ուարագային, որովհետեւ, սոսկալի՛ ճշմարտութիւն, իր թագակիր գրլուխներէն մէկ երկուքը մեղսակիցներ, պաշտպաննե՛րն էին անոր, անիծապարտ եղբայրակցութեան մը մէջ . . . :

Թողով որ քաղաքական աշխարհը ցնցուի, և ժողովուրդները յուզուի Սասունի Եւրոպական Յանձնաժողովին Տեղեկագրէն, որուն ամբողջական հրատարակութիւնը պիւնը պիտի դնենք առաջիկային, անցնինք Յ. Դրան շրջանակիներուն մէջ, հասկնալու համար թէ՝ Եւրոպայէն հասած այս ո՛չ-պաշտօնական թէ պաշտօնական բողոքներուն հանդէպ ի՞նչ կը զգայ և ի՞նչ կը խորհի քնկէ Ապտիւլ Համբաի կառավարութիւնը :

Երեք Մեծ Տէրութեանց դեսպանները, ինչպէս յիշւցաւ, Մայիս Ալին Բ. Դրան ներկայացուցած էին Ժանօթ Յիշատակագրին հետ կցուած Հայկական Նահանգ-

ներու Բարենորոգումներու Նախագիծը, իբրեւ հետեւանք Սասունեան Արհաւիրքին:

Նոյն օրը նախարարները Երլարզ հրաւիրուած էին արտասովոր նիստի, Ապահով Համբատի Նախագահութեան տակ:

Նախագահը, հակառակ օրուան Մեծ Պէպին, այն է, ներկայացուած լես դանական Ծրագրին, սովորականէն շատ աւելի զուարժէ կ'երեւար: Նիստը բացուհետեսալ յայտարարութեամբ.

— Իմ մեծաշուշք վեղիս, իմ վաեմաշուշք նախարարներս, այսօր կայսրութեանս չէնքին դէմ օտար հովեր կը փշեն արեւմուտքէն. Եւրոպան, իմն գլուխ ունենալով Անգլիան, որուն պոչէն կախուած են Ֆըրանուան ու Ռուսիան, կ'ուզէ սեղմել, նեղ շրջանակի մը մէջ առնել Խալիֆայի հեղինակութիւնս, լայնածաւալ կայսրութեանս մարմինէն ուզելով անջատել կարեւոր անդամ մը, թերեւս ոհրաբը, այն անիծեալ նահանգները, որոնց անունը չեմ ուզեր կրկնել հսո...

Ոտքի ելած, երկու ձեռքերը չփշիելով ու գլուխը շարժելով.

— Գիտէ՞ք, ի՞նչ կ'ուզէ Եւրոպան, չարունակեց միեւնոյն դօնով, դառնալով նախարարներուն, մասնաւորագէս Արտաքին Գործերու նախարարի խորհրդական Տատեան Արթին բաշային, որ նոյն օրը յատկապէս հըրաւիրուած էր Թուրիսան բաշային հետ միասին մասնակցելու ժողովին, գիտէ՞ք ի՞նչ կ'ուզէ ինչ Եւրոպան...,

Նախարարները լուռ ու արտում, կը կախուեին Հիւնքեարի շրթունքէն:

— Եւրոպան, շարունակեց Ապահով Համբատ, կ'ուզէ որ կայսերական իշխանութիւնս բաժնեմ բայաներուս,

Հայերուն, սա երէկուան մաքսի բեռնակիրներուն հետ,  
ի՞նչ կ'ըսէք :

Նախարարները շուրարած, կը շարունակէին պահել իրենց նոյն ցուրտ լուսթիւնը, նոյն խորհրդաւոր դիրքը, անշարժ արձաններու պէս :

— Բայց ի՞նչո՞ւ չէք խօսիր, ձայնը բարձրացուց Հիւնքեարը, չը խօսի՞ք, ի՞նչ կ'ըսէք, Եւրոպական Պուլկարիայէն ետքը ստեղծե՞նք ուրիշ... Ասիական Պուլկարիա մը, կը հասկնաք անշուշտ թէ ի նչ ըսել կ'ուզեմ,

Եւ սակայն նոյն ցուրտ, նոյն խորհրդաւոր լուսթիւնը կը տեւէր տակաւին, նաևարարներէն ո՛չ մէկը համարձակելով բանալ իր բերանը :

Նոյն պահուն Երլարզի Ա., Քարտուղար Թահափին բաշան երեւցաւ կայսերական դահլիճի սեմին վրայ :

— Ի՞նչ կայ, ի՞նչ, հարցուց Համիտ յուզուած :

— Վեհափառ տէր, թոթովեց Թահափին, միշտ պահելով ստրուկի վեհերուտ դիրքը, սեմին վրայ կեցած անշարժ, Արտաքին գործերու նախարարի խորհրդակա-

— Ով կ'ուզէ, հարցուց Համիտ :

— Անգլիական մեծ դեսպանին Ա. թարգմանը, Վեհափառ տէր, պատասխանեց Թահափին :

— Արթի՛ն բաշա, դարձաւ ըսաւ Համիտ, գնանայինք ի՞նչ կայ նոր :

Ա. Տատեան դուրս ելաւ Թահափինի հետ ու գրեթէ հինգ վայրկեանէն վերադարձաւ :

— Ի՞նչ է եղեր, հարցուց Հիւնքեարը, ի՞նչ կ'ուզէ անգլիական դեսպանը :

— Վեհափառ տէր, կմկմաց Տատեան, Բ. Դրան ներկայացուած Բարենորոգումներու Ծրագիրը կայսե-

բական կառավարութեան բարձր նկատառման յանձնելով անգամ մըն ալ, այսօր Լոնտոննէն հասած հրահանգի մը համաձայն, մեծ դեսպանը, միւս երկու մեծ տէրութեանց, Փրանսական ու ռուսական դեսպաններուն հետ համախորհուրդ, կը պահանջէ որ մինչեւ վաղը հաղորդուի պաշտօնական պատասխանը, ընդունուելու կամ մերժուելու պարագային :

Բոլոր նախարարները, Մեծ Եպարքոսնէն սկսեալ, սառած միացին Տատեանի այս անսպասելի յայտարարութենէն : Ապահով համիտ միայն, պահելով գէթ արտաքուստ իր մտքի հանդարտութիւնը,

— Ե՛ . ըստ ընքուիներու հեգնոտ պռաստումով մը, եթէ մինչեւ վաղը չհաղորդուի պատասխանը, կամ ե՞ւ մերժենք ծրագիրը, ի՞նչ պիտի ընեն, առ ալ չը յայտնե՞ց . . .

Տատեան լոեց :

— Զես խօսիր, Արթին բաշա, բան մը չը խօսեցա՞ւ այդ մասին անգլիական դեսպանին թարգմանը :

— Ո՛չ, Վեհափառ տէր, յարեց Տատեան, միայն յիշեցուց ու կրկնեց թէ՛ երեք մեծ տէրութիւնները մինչեւ վաղը կը սպասեն պաշտօնական պատասխանին :

— Լսեցիք, չարունակեց Համիտ, երեք մեծ տէրութիւնները մինչեւ վաղը պայմանագամ կուտան, ի՞նչ պիտի պատասխանուի, և

— Վեհափառ տէր, ընդմիջեց Մեծ-Եպարքոսը, պատասխանը պատրաստ է, արդէն կայսերական կուտավարութեան երկիրներուն ընդհանուր Բարենորոգումներու հարցը նոր հարց մը չէ, Զեր Վեհափառութեան երշաբայիշափակ Հօր շնորհած Թէրմանին մէջ ամէն բան կայ. եթէ ինձի մնայ, պէտք է այսօրուընէ հաղորդուի կառավարութեան պատասխանը.

— Ի՞նչպէս, հարցուց Հիւնքեարը :

— Առանց այս նոր Բարենորոգումներու ծրագիրը յիշելու, յայտաբարել թէ՝ օսմաննեան կայսերական կառավարութիւնը, կէս դար առաջ, կայսերական ֆերմաններով ժացուցած է իր երկիրներուն մէջ ընդարձակ Բարենորոգումներ և թէ՝ պէտք է իրն ժամանակամիջոց և դիւրութիւն արուի, զանոնք գործադրել կարենալու համար : Ենտեղ պէտք է մասնաւորապէս Հնչակեաններուն ծայրայնզութիւնները, որոնք ժողովուրդին մոլեւանդութիւնը կը գրգռն և կը գժուարացնեն ունոյնիսկ կ'արգիլեն այդ Բարենորոգումներու գործադրութիւնը :

Մեծ Եպարքոսին յայտաբարութիւնները խորունկ արպաւորութիւն մը գործեցին միւս նախարարներուն վրայ : Միայն Տատեան, արտաքին գործերու նախարարին հայ խորհրդականնը, քմծիծազով մը շաւրչը կը պարացընէր խորհրդաւոր նայուածքներ, որոնք սահայն չէին վրիպէր Ա. զտիւլ Համբարի տեսութենէն :

Սրթին բաշտ, յարեց Հիւնքեարը, այս խնդիրը Հայերուն խնդիրն է, գուն ինչո՞ւ չես խօսիր, ինչ կը խորհիս .

— Վեհափառ տէր, ըստ Տատեան, իրեն սովորական լուրջ դէմքով մը, ևս Մեծ Եպարքոս բաշային պէս չեմ խօրհրդ, խնդիրը շատ փափուկ է կարծեմ . Բ. Դուռը չկրնար մեծ դեսպանները գուացնել այդ առաջարկուած պատասխանով, քանիզարի Ֆերմանէն ետքը՝ Պէտինի Յարդ յօդուած ծր կայ, և այս յօդուած ծէկ հաքը՝ նոր Բարենորոգումներու Ծրագիրը . . . : Բ. Դուռը պարտաւոր է այս վերջինին պատասխաննել մինչեւ վաղը :

Դարձեալ տիրեց խորհրդաւոր լռութիւն մը :

Հիւնքեարը լարուած ուշադրութեամբ մը կը կշռէր Տատեանի արտասանած բառերը, Մեծ Եպարքոսին խիստ զիմագծերը ծամածռութիւններ կը ստանային, իսկ մըւս նախարարները, թիկնաթոռներու վրայ տեղաւորուած արձաններ, Տատեանի բերնէն կախուած կը մնային :

— Երեք Մեծ Տէրութիւնները, շարունակեց Տատեան, հետզհետէ աւելի լուրջ, հաւաքարար որոշած են գործել, միւս երեք Մեծ Տէրութիւնները, Երրեակ Զիշնակցութիւնը, ինչպէս կ'երեւայ, չեզոքութիւն պիտի պահն, գործելու ամէն ազատութիւն յանձնած ըլլալով առաջիններուն, հետեւարար, կացութիւնը կնճռոտ է և վայրկեանի՝ քննադատական։ Օսմանեան յաւերժական կայսրութեան ճակատագիրը կախում ունի Բ. Դրան տալիք պատասխանէն։ Իմ խոնարհ կարծիքով, Վեհափառական Տէր, մէկ ելք կը տեսնեմ այս լարիւրինթոսէն դուրս ելլել կարենալու համար։

— Խօսէ՛, խօսէ՛, ընդմրջեց Հիւնքեարը, պարզէ՛ միտքդ։

— Վեհափառական Տէր, ըստ Տատեան, սգեւորուած շեշտով մը, Սասուն դրկուած եւրոպական Քննիչ Յանձնաժողովին Տեղեկագիրը մնե յուզում յառաջ բերած է բալոր եւրոպական դահլիճներուն մէջ։ Մեր երկիրը վրտանգաւոր փուլի մը մէջէն կ'անցնի այս պահուս։ Բ. Դուռը, եթէ Զեր Վեհափառութիւնը յարմար գտնէ, պէտք է երեք մնե դեսպաններու հաւաքարար Յիշատակագիրը լրջօրէն նկատի առնէ և համառօտ, բայց վրտանգութիւն ներշնչող պատասխանով մը խոսանայ այս Ծրագրին մէջ նշանակուած բարենորոզումները գործադրելու միջոցներուն վրայ անմիջապէս բանակցութեան մտնել իրենց հետ։ Ահա՛ իմ կարծիքս։

— Շատ լաւ, յարեց Համիտ, խոստանա՞նք, առավ բան մը կորսնցուցած չենք րլլար, անյափէս չէ . . . :

Նախարարները, բաց ի Մեծ Եպարքոսէն, որ արդէն անհաշտելի հակառակորդը կը ճանչցուեր Տատեանի, իրենց լուսթեամբ հաստատեցին իրենց համամտութիւնը՝ Արտօքին Գործերու նախարարի հայ խորհրդականին կարծիքին :

Իսկ Ապտիւլ Համիտ, Տատեանի վարանու կերպերուն տակ ուրիշ գաղտնիքներ ալ ընդուժարելով, դարձաւ անոր ու ըստաւ.

— Արթի՛ն բաշա, շատ աղեկ, քու բաածիդ պէս կ'ընենք, պաշտօնագէս կը պատասխանուի մինչեւ վազը, ասիկա լմնցաւ, ուրիշ ինչ բսելիք ունիս :

— Այս՝ Վեհափա՛ռ Տէ՛ր, յարեց Տատեան, կը յուսամ թէ մեծ դեսպանները գոն պիտի մնան այս պատասխանէն, բայց միեւնոյն ժամանակ, կը խորհիմ թէ՛ Զեր Վեհափառութիւնը, իր անհուն գլութեան մէկ նոր ու փայլուն ապացոյցը տուած րլլալու . . . քէ վազուընէ՛ հրատարակուի մնացեալ բոլոր քաղաքական բանտառկեալներուն, աքսորականներուն ու բերդարգելներուն կայսերական բնդհանուր ներոււմը : Հաւատացէ՛ք, Վեհափա՛ռ Տէ՛ր, այդպիսի բարձր իւստէ մը՝ վայրկենապէս պիտի մոռցնել տայ հին ցաւերը, մանաւանդ պիտի գոցէ մեր Պատրիորքին բերանը, դեսպաններն ալ պիտի համակրանքով դիտեն կայսերական կառավարութեան այս գեղեցիկ արարքը . . . :

Ապտիւլ Համիտ խւրասուզուեցաւ, Տատեանի խօսքերը շատ թելադրից էին,

— Դուն ի՞նչ կ'ըսես, ըստ Մեծ Եպարքոսին,

— Աս բա՛ն մը չեմ գիտեր, մըթմրթաց Մեծ Եպարքոսը, Վեհափա՛ռ Տէ՛ր, աւելի լաւ չէ որ Տատ Օղլուին ձե՛ռքը յանձնէք մեր կառավարութեան սանձը . . .

— Սայի՞տ բաշա, Սայի՞տ բաշա, կշտամբեց Հիւնչ  
քեարը, հոս Տատ Օղլու չը կայ, արտաքին գործերու  
նախարարի խորհրդականը կայ հոս . . . :

Յետոյ, նախագահը փակեց արտասովոր նիստը:  
Մեծ Եպարքոսին հետ մեկնեցան բոլոր նախարարները:  
Տատեան Արթին բաշան միաց հոն, Ապտիւլ Հա-  
միտի նշանացի հրամանին վրայ:



ՅԱՐՈՒԹԻՒՆ ՓԱՇԱ ՏԱՅԵԱՆ  
(Արտաքին Գործոց նախարարի Խորհրդական)


## թթ.

Երբ Հիւնքեարը Տատեանի հետ առօնձին մնաց, մտելումական շարժուձեւով մը քալիկը նստեցուց զանի սկսաւ փաղաքչել.

— Արթի՛ն, կ'ըսէր բնտանի չեշտով մը, դիտե՛մ, Սայիտ բաշան քեզի չի՛ քաշեր, բայց դուն աչքս նայէ՛, անցընե՛նք անգամ մը ոս սեւ ժամը, վաղը պիտի տեսնես, ինչե՛ր, ինչե՛ր պիտի ընեմ քեզի, մի՛ պահեր ինէ, շիտակը խօսէ՛, եթէ ընդհանուր ներումը հրատարակեմ, իզմիրլեան Պատրիարքին բարկութիւնը կ'իջնա՞յ:

— Ինչ կ'ըսէք, Վեհափա՛ռ աէր, յարեց Տատեան, Իզմիրլեան Պատրիարքը սրբուած ու յարգուած անձնաւորութիւն մըն է Պոլսայ դիւանագիտական բոլոր շրջանակներուն մէջ, աւելի՛ն կայ, թէ՛ մայրաքաղաքի և թէ՛ գաւառներու հայ ժաղսվուրդէն կը պաշտուի՛, հետեւորար, պէտք չէ՛ զինը ծայրայելութեան մզել. եթէ Ընդհանուր ներումի կայսերական բարձր իրաշեն հրատարակուի և անմիջապէս արձակուին բոլոր քաղաքական դատապարտեալները, հաւատացէ՛ք, Վեհափառ Տէր, ամբողջ հայ ազգը կը զինովեայ ցնծութենէն: Գալով մեծ դեսպաններու ներկայացուցած Բարենորոգումներու Ծրագրին, ասոր վրայ խորհելու երկա՛ր ժամանակ՝ կայ տակաւին:

— Ախ, մոլտաց Համիտ, ինչ րոեմ այն ներսէս Պատրիարքին, որ Հայկական Հարցի մը փորձանքը փաթթեց գլխուտ, այդ անիծեամ Խասպեղցին թաղեցինք, բայց ինչ օգուտ, Խասպեղցիին յաջորդեց Գում Գարուցին, Իզմիրլեան Պատրիարքը, որ ճի՛շդ ներսէսին քիթէն ինկած է....:



— Վեհափառ Տէր, յարեց Տատեսն համարձակ շեշտով մը, ներեցէք, Հայկական Հարցը՝ նոր հարց մը չէ, օսմաննեան մեծազօր կայսրութեան գոյութեան հետ կապ ունի ան: Եթէ սա վերջին դէպքերը տեղի ունեցած չըլլային, չը պիտի վերաբարձուէր այդ հարցը...  
— Ա՞ր դէպքերը, հարցուց համիտ.

— Սասունի Թէպքը, Վեհափառ Տէր, պատասխանեց Տատեսն, այլապէս, Եւրոպան ինչո՞ւ պիտի միշտաէր կայսրութեան ներքին գործերուն...:

Ազափւլ Համիտ կը խնդար մտալի Տատեսնի վրայ: Ինքինք շուարած կը կեզծէր կացութեան առջեւ, սակայն, թերեւս Տատեսնէն աւելի համոզուած էր թէ՛ Ռուսիոյ Վեհափառ Ցարը, իր Օգոստափառ Եղայլը, որուն ուզգած էր ժամանակին ինքնագիր նամակ մը մեծ դեսպան Պ. Նելիտօֆի ձեռքով, վերջին պահուն պաղ ջուր մը պիտի լցնէր Անդլիոյ գլխուն, ետ քաշւելով համաձայնութենէն:

Մտերմական տեսակցութիւնը աևեց այսպէս մէկ ժամէն աւելի:

Նոյն օրը Տատեսն լիաբուռն վերադարձաւ Երլարդէն Պէշիկթաշի իր բնակարանը, ուր կը սպասէր իրեն բրիտանական մեծ դեսպանին առաջին թարգմանը:







24292  
24293